

საქართველოს სსრ მეცნიერებათა აკადემია

დ. უზნაძის სახელობის ფსიქოლოგიის, ინსტიტუტი

ერეკლე აბაშიძე

ჰერსონალისტური ფსიქოლოგია

(ვ. შტერნი)

საქართველოს სსრ მეცნიერებათა აკადემიის გამომცემლობა

თბილისი — 1962

ერეკლე აბაშიძის მონოგრაფია წარმოადგენს «კრიტიკული პერსონალიზმისა» და პერსონალისტური ფსიქოლოგიის ფუძემდებლის ვილიამ შტერნის ფართოდ ცნობილი ფსიქოლოგიური კონცეფციის სისტემატურ გადმოცემასა და საფუძვლიან კრიტიკულ განხილვას. ნაშრომში განსაკუთრებულ ყურადღება ეთმობა «რეალური» ფსიქოლოგიის აგებისათვის პიროვნების ცნების მნიშვნელობის პრობლემას. ვ. შტერნის პიროვნების პერსონალისტური თეორიის ყოველმხრივი კრიტიკის შედეგად ავტორი იმ დასკვნამდე მიდის, რომ ამ თეორიის დადებითი ელემენტების რაციონალური გამოყენება შესაძლებელია მხოლოდ დ. უზნაძის განწყობის ფსიქოლოგიის პრინციპების საფუძველზე.

წინასიტყვაობა

პერსონალისტური ფსიქოლოგია ისეთ ფსიქოლოგიურ მოძღვრებას ეწოდება, რომელიც ფსიქიკურის სუბიექტად მთლიან პიროვნებას აღიარებს. მსოფლიო ფსიქოლოგიის ისტორიაში პირველად ვილიამ შტერნმა ჩაუყარა საფუძველი ამგვარ მოძღვრებას და, ამიტომ, „პერსონალისტური ფსიქოლოგია“ ყველას მიერ ვ. შტერნის ფსიქოლოგიური მოძღვრების საკუთარ სახელად იყო უსიტყვოდ მიიწოდებული. ეს ვარაუდობა უკვე სამყოფია იმისთვის, რომ თანამედროვე ფსიქოლოგიის მრავალ მოძღვრებათა შორის ვ. შტერნის მოძღვრებასაც მისი წვლილი უურადღება დაეთმოს. მაგრამ ქართული ფსიქოლოგიისათვის ვ. შტერნის პერსონალისტური ფსიქოლოგია სრულიად განსაკუთრებული ინტერესის საგანიცაა. ეს ინტერესი იმითაა გამოწვეული, რომ ქართული ფსიქოლოგია თითოეულ ძირითადად, პერსონალისტურია. თითქმის ოცი წლის წინ აკადემიკოსმა დიმიტრი უზნაძემ საფუძველი ჩაუყარა ფსიქოლოგიის ახალ მიმართულებას, რომელიც დღეს განწყობის ფსიქოლოგიის სახელით არის ცნობილი. ფართო და ღრმა ექსპერიმენტული და თეორიული კვლევის შედეგად, რომელსაც აწარმოებდა აკად. დიმიტრი უზნაძე თავისი მოწაფეების დახმარებით. შესაძლებელი გახდა ფსიქოლოგიის ყველა ძირითადი პრობლემის გადასინჯვა განწყობის თეორიის თვალსაზრისით და ამ თეორიის საფუძველზე ფსიქოლოგიის სისტემის აგება, სისტემისა, რომელიც საბჭოთა ფსიქოლოგიის მუშაკების მიერ ერთხმად აღიარებულია მოწინავე ფსიქოლოგიურ მოძღვრებად¹. განწყობის ფსიქოლოგია პერსონალისტური ფსიქოლოგიაა და გასაგებია მისი ინტერესი ვ. შტერნის მოძღვრებისადმი, როგორც

¹ პედაგოგიურ მეც. ჩრულიად საქ. კონფერენციის ანაგარიში, აპრილი, 1941, მოსკოვი.

პერსონალისტური ფსიქოლოგიის სისტემის აგების პირველი ცდი-სადმი.

პერსონალისტურ საფუძველზე ფსიქოლოგიის აგება ვ. შტერ-ნმა ჩვენი საუკუნის დამდეგს დაიწყო და 1935 წ. დაასრულა თავი-დანვე თავის სამეცნიერო მოღვაწეობის ამოცანად დასახული საქმე, ზოგადი ფსიქოლოგიის კურსის გამოქვეყნებით. ვ. შტერნს თავი-სი მოძღვრება სავსებით ორიგინალურად მიაჩნია. ნაწილობრივ ეს მართლაც ასეა, მაგრამ ეს არ ნიშნავს, რომ პერსონალისტური პრინ-ციპები „არარადან“ გაჩნდა. ე. წ. „პერსონალისტური ფსიქოლო-გია“ სავსებით კანონზომიერი მოვლენაა ფსიქოლოგიური აზროვ-ნების განვითარებაში. მისი პოპულარულობის ერთ-ერთი მიზეზიც სწორედ ისაა, რომ მასში განხორციელდა და ჩამოყალიბდა პერსო-ნალისტური ტენდენციები, რომლებითაც გაქვნილი იყო ფსიქო-ლოგიური ატმოსფერო მეოცე საუკუნის დამდეგიდან.

ვ. შტერნის ფსიქოლოგიური მოძღვრების საფუძვლიანი შეს-წავლა ჯერ არავის უცდია. ეს შეიძლება იმით აიხსნას, რომ ვ. შტერნი ჩვენი თანამედროვეა (1871—1938) და ჯერ ნადრევი და ძნელია „ისტორიულ პერსპექტივაში“ მისი დანახვა; ან — იმ უცნა-ური გარემოებით, რომ მიუხედავად მისი მოძღვრების ფართო პო-პულარულობისა, მას „მემკვიდრე“ არ დარჩენია: მას არ შეუქმნია ფსიქოლოგიური სკოლა, სიტყვის ჩვეულებრივი მნიშვნელობით. ასეა თუ ისე, მსოფლიო ფსიქოლოგიურ ლიტერატურაში მე არ შეგულება „პერსონალისტური ფსიქოლოგიის“ საფუძვლიანი გამო-კვლევა. ქართული ფსიქოლოგიისათვის ვ. შტერნის ფსიქოლოგიური მოძღვრება როგორც ვთქვი საგანგებო ინტერესის საგანია და ბუ-ნებრივია, რომ მისი შესწავლის ინიციატივა აკად. დიმიტრი უზნა-ძისგან მომდინარეობდეს. ეს საქმე მე ვიკისრე და წინამდებარე შრომა ამ შესწავლის ნაყოფია.

შრომის შესავალში, სულ მოკლედ, განვიხილე ფსიქოლოგიის განვითარების ძირითადი ტენდენციები იმისთვის, რომ ნათელი გახდეს ვ. შტერნის მოძღვრების ადგილი ფსიქოლოგიის ისტორი-აში.

შრომის პირველ ნაწილში მოცემულია მოძღვრების დალაგება შეძლებისდაგვარად ხელსაყრელად მისი ავტორისთვის: სახელ-დობრ, ნაცადია ავტორის თვალსაზრისის ღირსებათა ნათელყოფა ფსიქოლოგიის საკითხების განხილვისთვის. ამ ნაწილში მოცემუ-

ლია მხოლოდ ის, რაც მთავარი და არსებითია პერსონალისტური ფსიქოლოგიისთვის და ნაცადია მისი იმგვარად მოცემა, რომ ამ ნაწილის წაკითხვა სამყოფი იყოს ვ. შტერნის მოძღვრების გასაცნობად.

შრომის მეორე ნაწილში კრიტიკული თვალითაა განხილული ვ. შტერნის ფსიქოლოგიური მოძღვრება. მაგრამ ეს უკანასკნელო ხომ სისტემაა ფსიქოლოგიისა და, ამდენად, მის ამომწურავად განხილვისათვის ფსიქოლოგიის ყველა პრობლემის განხილვა იქნებოდა საჭირო, რაც იმგვარ შრომაში, როგორცაა წინამდებარე ჩემი შრომა, სრულიად შეუძლებელია. ამიტომ მე მხოლოდ ის პრობლემები განვიხილე, რომლებიც განუყრგლადაა დაკავშირებული ჩემთვის ძირითად საკითხთან: რამდენად არის ვ. შტერნის ფსიქოლოგიური მოძღვრება კემპარიტად პერსონალისტური ფსიქოლოგიის დამაკმაყოფილებელი სისტემა?

შ მ ს ა ვ ა ლ ი

ფსიქოლოგიის ისტორიაში ვილიამ შტერნის პერსონალისტურა ფსიქოლოგიის ადგილისა და როლის გასარკვევად საჭიროა ფსიქოლოგიის განვითარების ძირითადი ტენდენციებისა და გზების ზოგადად გათვალისწინება. უწინარეს ყოვლისა საჭიროა ფსიქოლოგიის ფილოსოფიასთან ურთიერთობის ისტორიის გათვალისწინება და ვ. შტერნის მიერ ამ ურთიერთობის საკითხის გადაწყვეტის გაცნობა.

ფსიქოლოგიის, როგორც ფილოსოფიისგან დამოუკიდებელი მეცნიერების, ისტორია აწყება არისტოტელის ტრაქტატით სულის შესახებ. მასში პირველადაა მოცემული საკუთრივ ფსიქოლოგიური პრობლემატიკის სისტემატურად მეცნიერულად დამუშავების ცდა. არისტოტელის შემდეგ სულის ბუნებისა და სულიერ მოვლენათა კანონზომიერების შესწავლა ცოდნის დამოუკიდებელ დარგად რჩება, მაგრამ მეცნიერების ეს დარგი, საუკუნეების განმავლობაში, მაინც, სხვა დარგებზე უფრო მჭიდრო კავშირს ინარჩუნებს ფილოსოფიასთან.

მე-19 საუკუნეში ფსიქოლოგია განსაკუთრებით მჭიდროდ უკავშირდება ბუნებისმეტყველებას, რომელიც ამ დროს არნახული ტემპებით ვითარდება. ბუნებისმეტყველების აყვავებით მოხიბლული ფსიქოლოგია ცდილობს გაჰყვეს მის კვალს: სესხულობს მისგან მეთოდებს, პრინციპებს და ლამობს თავადაც საბუნებისმეტყველო მეცნიერებად იქცეს. ფილოსოფია დაეიწყება ეძლევა. მე-19 საუკუნის ფსიქოლოგია, არსებითად, საბუნებისმეტყველო, თუ შეიძლება ასე ითქვას, შეგნებულად „აფილოსოფიური“ მეცნიერებაა. ეს ტენდენცია მას მე-20 საუკუნეშიც გამოჰყვა. ბიპევიორიზმში და რეფლექსოლოგიაში განსაკუთრებით მკაფიოდაა წარმოდგე-

ნილი ბუნებისმეტყველური ტენდენცია. მაგრამ ჩვენს საუკუნეში ეს აღარაა ერთადერთი ტენდენცია, რომელიც ფლობს ფსიქოლოგიურ აზროვნებას. მე-20 საუკუნე იგივეა ფსიქოლოგიისათვის, რაც ბუნებისმეტყველებისათვის მე-19 საუკუნე იყო. მართალია, ფსიქოლოგიის კრიზისის საკითხი სწორედ მე-20 საუკუნეში დგება, მაგრამ ეს კრიზისი არაა გამოუვალ ჩიხში მომწყვდევა, არამედ, უფრო მეტად, ფსიქოლოგიური პორიზონტების სწრაფად გაფართოება, რის გამოც ფსიქოლოგია ერთხანს ორიენტაციას კარგავს. ამ ხანში იქმნება უამრავი მიმართულება ფსიქოლოგიაში და მათ შორის — პერსონალისტური მიმართულებაც. მისი ავტორი, ელიამ შტერნი, შეგნებულად და მედგრად იბრძვის ფსიქოლოგიის კავშირის აღსადგენად ფილოსოფიასთან. მისი თქმით, „ფსიქოლოგები ანგარიშს არ უწყვენ ფილოსოფიას და ამით აიხსნება ის გარემოება, რომ სულიერ მოვლენათა ზუსტი კვლევის წარმატების მიუხედავად, დღეს ჩვერაც არ მოგვეპოვება ერთიანი ფსიქოლოგია“². ავტორისათვის მდგომარეობას ართულებს და ამძიმებს ის, რომ წინამორბედ კულტურას არ გააჩნია ფილოსოფიური მსოფლმხედველობა. ამიტომ ავტორმა მისი შექმნაც იკისრა და შექმნა კრიტიკული პერსონალიზმის მსოფლმხედველობა. ავტორას რწმენით, მხოლოდ მას შეუძლია მოგვეცეს თვალსაზრისი და ნიადაგი ფსიქოლოგიის სისტემის ასაგებად. „მეცნიერული ფსიქოლოგია და პერსონალისტური ფილოსოფია არამტუ უცხო და ინდიფერენტული არ არიან ერთმანეთისათვის, არამედ, უდაოდ, არსებითად არიან ურთიერთთან დაკავშირებულნი“³, ამბობს იგი. მაგრამ გარეგნულად იმდენად „ანტიფსიქოლოგისტურად“ ეჩვენება ავტორს საკუთარი მსოფლმხედველობა, რომ საგანგებო ამოცანად ისახავს ხედის გადებას „ფსიქოლოგიის ნაყოფიერი ყანისა და ფილოსოფიური პერსონალიზმის ციკაბო ნაპირის შორის“⁴. ხედის გადება ერთდროულად უნდა მოხდეს ორივე მხრიდან. ფსიქოლოგიის ნაპირიდან ამ ამოცანის შესრულება ეკისრება „Die Psychologie und der Personalismus“-ს, ფილოსოფიის

² 9,2. პირველი რიცხვი მიუთითებს წიგნის დართული სიის მიხედვით, მეორე — აღნიშნულა წიგნის გვერდს, რომლიდანაც აღებულია ციტატა.

³ 9, 3.

⁴ 9, 4.

ნაპირიდან—ფილოსოფიური სამტომეულის „Person und Sache“ მეორე ანუ — როგორც ავტორი იტყობდა — ცენტრალურ ტომს ქვესათურით: „Die menschliche Persönlichkeit“. რამდენად შესძლო ვ. შტერნმა ამ ამოცანის შესრულება? -- ვ. შტერნის მკვლევარების აზრით, პერსონალისტურ ფსიქოლოგიას, გარდა სხვა ღირსებებისა, ერთი დამატებითი ღირსებაც აქვს — „მტკიცე და მკაფიო შერწყმულობა ავტორისავე მეტაფიზიკურსა და ეთიკურ ფილოსოფიასთან“⁵, ე. ი. პერსონალისტურ მსოფლმხედველობასთან. რამდენად ხელსაყრელი აღმოჩნდა ფსიქოლოგიისათვის ასეთი შერწყმა? — ამ კითხვაზე მხოლოდ პერსონალისტური ფსიქოლოგიის რაობის გულდასმით განხილვა მოგვცემს პასუხს. ეს კითხვა წინამდებარე შრომის მთავარი საკითხია და ამიტომ აქ მასზე პასუხის გაცემა არ იქნებოდა გამართლებული. აქ მხოლოდ იმას მინდა მივაქციო ყურადღება, რომ ვ. შტერნისათვის ფსიქოლოგია არაა იზოლირებული მეცნიერება, არამედ ერთ-ერთი ძირითადი ფილოსოფიური დისციპლინა. ავტორს არ აკმაყოფილებს კერძო პრობლემების განხილვა, არამედ იგი, უწინარეს ყოვლისა, ესწრაფვის ფსიქოლოგიის პრობლემების სისტემად გაერთიანებას და ამ უკანასკნელის ქეშმარიტად უნივერსალურ დასაბუთებას⁶. ვ. შტერნის ურყევი რწმენაა ფსიქოლოგიის არსებითი კავშირი ფილოსოფიასთან, ფსიქოლოგიის — მეტაფიზიკით საფუძველდების აუცილებლობა. ფილოსოფიასთან ფსიქოლოგიის ურთიერთობის საკითხი ვ. შტერნისათვის მკაფიოა და გადაჭრილი მათი უმჭიდროესი კავშირის, ურთიერთგამსჭვალვის სასარგებლოდ. ამით არაა აღდგენილი არისტოტელის წინააღმდეგობა, რადგან მაშინ ეს კავშირი პირობადებული იყო ფსიქოლოგიის პრობლემატიკის არ-გაცნობიერებით, გამოწვეული იყო იმით, რომ ფსიქოლოგიას არ გააჩნდა საკუთარი საკვლევი საგანი. ვ. შტერნისათვის სავსებით გარკვეულია ფსიქოლოგიის საგანი. ესაა განცდა, რომელთანაც, როგორც ასეთთან, ფილოსოფიას არა აქვს საქმე. მაგრამ, ემპირისტული ორიენტაციის ფსიქოლოგებისგან განსხვავებით, მისთვის ფსიქოლოგია ვერ

⁵ Allport G. W., „...an added virtue that it (the personalistic psychology of W. Stern) possessis, is it firm and explicit anchorage in the author's own metaphysical and ethical philosophy“, გვ. 231.

⁶ Cassirer E., William Stern, გვ. 11.

ეტევა მხოლოდ ფენომენურ სამკვიდროში, არამედ იძულებულია გასცდეს მის საზღვრებს, რათა შესძლოს განცდის კანონზომიერებათა დადგენა. საბოლოოდ, ფსიქოლოგია მხოლოდ პიროვნებაში ნახავს განცდების წარმმართველი კანონზომიერების საწყისს. თვით ადამიანის პიროვნება, ისევე როგორც ზოგადად პერსონა, ფსიქოლოგიის კომპენტენციის გარეშე დგას. მისი რაობისა და ბუნების შესწავლა ფილოსოფიის საქმეა. იგი პერსონალისტური მსოფლმხედველობის ძირითადი ცნებაა. ამრიგად, ვ. შტერნისათვის სრულიად აუცილებელია ფსიქოლოგიის კავშირი ფილოსოფიასთან. სახელდობრ — პერსონალისტურ ფილოსოფიასთან, რადგან, ავტორის აზრით, მხოლოდ ამ ფილოსოფიას შეუძლია მტკიცე საფუძველი მისცეს თანამედროვე ფსიქოლოგიას.

თუ მხედველობაში არ მივიღებთ ე. წ. მეტაფიზიკურ ფსიქოლოგიას, რომელიც ფაქტიურად „ფილოსოფიის მწვეალი“ იყო და არა დამოუკიდებელი მეცნიერება, — მთელ მომდევნო ფსიქოლოგიაში ვერ ვნახავთ ვერც ერთ სისტემას, თუ მიმდინარეობას, რომელსაც ისეთივე განუყოფელი კავშირი და „საქმიანი“ ერთიერთობა ჰქონდეს ფილოსოფიასთან, როგორც პერსონალისტურ ფსიქოლოგიას აქვს მისივე ავტორის მსოფლმხედველობასთან. პერსონალისტური ფსიქოლოგია ფსიქოლოგიისა და ფილოსოფიის განუყოფლობის ფაქტიური საბუთია.

ფსიქოლოგიის ისტორიაში ვ. შტერნის ადგილისა და როლის გასარკვევად საჭიროა, აგრეთვე, ფსიქოლოგიის ისტორიის მანძილზე ფსიქიკის სუბიექტის პრობლემის განვითარების გათვალისწინება და ვ. შტერნის მიერ ამ პრობლემის გადაწყვეტის გაცნობა.

მეტაფიზიკურ ფსიქოლოგიას ფსიქიკა სუბსტანციური სულის გამოვლენად მიაჩნდა. საგულისხმო გამოწაკლისს წარმოადგენს ფსიქოლოგიის „ოფიციალური ისტორიის“ დამწყები — არისტოტელი. თუმცა მისი ფსიქოლოგიური თხზულების სათაურია „სულის შესახებ“, თუმცა მას „ჰსურს განიხილოს და შეიცნოს სულის ბუნება და არსი. შემდეგ კი — ყველაფერი ის, რაც სულს ემართება“¹ მაგრამ კვლევის შედეგად იმ დასკვნამდე მიდის, რომ „როგორც ჩანს, ყოველს ის კი არ ვთქვათ, რომ სული ნანობს, ან სწავლობს, ან ფიქრობს, არამედ — რომ სულის მეოხებით ადამიანი ნანობს, სწავლობს, თუ

¹ Аристотель, О душе, 402 а.

ფიქრობს⁸. არისტოტელის ფსიქოლოგიური ნააზრევის მართებულად გაგება მხოლოდ მაშინ შეიძლება, თუ ვიგულისხმებთ, რომ ფსიქიკის სუბიექტი მისთვის, ფაქტიურად, მთლიანი ადამიანი ან ორგანიზმია და არა სული.

ცნობილია, რომ არისტოტელის მოძღვრება — ყოველ შემთხვევაში პიროვნების იდეა, როგორც ფსიქიკის სუბიექტისა. — არ იქნა გამოყენებული ფსიქოლოგიის მიერ და არც შეიძლებოდა გამოყენებული ყოფილიყო ქრისტიანული კულტურის გარემოში. საუკუნეების განმავლობაში ფსიქიკის სუბიექტად, ძირითადად, აბსტრაქტული მეტაფიზიკური სული რჩება. ასევე სულის გამოვლენად მიაჩნია ფსიქიკა დეკარტსაც. მაგრამ იგი უკვე იძულებულია ანგარიში გაუწიოს ფსიქიკაში „განფენილი სუბსტანციის“ მონაწილეობას. ცხოველების ქცევა კი მან სრულიადაც სულის მონაწილეობის გარეშე ახსნა და ამ თავისი მოძღვრებით ცხოველებს ქცევის შესახებ დასაბამი მისცა ქცევას მექანიკურ-მატერიალისტურ გაგებას, რაც ჩვენ ხანაში ბიპევიორიზმისა და რეფლექსოლოგიის სისტემების სახით განხორციელდა. ადამიანის შემთხვევაში მან ვერ შესძლო სულიერი სუბსტანციის მონაწილეობის უგულებელყოფა, მაგრამ, მეორე მხრივ, ვერ დაასაბუთა სულისა და სხეულის, მოაზროვნე და განფენილი სუბსტანციების ურთიერთზემოქმედება და გადაუქრელად უანდერძა მომდევნო საუკუნეებს ფსიქიკურისა და ფიზიკურის ურთიერთობის პრობლემა — ერთ-ერთ ძირითად პრობლემათაგანი ფსიქოლოგიისა. ეს — ცნობილი ამბავია. მე მინდა საქმის ვითარების მეორე მხარეს მივაქციო აქ ყურადღება, სახელდობრ — ფსიქიკის სუბიექტის პრობლემის მდგომარეობას დეკარტთან და, დეკარტის გავლენით, ამ პრობლემის ბედ-იღბლის მომდევნო განვითარებას.

დეკარტისათვის ფსიქიკის სუბიექტის საკითხი სავსებით გარკვეულია: იგი არის სულიერი სუბსტანცია, რომელიც არსებითად „განთავისუფლებულია“ ყველა სხვა ფუნქციისგან, გარდა აზროვნებისა, ანუ — დღევანდელი ფსიქოლოგიის ტერმინი რომ ვისმარო — გარდა ცნობიერებისა. და, მიუხედავად ამისა, დეკარტის დუალისტური სისტემა მნიშვნელოვან სტიმულად იქცა ფსიქიკის სუბიექტის არსებობის უარსაყოფად. რამდენადაც წარმატებით ახსნა

⁸ Аристотель, О душе, 408 в.

დეკარტმა ქეცვის მექანიკური კანონზომიერება, იმდენადვე ვერ შესძლო მან ადამიანის სიცოცხლეში სულიერი სუბსტანციის მონაწილეობის ჩვენება. იგი, ფაქტიურად, ფსიქიკის ეპიფენომენურობას ამტკიცებს. დეკარტის მომდევნო ფილოსოფია ვერ ურიგდება სუბსტანციურ დუალიზმს. მისი რღვევის საწყისიც უკვე თვით დეკარტის ფილოსოფიაშია მოცემული: ერთი მხრივ, ღმერთის ცნების სახით, მეორე მხრივ კი დამოუკიდებელ სუბსტანციათა ურთიერთზემოქმედების სახით: სუბსტანცია ვერ ითმენს ვერც უფრო მაღლა მდგომ სუბსტანციას და ვერც მეორე, თანამდებარე სუბსტანციის მხრივ ზეგავლენას. დეკარტის მოძღვრების ლოგიკური განვითარება, რაც, არსებითად, მისი უარყოფაა, ოკაზიონალიზმის სახითაა მოცემული. ფსიქოლოგიურ აზროვნებაზე განსაკუთრებული გავლენა მოახდინა კარტეზიანული ფილოსოფიის ნიადაგზე აღმოცენებული სპინოზას ფილოსოფიიდან გამომდინარე დებულებამ ღვთაების ორი ატრიბუტის: აზროვნებისა და განფენილობის პარალელიზმისამ. საგანთა და იდეათა თანრიგის იგივეობის აზრმა (*Ordo rerum idem est atque ordo idearum*) მტკიცედ გაიდგა ფესვები ახალ ფსიქოლოგიაში ფსიქოფიზიკური პარალელიზმის თეორიის სახით. ამ თეორიით, ფაქტიურად, უარყოფილი თუ არაა ფსიქიკის სუბსტანციის არსებობა, უგულვებლყოფილი მაინცაა იგი, რამდენადაც ეპიფენომენური ფსიქიკური სფეროს კვლევისთვის უშუალოდ არაა საჭირო სუბსტანციის ბუნების კვლევა.

ახალი ფსიქოლოგიის მიერ ფსიქიკის სუბიექტის უგულვებლყოფის მეორე, კიდევ უფრო ძლიერ ფესვს ინგლისური ემპირიული ფილოსოფია წარმოადგენს. მან პრინციპულად გაანთავისუფლა ფსიქოლოგია სუბსტანციის ცნებისაგან და შესაძლებლობა მისცა მას, ფსიქიკის ფენომენური მოცემულობის კვლევით დაკმაყოფილებულიყო. სუბსტანციის არსის კვლევა, მარბლაც, არაა მეცნიერების საქმე და, ამდენად, ემპირიზმის გავლენა ნაყოფიერი აღმოჩნდა. ფსიქოლოგიის განვითარებისათვის, რამდენადაც უცხო ამოცანის გადაჭრის ვალდებულება მოხსნა მას. ლოკისა და ბერკლის მიერ დაწყებული საქმე იუმმა დაასრულა სუბსტანციის სრული უარყოფით და, ასოციაციონისტური ფსიქოლოგიის პრინციპების შესატყვისად, ადამიანის „მე“-ც წარმოდგენათა უბრალო კონად გამოაცხადა. საკვლევ საგნად შეგარძნებები და წარმოდგენები

და მათი ყოფის კანონზომიერებალა დარჩა ფსიქოლოგიანს. სუბსტანციის არარსებობა მე-19 საუკუნეში ერთხელ კიდევ დაუდასტურა მას ფილოსოფიამ: ე. მახის პირით იგი დადადებს, რომ „სამყარო მხოლოდ და მხოლოდ ჩვენი შეგრძნებებისგან შესდგება“, რომლებიც იმდენად დაუყვანადია რაიმე სუბსტრატზე, რომ უმართებულოა, მაგ., გამოთქმა „მე ვფიქრობ“, ხოლო მართებული იქნებოდა ამ აზრის უპიროდ გამოთქმა, სახელდობრ, უნდა ითქვას: „ფიქრობს, ისევე, როგორც ითქმის: „ელავსო“⁹. „მე“-ს უარყოფა — ზოგადად სუბსტანციის უარყოფის კერძო შემთხვევას წარმოადგენს. ამგვარი ფილოსოფიის გავლენით „მეცნიერება სულის შესახებ“ ნამდვილად იქცა „უსულო მეცნიერებად“. ასეთი ფილოსოფიური საფუძველი სავსებით შეესატყვისება ასოციაციონისტურ ფსიქოლოგიას. პერბარტის „წარმოდგენათა მექანიკა“ საუკეთესო ნიმუშია ფსიქოლოგიური პრობლემების სუბსტანციის პრობლემის გარეშე გადაწყვეტისა.

ამრიგად, არისტოტელის შემდეგდროინდელი ფსიქოლოგიისათვის — ზოგადი ხაზებით რომ მოეხაზოთ — ფსიქიკურის სუბიექტი მეტაფიზიკური სულია. ინგლისური ფილოსოფიის დახმარებით მე-17 ს-დან ფსიქოლოგია თანდათან თავისუფლდება ფსიქიკის სუბიექტისგან და მე-19 ს-ში საბოლოოდ ღებულობს იმ სახეს, რომელიც მოსწრებულად „უსულო ფსიქოლოგიადაა“ კვალიფიკაციექმნილი.

ე. შტერნი ვერ ურიგდება ამ მდგომარეობას. მისთვის დაუშვებელია ფსიქოლოგიის ამოცანების შეზღუდვა მხოლოდ ფენომენების აღწერით, რაც ლოგიკურად გამომდინარეობს, ერთი მხრივ, სუბსტანციის უარყოფიდან, მეორე მხრივ კი — სუბსტანციის მიღების აუცილებლობიდან; ფსიქოლოგიისათვის აუცილებელი ხდება ფენომენტური სინამდვილის მიღმა რაღაც არსის დაშვება, განსაკუთრებით მას მერე, რაც ასოციაციის კანონები უქმარილა ხდება გაძლიერებული ფსიქოლოგიური ემპირიის მოსაწესრიგებლად. ფიზიოლოგიური ფსიქოლოგია, როგორც ასეთი, ფსიქიკის სუბსტრატის მონახვის აუცილებლობითაა შთაგონებული და მასში ფსიქოლოგიის „სტიქიური მატერიალიზმი“ პოულობს გამოსავალს. ფიზიოლოგიური ფსიქოლოგია ვერ წყვეტს ფსიქოლოგიის საკითხებს,

⁹ ვიარგებლე Boring, გვ. 391 და E. Wentscher, Das Ich als Seeleneinheit.

რადგან „სტიქიური“ მატერიალიზმი სამყოფი არაა მეცნიერების მატერიალისტურად საფუძველდებისთვის. ფიზიოლოგიური ფსიქოლოგიის მესვეურები იდეალისტურ ფილოსოფიასთან ცდილობენ ფსიქოლოგიის მორიგებას. ამიტომ, როგორცე საქმე ფაქტების დადასტურებასა და ფსიქიკურისა და ფიზიკურის კორელაციების დადგენას გასცდება და ფსიქიკურისა და ფიზიკურის არსებითს ურთიერთობას შეეხება, ფსიქოლოგიის წინაშე დგება მთელი თავისი საიდუმლოებით გადაულახავი ე. წ. ფსიქოფიზიკური პრობლემა. ვებერისა და ფეხნერის, პელმპოლცის, ი. მიულერის, ბროკსის და მრავალ სხვათა შემდეგ ფსიქოლოგიას აღარ ძალუძს უარპყოს სხეულის მნიშვნელობა ფსიქიკისთვის. მაგრამ, ფსიქოლოგიას არც ის ძალუძს, რომ ახსნას სხეულისა და „სულის“ ურთიერთობა. ასეთი მდგომარეობის ფილოსოფიური საფუძვლის გაქანსალების ნაცვლად, ფსიქოლოგიური აზროვნება გამოსავალს იმაში პოულობს, რომ სულ უარს ამბობს ახსნაზე და ლამობს ფენომენების აღწერით შემოფარგლოს თავისი ამოცანა (დილტაი), ანდა ხელს იღებს ფსიქოლოგიის სისტემების შემუშავებაზე. ამ გარემოებამ, ერთი მხრივ, დადებითი გავლენა იქონია ფსიქოლოგიის განვითარებაზე, რამდენადაც მთელი ენერგია, სისტემების შემუშავების ნაცვლად, ემპირიული კვლევისკენ წარიმართა და საზღაპრო სისწრაფით გაზარდა ემპირიული მონაპოვარი; მაგრამ ეს მონაპოვარი სრულიად გაუაზრებელი და სისტემაში მოუყვანელი დარჩა შესატყვისი ფილოსოფიური საფუძვლის უქონლობის გამო.

ახალ ფსიქოლოგიას ფსიქიკური მოვლენები იმანენტურ კანონზომიერებაზე დაჰყავდა. საამისოდ ორი საბუთი არსებობდა: ჯერ ერთი ის, რომ ფსიქიკას არ გააჩნდა არავითარი სუბსტრატი; რა რომ „სამყარო მხოლოდ და მხოლოდ ჩვენი შეგრძნებებისაგან შესდგებოდა“ — არ არსებობდა ინსტანცია, რომელსაც შეეძლებოდა „გარედან“ დაეკისრებინა ფსიქიკისთვის კანონზომიერება და, ამიტომ, მისი კანონზომიერება — ლოგიკურად — მხოლოდ იმანენტური შეიძლებოდა ყოფილიყო. მეორე მიზეზი უფრო „ფსიქოლოგიური“ ხასიათისა იყო, სახელდობრ — ბუნებისმეტყველების წაბაძულობა. ღვთისმეტყველების მონობისგან განთავისუფლების შემდეგ, ბუნებისმეტყველება ვალდებული და იძულებული გახდა ბუნების კანონები ბუნებაშივე ეძია. მისი წარმატება იდეალად იქცა ფსიქოლოგიისათვის და მანაც შეიმუშავა საკუთარი „მსოფ-

ლიო მიზიდულობის კანონი“ — ასოციაციის კანონები: ორი მოვლენის თანხვედრა, ასოციაციონისტური ფსიქოლოგიის თანახმად, უზრუნველყოფდა მათ კავშირს, სრულიად დამოუკიდებლად ამ მოვლენათა ბუნებისაგან. როგორც სამართლიანად შენიშნავს ვ. კელერი, არც ფიზიკამ და არც ქიმიამ ასეთი უცნაური კანონის მსგავსი ცი არაფერი იცის¹⁰. ფსიქოლოგიამ გადააქარბა ნიმუშად აღებულ ბუნებისმეტყველებას და დაამახინჯა სინამდვილე. ასოციაციონიზმის დაძლევის შემდეგ, რაც ფსიქოლოგიაში მთლიანობის თვალსაზრისის შემოტანით იყო პირობადებული (მის შესახებ — ქვემოთ), ფსიქიკის კანონზომიერების საკითხის გადაჭრა არსებითად იგივე რჩება: ფსიქიკურ მოვლენებს ისევ და ისევ ფსიქიკური კანონზომიერება წარმართავს, მაგრამ უკვე წარმოდგენათა კანონზომიერება კი არა, არამედ ფსიქიკური მთლიანობებისა, maximum — „მე“-ს კანონზომიერება. დღესდღეობით „მე“ გაგებულა, როგორც „განვითარების უნარის მქონე სულიერი არსი, რომელიც გარკვეულ წარმოდგენებში, გრძნობებში და მისწრაფებებში ცოცხლობს, რომელიც სხვადასხვაგვარ განცდებში თავის თავის იდენტური რჩება, რომელიც ამ განცდების სუბიექტს წარმოადგენს“¹¹. არა მსოფლმხედველობის მოსაზრებებით, არამედ მხოლოდ და მხოლოდ აშკარა ფსიქოლოგიური ფაქტების მხრივ ძალდატანების გამო დაუშვა ახალმა ფსიქოლოგიამ „მე“, როგორც ცვალებად მოვლენათა უცვლელი სუბიექტი¹². იგი (თანამედროვე ფსიქოლოგია) შეგნებულად გაურბის ფსიქიკის სუბსტანციურობის პრობლემას, რადგან სუბსტანციურობის კატეგორია ფსიქოლოგიურ კატეგორიად არ მიაჩნია. ვ. კაფკას, მაგ., ფსიქოლოგიის საკითხად ისიც კი არ მიაჩნია, „ფსიქიკურის სუბიექტის იდენტურია თუ არა ფიზიკური ანუ ენერგეტიკული სუბიექტი“¹³.

ვ. შტერნს დასაშვებად მიაჩნია, რომ, გარკვეული მიზნით, ფსიქოლოგიამ ფსიქიკა განიხილოს მხოლოდ როგორც მოვლენა, თუ მოვლენათა ჯამი, მაგრამ ეს არ ნიშნავს, თითქოს მას უფლება ჰქონდეს უარყოს ამ მოვლენათა დამოკიდებულება სუბსტრატზე,

¹⁰ Köhler W., Gestaltpsychologie, გვ. 280.

¹¹ Wentscher E., Das Ich als Seeleneinheit, გვ. 381.

¹² Wentscher E., Unser Ich, გვ. 156.

¹³ Kafka G., Zum Begriff des „Psychischen“ usw. . . . გვ. 208.

ჩადგან ფსიქიკური ვერ იქნება „ქაერში დაკიდული“ (nicht in der Luft schweben kann)¹⁴. მისთვის „ფსიქიკური მოვლენები, პროცესები და თვისებები მხოლოდ იმდენად არსებობს, რამდენადაც რომელიმე ინდივიდურ მე-ს ეკუთვნის, რომელსაც „აქვს“ ისინი“¹⁵. ფსიქიკურის სუბსტრატის არსებობა მისთვის ყოველ ეჭვს გარეშეა; საკითხი მხოლოდ მისი რაობის შესახებ შეიძლება დადგეს. ამქამად მე მისი როგორც კი არ მაინტერესებს, არამედ მისი „ფორმალური“ დამოკიდებულება ფსიქიკასთან. იგი ტრანსცენდენტულია ფსიქიკი; საცხის. თანამედროვე ფსიქოლოგიის ძირითადი ტენდენციის საწინააღმდეგოდ, ფსიქიკა თავისთავად არსებული რამ კი არაა, მისთვის, არამედ მხოლოდ და მხოლოდ თვისება ქვეშაირიტი „მეტა-ფსიქიკური“ სუბსტანციისა. ასეთი შეხედულება, თითქოს, უკან დახევია „სულის შესახებ მეცნიერებისკენ“. ნაწილობრივ ეს ასეცაა. რამდენადაც ფსიქიკისათვის (ანუ „ფსიქიკურისათვის“, როგორც ამბობს ავტორი ფსიქიკის დამოკიდებული ხასიათის აღსანიშნავად) მის გარემდება რე სუბსტანციაა მონახული. მაგრამ: „მე-ს“ პერსონალისტური ცნების განსხვავება სულის სპირიტუალისტური ცნებისაგან მის სინთეზურ ხასიათში მდგომარეობს „სულები“ — ანალიზურად და ეგზოტერიულად გააზრებული, მარტივი, წარუვალი, სხეულებრივს ელემენტებზე გარედან მოქმედი სუბსტანციებია. „პერსონები“... თვით არიან „სხეულები,“ — რამდენადაც სხვა პერსონების მიერ თვალსაჩინოდ არიან წვდომილნი, „მეები“, — რამდენადაც უშუალოდ შეუქლიათ საკუთარი თავის განცდა“¹⁶.

ფსიქოლოგიის ისტორიის (განსაკუთრებით ახალი ფსიქოლოგიის ისტორიის) საერთო ტენდენციის საწინააღმდეგოდ, ვ. შტერნმა გადაჭრით უარპყო ფსიქიკის თავისთავად, ღირებულება, და მომსახურებითი როლი მიაკუთვნა მას სუბსტანციის — პიროვნების — სიცოცხლეში. პერსონალიზმისთვის. მნიშვნელობათა ლოგიკურ სისტემაში პირველადია პერსონა, ხოლო ფსიქიკა — საკუთარი თავის ასახვა ცნობიერებაში — მეორადია. „თუ უწინო — ამბობს ავტორი — პიროვნების არსს მის ფსიქიკურობაში სჭვრეტდნენ, ჩვენ ფსიქიკურის არსს ვჭვრეტთ პერსონისთვის მის მნი-

¹⁴ იხ. 2,123 და 201.

¹⁵ 1,96.

¹⁶ 2,206.

მენელოვანობაში¹⁷. ფსიქიკის ამგვარ შეფასებაშია მოცემული პერსონალისტური პოზიციის მთელი არსი. პერსონალიზმისთვის ფსიქიკა მოკლებულია თავისთავადს არსებობასაც და თავისთავადს ღირებულებასაც; მას მომსახურებითი ღირებულება, შომსახურებითი მნიშვნელობა აქვს „მეტაფსიქიკური“ პიროვნებისთვის. მაკრამ ფსიქიკა არაა „ეპიფენომენი“, რომელსაც საერთოდ არავითარი მნიშვნელობა არა აქვს და რომელიც სამყაროს სისტემაში პარადოქსად რჩება. მას უეჭველი ღირებულება აქვს ყოფიერებათვის, რადგან იგი პიროვნების სიცოცხლის ასახვაა და, ამასთანავე, იარაღი პიროვნების მიზანთა განხორციელებისა. ფსიქიკის კუთვნილება მეტაფსიქიკური პიროვნებისთვის განსაზღვრავს ფსიქოლოგიის ადგილს მეცნიერებათა სისტემაში. იგი არაა დამოუკიდებელი მეცნიერება სიტყვის ნამდვილი მნიშვნელობით, არამედ ეკუთვნის ადამიანის პიროვნების შესახებ მეცნიერებათა წგუფს. ფსიქოლოგია მთლიანად კი არ შეისწავლის ადამიანის პიროვნებას, არამედ მხოლოდ განცდის თვალსაზრისით, ანუ უკეთ: ხგი შეისწავლის განცდას, როგორც პიროვნების თვისებას, მისი აღმოცენების პირობებს, მის მნიშვნელობას პიროვნებისთვის. ამ საქმის შესასრულებლად მას ესაქიროება საფუძველი, პიროვნების შესახებ ზოგადი მეცნიერების სახით. ასეთი მეცნიერება აუცილებელია, ავტორის აზრით, ყველა იმ მეცნიერებაათათვის, რომლებიც ადამიანს შეეხება — ფსიქოლოგია იქნება ეს, ფიზიოლოგია, თუ სხვ. ვ. შტერნმა სცადა ასეთი მეცნიერების დაფუძნება და მას „პერსონალისტია“ უწოდა.

ვ. შტერნის ადგილისა და როლის გასარკვევად ფსიქოლოგიის ისტორიაში საჭიროა, ბოლოს, იმის გათვალისწინებაც, თუ როგორ იცვლებოდა ისტორიის განმავლობაში ფსიქიკის სტრუქტურის გაგება და როგორ გადასწყვიტა ვ. შტერნმა ეს პრობლემა.

როგორადაც არ უნდა ყოფილიყო გაგებული ფსიქიკის სუბსტრატტი, მეცნიერული ფსიქოლოგია ყოველთვის იძულებული იყო ანალიზის ხერხით ეწარმოებია ფსიქიკის შესწავლა: ანალიზი მეცნიერული აზროვნების აუცილებელი მეთოდია. უკვე არისტოტელის, მიუხედავად სულის ერთიანობის და განუყოფელობის აღიარებისა, ანალიზყოფს მას და დაადგენს სულის სამ სახეობას: ვე-

¹⁷ 3,223.

გეტაციურის, ცხოველურისა და მოაზროვნე სულისას. მას შემდეგ ფსიქოლოგია განუხრელად ადგა ანალიზის გზას. ყოფიერების უკანასკნელი ელემენტების დადგენის ტენდენცია, რომელიც ძველი საბერძნეთის ფილოსოფიაში ჩაისახა, მე-19 საუკუნის მიწურულამდე გაპყვა ფსიქოლოგიას და მისთვის მუდამ წამყვან იდეას შეადგენდა. ინგლისური ემპირიზმის მიერ მონახულ იქნა ფსიქიკის ელემენტები: შეგრძნებები და წარმოდგენები. მთელი შემდეგდროინდელი ფსიქოლოგია უყოყმანოდ აღიარებს მათ ელემენტურ ბუნებას და მთელ გულისყურს მათ — როგორც ელემენტების — შესწავლას აპყრობს. ფსიქიკური ელემენტების დადგენის თვალსაზრისით უეჭველ წარმატებას წარმოადგენს ახალი ელემენტის — მარტივი გრძნობის — აღმოჩენა. ელემენტების მრავალგვარობა ოდნავადაც არ ეწინააღმდეგება ელემენტარიზმის დედააზრს: ელემენტარიზმის იდეალი სუბველაფრის ერთ ელემენტზე დაყვანა კი არაა, არამედ ნამდვილად მარტივი, განუყოფელი, დაუყვანადი ელემენტების დადასტურება და მათგან სინამდვილის — ფსიქოლოგიის შემთხვევაში ფსიქიკური სინამდვილის — აგება.

მაგრამ იმავე ვუნდტმა, რომელმაც დაამტკიცა ელემენტურა გრძნობის არსებობა, პირველი იერიში მიიტანა ელემენტარიზმზე. მის თანახმად „ფსიქიკური წარმონაქმნების თვისებები არასოდეს არ ამოიწურება მათში შემავალი ფსიქიკური ელემენტების თვისებებით, არამედ ელემენტების შეკავშირების შედეგად ჩნდება ხოლმე ახალი თვისებები, რომლებიც ეკუთვნის წარმონაქმნებს, როგორც ასეთებს“¹⁸. ე. ი. შინაგან გამოცდილებაში მოცემული წარმონაქმნი მეტია, ვიდრე მისი შემადგენელი ელემენტების უბრალო შეჯამება იქნებოდა. აქ უკვე მოცემულია მთელის, როგორც ელემენტების ჯამისგან განსხვავებული, აზრი. მაგრამ მთელი, ჯერჯერობით, გაგებულია როგორც რეზულტანტი. იგი არის ელემენტების ისეთი შეკავშირება, რომელიც განსხვავდება შეჯამებისგან. შეკავშირება არაა ელემენტების მიერ შინაგანად პირობადებული, არამედ „გარედან“ არის განხორციელებული, ფსიქიკის შემოქმედების პროდუქტია, შემოქმედებითი სინთეზია (Schöpferische Synthese).

იმ საკითხისათვის, რომელსაც მე აქ განვიხილავ, ფსიქიკური რეზულტანტებისა და შემოქმედებითი სინთეზის შესახებ ვუნდტის

¹⁸ W. Wundt, Gr. d. Ps., გვ. 108—109 (VIII გამოცემა).

მოძღვრებაში ორი მომენტი საგულისხმო: ერთი ის, რომ რთული წარმონაქმნი თავისებურ რომელღობადაა აღიარებული და უკმარადაა მიჩნეული მისი კვლევა მხოლოდ ანალიზის გზით. აქვე შეიძლება ითქვას, რომ ეს შეზღუდვა ფსიქოლოგიის უქველ დადებით მონაპოვარს წარმოადგენს და მკირე გამონაკლისით — რომელიც ფსიქოლოგიის განვითარების პრინციპული გზების გათვალისწინებისას შეიძლება უგულებელ იქნეს — საყოველთაოდაა გავრცელებული. კიდევ მეტი: ეს არაა ფსიქოლოგიის ერთ-ერთი მონაპოვართაგანი, არამედ ძირითადების მიმცემი დებულებაა მე-20 საუკუნის ფსიქოლოგიისათვის.

მეორე მომენტი, რომელსაც მნიშვნელობა აქვს ჩემი საკითხისთვის, შემდეგია: შემოქმედებითი სინთეზის მოძღვრების თანახმად, რთული წარმონაქმნი ელემენტებისაგან არის შედგენილი შემოქმედებითი სინთეზის შემწეობით, ე. ი. პირველად ფსიქიკურ რომელობად, ისე და ისევე, ელემენტი რჩება. რთული წარმონაქმნის თვისებები, მართალია, შემადგენელი ელემენტების თვისებებზე ვერ დაიყვანება, მაგრამ რთული წარმონაქმნი მაინც ელემენტებისაგანაა შედგენილი. იგი გენეზურად თითქოს მაინც „გამოიყვანება“ მათგან. ამ მხრივ, მოძღვრებას შემოქმედებითი სინთეზის შესახებ მხოლოდ ისტორიული, წარმავალი მნიშვნელობა აქვს. როგორც ახსნის პრინციპი იგი არ გამართლდა, რადგან გულისხმობდა, რომ მთლიანობა სინთეზურია, ე. ი. მეორადია. ელემენტარიზმის გავლენა ჯერ კიდევ ისე ძლიერი იყო, რომ წარმონაქმნის თვისებებზე, ელემენტებზე დაუყვანადობამ, მისმა იმთავითმა მოცემულობამ შინაგანი გამოცდილებისთვის — ვერ უკარნახა ვუნდტს ის მარტივი დასკვნა, რომ წარმონაქმნი არა მარტო თვისებითაა ორიგინალური, არამედ გენეზურადაც ვერ გამოიყვანება ელემენტებისგან. თუმც, უნდა ითქვას კი, რომ ასეთი დასკვნა „მარტივია“ ჩვენთვის, ხოლო მე-19 ს-ის დასასრულს, იმდროინდელი ფსიქოლოგიური კულტურის ფონზე, ავტორის ფსიქოლოგიური კონცეფციის წიაღში იგი ვერ იქნებოდა ნავარაუდევო.

ფსიქიკური რეზულტანტისა და შემოქმედებითი სინთეზის სახით ფსიქოლოგიაში შეიქრა მთლიანობის იდეა. მაგრამ თითონ ვუნდტმა ვერ გაიგო მთელი მისი აზრი, მისი ანალიზი განაზრახა და დაპყარვა მტკიცე საყრდენი: აღარც თავისთავად-საკმარისი ელემენტები შერჩა და აღარც შემოქმედებითი სინთეზის მონოპოლია.

ფსიქიკური წარმონაქმნის თავისებურების აღმოჩენას თან უნდა დართოდა მისი პირველადობის შეგნება. მართლაც, თანამედროვე ფსიქოლოგიამ აღიარა მთლიანობის პირველადობა. „ცნობიერების ერთიანობა“, „სტრუქტურა“, „კომპლექსუალიტეტი“ — ეს ის ცნებებია, რომლებიც საფუძვლად ედება თანამედროვე ფსიქოლოგიას. ელემენტის პრობლემა აქამომდელი აზრით — მოიხსნა თანამედროვე ფსიქოლოგიაში. ელემენტური შეგარძნება მისთვის მხოლოდ რეალური მთლიანობის ანალიზით მიღებული აბსტრაქციის სახითღა არსებობს.

ვ. შტერნი ამ საკითხში სავსებით თანახმიერია ეპოქის სულისკვეთებისა. მან გაიზიარა მთლიანობის იდეა, მაგრამ ფსიქიკურით არ შეზღუდა იგი. მისთვის მთლიანობას წარმოადგენს თვით სუბსტრაქტიც ფსიქიკურისა — პერსონა. „პერსონა თავდაპირველი მთლიანობაა, ხოლო მასში მოცემულ ორგანოებს, სტრუქტურებს, გეშტალტებს, ცნობიერობებს (Bewusstheiten), ფუნქციებს, დისპოზიციებს და ა. შ., მხოლოდ „პერსონის წყალობით“ აქვთ მთლიანობათა ხასიათი“¹⁹. ფსიქიკური — მთლიანობითი ხასიათისაა, მაგრამ მხოლოდ იმიტომ, რომ იგი მთლიანობითი ხასიათის მქონე პერსონის გამოსხივებაა.

ამრიგად, ფსიქიკური მოცემულობის შესწავლა მისი ანალიზით დაიწყო ფსიქოლოგიამ. მან ანალიზის მეოხებით აღმოაჩინა ფსიქიკის შემადგენელი ელემენტები და დაადგინა მათი ურთიერთობის კანონები (იუმი). კელევაძეების შემდგომს ეტაპზე აღმოჩნდა, რომ რთული ფსიქიკური წარმონაქმნის უნაშთოდ ელემენტებად დაშლა ვერ ხერხდება: ანალიზუყოფელი რჩება თავისებური, მხოლოდ რთული წარმონაქმნისთვის ჩვეული თვისება (ეუნდტი). ბოლოს, კი ფსიქოლოგია იმ დასკვნამდეც მივიდა, რომ ფსიქიკა განუწვალეზადი მთლიანობაა, ელემენტები კი — მხოლოდ და მხოლოდ აბსტრაქციის ნაყოფი.

მაგრამ ფსიქიკის სტრუქტურის საკითხი ამით ჭერ კიდევ არ იქნა გარკვეული. საჭირო იყო თვით ამ მთლიანობის როგორობის, მისი ხასიათის გაგება. წამოყენებულ თეორიებს შორის ყველაზე მეტადაა გავრცელებული გეშტალტის თეორია, რომლის მიხედვით ფსიქიკური მთლიანობა გარედან შემოსაზღვრულია და შინაგანად

¹⁹ 14, 158.

დანაწევრებული. ფსიქიკური ფაქტი მხოლოდ გეშტალტის სახით შეიძლება არსებობდეს, მაგრამ ერთი ფსიქიკური შინაარსი მეორისგან გეშტალტურობის ხარისხით შეიძლება განსხვავდებოდეს: არსებობს „კარგი“ გეშტალტები და „ცუდი“ გეშტალტები. პირველები სხვა შინაარსებისგანაც უკეთაა გამოყოფილი და შინაგანადაც უკეთაა დანაწევრებული და ჩამოყალიბებული. მეორეები კი, პირიქით, ამ მხრივ სრულყოფილნი, მანკიერნი არიან. ვ. შტერნის „ცუდი“ გეშტალტების არსებობას იმპროვიზაციულად გახდა იმისა, რომ გეშტალტურობა არაა ფსიქიკის აუცილებელი ნიშანი, და რომ გეშტალტთან ერთად „უნგეშტალტიც“ პოზიტიურ ფსიქიკურ (და უფრო ზოგადადაც — პერსონულ) რომელობას წარმოადგენს. ეს შეხედულება მჭიდროდაა დაკავშირებული მისი მოძღვრების პრინციპებთან და უფრო ახლო მას შემდეგში განვიხილავ.

ფსიქოლოგიის განვითარების ძირითადი ტენდენციები ისტორიის განმავლობაში, სულ მოკლედ, შემდეგნაირად უნდა იქნეს დახასიათებული:

საუკუნეების განმავლობაში ფსიქოლოგია შერწყმული იყო ფილოსოფიასთან და, როგორც დამოუკიდებელი მეცნიერება, არ არსებობდა, მიუხედავად იმისა, რომ საფუძველი მის დამოუკიდებლობას უკვე არისტოტელმა ჩაუყარა. მაგრამ რაღაც „განთავისუფლდა“ ფილოსოფიისგან, — ფსიქოლოგიამ მოინდომა სულაც გაეწყვიტა კავშირი მასთან. სანამ იგი იყო „მეცნიერება სულის შესახებ“ — იგი ვალდებული იყო ეკვლია სული. სული კი სუბსტანცია იყო და მისი ბუნების კვლევა ფილოსოფიად გადააქცევდა ფსიქოლოგიას. ამიტომ ფსიქოლოგიამ სცადა სულაც უგულვებელყო სუბსტანციის არსებობა და იგი იქცა მეცნიერებად „სულიერი მოვლენების შესახებ“. სულიერი მოვლენები რთული ბუნებისაა და

მათ შესასწავლად მათი გაანალიზებაა საჭირო. ანალიზი მხოლოდ პირველი საფეხურია შესწავლისა; ფსიქოლოგიამ კი განიზრახა ანალიზის შედეგად მიღებული აბსტრაქციებით დაკმაყოფილებულ იყო, რეალურად არსებულად აღიარა ისინი და, ძველთაგანვე მომდინარე ატომისტური ტრადიციებითა და ახალი ატომისტური ბუნებისმეტყველების წარმატებებით წაქეზებულმა მოისურვა მათგან აეგო, მათი კანონზომიერებით აეხსნა „სულიერი მოვლენები“. იმდენად ძლიერი იყო სუბსტანციის შიში, რომ ფსიქოლოგიამ შესაძლოდ მიიჩნია მოვლენა „მომვლენის“ გარეშე თავისთავად არსებულად აღეარება.

ფსიქოლოგიური კვლევის წარმატებამ უეპველპყო, რომ წარმონაქმნი კი არაა ელემენტების ჯამი, არამედ ელემენტებია წარმონაქმნის ანალიზის შედეგად მიღებული აბსტრაქციები და, მაშასადამე, მათგან არაფრის წარმოქმნა არაა შესაძლებელი. გარედან მოტანილი ვერავითარი ძალა (შემოქმედებითი სინთეზი) ვერ შეაკოწიწებს ელემენტებად დარღვეულ მთლიანობას.

სხვებთან ერთად ვ. შტერნიც აღიარებს, რომ სულიერი მოვლენები რთული წარმონაქმნების სახით არსებობს. მაგრამ, სხვებთან განსხვავებით, იმასაც აღიარებს, რომ მოვლენა „მომვლენის“ გარეშე ვერ იარსებებს და, ამიტომ, იგი იცავს მოვლენათა სუბსტრატის არსებობის აზრს. ხოლო რადგან ფსიქიკურის სუბსტრატი, ამასთანავე, მთელი ყოფიერების სუბსტანციაა და, ამდენად, — ფილოსოფიური კატეგორია, ამიტომ ფსიქოლოგიას განუყრელი კავშირი აქვს ფილოსოფიასთან.

ვ. შტერნის შეხედულება ფორმალურად სავსებით მისაღებია ჩვენთვის. ფსიქიკურის მთლიანობითი ბუნება ჩვენთვისაც უდავო ფაქტია. სულიერ მოვლენებს ჩვენც სუბსტანციის მოვლენებად ვთვლით. ჩვენც მიგვაჩნია, რომ ფსიქოლოგიას მკვიდრო კავშირი აქვს ფილოსოფიასთან, ისევე როგორც ყველა სხვა მეცნიერებას, და რომ ეს კავშირი „სტიქიური“ კი არ უნდა იყოს, არამედ მთელი სიღრმით გააზრებული. მაგრამ ეს არ ნიშნავს, რომ ვ. შტერნის

ფსიქოლოგიური მოძღვრება საესეზით და უდავოდ მისაღები უნდა იყოს ჩვენთვის. იგი უდავოდ საგულისხმოა საბჭოთა ფსიქოლოგიისათვის, განსაკუთრებით კი ქართული ფსიქოლოგიისათვის. ეს ინტერესი ვ. შტერნისადმი იმით აიხსნება, რომ ზოგადად საბჭოთა ფსიქოლოგია, განსაკუთრებით კი ქართული ფსიქოლოგია, პერსონალისტური ფსიქოლოგიაა. ხოლო პერსონალისტური ფსიქოლოგიის ტერმინიც და სისტემის შექმნის პირველი ცდა ვ. შტერნს ეკუთვნის.

ნაწილი პირველი

ვ. შტერნის ფსიქოლოგიური მოძღვრების დაფუძნება

ფსიქოლოგია

ვ. შტერნის თანახმად, „ფსიქოლოგია არის მეცნიერება განმცდელი და განცდის უნარის მქონე პერსონის შესახებ“. მისი კვლევის საგანია განცდა, როგორც პერსონული ნიშანთვისება. სახელობრ: ამ განცდის აღმოცენების პირობები, რაგვარობა, ფუნქციობის რაობა, კანონზომიერება, მისი მნიშვნელობა პერსონის ყოფიერებისა და ცხოვრების მთლიანობისთვის²⁰. მაშასადამე, ფსიქოლოგია მეცნიერებაა პერსონის შესახებ, ერთ-ერთი მეცნიერებათაგანი პერსონის შესახებ, რომელიც თვალსაზრისით განსხვავდება მონათესავე მეცნიერებათაგან. ფსიქოლოგიის თვალსაზრისი ცნობიერების თვალსაზრისია, მაგრამ რამდენადაც მას ცნობიერების აღმოცენებისა და მისი პერსონული სიცოცხლის მთლიანობისთვის მნიშვნელობის შესწავლაც ეკისრება, იგი სცილდება მხოლოდ ცნობიერების ფარგლებს და ვრცელდება განცდის გარდა აგრეთვე ყოველივე იმაზეც, რაც პერსონაში არსებითადაა დაკავშირებული განცდასთან. პერსონულ მოვლენათა ამ უფრო ფართო სფეროს ავტორი ფსიქიკას უწოდებს²¹.

განცდასა და ცნობიერებას შორის ვ. შტერნი არავითარ განსხვავებას არ ხედავს და პირველ ტერმინს აკუთვნებს უპირატესობას ორი მოსაზრებით: პირველი მოსაზრება ისაა, რომ სიტყვა „ცნობიერებას“ ინტელექტუალისტური ელფერი აქვს. მეორე კი ის, რომ სიტყვა „განცდა“ (Erleben, Erlebnis) გერმანულად ეტიმოლოგიურად დაკავშირებულია სიცოცხლესთან (Leben), რაც ავტორისთვის განსაკუთრებით მარჯვე და ხელსაყრელია. თუმცა იგი ზოგჯერ იმასაც ამბობს, რომ ცნობიერება განცდათა ერთობლიობას

²⁰ 1,99; 799.

²¹ 1,108.

ეწოდებაო, ე. ი. სხვაა ვიდრე განცდა, მაგრამ, ამ შემთხვევაშიც, განსხვავება მხოლოდ მოცულობას შეეხება და არა არსს ცნებისას.

ამრიგად, ფსიქოლოგია არის შეცნირება განცდის შესახებ, მხოლოდ კი, ვინაიდან იგი იკვლევს განცდის არა მარტო რაგვარობას, არამედ კანონზომიერებასაც, უმთავრესად კი იმიტომ, რომ იგი იკვლევს, აგრეთვე, განცდის აღმოცენების პირობებსა და მის მნიშვნელობას პერსონის სიცოცხლის მთლიანობისათვის, — იგი იძულებულია გასცდეს საკუთრივ განცდის ფარგლებს და ხელი შეახოს პერსონის მთლიან ყოფიერების რაობასაც, — რადგან განცდა არაა თავისთავად არსებული რამ. იგი მხოლოდ და მხოლოდ თვისებაა პერსონისა, რომელიც, თავის მხრივ, წარმოადგენს ერთადერთ კეშმარიტ სუბსტანციას.

იმისთვის, რომ გავიგოთ, თუ რას წარმოადგენს განცდა (ცნობიერება), რომელიც ფსიქოლოგიის კვლევის მთავარ საგნად ესახება ავტორს, აუცილებელია გავეცნოთ, თუ როგორ ესმის მას იმ სუბსტანციის რაობა, რომლის თვისებებსაც წარმოადგენს, მისი აზრით, განცდა.

პერსონა

პერსონის ცნება ძირითადი, ცენტრალური ცნებაა ვ. შტერნის არა მარტო ფსიქოლოგიური მოძღვრებისა, არამედ მთლიანი მსოფლმხედველობისაც. პერსონის რაობის ამომწურავად გათვალისწინება ვ. შტერნის მთელი მოძღვრების შესწავლას უდრის, რამდენადაც უკანასკნელი — პერსონის ყოფიერების შესახებ მოძღვრებაა მხოლოდ და მეტი არაფერი. ამიტომ, ერთი მხრივ, ფილოსოფიური და ფსიქოლოგიური მოძღვრების ყველა საკითხების შესწავლის შემდეგ გადაიშლება მხოლოდ ჩვენს წინაშე პერსონის ყოფიერების მთელი მრავალფეროვნება; მაგრამ, მეორე მხრივ, სრულიად აუცილებელია პერსონის ცნების წინასწარი გარკვევა იმისთვის, რომ შესაძლებელი გახდეს მოძღვრების დეტალების კვლევა. ჩემთვის პერსონის ცნების გარკვევა იმდენადაა აქ მხოლოდ საინტერესო, რამდენადაც იგი ვ. შტერნის ფსიქოლოგიურ მოძღვრებასთანაა დაკავშირებული; მაგრამ უკანასკნელი იმდენად მჭიდროდაა ჩაქსოვილი ავტორის ფილოსოფიაში, რომ მისი სრული იზოლაციის შესახებ ოცნებაც არ შეიძლება.

პერსონის სუბსტანციურობა საფუძველია ვ. შტერნის მსოფლ-მხედველობისა. როგორც თითონვე ამბობს, მისი მსოფლმხედველობა ახსნის პრინციპების რაოდენობის თვალსაზრისით — მონიზმი: მისი პრინციპია პერსონა. მაგრამ სუბსტანციათა რაოდენობის თვალსაზრისით იგი პლურალიზმია, რადგან იგი აღიარებს უსასრულოდ მრავალი პერსონების სისტემას, რომელთაგან (პერსონებისაგან) თითოეული თავისთავადს სუბსტანციურ არსს წარმოადგენს²².

„სუბსტანცია, თავისთავში მყოფი, ყველგან და ყოველთვის პერსონაა მხოლოდ. იგი არაა მატერია, იგი არაა სული, იგი არაა არც შენაერთი მატერიულისა და უსხეულო — სულიერი სუბსტანციისა — იგია მთლიანობა, აქტივობა, სიცოცხლიანობა, მიზანმისწრაფებულობა, თავისი თავის განმსაზღვრელი ერთიანობა“²³.

რა არის პერსონა? პერსონა არის „ისეთი არსებული, რომელიც, მიუხედავად ნაწილების სიმრავლისა, რეალურ თავისებურსა და თვითღირებულ ერთიანობას წარმოადგენს, და როგორც ასეთი, მიუხედავად ნაწილობრივი ფუნქციების სიმრავლისა, ერთიან მიზანმისწრაფებულ აქტივობას ახორციელებს“²⁴. იგი არის „ინდივიდუური, თავისებური მთლიანობა, რომელიც მიზანმისწრაფებულად მოქმედებს, თავისთავზეა მიმართული, ღიაა სამყაროსათვის, ცოცხლობს და განიცდის“²⁵. უკანასკნელი ნიშანი — განცდა — არაა სავალდებულო. მისი არქონება არ სპობს პერსონის არსებობას, რაც არ ითქმის დანარჩენი ნიშნებზე: მრავალერთიანობა მიზანმისწრაფებულობა და ინდივიდურობა პერსონის კონსტრუქციური ნიშნებია, და თუ აკლია ერთი მათგანიც, — აღარც პერსონა არსებობს. პერსონის არსებობა შეგვიძლია და უნდა დავადასტუროთ ყველგან, სადაც მიზეზობრიობა შინაგანი მიზანმისწრაფებულობის სახით გამოვლინდება. წარმონაქმნი, რომელიც მიზანმისწრაფებული მოქმედების წყაროცაა და მიზანიც ერთსა და იმავე დროს, არის პერსონა²⁶.

²² 2.

²³ 4,142.

²⁴ 2,16. ძირითადი განსაზღვრებაა, რომელსაც იმეორებს შემდეგში სხვა შრომებშიც.

²⁵ 1,99.

²⁶ 3,18.

ყოველივე არსებული მხოლოდ პერსონის სახით შეგვიძლია ვიაზროთ; მთელი სამყაროც, როგორც მთლიანობა, პერსონული ხასიათისაა, პერსონაა, სახელდობრ — ყოვლადპერსონა. პერსონები ურთიერთთან ორმაგად არიან დაკავშირებულნი. უწინარეს ყოვლისა, თითოეული პერსონა, როგორც მრავალერთიანობა, შეიცავს თავის ერთიანობაში მრავალ სხვა, უფრო დაბალი საფეხურის პერსონებს, ხოლო თითონ შედის შემადგენელ ნაწილად უფრო მაღალი საფეხურის პერსონაში. ამრიგად იქმნება პერსონათა იერარქია — კოსმოსი, სამყარო, რომელიც თითონაც მრავალერთიანობას, ანუ პერსონას წარმოადგენს. მეორე მხრივ, თითოეულ პერსონას, როგორც სამყაროსათვის ღიად მყოფ არსებულს, ურთიერთობა აქვს სხვა პერსონებთან არა მარტო როგორც ზემდებარე, ქვემდებარე თუ თანამდებარე — არამედ როგორც გარემოებარე პერსონებთან.

პერსონის მიზნები

პერსონის ძირითადი მიზნებია მრავალერთიანობა, მიზანმისწრაფებულობა და ინდივიდურობა. ცენტრალური მნიშვნელობა მიზანმისწრაფებულობას აქვს. იგია, რომ პირობადებს და განსაზღვრავს პერსონის ყოფიერების კანონზომიერებას. „პერსონის საში კატეგორიიდან: მრავალერთიანობიდან, მიზანმისწრაფებულობიდან, ინდივიდურობიდან... მხოლოდ პერსონული მიზეზობრიობის თავისებური ფორმაა იმისი გარანტია, რომ მის მატარებელს ჰქმნარიტად ერთიანი ყოფიერება (ამრიგად: სუბსტანციურობა და ინდივიდურობა) ახლავს“²⁷. იგი მიაჩნია ავტორს ცენტრალურ კატეგორიად, რომლითაც უნდა იწყებოდეს პერსონის ანალიზი, რადგან ყველაზე უფრო უშუალოდ სწორედ მასთანაა დაკავშირებული პერსონის ყველა სხვა ნიშანი. მიზანმისწრაფებულობის ნიშნის ასეთი შეფასება საცესებით მართებულია: მართლაც, მხოლოდ იქ შეიძლება ჰქმნარიტად ერთიანი პერსონის შესახებ ლაპარაკი, სადაც მოვლენები არ დაიყვანება ნაწილობრივ მოვლენათა ჯამზე და მექანიკურ მიზეზობრიობაზე, არამედ მთლიანობას შეეხება და მთლიანობიდან მომდინარეობს. ამიტომაც პერსონის ჰიპოსტაზის კრიტიკრიუმად იმანენტური მიზანმისწრაფებულობაა აღიარებული. მიზან-

²⁷ 3,17.

მისწრაფებულობა მართლაც კონსტიტუციური, მართლაც ცენტრალური ნიშანია პერსონისა და მეტიც: თვით პერსონა ერთიანი, ინდივიდური მიზანშისწრაფებულობაა.

როგორია ეს მიზანშისწრაფებულობა ფორმალურად და შინაარსობრივად? მიზანშისწრაფებულობაში ორი მომენტია მოცემული: მიზნისა და მისწრაფებულობისა. პირველი ნიშნავს იმას, რომ პერსონა საი თქ ე ნ დ ა ც ა ა მი მ ა რ თ უ ლ ი. მეორე ნიშნავს იმას, რომ იგი ამ მიმართულებით მოქმედებს, ან ა დ ქ უ რ ვ ი ლ ი ა ს ა მ მოქმედოღ.

პერსონის პირველი და ძირითადი მიზანი თ ვ ი თ შ ე ნ ა რ ჩ უ ნ ე ბ ა ა. იგი ორგვარ მიზანს შეიცავს: არსებობის შენარჩუნებისას და არსის შენარჩუნებისას. არსებობის შენარჩუნება პერსონული ყოფიერების მინიმუმია, აუცილებელი პირობაა მისი არსებობისა. ეს მიზანი ან საესებითაა განხორციელებული, ან სრულიად განუხორციელებელია; მისი განხორციელების მეტ-ნაკლებობის, საფეხურების დაშვება უაზრობა იქნებოდა.

ა რ ს ე ბ ო ბ ი ს შ ე ნ ა რ ჩ უ ნ ე ბ ა გულისხმობს არსებულს, რომლის არსებობაც უნდა იქნეს შენარჩუნებული. ამიტომ არსებობის შენარჩუნების მიზანს არსის შენარჩუნების მიზანა ერთვის: პერსონა ესწრაფვის ამგვარად ყოფნის შენარჩუნებას. ამგვარად ყოფნის შენარჩუნებაში ორი მომენტია: შ ი ნ ა ა რ ს ი ს შ ე ნ ა რ ჩ უ ნ ე ბ ა და ს ა მ ყ ა რ ო ს თ ა ნ ა რ ს ე ბ უ ლ ი მი მ ა რ თ ე ბ ი ს შ ე ნ ა რ ჩ უ ნ ე ბ ა. შინაარსის შენარჩუნებას „მნემე“ ეწოდება. მნემე ნიშნავს შექმნილი (მემკვიდრეობით, თუ ინდივიდური გამოცდილებით მიღებულ) შინაარსის დაცვას; მაგრამ შინაარსის შენარჩუნების მიზნის სრულად განხორციელება — აბსოლუტური ინერციაა, აბსოლუტური იგივედყოფნა, რაც არ-ყოფნას უდრის. ასეთი რამ პერსონის რეალურ ყოფნაში შეუძლებელია ორი მიზეზის გამო: პირველი მიზეზი ისაა, რომ პერსონას აქვს თვითგანვითარების მიზნები (მათ შესახებ შემდეგში იქნება თქმული), რაც ამგვარად ყოფნის გადალახვას ნიშნავს სხვაგვარად ყოფის მიერ. მეორე მიზეზი — სამყაროსთან ურთიერთობაა: პერსონა „ღიაა სამყაროსთვის“, ხოლო სამყარო განუწყვეტლივ ცვალებადობს. პერსონა უცვლელი რომ დარჩენილიყო, — დაირღვეოდა სამყაროსთან მისი მიმართების ამგვარობა; არსის შენარჩუნება კი — ისეთი არ-

სებულისათვის, რომლისაც კონსტიტუციური ნიშანია სამყაროს-
თან ურთიერთობა, — სამყაროსთან მიმართების უცვლელად დაცვას
ნიშნავს. აქედან გამომდინარეობს აუცილებლობა პერსონის ცვალებადობისა
სამყაროს ცვალებადობის შესატყვისად, ანუ „შე გ უ ე-
ბ ის“ აუცილებლობა. შეგუება აუცილებელია პერსონის რეალური
არსებობის შენარჩუნებისათვის. პერსონა, რომელიც ვერ ევუება
სამყაროს ცვლილებებს, — ისპობა.

თვითშენარჩუნების მიზანთა შორის შეგუება, ანუ სამყაროს-
თან მიმართების დაცვა, უმაღლესი მიზანია, მაგრამ მასში ჭერ
კიდევ სრულიად არ ჩანს პერსონის სპონტანური აქტიურობა. შემ-
გუებელი პერსონა ჭერ კიდევ სავსებით რეაქტიული არსებაა.

პერსონის სპონტანურობა, მისი აქტიური (სპონტანურად —
აქტიური) ბუნება მხოლოდ თ ვ ი თ გ ა ნ ვ ი თ ა რ ე ბ ი ს მიზნებში
მქლავნდება. თვითგანვითარების მიზანი ორგვარია: კ ო ნ ს ე რ ვ ა ც ი-
უ ლ ი და პ რ ო ლ უ ქ ც ი უ ლ ი თვითგანვითარება, ტერმინი „კონ-
სერვაციული თვითგანვითარება“ იმას ნიშნავს, რომ პერსონას აქვს
ისეთი მიზანი, რომელიც პირადად მის მიერ ჭერ კიდევ მოუწვდო-
მელია, მაგრამ სადღაც და ოდესღაც — სახელდობრ, მის გვარში,
მისი წინაპრებისა თუ მისი გვარის სხვა ინდივიდების მიერ — უკვე
არის განხორციელებული. პერსონა იმ მიზნის განხორციელებით
ობიექტურად ახალს არაფერს არ ქმნის, არამედ მხოლოდ იმეორებს
იმას, რისი ნიმუშიც უკვე არსებობს. პ რ ო ლ უ ქ ც ი უ ლ ი თ ვ ი თ-
გ ა ნ ვ ი თ ა რ ე ბ ი ს შემთხვევაში . კ ი პერსონა ახორციელებს მი-
ზანს, რომელიც მანამდე არასოდეს არსად არ ყოფილა განხორცი-
ელებული. ასეთი მიზანი მხოლოდ ადამიანს ესახება, და სწორედ
იგია, ადამიანის მიზნისეულობის სპეციფიკას რომ ქმნის. პროლუქ-
ციული თვითგანვითარების მიზანდასახულობა აბსოლუტურად
ახლისა და ჭერ არყოფილისადმი სწრაფვაა.

არსებობის შენარჩუნება, შინაარსის შენარჩუნება (მნემე),
სამყაროსთან მიმართების შენარჩუნება (შეგუება) და, ბოლოს,
კონსერვაციული თვითგანვითარებაც — იცავს მყოფადში იმას, რაც
აწმყოში უკვე განხორციელებულია: პირველ სამ შემთხვევაში გან-
ხორციელებულია ამავე ინდივიდის მიერ, უკანასკნელის შემთხვე-
ვაში — სხვა პერსონების მიერ.

კონსერვაციულ თვითგანვითარებაშიც (ამგვარადყოფნის შენარჩუნების ანალოგიურად) ორი მომენტი: ზრდა და მომწიფება. ზრდა ნიშნავს რაოდენობით მატებას: სხეულის მასისა, ფსიქიკის მოცულობისა; ნიშნავს მატებას ორგანოებისა და ფუნქციების რაოდენობის, ისე ინტეგრაციისას (სპენსერი). მომწიფება ნიშნავს რომელობით ცვლილებას, რომელსაც განიცდის პერსონა მთელი რიგი მეტამორფოზების სახით, სანამ ახალშობილის მდგომარეობიდან — ზრდადასრულებულ მდგომარეობას მიაღწევდეს. თითოეული ფუნქციის განვითარება ოთხ სტადიას გაივლის: ლატენტურობის სტადიას, რომელშიც ფუნქცია გარეგნად ჯერ არ ვლინდება, დაკვირვების, საკუთრივ მომწიფების, და განწყვის რიგებისა და გამოყენების სტადიას. ფუნქციის განვითარება არც ამ უკანასკნელ სტადიაში შეწყდება, მაგრამ წინა სტადიასთან შედარებით, რომლის დროსაც ფუნქციის გრიგალისებური განვითარება ჯაბნის და ჩქმალავს ყველა სხვა ფუნქციებს, აქ იგი უფრო მშვიდად მიმდინარეობს. ამ სტადიისათვის არსებითია ის, რომ ფუნქცია შედის ფუნქციითა საერთო წესრიგში, ხდება მისი გამოყენება პერსონის მთლიანი მიზნების განხორციელებისათვის, რის გამოც ამ ფუნქციას ეკარგება თავისთავადღირებულობის ხასიათი, რომელიც მას მომწიფების სტადიაში ჰქონდა.

ყველა ამ საფეხურების გავლის შემდეგ პერსონა ზრდადასრულებულ პერსონად იქცევა და დაემსგავსება მისი გვარის ზრდადასრულებულ სხვა ეგზემპლარებს. მიზნისეულობა ზოგადად — არაა პერსონის სპეციფიკური კუთვნილება. „მიზანი ნივთებსაც აქვს: წიგნს, ფულს, მომუშავე მანქანას, წარმოდგენების რიგის მიმდინარეობას (ყველა ესენი — „ნივთებია“) აქვთ დანიშნულება, რომელსაც ისინი ემსახურებიან. მაგრამ ეს დანიშნულება მათში კი არაა, არამედ სადმე მათ გარეშე. მათი მიზანგანსაზღვრულობა „ჰეტეროტელია“-ა. პერსონას კი, პირიქით, მიზანგანსაზღვრულობის იმანენტურობა ჰყოფს პერსონად. იგი საკუთარი თავის მიზანია, მას აქვს „ავტოტელია“. რაც მასში არის და ხდება — შუალობით თუ უშუალოდ, ნაწილობრივად თუ მთლიანად, — ერთიანი პერსონის და-

დასტურებისა და განხორციელების მიზანდასახვითაა განსაზღვრული“²⁸.

მაგრამ პერსონის მიზნები ავტოტელლით არ ამოიწურება. ყოველი პერსონა, პერსონულობასთან ერთდროულად, „ნივთიყაა“ ზემდგომი პერსონისთვის. ნივთისათვის კი „ჰეტეროტელია“ არის ჩვეული. ამიტომ, პერსონას ავტოტელიასთან ერთად ჰეტეროტელიაც უნდა ჰქონდეს და აქვს კიდევ. მას აქვს პერსონის გარემდებარე მიზნების მთელი ჯგუფი, რომელიც ორ ძირითად ქვეჯგუფს შეიცავს. ერთი ქვეჯგუფია „ჰიპერტელია“ — ზემდგომი პერსონის მიერ ნაკარნახევი მიზნები. ასეთია, მაგალითად, შთამომავლობის წარმოქმნა. იგი ინდივიდის თვითგანვითარებისა და, მით უმეტეს, თვითშენარჩუნების მიზნებს სცილდება, და მხოლოდ ზეინდივიდური პერსონის — გვარის — მიზნებს ემსახურება. ასევე, სამშობლოსათვის თავდადება მხოლოდ ზეინდივიდური პერსონის — ერის — მიზნებისადმი მისწრაფებითაა პირობადებული.

ჰეტეროტელიის მეორე ქვეჯგუფი „სინტელია“ — თანამდებარე პერსონების მიზნებით გამსჭვალულობა. „სინტელიის არსია მიზანმისწრაფების გადატანა ისეთ პერსონაზე, რომელიც უპირისპირდება ინდივიდს, როგორც გარემდებარე და, ამასთანავე, თვალსაჩინოდ მოცემული რამ; არც ერთსა და არც მეორეს (გარემდებარებასა და თვალსაჩინობას) არა აქვს ადგილი ჰიპერტელიაში, რომელიც იმანენტურად მოქმედებს (ზეინდივიდური მთლიანობიდან — ნაწილზე) და რომელსაც; ინდივიდისთვის არათვალსაჩინო მთლიანთან აქვს საქმე“²⁹.

ერთი შეხედვით, თითქოს, შესაძლებელი უნდა იყოს ჰეტეროტელიის სახეობათა ურთიერთზე დაყვანა და, მართლაც, არსებობს მოსაზრება, თითქოს ჰიპერტელია — სინტელიების შეჭამებას უნდა წარმოადგენდეს, თითქოს ზემდგომი პერსონა (ოჯახი იქნება ეს, ერი, თუ კაცობრიობა) მხოლოდ და მხოლოდ თანამდებარე ინდივიდური პერსონების კრებადობა უნდა იყოს და პერსონის გამსჭვალულობა თანამდებარე პერსონების ინტერესებით — ჯამში — ზემდგომი პერსონის (ოჯახის, ერის თუ კაცობრიობის) ინტერესებით გამსჭვალულობას — ჰითერტელიას — უნდა ქმნიდეს.

²⁸ 3,19.

²⁹ 3,46.

არსებობს დიამეტრულად საწინააღმდეგო შეხედულება, რომელსაც ვ. შტერნი იცაედა თავდაპირველად³⁰, — რომ თანამდებარე პერსონის მიზნებით გამსჭვალულობა მათთვის საერთო ზემდგომი პერსონის მიზნებით გამსჭვალულობიდან მომდინარეობს, ე. ი. რომ სინტელია დაიყვანება ჰიპერტელიაზე, მაგრამ; საბოლოოდ, იგი დაწმუნდა, რომ ჰეტეროტელიის ეს ორი სახეობა არსებითად განსხვავდება ერთმანეთისაგან. მართლაც, განა „ჰარისკაცს, რომელიც მტკიცედ დგას მიყრუებულ საგუშაგოზე; მოწამეს, რომელიც მსხვერპლად ეწირებ³¹ კაცობრიობის იდეალებს — რამენაირად რომელიმე ინდივიდუარი თანამოქმისაღმი სიმპათია, ან მისი ინტერესები ამოქმედებს? განა უაზრო არ იქნებოდა მათი მოქმედება, ზელირებულება — და ზეპერსონა, როგორც ამ ზელირებულების მატარებელი — რომ არ ჰყოფდეს მათ უმადლესი მიზნების ორგანობად³¹. მეორე მხრივ, ჰიპერტელიის მომენტი მართლაც მონაწილეობს სინტელიაში, მაგრამ სპეციფიკური და არსებითი მისთვის არის ე. წ. რაპორტის მომენტი. „რაპორტში ორმაგი საიდუმლოებაა მოცემული, რომლებიც.. ამოუცნობად უნდა მივიჩნიოთ. იგი შესაძლებელჰყოფს მიმართების წვერების გარემდებარების უშუალოდ დაყვანას იმანენტურობაზე: ესაა საკუთარი სიცოცხლის გადატანა სხვის სიცოცხლეში, სხვისი მიზნების მიღება საკუთარ ავტოტელიაში. მეორე მხრივ, რაპორტი გაუგებარ არჩევანს ახდენს: განსაკუთრებით მტკიცედ და მყარად ერთმანეთს ის ინდივიდები უკავშირდებიან, რომლებისაც ინდივიდუარი ავტოტელეები ურთიერთს მოერგება და გაამდიდრებს: ან მსგავსების (რეზონანსი) ან შეესების (კომპლემენტარიზმი) მეოხებით³².

ამიტომ, საბოლოოდ, ჰიპერტელია და სინტელია ჰეტეროტელიის თავისებურ, ურთიერთისაგან განსხვავებულ სახეობებად უნდა იქნეს მიჩნეული.

განხილული მიზნებით ამოიწურება ზოგადად პერსონის მიზანთა ნაირსახეობა. ეს მიზნები არაა შემთხვევითად თანდებულები, არამედ სისტემას ქმნის. მიზანთა სისტემა მოწოდებულია ახსნას


³⁰ 2,157; 446.

³¹ 3,47.

³² 3,49.

პერსონის სიციოცხლის მიმდინარეობა, რადგან სიციოცხლე მიზნითაა განსაზღვრული.

პერსონის მიზანთა სისტემა შემდეგი სქემის სახით შეიქლება იქნეს წარმოდგენილი:



ეს სქემა საერთოა ყველა ბიოლოგიური პერსონისთვის. კერძოდ ადამიანის შემთხვევაში კი სქემაში ცვლილებებია შესატანი, სახელდობრ — დამატებანი. პირველი დამატება ავტოტელთას ეხება, კერძოდ — თვითგანვითარებას. ბიოლოგიური პერსონის შემთხვევაში თვითგანვითარება კონსერვაციულია. ადამიანს კონსერვაციული თვითგანვითარების მიზნის გარდა პროდუქციული თვითგანვითარების მიზანიც აქვს. „ყოველი თვითგანვითარება“ ესწრაფვის აწმყო მდგომარეობის გადალახვას, მაგრამ იგი კონსერვაციულად რჩება, სანამ მიზანი, რომელსაც იგი ისახავს, სადღაც და ოდესღაც (გვარში) უკვე განხორციელებულია. ხოლო თუ თვითგანვითარება ჯერ არსად — არ-განხორციელებულ მიზანს ესწრაფვის — იგი „პროდუქციულია“²². „პროდუქციული თვითგანვითარების მიზნის შესახებ ლაპარაკის უფლებას მხოლოდ მისი მოქმედების შედეგები გვაძლევს. ადამიანის პიროვნებაში მიმდინარეობს პროცესები, რომლებიც ვერც გარესამყაროს გავლენით აიხსნება და ვერც ავტოტელთის აქამდე ხსენებული სახეობებით,

²² 3,35.

სახელდობრ, თვითშენარჩუნებითა და კონსერვაციული თვითგანვითარებით, და რომლებიც, მაშასადამე, მოქმედების ახალ ფაქტორს (Wirkungsfaktor) საკიროებს ასახსნელად, თუკი საერთოდ უნდა იქნეს ახსნილი³⁴. ეს პროცესები ისეთ მოქმედებებში ვლინდება, რომლებსაც შედეგად გარკვეული პროდუქტები (Werke) მოსდევს.

ამ მოქმედებათა შედეგები აბსოლუტურად ახალია: ახალაა როგორც შემოქმედი ინდივიდისთვის, ისე გვიარისთვის. ასეთი მოქმედების ყველაზე ხელსახები ნიმუში მხატვრული შემოქმედებაა. პროდუქციული თვითგანვითარების მიზნის პოზიტიურად დახასიათება შეუძლებელია სამი გარემოების გამო: 1. რამდენადაც იკავ მრავალერთიანი პერსონის მიზანია, — შეუძლებელია მისი გაცნობიერება, რადგან გაცნობიერება, აუცილებლად, მთლიანიდან ერთ-ერთი ნაწილობრივი შინაარსის ამოგლეჯას ნიშნავს. ეს ერთ-ერთი საბუთია პროდუქციული თვითგანვითარების მიზნის ცნობიერად იდეალთან გაიგივების საწინააღმდეგოდაც. 2. შეუძლებელია მისი წმინდა ფორმალურად აღნიშვნაც, რადგან ყოველგვარი სახელდება ძველი ცნებებით სარგებლობს და, ამდენად, ეს მიზანი უკვე განხორციელებული მოცემულობის მხოლოდ და მხოლოდ კვანტიტეტური მატების სახით შეუძლია წარმოადგინოს. და ბოლოს: 3. ყოველგვარი ფორმულა — განზოგადოებაა. პროდუქციული თვითგანვითარების მიზანი კი ინდივიდურია ყოველი კერძო პერსონისათვის. ამ მიზნების დახასიათება მხოლოდ ნეგატიური სახითაა შესაძლებელი, და ისიც მხოლოდ ფორმალურად. იგი არ შეიძლება პერსონის ცალკეულ სფეროდ იქნეს გაგებული, რადგან მას პერსონისთვის, როგორც მთლიანისთვის აქვს მნიშვნელობა; იგი ცნობილი ცნებებით ვერ ამოიწურება, რადგან კვანტიტეტურად ახალია; არ შეიძლება მისი საყოველთაო მნიშვნელობით აღნიშვნა, რადგან იგი თავისებურია ყოველი ცალკეული პერსონისთვის.

შეორე დამატება პეტეროტელიაშია შესატანი. გარდა ჰიპერტელიისა და სინტელიისა, რომელიც ყველა ბიოლოგიურ პერსონას აქვს, ადამიანს აქვს აგრეთვე „იდეოტელია“. იგი სპეციფიკური და განსაკუთრებით დამახასიათებელია ადამიანისთვის. სახელწოდებიდანვე ნათელია, რომ საქმე აქ იმ მიზნებს ეხება, რომლებიც რაიმე იდეითაა ნაკარნახევი. მაგრამ იდეა პერსონალურებისთვის

³⁴ 3,35.

აბსტრაქციისა, პერსონულ ყოფიერებას მოკლებულია და, ამიტომ, მას არც შეიძლება ჰქონდეს საკუთარი მიზნები, მით უმეტეს არ შეიძლება ვინმეს დააკისროს ისინი. იდეები, რომლებსაც ემსახურება ინდივიდი: „ქეშმარიტება“, „სიკეთე“, „მშვენიერება“, „სიწმიდე“ — თავისთავად კი არ არსებობენ, არამედ მხოლოდ და მხოლოდ ზეინდივიდის მიზნების — ინდივიდის მიერ გაცნობიერებას წარმოადგენენ. იდეები ზემდგომ პერსონათა სიციოცხლის ფორმებია, რომლებსაც, ამრიგად, ინდივიდებისათვის მნიშვნელობა აქვს, როგორც ჰიპერტელისა³⁵. ამ თვალსაზრისით გასაგები ხდება განსხვავებაც „იდეისა“ და „იდეალის“ შორის. იდეა გამოხატავს მარად ერთსა და იმავე და კონსტანტურ მოთხოვნილებას, რომელსაც ზე-ერთიანობის თვითშეწინააღმდეგობის ტენდენცია წაუყენებს ადამიანს. იდეალი კი კაცობრიობისა, თუ ერის პროდუქციული თვითგანვითარების იარაღად და თანამშრომლად აქცევს მას³⁶. ზე-ერთიანობა თავის მიზნებს აკისრებს ადამიანს; და რაც უფრო დაშორებულია ზეინდივიდური პერსონა ინდივიდს, მით მეტად საჭიროებს იგი შუამავალს აბსტრაქტული იდეების სახით. ახლომდებარე ზეპერსონა, როგორცაა მაგ. ოჯახი, ნაკლებ საჭიროებს ასეთ აბსტრაქტულ შუამავლებს, რადგან მისი მოთხოვნილებანი მაშინვე თვალსაჩინო სახეს ღებულობს.

იდეათა ასე გაგების თანახმად, „სიწმიდე“ უმაღლესია იდეათა შორის, რადგან იგი ყოველადპერსონისაგან მომდინარეობს. სიწმიდის იდეის სამსახური ადამიანის ყოველადპერსონისადმი კეთვნილებების მაჩვენებელია, მაჩვენებელია ინდივიდის — ყოველადპერსონის მიზნებით გამსჭვალულობისა.

განსხვავება ავტოტელისა და ჰეტეროტელის შორის უეჭველია. და არა მარტო განსხვავება, არამედ წინააღმდეგობაც კი: პერსონის სიციოცხლე, რომლის ძირითადი მიზანი თვით პერსონაა, მისი შეწინააღმდეგება და განვითარება, აღსავსეა შემთხვევებით, როდესაც საკუთარი კეთილდღეობა დაითრგუნება ხოლმე თანაქვემდებარე პერსონის, ან, განსაკუთრებით, ზემდგომი პერსონის მიზნებით. შთამომავლობისათვის ზრუნვას ბევრი ზიანი მოაქვს ინდივიდური ცხოველისთვის. ზეინდივიდური ერთიანობის (ოჯახის, ერის, კაცობრიობის) მიზნების განხორციელებისადმი მისწრაფებას ხშირად

³⁵ 3,52.

³⁶ 3,53

ინდივიდის თვით სიცოცხლეც კი შეეწირება ხოლმე. მიზანთა ეს წინააღმდეგობა განსაკუთრებით მწვავედ ვლინდება ადამიანში, რომელიც არ შეიძლება ზეინდივიდის ისეთივე ბრმა იარაღი იყოს, როგორც არის ცხოველი ან მცენარე. ამ წინააღმდეგობიდან გამოსავალს, ავტოტელიისა და პეტეროტელიის სინთეზი — მიზანთა ე. წ. „ინტროცეფცია“ (შინაგანად შეთვისება, *innere Aueigung*) წარმოადგენს. ინტროცეფცია არის „ერთ-ერთი იმ უკანასკნელ მისტერიოზაგანი, რომლისაც ჩვენ არც ახსნა შეგვიძლია და არც გამოვყანა (*ableiten*), არამედ — მხოლოდ აღწერა. უცხო მიზანი, როგორც მანამდე, ისე მას შემდეგაც, არა-მეზუა მიმართული, მაგრამ იგი კარგავს მე-სთვის უცხოობას, რადგან პერსონა არა მარტო მისდევს მას, არამედ შინაგანად მიითვისებს (*eigen macht*) და საკუთარი თავის შესატყვისად ჩამოაყალიბებს“³⁷. ინტროცეფცია პეტეროტელიის ყველა ფორმებზე ვრცელდება პიპერტელიის მიმართ იგი ნიშნავს, რომ ინდივიდი მხოლოდ ნაწილი კი არაა უმაღლესი პერსონისა, არამედ მონაწილეობს კიდევ მასში. სინტეზის მიმართ იგი საკუთარ თავზე ხელის აღებას კი არ ნიშნავს, არამედ საკუთარი თავის გამდიდრებას სხვისი მიზნებით. პერსონა „არა მარტო შთაიგრძნობს თავის თავს სხვაში, არამედ სხვასაც შთაიგრძნობს თავისთავში“³⁸. იდეოტელიის მიმართ ასეთივე მდგომარეობაა: „იდეალი, რომელსაც მე დაყვისაბნე, სხვისთვის დამონების ბორკილები კი აღარაა, არამედ — მიუხედავად მისი გარედან, თუ ზევიდან მომდინარეობისა — ჩემი მოქმედების ობიექტი და ამით — ჩემი საკუთარი ავტოტელიის შინაარსი“³⁹. ინტროცეფცია არაა ცნობიერი მიზანდასახვა. პეტეროტენული მიზნები პერსონის სიცოცხლის ფაქტორებად იქცევა და, ამ თვალსაზრისით, მათი ცნობიერყოფა მეორეხარისხოვანია და „შემთხვევითი“ (არა — აუცილებელი). უარ უნდა ვყოთ ინტროცეფციის უტილიტარისტულად გაგებაც: მასში პერსონის ეგოცენტრიზმი გამოქყლავნდება და არა ეგოიზმი. უკანასკნელი ნიშნავს ყველა მიზნების დამორჩილებას საკუთარი მიზნებისათვის; პირველი კი — სხვადასხვა მიზნების კონ-

³⁷ 3, 58.

³⁸ იქვე, „... man fühlt nicht nur sich in ihn, sondern fühlt auch ihn in sich hinein“.

³⁹ იქვე.

ცენტრულად განლაგებას პერსონის ირგვლივ. ეგოცენტრიზმი ყველა მიზნების შევიწროვება და საკუთარ მიზნებზე დაყვანა კი არაა, არამედ მე-ს გაფართოება მიკროკოსმოსად. ინტროცეფცია ავტოტელიისა და პეტეროტელიის იმთავითი ჰარმონია კი არაა, არამედ მათი ბრძოლის შედეგი. ბრძოლაც მუდამ ჰარმონიული შეთანხმებით არ მთავრდება: ძალიან ხშირად ერთ-ერთი მხარე გამოდის გამარჯვებული. ეს ბრძოლა პერსონის ორი მხარის ბრძოლა კი არაა, არამედ — ერთიანი პერსონის დაპირისპირება სამყაროსადმი.

როგორც ავტოტელიისა და პეტეროტელიის გაერთიანება, ეს ბრძოლაც ადამიანის პიროვნების სპეკუფიკური უპირატესობაა. ცხოველში იგი ან სრულიად არაა, ან ოდნავ შესამჩნევი კვალის სახით თუა წარმოდგენილი.

ამრიგად, პერსონულ მიზანთა შორის სპეციფიკური აღამიანური არის პროდუქციული თვითგანვითარება, იდეოტელია და ინტროცეფცია.

დისპოზიცია

მიზნისეულობა არაა საკმარისი იმისათვის, რომ რაიმე არსება პერსონად იქნეს მიჩნეული. პერსონას მიზნის იმანენტურობა ჰყოფს პერსონად: პერსონისთვის აუცილებელია ავტოტელია. თუ რეალურად მას პეტეროტელიაც ახასიათებს, ეს მხოლოდ იმდენად, რამდენადაც, გარკვეული თვალსაზრისით, იგი ნივთიცაა — არა თვითღირებულების, არამედ სხვა პერსონისთვის. მომსახურებითი ღირებულების მატარებელი. ასეთი ნივთია ყოველი პერსონა ზემდგომი პერსონისათვის. მაგრამ რამდენადაც პერსონა პერსონაა, იგი საკუთარი თავის მიზანია, ანუ მისი მიზანი მასშივეა მოცემული. პერსონის სიცოცხლის მიმდინარეობას ბრმა მიზეზობრიობა კი არ განსაზღვრავს, არამედ მიზანი. მიზნის ცნებაში თავისთავად არაფერია ისეთი, რაც შეიძლება მოქმედებს უშუალო მიზეზი, „მოტორი“ იყოს. პერსონაში მიზანთა სისტემამ, რადაცნაირად, „მიზეზთა“ სისტემის სახე უნდა მიიღოს, რათა შესაძლებელი გახდეს პერსონის ნამდვილად ამოქმედება. ამის შესაძლებლობას იძლევა „ენტელექიის“ ცნება, რომელიც პერსონის ერთიან მიზანმისწრაფებულ მიზეზობრიობის გამომხატველია. „ენტელექია... არის პერსონის ტენდენცია და უნარი საკუთარი თავის (ე. ი.

საკუთარ მიზანთა სისტემის) განხორციელებისა“⁴⁰. პერსონა დრო-
 შიკ ერთიანია. მაგრამ ვინაიდან, ერთი მხრივ, მისი თვითშენარ-
 ჩუნების თუ თვითგანვითარების აქტები მუდამ გამომქვეყნებულად
 არაა მოცემული, მეორე მხრივ კი შეუძლებელია დაშვება იმისა,
 რომ ისინი მხოლოდ შაშინ ჩნდებიან, როდესაც მქვეყნდებიან და,
 ისიც, უნდა ჩნდებოდნენ არაარაობიდან, რადგან უშუალო პირობე-
 ბით მათი აღმოცენების ახსნა შეუძლებელია, ამიტომ უნდა დავუშ-
 ვათ, რომ პერსონას გააჩნია მოქმედების უნარი, რომელიც მაშინ-
 ნაცაა მოცემული, როდესაც ახლილად არ მქვეყნდება. ასე თუ გავუ-
 გებთ ენტელექციას — იგი პოტენციად უნდა ვიგულოთ. მისი რეა-
 ლიზაციისთვის აუცილებელია გარესამყაროსთან ურთიერთობა.
 თავისთავად კი ენტელექცია დისპოზიციური ხასიათისაა: იგი ტენ-
 დენციაცაა და უნარიც. იგი გამოხატავს პერსონის მიმართებულობას
 მიზნისკენ და მის აღჭურვილობას მიზნის მისაღწევად. მოქმედების
 უნარი და მიმართებულობა შეიძლება ყოველ მომენტში გამომქვეყ-
 ნებული არ იყოს, მაგრამ იგი მაინც მუდამაა მოცემული პერსონა-
 ში. რამდენადაც პერსონა მიზანმისწრაფებულაა, — იგი ენტელექ-
 ციას. მაგრამ რაკი პერსონა, ამასთანავე, მრავალერთიანობაა, ამიტომ
 ენტელექციას ნაწილობრივი გამოსხივებანი აქვს. ენტელექციის ამ
 ნაწილობრივ გამოსხივებებს უწოდებს ავტორი საკუთრივ დის-
 პოზიციებს. რამდენადაც დისპოზიციის ერთიანი ენტელექციის
 გამოსხივებაა, — იგი მთლიანობითი ხასიათისაა. მაგრამ რამდენა-
 დაც ენტელექციაში ორი მომენტია მოცემული: მიმართებულობისა და
 აღჭურვილობისა, ამდენად დისპოზიციისაშიც ხან უპირატესად
 მიმართებულის მომენტი მქვეყნდება და ხან უპირატესად აღჭურვი-
 ლობისა. ეს გარემოება შესაძლებელიყოფს, პრინციპულად, დისპოზი-
 ციების კლასიფიკაციას მიმართებულობისა და აღჭურვილობის დის-
 პოზიციებად. მაგრამ ეს არ ნიშნავს, რომ რეალურად შესაძლებელი
 იყოს ან აღჭურვილობის ან მიმართებულობის დისპოზიციის წმინ-
 და სახით არსებობა, არამედ მხოლოდ იმას, რომ მასში ხან ერთი
 მომენტი მეტად თვალსაჩინო, ხან კი მეორე.

არ შეიძლება დისპოზიციამ „ნიქიერების“ (Veranlassung) ძველი
 ცნება არ გაგვახსენოს, მაგრამ ავტორი საგანგებოდ ამახვილებს

⁴⁰ 3,68.

ყურადღებას მათ შორის განსხვავებაზე. „ნიჭიერება“ სრულიად დამოუკიდებელი, თავისთავადი ძალა იყო. დისპოზიცია კი მხოლოდ ხელოვნურად აბსტრაქტიაქმნილი გამოსხივებაა მთლიანი ენტელექტისა, ანუ პერსონისა. ნიჭიერება თავისით მოქმედებდა, შიგნიდან იწვევდა მოქმედებას, იმორჩილებდა გარემო სამყაროს. დისპოზიცია კი მხოლოდ ისე მოქმედებს, როგორც პერსონის ერთი მომენტი; იგი კი არ იმორჩილებს, არამედ შეეთანხმება გარესამყაროს და მოქმედებაც ამ შეთანხმების, „კონვერგენციის“, შედეგია. დისპოზიცია, რომელიც თავისთავად მხოლოდ პოტენციაა, გარესამყაროსთან კონვერგენციაში პოულობს რეალიზაციას.

დისპოზიცია, თავისი არსით, პოტენციურია, მაგრამ იგი, ამასთანავე, პერსონის რეალური ყოფიერების განმსაზღვრელიცაა. რეალიზაციის შესაძლებლობა მასში სწორედ იმდენადაა მოცემული, რამდენადაც იგი პოტენციაა. მაგრამ ძველი „ნიჭიერებისაგან“ იგი, სხვათა შორის, სწორედ იმით განსხვავდება, რომ არ ძალუძს თავისით რეალობად იქცეს, მხოლოდ შინაგანი ძალების მეოხებით გამოვლინდეს და განხორციელდეს. იგი მიმართებულია ასეთი თუ ისეთი გამოძევებისაკენ, მაგრამ თავად მოკლებულია რაიმეგვარ „სახეს“. თუ როგორ „გამოიყურება“ დისპოზიცია — ფუჭი კითხვაა; პოტენციურობა — „არ გამოიყურება-ო“¹¹, ამბობს ვ. შტერნი მნემური დისპოზიციების შესახებ. იგივე ითქმის ყველა დისპოზიციების შესახებაც. იმისათვის, რომ დისპოზიცია პოტენციიდან რეალურ მოცემულობად იქცეს, ან, უკეთ რომ ვთქვათ, იმისთვის, რომ დისპოზიციამ გარკვეული გამოვლინება მოგვეცეს, — აუცილებელია მისი შეხვედრა გარესამყაროს ძალებთან.

სანამ დისპოზიციის რეალიზაციის მექანიზმის განხილვას მივყოფდეთ ხელს, დავუბრუნდები პერსონის კონსტიტუციური ნიშნების განხილვას. აქამდე სამი ძირითადი ნიშნიდან მხოლოდ მიზანმიწრაფებულობაზე მქონდა თხრობა. პერსონისათვის კი კონსტიტუციურია აგრეთვე მრავალერითიანობისა და ინდივიდურობის თვისება. რას წარმოადგენს, რაში მდგომარეობს თითოეული მათგანი? რადაა აუცილებელი პერსონისათვის მრავალერითიანობად და ინდივიდურობად ყოფნა?

¹¹ 1,269.

ძრავალერთიანობის ნიშნის დასახასიათებლად, ჯერ-ჯერობით, სამყოფი იქნება ვ. შტერნისავე სიტყვები მოვიტანოთ: „ერთიანი ყოფიერება არ უნდა იყოს მარტივი. unitas multiplex (მრავალერთიანობა) უკანასკნელი საიდუმლოებაა, რომლისაც ჩვენ არც ახსნა ძალკვიძს და არც უარყოფთა, არამედ რომელიც უნდა ვაღიაროთ ჩვენი მთლიანი მსოფლგაგების საფუძვლად. ეს თეზისი მხოლოდ ელემენტების თანდებას კი არ შეეხება, არამედ, აგრეთვე, ფაზების თანმიმდევრობას. ერთიანი ყოფიერება სრულიადაც არ უნდა იყოს უძრავი (starr)“⁴².

ინდივიდურობას, როგორც პერსონის ძირითად ნიშანს, ვ. შტერნი „თავისებურობის“ (Besonderheit) აზრით გულისხმობს. ეს ნიშანი ლოგიკური აუცილებლობით გამომდინარეობს პერსონის სუბსტანციურობიდან. სუბსტანცია აუცილებლად განუმეორებელი უნდა იყოს. ეს კი ნიშნავს, რომ თითოეული პერსონა მხოლოდ ერთხელაა მოცემული გარკვეული კონკრეტული სახით. მისი პერსონულობა სწორედ მის ამგვარადყოფნაშია მოცემული. თავისებურობა, განუმეორებლობა, ერთხელობრიობა აუცილებლად ახასიათებს სუბსტანციას, ანუ, ამ შემთხვევაში, პერსონას. „მაუხედავად ყველა იმ შეთანხმებულობისა, რომლის მეჩხეებითაც პერსონება ურთიერთს ემსგავსებიან: როგორც კაცობრიობის ეგზემპლარები, ერთი რასის წარმომადგენლები, ერთი სქესისადმი კუთვნილნი და ა. შ., მიუხედავად ყველა იმ... კანონზომიერებებისა, რომლებსაც ძალა აქვს ყველა პერსონებისთვის, მაინც მუდამ რჩება რაღაც უკანასკნელი იმთავით-საკუთარი (letztes Ureigentes), რომლითაც პერსონა უპირისპირდება ყველა სხვა პერსონებს, როგორც თავისთავადი რაღაც სამყარო“⁴³. ამრიგად, პერსონის თავისებურება, ინდივიდურობა ლოგიკურადაც და ემპირიულადაც გამართლებულია ვ. შტერნისათვის. ის, რაც აქამდე ვთქვით პერსონის შესახებ, ახასიათებს მას, როგორც იდეურ პერსონას. ეს ცნება გულისხმობს პერსონის შინაგან მიზანმისწრაფებას, თვითშენარჩუნებასა და, უმთავრესად, თვითგანვითარების მიზნების აბსოლუტურ, პირობაუღებელ განხორციელებას. იდეური პერსონა ზღვრული ცნებაა, რომლის ამ სახით

⁴² 3,6.

⁴³ 3,7.

განხორციელება შეუძლებელია. რეალური პერსონა პირიქით, რეალური ფაქტია. ავტორის სიტყვით „პიროვნება“⁴⁴, როგორც ჩვენ მას აქამდე განვიხილავდით, თუმც აუცილებელი, მაგრამ მაინც მხოლოდ და მხოლოდ აბსტრაქციაა. ჩვენ მისი იზოლაცია მოვახდინეთ, რათა შეგვძლებოდა წმინდა სახით ვწედომოდით მის მიზანთა სისტემას და მისი მოქმედების წარმმართველ ძალებს (Triebkrafter), ხოლო თუ როგორ ხორციელდება ეს მიზნები, სადაა თვით ამ ძალების საწყისი — ეს შემდგომი, სრულიად ახალი საკითხებია, რომლებზედაც პასუხის გასაცემად საჭიროა სამყაროს აქამდე უგულებელყოფილი ფაქტორი მოვიტანოთ. რადგან პერსონული ინდივიდი არაა „ერთადერთი“, სამყარო კი მისი „საკუთრება“; არამედ ორმაგი ჯაჭვებითაა იგი ჩაბმული სამყაროში: დროის მხრივ თავისი გვარის მწკრივში, სივრცის მხრივ — თავისი გარემოცვის ვითარებაში. წინასამყარო და გარემოსამყარო არის ორი სამყაროისეული პირობა, ორი არა-მე, რომლებისგანაც ლებულობს „მე“ თავის სახეს სინამდვილეში; მემკვიდრეობა და შექმნა (Erwerbunig) — ორი გზაა, რომლებიც ურთიერთს ხვდება — კონვერგენციაში მოდის — გადაკვეთის წერტილში: „პიროვნებაში“⁴⁵.

ამ ციტატიდან სავსებით ნათელი ხდება რეალური პერსონის განეზიისი: პერსონა წინასამყაროსა და გარესამყაროს თანხედრის, კონვერგენციის ნაყოფია, პროდუქტია.

წინასამყარო მემკვიდრეობის გზით „შემოდის“ პერსონაში. მემკვიდრეობა ზეინდივიდუური პერსონის — გვარის — დისპოზიციაა. მემკვიდრეობით სუბსტანციური საგნები კი არ გადაეცემა შთამომავლობას, არამედ მხოლოდ და მხოლოდ ტენდენციები და უნარები, რომლებიც კონვერგენციის მეოხებით იქცევიან ერთმნიშვნელოვან სინამდვილედ ამა თუ იმ თაობაში. მემკვიდრეობის ასეთ გაგებას მრავალი უპირატესობა აქვს თვისებათა მემკვიდრეობით გადაცემის თეორიის წინაშე. სულ ადვილი გასაკები ხდება. მაგალითად, მონაცვლეობითი მემკვიდრეობა და ატავიზმები: თუ მემკვიდრეობა დისპოზიციაა, ბუნებრივია მისი ლატენტურობა თაობათა მთელი რიგის მანძილზე, სანამ რომელიმე თაობაში იგი აქტუ-

⁴⁴ იგივე ითქმის ზოგადად პერსონის შესახებაც.

⁴⁵ 3,95.

ალურად არ გამოქვდავენდება სათანადო პირობების მეოხებით. მექვიდრეობისათვის დაბრუნება კვლავ მოგვიხდება კონვერგენციის ფაქტორების ურთიერთზემოქმედების განხილვისას. ახლა კი განვიხილავ კონვერგენციის მეორე, გარეგან ფაქტორს,— გარემოსამყაროს.

პერსონული სამყაროს შესახებ მოძღვრებას უდიდესი მნიშვნელობა აქვს ვ. შტერნის ფსიქოლოგიური შეხედულების გასარკვევად. თვით მას მიაჩნია, რომ პერსონალისტიკის⁴⁶, ე. ი. ადამიანის პერსონის შესახებ ზოგადი მეცნიერების — მთავარი პრობლემაა: ერთი — პერსონის პრობლემა და მეორე — პერსონული სამყაროს პრობლემა. პერსონა, ცნების განსაზღვრების თანახმად, ღია სამყაროსათვის, ე. ი. მას განუწყვეტელი ურთიერთობა აქვს სამყაროსთან. სამყაროსთან ურთიერთობის გარეშე შეუძლებელია სიცოცხლე. პერსონა კი ცოცხალია. „სიცოცხლე ყოფისა და ვლენის ერთიანობაა სამყაროსათვის ღია მთლიანობაში. ცოცხალია ისეთი არსება, რომელიც თავის მთლიანობითს ფუნქციონებაში მუდამ განახორციელებს თავის მთლიანობითს ყოფას, და რომელიც გარემომცველ სამყაროსთან უწყვეტი გაცვლა-გამოცვლისას მიახვ მთლიანობად რჩება“⁴⁷.

პერსონული სამყარო

თითქოს სამყოფი უნდა იყოს მეცნიერებისათვის პერსონის შესახებ, როგორცაა, სხვათა შორის, ფსიქოლოგია, პერსონის რაობის ცოდნა, რათა შესაძლებელი გახდეს მისი სამყაროსთან ურთიერთობის ხასიათის კვლევა, რამდენადაც სამყაროს რაობას თუ როგორობას სხვა მეცნიერებანი და ფილოსოფიის დარგები არკვევს. მაგრამ ვ. შტერნისათვის ეს ასე არაა. ვთქვი კიდევ: სამყა-

⁴⁶ პერსონალისტიკა არის ვ. შ-ის მიერ დაფუძნებულ მეცნიერება ადამიანის ინდივიდუალური პერსონის შესახებ. მისი (ამ მეცნიერების) არსებობის გამართლებას ავტორი იმაში ხედავს, რომ „პერსონა, როგორც აზრიანი, მიზანმიმართული მთლიანობა, თავს იჩენს სხვადასხვა სპეციალურ მეცნიერებანში, მაგრამ ეს მეცნიერებანი ჯერ არ არის გამთლიანებული. საჭიროა განვითარებულ ფესვ პერსონალისტიკა, როგორც ადამიანის პერსონის შესახებ ყველა ცალკეულ მეცნიერებათა საერთო საფუძველმდებელი და წინა-მეცნიერება“ (5, გვ. V).

⁴⁷ 1,99.

როს, სახელდობრ პერსონული სამყაროს კვლევა მას პერსონალისტიკის ერთ-ერთ ამოცანად, და კიდევ მეტი: ერთ-ერთ ძირითად პრობლემად მიაჩნია. პერსონალისტიკა არ იკვლევს სამყაროს არსებობა-არარსებობის საკითხს. ამ საკითხის კვლევა საერთოდაც არაა მეცნიერების საქმე, რადგან მეცნიერების არსებობა უკვე გულისხმობს აუცილებელ პირობად სამყაროს არსებობას. „სამყაროს სინამდვილე შემეცნების რაიმეპროცესის ნაყოფი კი არაა, არამედ წინამძღვარი ა შემეცნების ყოველგვარი პროცესისა. წინამძღვარი, რომელიც, ამრიგად, ათეორიულ მომენტში უნდა მდგომარეობდეს. ამ ათეორიულ მომენტს რწმენის გარდა სხვას ვერაფერს ვუწოდებთ. ასეთი იმთავითი რწმენა რომ არ ჰქონოდა ადამიანს, რომლის არც დამტკიცებაა შესაძლებელი და არც უარყოფა: რომ მას, სუბიექტს, უპირისპირდება რეალური ობიექტი, — ვერავითარი ჭადოთი ვერ მოახერხებდა იგი სუბიექტიდან თეორიული გზით ობიექტის შექმნას (Hervorzaubern)“⁴⁸. სამყაროს არსებობის რწმენა აპრიორული წინასწარი პირობაა ყოველი მეცნიერებისა⁴⁹. მაგრამ ეს არ ნიშნავს, რომ მეცნიერება განთავისუფლებულია სამყაროს კვლევისაგან. პირიქით, სწორედ ესაა მეცნიერების ამოცანა, და ყოველი ცალკეული მეცნიერება თავისი თვალსაზრისით იკვლევს და შეისწავლის რეალურ სამყაროს, ან მის რომელიმე მონაკვეთს. პერსონალისტიკას საქმე აქვს „სამყაროს იმ მონაკვეთთან, რომელსაც მნიშვნელობა აქვს პერსონის სიცოცხლისათვის, და ამ მონაკვეთის იმ თვისებასთან, რომლითაც მას მნიშვნელობა აქვს პერსონისთვის... ყოველ პერსონას გააჩნია თავისი პერსონულად მნიშვნელოვანი სამყარო — „პერსონული სამყარო“⁵⁰. პერსონალისტიკის ამოცანაა გამოკვლიოს პერსონული სამყაროების ზოგადი, საყოველთაო თვისებები, ის თვისებები, რომლებიც განასხვავებს მათ სხვაგვარი სამყაროებისაგან: მათემატიკურისაგან, ფიზიკალურ-კოსმიკურისაგან თუ სოციოლოგიურ-ისტორიულისაგან.

პერსონული სამყაროს შესწავლისას პირველი საკითხი ისაა, თუ რითი გამოეყოფა იგი ზოგადად-სამყაროს. პერსონული სამყა-

⁴⁸ 2,117.

⁴⁹ 4,25.

⁵⁰ 1,123.

როში შედის მხოლოდ ის 'და ყველაფერი ის, რასაც მნიშვნელობა აქვს პერსონისათვის (რაც პერსონულად რელევანტურია), ხოლო ყოველივე ის, რასაც არა აქვს პერსონისთვის მნიშვნელობა, მისი საზღვრების გარეშე რჩება. თუ რას აქვს და რას არა აქვს მნიშვნელობა პერსონისთვის, ამის დადგენა „გარედან“, ტრანსპერსონული რაიმე კრიტერიუმით, შეუძლებელია. პერსონამ თითონ უნდა მოახდინოს მნიშვნელობის არმქონის გადარჩევა, გაკიდვანება. გადარჩევა, უწინარეს ყოვლისა, წმინდა რაოდენობით (კვანტიტეტური) მხრივ ხდება. ობიექტურ სამყაროში არსებობს უამრავი მდგომარეობა და მოვლენა, რომელნიც, სწორედ მათი მცირე ინტენსივობის გამო, სრულიად უმნიშვნელოა პერსონისთვის. მართალია, პერსონის თვითშენარჩუნება მოითხოვს მისგან სამყაროს ცვლილებებისადმი შეგუებას, მაგრამ სამყაროს ყოველი ცვლილება არ მოითხოვს, არ საჭიროებს პერსონის მიერ შეგუების ახალი აქტის წარმოებას. პერსონის ძალები და შესაძლებლობები ზღვარდებულია და უსასრულო სამყაროს უწყვეტ ცვალებადობასთან თანაზომიერად ცვალებადობა მას არ ძალუძს. რომელიმე ძალიან მცირე ინტენსივობის მქონე მოვლენას — სწორედ მისი ინტენსივობის სიმცირის გამო — შეიძლება არავითარი სასიცოცხლო მნიშვნელობა არ ჰქონდეს პერსონისთვის. მაგრამ თუ იმავე მოვლენას მეტი ინტენსივობა ექნება, ამით მას უკვე პერსონისთვის სასიცოცხლო მნიშვნელობა ენიჭება. გარესამყაროს მოვლენის ის ინტენსივობა, რომელიც მას პერსონისთვის მნიშვნელოვნად აქცევს და ამით უზრუნველყოფს მის „შეტანას“ პერსონულ სამყაროში, ზღურბლად იწოდება.

ზღურბლის ცნებაც და ტერმინიც ფსიქოფიზიკისაგანაა ნასესხები. მაგრამ, თუ ფსიქოფიზიკაში იგი გამღიზიანებლის იმ ინტენსივობას ნიშნავდა, რომელიც საჭირო იყო ცნობიერი ფსიქიკური მოვლენის — შეგრძნების — გამოსაწვევად (ან გამღიზიანებლის ინტენსივობის იმ ცვლილებას, რომელიც საჭირო იყო შეგრძნების ინტენსივობის ცვლილების გამოსაწვევად), პერსონალისტიკაში ამ ტერმინს ბევრად უფრო ფართო მნიშვნელობა მიეწერება. სახელდობრ: აქ იგი მოვლენის იმ ინტენსივობას ნიშნავს, რომელიც შეგუების აქტს მოითხოვს პერსონისგან; თვით ეს აქტი კი, შესაძლოა, სრულიადაც არ იყოს ფსიქიკური ხასიათისა. ზღურბლი ნიშნავს

„პერსონისათვის სამყაროს მნიშვნელოვანობის საზღვარს, რამდენადაც რიცხობრივად შეიძლება იქნეს იგი დადგენილი“⁸¹. ნიშნავს იმ ადგილს, სადაც წყდება ობიექტური განზომილებადი სამყაროს კავშირი პერსონასთან⁸²; ნიშნავს მხოლოდ პირველ ნაბიჯს პერსონის განთავისუფლებისას კოსმიკური უსასრულო სამყაროს გავლენისაგან. ზღურბლი მხოლოდ იმას გვეუბნება, თუ რა არ შეიძლება იყოს პერსონულ სამყაროში, და ისიც — კვანტიტეტური თვალსაზრისით, და სწორედ ამიტომ, მხოლოდ ნეგატიურად, და ისიც მხოლოდ ცალმხრივად (მხოლოდ კვანტიტეტურად და არა კვალიტეტურად), ახასიათებს პერსონულ სამყაროს.

პერსონული სამყაროს პოზიტიური დახასიათებისათვის საჭიროა მისი შედგენილობისა და აგებულების გარკვევა. კვანტიტეტური მხრივ გადარჩევის მექანიზმს ზღურბლი წარმოადგენს. კვალიტეტური მხრივ შერჩევის პრინციპი პერსონის სიცოცხლისთვის შესატყვისობაა.

პერსონის სიცოცხლე სამ პლანში, სამ სიბრტყეში შეიძლება მიმდინარეობდეს, მას სამი მოდუსი გააჩნია, რამდენადაც ადამიანის პერსონის შესახებ გვაქვს მსჯელობა. ერთი სიბრტყე წმინდა ვიტალური ყოფის სიბრტყეა. იგი საერთოა ყველა ცოცხალი ინდივიდური ბიოლოგიური პერსონისათვის. ამ საფეხურზე, ამ სიბრტყეში პერსონა განუწვალებლადაა შერწყმული თავის სამყაროს, და მხოლოდ გარედან მყუდრებლისთვისაა შესაძლებელი პერსონისა და მისი სამყაროს ერთიანობის მთლიანობაში, — რომელსაც „აწმყო“, ან უფრო ზუსტად და უშეცდომოდ „პრეზენცი“ შეიძლება ეწოდოს, — განასხვავოს პერსონა სამყაროსაგან. სამყარო, როგორც პერსონისთვის გარემყოფი, მისთვის დაპირისპირებული, როგორც ობიექტი — ჯერ არ არსებობს თვით პერსონისთვის (ამ კონტექსტში პერსონას „ცენტრალურს“ უწოდებს ვ. შტერნი). ობიექტები ცენტრალური პერსონისთვის მხოლოდ ისაა, რაც მათ შეიძლება უქნას პერსონამ. პერსონული სამყარო შედგება ობიექტებისგან, რომლებსაც ვიტალური მნიშვნელობა აქვს პერსონისათვის მაგრამ, ცენ-

⁸¹ 1,244.

⁸² 3,191.

ტრალური პერსონისთვის ეს არაა „ობიექტები“. ასე მაგალითად, „ბალახი არააა მტაცებელი ცხოველისათვის, რაღაც საქმელია ძროხისათვის, რაღაც საფარია მლილისთვის — ყოველი ცხოველისთვის სრულიად განსხვავებული რაღაცაა, მავრამ არცერთი ამ არსებისათვის არაა იგი „ბალახი“, როგორც საგანი, ინდივიდის ბიოსფეროზე ცენტრირებისაგან დამოუკიდებლად“⁵³. ასეთი არის „ვიტალური სამყარო“ ანუ „ბიოსფერო“⁵⁴.

სპეციფიკური ადამიანურია „ს ა გ ნ ო ბ რ ი ვ ი ს ა მ ყ ა რ ო“. თანდათანობით განვითარებაში ადამიანი უპირისპირდება სამყაროს; პერსონა, სუბიექტი უპირისპირდება ობიექტს. ხდება „პრეზენციალის შემადგენელი მომენტების გამოკვეთა. თუმც არასოდეს არ ხდება მათი სრული და მკაფიო გათიშვა, არამედ ვიტალური სამყარო განავრცობს კვლავ არსებობას, როგორც ასეთი. მისგან აღმოცენდება და მხოლოდ დაემატება მას საგნობრივი სამყარო. საუკეთესო საბუთს იმისას, რომ სუბიექტის და ობიექტის გათიშვა სრული არაა, წარმოადგენს ე. წ. „მედიუმი“ (Heider): პერი, ეთერი, წყალი. ფიზიკალური თვალსაზრისით მედიუმი სხვა საგნებს არ ჩამოუვარდება თავის ობიექტურობით. ადამიანის სიცოცხლისთვის კი იგი სულ სხვა კატეგორიის ფაქტია, ვიდრე საგანი. ეს „სხვა“-ობა სწორედ ვიტალური სამყაროს ობიექტ-უყოფელობის ნაშთია. ან კიდევ „წმინდა მეცნიერული ან ხელოვნების საგნების მალახარისხოვანი ობიექტურობა საერთოდ არ გვხვდება მრავალი პერსონის პერსონულ სამყაროში; საგნები, რომლებსაც პირდაპირი მიზნობრივი კავშირი არა აქვს პერსონულ ვიტალურ სფეროსთან, ამ პერსონებისათვის მიუწვდომელია. რამდენი ვინმეა, რომ თვით ვარსკვლავთა ასტრონომიული სამყაროს წედომაც მხოლოდ ასტროლოგიურად, ე. ი. საკუთარ ბედისწერასთან მიმართებაში ძალუქს!“⁵⁵ ვიტალური სამყაროს ასეთი „გადმონაშთები“ უფრო

⁵³ 5,94.

⁵⁴ ტერმინი „ბიოსფერო“ ომონიშნა დ. უზნაძის მიერ უწინ (1925 წ.) ხმარებული ტერმინისა.

⁵⁵ 5,97.

თვალსაჩინოდ ჰყოფს წმინდა საგნობრივი სამყაროს განსხვავებას წმინდა ვიტალურ სამყაროსგან. ვიტალურ სამყაროში სუბიექტი და ობიექტი გაუთიშველია — საგნობრივ სამყაროში ობიექტი ჩამოშორებულია და დაპირისპირებულია სუბიექტისათვის (აქვე უნდა აღვნიშნო, რომ ფსიქოლოგიის კვლევის სფერო, სწორედ საგნობრივი სამყაროა).

პერსონული სამყაროს მესამე მოდუსი ინტროცეფციული მოდუსია. მისი ობიექტები მხოლოდ და მხოლოდ თავისთავად არსებულნი კი არ არიან, როგორც საგნობრივ სამყაროში იყვნენ, არამედ, აგრეთვე — თავისთავად-მნიშვნელოვანნიც. ეს ის ობიექტებია, რომლებსაც აღიარებს პერსონა და რომლებიც ასეთ აღიარებას მოითხოვენ მისგან. ესაა ობიექტები, რომლებიც პერსონამ შეიძლება და უნდა შეიყვაროს და გაიგოს, ესთეტიკურად სწედეს და რელიგიურად წმიდაჰყოს (heiligen), მორალურად მოეპყროს და ხელოვნურად ჩამოაყალიბოს. ამ ობიექტებს ნორმატული მნიშვნელობა ენიჭება. ცენტრალური პერსონა აქ აღარაა საკუთარი სამყაროს ერთადერთი ცენტრი: მთელი სამყარო მნიშვნელობის ცენტრებისაგან სამყაროს ერთადერთი ცენტრი; მთელი სამყარო მნიშვნელობის ცენტრებისაგან არის აგებული. ასეთებია, მაგალითად. სხვა ინდივიდური, თუ ზეინდივიდური პერსონები, აბსტრაქტული იდეალები და ღირებულებები, ბუნებისა თუ კულტურის საგნები. მხოლოდ ამ სამყაროში ენიჭება პერსონას ღირებულება, რადგან საკუთარი ღირებულებების დადასტურება სხვა ღირებულებათა აღიარების გზით ხდება⁶⁶. მაგრამ ეს საკითხები ძალიან შორს სცილდება ფსიქოლოგიის პრობლემებს, და ამიტომ მათ აღარ გავყვები.

ამრიგად, სამი მოდუსი, სამი ასპექტი არსებობს პერსონული სამყაროსი: ვიტალური, საგნობრივი და ინტროცეფციული სამყაროები. ეს განსაზღვრავს პერსონული სამყაროს შედგენილობას კვალიტეტური მხრივ. პერსონულ სამყაროში ზოგადად — სამყაროდან შევა ის, რასაც — ინტენსივობით — ძალა შესწევს ზღურბლის გადალახვისა და რასაც ან ვიტალური, ან საგნობრივი, ან ინტროცეფციული მნიშვნელობა აქვს ცენტრალური პერსონისათვის.

როგორღა აიგება მათგან პერსონული სამყარო, როგორია მისი სტრუქტურა? ამ საკითხზე პასუხს პერსონულ განზომი-

⁶⁶ 5,98 და 1,102.

ლებათა გათყალბისწინება მოგვეცემს. დრო და სივრცე არის ის განფენილებანი, რომლებშიც მოცემულია სამყარო. პერსონული სამყაროც დროსა და სივრცეშია მოცემული, მაგრამ არა ობიექტურ, არამედ პერსონულ დროსა და სივრცეში. ეს პერსონული განზომილებანი განსხვავებულია ობიექტურ განზომილებათაგან და, ამდენად, პერსონული სამყაროს აგებულებაც სხვაგვარია, ვიდრე ზოგადად — სამყაროსი.

უპირველესად ყოვლისა, ობიექტური სამყარო უსაზღვროა, როგორც სივრცეში, ისე დროში. პერსონული სამყარო ზღვარდებულა სივრცეშიც და დროშიც. სივრცეში იგი შემოფარგლულია იმ ობიექტებით, რომლებსაც მნიშვნელობა აქვს პერსონის სიცოცხლისათვის. დროში იგი განსაზღვრულია პერსონის სიცოცხლის ხანგრძლივობით: პერსონული სამყარო ჩნდება პერსონის დაბადებისას და პერსონის სიკვდილისთანავე ისპობა.

ობიექტური სამყაროს არა აქვს ცენტრი: ეს გარემოება აუცილებლად გამომდინარეობს მისი უსაზღვროებიდან. ობიექტურ განზომილებათა ამოსავალი პუნქტი პირობითია: იგი რაგინდარა მათემატიკური ნულეული პუნქტი შეიძლება იყოს როგორც სივრცეში, ისე დროში. პერსონულ განზომილებას გააჩნია აბსოლუტური სავალდებულო ამოსავალი პუნქტი — ცენტრალური პერსონა. პერსონის „პრეზენცი“. ობიექტური სივრცის განზომილების ამოსავალი ნებისმიერი პუნქტი არის აბსოლუტურად უშინაარსო და განუფენელი მათემატიკური წერტილი, რომელშიც გადაიკვეთება კოორდინატთა ლერქები, და მეტი არაფერი. პერსონული სივრცის განზომილების ამოსავალს განფენილებაც აქვს და საკუთარი შინაარსიც. ამიტომ მას არც შეიძლება პუნქტი, წერტილი ეწოდოს, სიტყვის მათემატიკური მნიშვნელობით, არამედ უნდა ეწოდოს „შუაგული“ (Mitte).

მათემატიკური სამყაროს განზომილება მუდამ და მხოლოდ „გარეთაა“ მიმართული, რადგან თვით ამოსავალი პუნქტი განფენილებას მოკლებულია დროშიც და სივრცეშიც. პერსონული განზომილების ამოსავალი კი საკუთარი განფენილების მქონე პერსონაა. ამიტომ, ძირითადი დამახასიათებელი და განმასხვავებელი თვისება პერსონული განზომილებისა მისი ორმხრივ მიმართებულობაა „გარეთ“ და „შიგნით“. უკანასკნელი — საკუთრივ პერსონათა-

ნაა დაკავშირებული, პირველი — მის გარემოსამყაროსთან. სივრცითი ასპექტით „შიგნით“-განზომილება ზედაპირიდან სიღრმისკენ მიდის. ზედაპირს შეადგენს პერსონის ის მომენტები, რომლებიც გარემოსამყაროსთან უშუალო ურთიერთობაში არიან, მაქსიმალურად არიან გამოკვეთილი პერსონის ტოტალურობას, მაქსიმალურად არიან გვეტალტყოფილნი. სიღრმის საბოლოო საზღვარია პერსონის სრული განუსაზღვრელობა, შინაგანი დაუსრულებლობა.

„გარეთ“ მიმართულება პერსონულ „ახლო“-დან პერსონულ „შორი“-სკენ მიემართება. „ახლო“ არის ის, რასაც უშუალო კავშირი აქვს პერსონასთან: მისი ს ი ტ უ ა ც ი ა, სრული, ერთმნიშვნელოვანი გარკვეულობა. „შორს“ არის სამყარო მისი სრული პერსონული უშინაარსობით, დაუსრულებლობით. მათ შორის ძვეს ჯერ კიდევ ერთმნიშვნელოვნად ჩამოუყალიბებელი, მრავალმნიშვნელოვანი შესაძლებლობის სფერო.

რადგან არსებობს „შიგნით“ და „გარეთ“ მიმართულება, თითქოს უნდა არსებობდეს მათ შორის ინდიფერენტული, ნულეული რკალიც (რკალი და არა წერტილი, რამდენადაც შიგნით-გარეთ განზომილება ყოველმხრივია რადიალურია), ნამდვილად კი სადემარკაციო ხაზი — მათემატიკური ერთგანზომილებიანი წრეხაზი კი არაა, არამედ განფენილი ზონა, „შემოგარე“ (Bereich). მასში ჯერ განუწვალადაა მოცემული პერსონა და მისი სამყარო. შემოგარეს არსებობის დამამტკიცებელია შემდეგი მაგალითები: პაერი, რომლითაც ვსუნთქავთ, ძნელი სათქმელია, თუ რა მომენტში სწყვეტს გარემოსამყაროს ნაწილად ყოფნას და იქცევა პერსონის ნაწილად; იგი შემოგარეს ეკუთვნის. საკუთარი ფეხი, რომელსაც თითქო ბავშვი ეთამაშება, მისთვის პრინციპულად არ განსხვავდება ტიკინისაგან; ისიც შემოგარეს ეკუთვნის.

სივრცის განზომილებათა შორის განსხვავების ანალოგიურია განსხვავება ობიექტურისა და პერსონული დროის განზომილებათა შორის.

ობიექტური დროის განზომილების ამოსავალს არ გააჩნია არც განფენილება-ხანიერება, — არც რაიმე შინაარსი. ობიექტური „ახლა“, „აწმყო“ მხოლოდ და მხოლოდ ნულეული ზღვარია, რომელიც ურთიერთს ამორებს ნამყოსა და მყობადს. პერსონული „ახლა“ სავალდებულო ამოსავალია პერსონული დროის განზომილე-

ზისა. იგი კი არ სთიშავს, არამედ, პირიქით, აკავშირებს პერსონულ ნამყოსა და მყობადს. იგი სავსეა საკუთარი შინაარსით და — რაც, შეიძლება, ყველაზე უფრო უცნაური იყოს — იგი ხანიერია, განფენილია დროში და, ამასთანავე, მისი ხანიერება, ობიექტურად გაზომილი, შეიძლება ძალიან დიდი აღმოჩნდეს.

პერსონული „ახლო“ და „შორს“ სივრცით-დროითად ნეიტრალურია. „ახლო“ შეიძლება იყოს ცხრა მთას იქით მყოფი სატრაფო, ათეული წლების წინათ მომხდარი სამწუხარო შემთხვევა. ბაეარიელი გლეხისთვის ძალიან შორია ბრაზილიის ტევრი, მაგრამ. თუ ქონებრივი სიღუბნე იძულებს მას ემიგრაციაზე იფიქროს — ეს ტევრი, შესაძლოა, ძალიან „ახლო“ გახდეს მისთვის. პატარა ბავშვისთვის შეიძლება ძალიან „შორს“ იყოს მშობლების წიგნთსაცავი, მაგრამ რაღომ ბავშვი წამოიზრდება და კითხვით დაინტერესდება, ეს წიგნთსაცავი „ახლო“ გახდება მისთვის.

პერსონულ პრეზენცში ერთ მთლიანობადაა შერწყმული პერსონული დროის და სივრცის ამოსავალი: „აწმყო“ და „აქმყო“ (სწორედ ამიტომ შეიქმნა საჭირო უცხოური ტერმინის ხმარება, რომელიც უკეთ გამოჰხატავს პრეზენცის ამ თავისებურებას, ვიდრე ქართული „აწმყო“, რომელსაც გარკვეულად დროის ელფერი აქვს. არც გერმანული „Gegenwart“ აღმოჩნდა დამაკმაყოფილებელი ტერმინი ანალოგიური ეტიმოლოგიური მოსაზრებებით). გაუგებრობა რომ არ მოხდეს: პრეზენცი პერსონული აწმყოსა და აქმყოს ერთიანობით არ ამოიწურება, — მასში საკუთრივ სპეციალისეული მომენტითაა მოცემული „სიტუაციის“ სახით.

პერსონული სივრცის კოორდინატთა სისტემა, ისევე, როგორც ობიექტური სივრცისა, სამგანზომილებიანია, მაგრამ ობიექტური განზომილების ღერძები თანაბარდირებულა (უმჯობესი იქნებოდა გვეთქვა რომ ღირებულების გარეშე არსებულა და თანაბრობაც მათი ღირებულებისა მხოლოდ და მხოლოდ ღირებულების არ-ქონებითაა პირობადებული). ამის გამო მათი შენაცვლებაა შესაძლებელი: არ არსებობს აბსოლუტური ვერტიკალური, აბსოლუტური საგიტალური, აბსოლუტური ფრონტალური ღერძები¹⁷. თითოეული ღერძი (ცხადია, არა ერთსა და იმავე დროს და; ცხადია, რომ არც სამივე ღერძი ერთდროულად) ვერტიკალურიც შეიძლება

¹⁷ Aufrecht, Geradeaus, Sittlich.

იყოს, საგიტალურიც და ფრონტალურიც. თითოეული ღერძის „მონაკვეთი“ ნულეული ამოსავალი წერტილიდან დაუსრულებლობისკენ, მხოლოდ ნიშნით განსხვავდება ამავე ღერძის მეორე მონაკვეთისგან, რომელიც იმავე ნულეული წერტილიდან მოპირდაპირე მხარისკენ მიიმართება: თუ ერთ მონაკვეთს დადებითი (პლუს) ნიშნით აღვნიშნავთ, მისი მოპირდაპირე მონაკვეთი უარყოფითი (მინუს) ნიშნით უნდა აღვნიშნოთ. მაგრამ ამა თუ იმ პოლუსის პლუსად თუ მინუსად აღიარება სავსებით ნებისმიერია.

პერსონული განზომილების ღერძები არაა თანაბარღირებულის და, ამის გამო. მათი შენაცვლება შეუძლებელია. არსებობს აბსოლუტური ვერტიკალური, საგიტალური და ფრონტალური ღერძები. ადამიანისთვის ძირითადი მნიშვნელობის, და მამ. უდიდესი ღირებულებისაა ვერტიკალური ღერძი. ვერტიკალური მდგომარეობა ადამიანის ორგანიზმისთვისაა სპეციფიკური და, ამასთანავე, არსებითიც. „დგომა“-ში გამოიხატება ადამიანის პერსონის პერსონულობა, აქტიური სტაბილურობა, პერსონის თვითდადასტურება. „წოლა“-სთან შედარებისას კიდევ უფრო მკაფიო ხდება დგომის უპირატესობა: წოლა, ღება (Liegen) იმპერსონულია. მიმზიდველობის კანონის მექანიკური შედეგია. დგომა პერსონული თვითმოქმედების მაჩვენებელია. რამდენადაც „პოლუსი“ შეიძლება ეწოდოს — მართალია ურთიერთისთვის დაპირისპირებულს, მაგრამ რომელობითად და არა მხოლოდ პლუს-მინუს ნიშნით ურთიერთისაგან განსხვავებულ მიმართულებას — ვერტიკალური ღერძის პოლუსებია „ზევით“ და „ქვევით“. სრულიად უეჭველია, რომ ნიშნების შენაცვლება, რაც ობიექტური ღერძების პოლუსების მიმართ შეიძლება ვაწარმოოთ, აქ სრულიად შეუძლებელია. ასევე უეჭველია „ზევით“-პოლუსის პირველობა (პრიორიტეტი). იგი გამოიხატავს ძლიერებას, დამოუკიდებლობას, მაშინ როდესაც „ქვევით“ პოლუსი სისუსტის, მორჩილების მაჩვენებელია. პირველი — პერსონის სპონტანურობის გამომხატველია, უკანასკნელი კი — მისი გან-პერსონებისა. ადამიანის მეტყველება გამსჭვალულია „ზე“... და „ქვე“-ს ასეთი აზრით. და არა მარტო მეტყველება: მითი, ხელოვნება, სიზმარი, თამაში, ნევროზები და სხვ.

პერსონული სივრცის განზომილების მეორე ღერძი საგიტალური ღერძია. მისი ღირებულება კმითაა პირობადებული, რომ პერსონული დინამიკა უპირატესად ამ მიმართულებით წარმოებს.

ამ ღერძის პოლუსებია „წინ“ და „უკან“. უპირატესობა პირველ მათგანს ეკუთვნის. ადამიანის ორგანიზმი თავით ფეხამდე ისე აგებული, რომ მისთვის, ბუნებრივად, ყოველი მოქმედება ერთი მიმართულებით—„წინ“ არის მარჯვე და მოხერხებული. ეს გარემოებაც სპეციფიკური ადამიანურია და ყველა ცოცხალ არსებას არ ახასიათებს. — მაგ. ამებას, მცენარეს. ადამიანის წინამხარე კარგადაა დიფერენცირებული როგორც რეცეფციისათვის, ისე მოქმედებისთვის, ამ სიტყვების ფართო მნიშვნელობით. უკანა მხარე კი, მართლაც, მხოლოდ და მხოლოდ „ზურგია“, საფარი, სასიგნალო მოწყობილობა წინამხრისათვის.

მესამე — ფრონტალური — ღერძი ყველაზე ნაკლებადაა სპეციფიკურ-ადამიანური. სიმეტრია ადამიანის შემთხვევაში ამ სიბრტყეში იშლება. თუმც მის პოლუსებს შორის უპირატესობა (პრიორიტეტი) ჩვეულებრივ „მარჯვენა“ პოლუსს ეკუთვნის „მარცხენის“ წინაშე, რაც აგრეთვე, მეტყველებაშიცაა ასახული, მაგრამ არის პოლუსების აღრვეის შემთხვევებიც (ცაციობა, ამბიდექსტრია), რაც სრულიად წარმოდგენილია სხვა ღერძების პოლუსების მიმართ. სიმეტრიულობით ადამიანი ემსგავსება უსულო საგნებს, მაგრამ უნდა აღინიშნოს, რომ ადამიანის ორგანიზმის სიმეტრია არაა სრულყოფილი და ეს გარემოება მისი უსრულობის მამხილებელი კა არაა, არამედ პოზიტიური სტრუქტურული თვისებაა მისი. ასეთია თუ ისე“ თი, ეს სიმეტრია ღერძზე კი არაა აგებული, რგორც უსულო სხეულების (კრისტალების) ან ზოგიერთი ცოცხალი ორგანიზმის (მცენარეების) შემთხვევაში, არამედ სიბრტყეზე, სახელდობრ საგიტალურ სიბრტყეზე, რომელიც შუა ჰკვეთს ადამიანის ორ, დაახლოებით ერთნაირ ნაწილად: მარჯვენა და მარცხენა მხარეებად.

პერსონული სივრცისგან განსხვავებით პერსონული დრო ერთ განზომილებიანია. მისთვის უცხოა „ზევით-ქვევით“ და „მარჯვნივ-მარცხნივ“ განზომილებანი. იგი მხოლოდ „წინ-უკან“ მიმართულებით განეფინება. აქაც ისევე, როგორც სივრცის განზომილებისას, „წინ“ პოლუსი „უკან“ პოლუსზე ბევრად უფრო მაღალი ღირებულების მატარებელია, რადგან პერსონის მთელი სიცოცხლე. როგორც მიზნით განსაზღვრული, მთლიანად მომავლისკენ — ე. ი. „წინ“ არის მიმართული. დროის განზომილების პოლუსების ურთიერთშეცვლა შეუძლებელია და ამის გამო „ყველაფერი წმინდა დროითი პერსონის სიცოცხლეში ერთხელ და განუ-

მეორე ბელია (unwiederruflich). ერთხელობრივი და განუმეორებელია პერსონული დროის საზღვრებშიც: დაბადება და სიკვდილი. ამ ერთხელობრიობაშია მოცემული ყოველი პერსონული სიცოცხლის სპეციალური ისტორიულობა. სიცოცხლის ყოველი მომენტის თავისებური ღირსებაა. პერსონული დროის „წინ“ და „უკან“ („აწი“ და „უკეე“) მრავალმნიშვნელოვანი და განუსაზღვრელია. ერთმნიშვნელოვან რეალობას მხოლოდ პერსონული დროის აწყობა, „ახლა“, წარმოადგენს. მაგრამ იგი სავსებით შერწყმულია პერსონული სივრცის „აქმყოსთან“ პრეზენტში.

პერსონის ირგვლივ განლაგებაში, მის ირგვლივ ცენტრირებაში სიტუაცია — პერსონასთან უახლოესი წრეა გარემო სამყაროსი. უკანასკნელი მრავალმნიშვნელოვანია, პოტენციურია თავისი არსებით.

პერსონასთან შეხვედრისას ხდება მისი განსორციელება და, მაშ, გაერთმნიშვნელოვანება, რადგან რეალური — მხოლოდ კონკრეტული სახით შეიძლება არსებობდეს. სიტუაცია, სწორედ, რეალიზაციექმნილი გარემოსამყაროა. ნამდვილად — მასთან აქვს ურთიერთობა პერსონას. სიტუაცია, როგორც კონკრეტული რეალობა, ინდივიდურია, ე. ი. თავისებურია და განუმეორებელია. სიტუაციაში ცხოვრობს პერსონა; სამყაროსთვის მისი ღიად ყოფნის თვისება, საკუთრივ და უფრო ზუსტად, სიტუაციისთვის მის ღიადყოფნას ნიშნავს. სიტუაცია ახდენს გავლენას პერსონაზე და განიცდის პერსონის გავლენას. სიტუაცია არის სამყაროსეული მომენტი პერსონა-სამყაროს განუთიშველი შერწყმულებისა — „პრეზენტისა“. პერსონული მომენტი კი ამ მთლიანობისა არის „ცოცხლობა“.

„ცოცხლობა“ ერთ-ერთი ტალღაა პერსონის სიცოცხლის მდინარებისა⁵⁸. იგი მოიცავს პერსონის მომენტანური ქცევის მთლიან გეშტალტს (მაგ., ინტინქტური ქცევა, ნებითი ქმედობა, საუბარი და სხვ.) ცოცხლობაში — პერსონის მიზანმისწრაფებული მოქმედების („აქტის“) მეოხებით — ერთიანობადაა შედუღებული თანადროული შინაარსები⁵⁹. იგი „გარდიგარდმო კრილს“ წარმოადგენს პერსონის სიცოცხლისას. მაგრამ კი იმ შესწორებით შეიძლება მხოლოდ ამ გამოთქმის გამოყენება, რომ თუ „გარდიგარდმო კრილი“ სრულიად თავისუფალია დროითი განზომილებისაგან, ცოცხლობა

⁵⁸ იხ. 10,72.

⁵⁹ იხ. 4,138.

განფენილია დროში, იგი ხ ა ნ ი ე რ ი ა. ეს მისი საკუთარი შინა-განი ხანიერებაა. სიცოცხლის მთლიანი ნაკადის ხანიერებას ის კი არ განსაზღვრავს თავისთავად, არამედ ამგვარ, ხანიერების მქონე ცოცხლობათა თანამიმდევრობა.

პრეზენცი, პერსონის აქ, ახლა და ამგვარად მოცემულობა იდეური პერსონის რეალიზაციაა, მისი გადაქცევა რეალურ პერსონად, რომელიც, როგორც ვიცით, კონვერგენციის პროდუქტს წარმოადგენს. სწორედ პრეზენცი არის კონვერგენციის პირველადი ფაქტი (თუ: შედეგი, ნაყოფი). პერსონის წინასამყარო; დისპოზიციების სახით, და გარემოსამყარო აქ უკავშირდება. აქ შეერწყმის ურთიერთს. ასეთი პრეზენცებენს უწყვეტი თანამიმდევრობა ქმნის პერსონის რეალურ ყოფიერებას, მისი სიცოცხლის მდინარებას. თითოეული პრეზენცი ერთხელობრივია, განუმეორებელია, წარმავალია და ასეთივე ერთხელობრივი, განუმეორებელი და წარმავალი მისი, როგორც პერსონული მომენტი — ცოცხლობა, ისე სამყაროსიეული მომენტი — სიტუაცია. ერთსაც და მეორესაც აქვს დასაწყისი და დასასრული; სიტუაცია, დასრულდება რა, სამუდამოდ და აბსოლუტურად ისპობა. მისი არავითარი კვალი არ რჩება სამყაროში, რადგან სამყარო ობიექტურია, სიტუაცია კი პერსონული ასახვა სამყაროსი. არ რჩება მისი კვალი არც პერსონაში. რადგან სიტუაცია სამყაროსიეული მომენტია პრეზენცისა.

განსხვავებულია ცოცხლობის მდგომარეობა. მართალია, მასაც აქვს დასასრული, რომლის შემდეგაც იგი აღარ არსებობს, ისპობა როგორც ცოცხლობა; მაგრამ იგი უკვალოდ კი არ ქრება, არამედ „გარდაიცვლება“ აქტუალური, რეალური, აკუტური მდგომარეობიდან არააქტუალურ, პოტენციურ, ქრონიკულ დისპოზიციად, ან უფრო ზუსტად: დისპოზიციის განმსაზღვრელ მომენტად. რამდენადაც იგი აწ-მყოფიდან ნა-მყოფად იქცევა — ნამოლ: რომელიც გამოცდილების სახით, მემკვიდრეობასთან ერთად, განსაზღვრავს მომავალი კონვერგენციის პერსონულ ფაქტორს.

ცოცხლობა, როგორც პერსონის აქ-ახლა-და ამგვარად-ყოფნა სავსებით აქტუალურია, ერთმნიშვნელოვანია, ჩამოყალიბებულია. იგი თავისთავად სრულიად მოკლებულია რაიმე პოტენციურობას. მისი შინაგანი გასტრუქტურება მაჩვენებელია პერსონის მთლიანობისგან—მისი მაქსიმალურად დამოუკიდებლობისა. მაჩვენებელია იმისი, რომ იგი მაქსიმალურადაა გამოყოფილი პერსონის მრავალმნიშვნელოვანი მთლიანობიდან. ცხადია, სრული გამოყოფა მო-

შენტიის პერსონის მთლიანობიდან შეუძლებელია, როგორც არ უნდა იყოს ეს მომენტი, თორემ იგი ხომ გასწყვეტდა ყოველგვარ კავშირს პერსონასთან და აღარც იწოდებოდა პერსონულად. „ჩაბრმავებული მომენტი ნაწილობრივი მთლიანობაა, იგი რაღაცნაირად უნდა გამოეყოს პერსონის ტოტალობას; ჩაბრმავებული ნაწილობრივი მთლიანობაა, მან უნდა შეინარჩუნოს პერსონისათვის კუთვნილობა, მასში ჩანერგილი უნდა დარჩეს“⁴⁰. ყოველი ჩაგინდარა მომენტი მეტად თუ ნაკლებად გამოყოფილია პერსონის მთლიანობიდან და, ამასთანავე, მეტად თუ ნაკლებად ჩანერგილია მასში. რაც მეტადაა იგი გამოყოფილი, მით მეტადაა შინაგანად ჩამოყალიბებული და. პირიქით: რაც მეტადაა ჩანერგილი, მით ნაკლებად გამოკვეთილი მისი საკუთარი სტრუქტურაა. ამრიგად, ცოცხლობა მაქსიმალურად გამოყოფილი მომენტია პერსონის სიცოცხლის მთლიანობისა, დისპოზიცია — მინიმალურად გამოყოფილი ანუ მაქსიმალურად ჩანერგილი მისი მომენტი.

მომენტი ეწოდება ყოველივე იმას, რისი ერთობლიობაც კმნის პერსონას მრავალერთიანობას. მომენტი არის სწორედ ეს „მრავალი“ პერსონის ერთიანობაში. ამრიგად, „ყოველი მთლიანობა თავისი მომენტების ერთიანობაა.

მთლიანის ფორმალური ურთიერთობა თავის მომენტებთან ხშირად „სტრუქტურად“ იქნება ხოლმე წოდებული. ეს ნიშნავს: ზემდგომ (übergreifende) მთლიანობაში ყოველ მომენტს აქვს თავისი ნაწილობრიობის ხასიათი, თავისი ადგილი, თავისი განსაკუთრებული დანიშნულება და მნიშვნელობა, თავისი აზრითი მიმართება სხვა მომენტებისადმი და თვით მათი საერთო ზემდგომი ერთიანობისადმი. ამრიგად, მთლიანობა არის მომენტების იერარქიულად სტრუქტურაქმნილი ანუ დანაწილებული ერთიანობა“⁴¹.

გამოყოფილობა-ჩანერგილობის დიალექტიკა პერსონულ სამყაროზეც ვრცელდება. დიფუზური გარემოსამყარო გაერთმნიშვნელოვანებას სიტუაციაში პოვებს, რომელიც (სიტუაცია) მკვეთრად და გეშტალტქმნილი. ხოლო თუ დაროდესაც სიტუაციას რომელიმე მომენტი ღებულობს სრულიად მკაფიო გეშტალტს და ამით, თითქოს, სულ გამოეყოფა სიტუაციას, ვღებულობთ იმას, რასაც

⁴⁰ 5,26.

⁴¹ 5,13.

ფსიქოლოგები (ფიზიოლოგებიც, ბიოლოგებიც და სხვანიც, ვინც პერსონას შეისწავლიდა ამა თუ იმ თვალსაზრისით) „გამლიზიანებელს“ უწოდებდნენ, სთელიდნენ მას ობიექტური სამყაროს ელემენტარულ მოვლენად, რომელიც ზემოქმედებდა სუბიექტზე, ან უკეთ: სუბიექტის ამა თუ იმ ორგანოზე, და იწვევდა სუბიექტში ელემენტარულ საპასუხო პროცესს, მაგ., შეგრძნებას. პერსონალისტური თვალსაზრისით გამლიზიანებელი მაქსიმალურად გამოკვეთილი, ჩამოყალიბებული, გამახვილებული მომენტია. სიტუაციისა, ელემენტური ფსიქიკური პროცესი კი — ცოცხლობის ასეთივე მომენტი.

პერსონისა და სამყაროს ურთიერთობა

პერსონა თავისთავად, იდეური პერსონა, მხოლოდ მრავალმნიშვნელოვანი პოტენცია და ტენდენციაა. ასეთივეა პერსონული სამყარო თავისთავად. პერსონის სიცოცხლე შესაძლებელია მხოლოდ სამყაროსთან ურთიერთობაში. სამყაროსთვის ღიადღოფნის ნიშანი არსებითია პერსონისთვის. აქედან გამომდინარეობს, რომ სამყაროც ღიაა პერსონისთვის. ისინი ურთიერთზემოქმედებენ. პერსონის ზემოქმედების გარეშე სამყარო სიტუაციად ვერ ჩამოყალიბდებოდა. ხოლო სამყაროს ზეგავლენის გარეშე ვერ იქნებოდა პერსონის არამტუ მთლიანი სიცოცხლე — ცალკეული ცოცხლობაც კი.

პერსონისა და სამყაროს ურთიერთზემოქმედება პერსონის თვალსაზრისით ნიშნავს იმას, რომ პერსონა, ერთი მხრივ, განიკლდის სამყაროს ზეგავლენას, მეორე მხრივ კი თითონ ზემოქმედებს სამყაროზე. ასეთი ურთიერთობა შესაძლებელია მხოლოდ იმ გარემოების წყალობით, რომ პერსონა არა მარტო რეაქტიული არსებაა, რომელიც მიმდებლობს გარემოს გავლენის, არამედ აქტიურიც. რომელსაც სპონტანური მოქმედების ძალა შესწევს. პერსონის ყოველ გამოვლენაში გამოუკლებლივ პერსონა-სამყაროს ურთიერთობის ეს ორივე მხარეა მოცემული. „არ არსებობს არავითარი იმდენად პასიური და იმდენად მექანიკური რეაქცია, რომ გამლიზიანებელზე უბრალოდ ერთმნიშვნელოვანი რეაქცია იყოს, და არც იმდენად თავისუფალი და გენიალური სპონტანური მოქმედება, რომელიც გარემოსამყაროსგან არ ღებულობდეს უკანასკნელ ჩამოყა-

ლობასა და გამოკვეთილობას⁶². გარეგანი ფაქტორის (გარემოსამყაროს) ზემოქმედება პერსონაზე გულისხმობს, საჭიროებს თავისი განხორციელებისთვის შინაგანი ფაქტორის — პერსონის — შთაბეჭდილების — უნარიანობას (Empfänglichkeit). შინაგანი ფაქტორის (პერსონის) სპონტანური მოქმედება მოიხსნის გარეგან ფაქტორს—გარემოსამყაროს—როგორც მასალას თავისი მოქმედების განხორციელებისას. გარემოსამყარო პირველ შემთხვევაში „გამომწვევი ხასიათით“ არის აღბეჭდილი (Aufforderungscharakter. K. Lewin), მეორე შემთხვევაში — „მასალის ხასიათით“ (Materialcharakter). „გამომწვევი ხასიათი“ სამყაროსა კარგად ხსნის პერსონასამყაროს ურთიერთობას ერთი მიმართულებით. მაგრამ თუ მხოლოდ გამომწვევი ხასიათი მიეაწერეთ გარემოს, მაშინ უარი უნდა ვთქვათ პერსონის სპონტანური მოქმედების აღიარებაზე. ეს კი შეუძლებელია პერსონალისტური თვალსაზრისით. „მასალის ხასიათით“ აღქურვილობა — „გამომწვევი ხასიათით“ აღქურვილობასთან ერთად — გასაგებად ხდის პერსონა-სამყაროს ურთიერთობას მეორე მიმართულებითაც. პერსონის ყოველ გამოვლენაში მოცემულია პერსონის სპონტანური საწყისიც და სამყაროს გამომწვევი ხასიათიც, მხოლოდ კი სხვადასხვა შემთხვევაში — სხვადასხვა პროპორციით. არსებობს შეხედულება, რომ პერსონის გამოვლენა მისი შინაგანი, საკუთარი რაობის გამოვლენაა, და გარემოსამყარო მხოლოდ სარბიელია, რომელზეც ხორციელდება ეს პოტენციური რაობა. ან, პირიქით, ფიქრობენ, რომ პერსონა სხვა არაა, გარდა ორგანიზმისა, რომელიც აღქურვილია უნართ, — გარკვეული ცვლილებები განიცადოს გარემოსამყაროს მოვლენების ზეგავლენით. ორივე ეს შეხედულება მცდარია, მიუხედავად იმისა, რომ თითოეულ მათგანს აუარებელი საბუთის მოტანა შეუძლია თავის სასარგებლოდ და მოპირდაპირე თვალსაზრისის საწინააღმდეგოდ. პერსონისთვის თანაბარღირებული და ძირითადი მნიშვნელობისაა ორივე ნიშანი: ისიც, რომ იგი თავისთავზეა მიმართული (Selbstbezogen), „სუბიექტურია“, და ისიც, რომ იგი სამყაროზეა მიმართული (Weltbezogen). ამის შესატყვისად, პერსონული სამყაროსთვის თანაბრად მნიშვნელოვანია გამომწვევი ხასიათიც და მასალის ხასიათიც. ეს „ხასიათები“ ჰყოფს მას „ლიად“ პერსონისთვის.

⁶² 9.52.

პერსონისა და სამყაროს ურთიერთობა უფრო მჭიდროა, ვიდრე ეს ოდესმე გააზრებული ყოფილა, თვით კონვერგენციის თეორიაშიც კი. პერსონული სამყარო თავიდან უცხო კი არაა პერსონისთვის და მხოლოდ შემდგომს კონვერგენციაში კი არ ამყარებს ურთიერთობას პერსონასთან, არამედ პერსონისა და სამყაროს კონვერგენცია იმთავითი ფაქტია (Urfaetum); სამყარო იმთავითვე „ლია პერსონისთვის“ ისევე, როგორც პერსონა „ლია სამყაროსთვის“⁶³.

პერსონისა და სამყაროს შორის კავშირი იმდენად შინაგანია, რომ მხოლოდ აბსტრაქციაშია შესაძლებელი მისი წვერების გამოცალკევება და გამოცალკევების შემდეგ ურთიერთმიმართებაში მოყვანა. „სინამდვილეში პერსონა მუდამ და ყოველგან ერთდროულად საკუთარი თავის განსსაზღვრელიცაა, სამყაროს მიერ განსაზღვრულიც და სამყაროს განსსაზღვრელიც; აყალიბებინებს რა თავისთავს სამყაროს, იგიც თავის მხრივ, აყალიბებს სამყაროს; შეითვისებს რა სამყაროს მნიშვნელობას, იგი არა მარტო თავის საკუთარ მნიშვნელობას გაამდიდრებს, არამედ სამყაროსაც მნიშვნელობის ახალსა და სხვა აქცენტს მიანიჭებს“⁶⁴. ამიტომაც სამყარო, სწორედ—პერსონული სამყარო. და რამდენადაც პერსონული სამყარო არის, იმდენადაა მხოლოდ პერსონის არსებობა შესაძლებელი, იმდენად არის პერსონაც.

თითოეულ გამოვლინებაში აუცილებლად მონაწილეობს შინაგანი — საკუთრივ პერსონული — და გარეგანი — სამყაროსიეული — ფაქტორიც და საკითხი მხოლოდ ისაა. თუ რაა შინაგანი და რაა გარეგანი.

მომენტის გამოყოფილობა-ჩანერგილობას უშუალო კავშირი აქვს პერსონისა და სამყაროს ურთიერთობასთან: რაც მეტად მონაწილეობს სამყაროსიეული ფაქტორი, მით მეტად გამოეყოფა მომენტი პერსონის მთლიანობას, ხოლო რაც მეტადაა გამოყოფილი იგი პერსონის მთლიანობას, მით მეტადაა შინაგანად ჩამოყალიბებული. „არ არსებობს პერსონული გამოყოფილობა გარეშე გეშტალტყოფილობისა“⁶⁵. „მაქსიმალურად გამოყოფილი მომენტი იმითაა აღბეჭდილი, რომ გარედან იგი მკაფიოდაა განსაზღვრული, და

⁶³ 5, გვ. VI.

⁶⁴ 5, 20.

⁶⁵ 5, 33.

ამასთანავე — რა რომ იგი ნაწილობრივი მთლიანობაა — იმითაც, რომ შინაგანად სტრუქტურაქმნილია, ანუ, სხვაგვარად რომ ვთქვათ: მას აქვს „გეშტალტი“.⁶⁶ ერთიან პერსონას მხოლოდ, გეშტალტური ფორმით შეუძლია გამოჰყოს მომენტი. „გეშტალტი — ყოველი გამოყოფილი მომენტის ნიშანია“⁶⁷.

გეშტალტის ცნება ფართოდ გავრცელდა და მტკიცედ დამკვიდრდა თანამედროვე მეცნიერებაში, კერძოდ კი ფსიქოლოგიაში. დადასტურებულ იქნა გეშტალტიზაციის კანონები; აღნიშნულ იქნა ის გარემოება, რომ ყველა წარმოქმნილი თანაბრად მკაფიო გეშტალტის მქონე არაა, რომ არსებობს „კარგი“ გეშტალტები და „ცუდი“ გეშტალტები. მაგრამ ორი გარემოება დარჩა უურადღებელი: ერთი ის, რომ გეშტალტიზაცია წარმონაქმნისა თავისით არ ხდება და არ შეიძლება ხდებოდეს; რომ „არ არსებობს გეშტალტი გარეშე გეშტალტ-ყოფელისა“⁶⁷. ამას კი შედეგად მოჰყვა გეშტალტების ჰიპოსტაზირება: ისინი იქცნენ ცალკეულ საგნებად, საკუთარი კანონზომიერების მატარებლებად, მოკლედ — თუმცა უფრო მაღალი რანგის, მაგრამ მაინც ელემენტებად, რომლების წინააღმდეგაც იყვნენ მიმართულნი. მეორე გარემოება, რომელიც ვერ გაიხზრა მოძღვრებამ გეშტალტების შესახებ, ეს ისაა, რომ ცუდი გეშტალტები კარგი გეშტალტებისგან განსხვავებით მხოლოდ ნეგატიურადაა დახასიათებული („ცუდი“), ნამდვილად კი მათაც სჭირდება პოზიტიური დახასიათება. გეშტალტის გეშტალტურობა სწორედ კარგ გეშტალტშია მოცემული. ცუდი გეშტალტი კი მარტო და მხოლოდ კვანტიტეტურად არაა განსხვავებული მისგან. ის, რაც „ცუდი გეშტალტის“ სახელით იყო ცნობილი, არ შეიძლება მხოლოდ ნეგატიურად იქნეს დახასიათებული, როგორც გეშტალტის არმქონე, არამედ პოზიტიურად როგორც უნ-გეშტალტის მქონე. ის, რაც გამოყოფილია პერსონის მთლიანობას — გეშტალტის მქონეა. ის, რაც ჩანერგილია პერსონის მთლიანობაში — უნგეშტალტის მქონეა. თუ გეშტალტი აქ, ახლა და ამგვარად მოცემულობაა, უაღრესი განხორციელება და, მაშ, გაერთმნიშვნელოვანება შესაძლებლობისა, — უნგეშტალტი არის აწმყო მოცემულობა, გამსჭვალული შესაძლებლობით, მრავალმნიშვნელოვანი, ჭერ განუხორციელებელი დისპოზიცია.

⁶⁶ 5,32.

⁶⁷ 5,33.

უნ-გეშტალტის ცნების შემწეობით, გამოყოფა-ჩანერგვის თეორიის საფუძველზე შესაძლებელი გახდა გადალახვა დისპოზიციის ძველი (1917, Psychol. u. Pers-mus.) გაგებისა, რომელიც ფენომენისა და დისპოზიციის სრულ გათიშვას აღიარებდა. «ერთი მხრივ საესეებით გეშტალტყოფილი მოცემულობანი, მეორე მხრივ კი გეშტალტყოფილი დისპოზიციები, — ერთი უწყვეტი რიგის უკიდურეს პოლუსებს, ზღვარულ ცნებებს წარმოადგენს; ყოველი მომენტის, რომელიც კი შეიძლება დადასტურებულ იქნეს პერსონაში, ისევე, როგორც თვით პერსონაც, ერთიკაა და მეორეც ერთდროულად, მაგრამ ცხადია, აქტუალურისა და პოტენციურის წვლილი. სხვადასხვაგვარია სხვადასხვა შემთხვევაში».

ჩანერგვის ცნება გულისხმობს, რომ პერსონას აქვს არა მარტო ზედაპირი, რომელზეც იშლება მისი მოვლენები, არამედ სიღრმეც, რომელშიც შეიძლება ჩანერგილ იქნეს პერსონის ესა თუ ის მომენტი. პერსონის თანადროული მომენტები ერთ სიბრტყეზე არაა მოთავსებული, როგორც ძველად ეგონათ, არამედ მესამე — სიღრმის — განზომილებითაც არის განლაგებული, მხოლოდ ეს სიღრმე გაქვეავებული ფენების წყებად არ უნდა იქნეს გაგებული. ასეთი გაგების შედეგად ღრმა ფენას მიეწერება ხოლმე მეტი ღირებულება, ზედაპირს კი უმნიშვნელოდ და შემთხვევითად სთვლიან. ნამდვილად კი „პერსონის ის შემადგენელი ნაწილები, რომლებიც უშუალოდაა მიმართული გარემოსამყაროსკენ, რათა მასთან კონტაქტს ემსახურონ, წარმოადგენენ პერსონის „გარე“-ს, მის ზედაპირს. ყველაფერი დანარჩენი კი „შიგ“ არის და მით უფრო შიგნიან (ანუ მით უფრო ღრმად), რაც უფრო მეტადაა მიმართული პერსონის თავისთავადობისადმი, სპონტანურობისადმი, მის თვითიკანონზომიერებისადმი, მის შედარებითს დამოუკიდებლობისადმი „სამყაროსაგან“⁵⁶. მეტი ღირებულება ზედაპირულ ფენებთან შედარებით ღრმა ფენებს იმ თვალსაზრისმა შეიძლება მიაწეროს, რომელიც მოისურვებს პერსონის შესწავლას სამყაროს გავლენისგან დამოუკიდებლად. მაგრამ ეს თვალსაზრისი არაა არც სავალდებულო, არც ერთადერთი და არც საუკეთესო. ჭერ ერთი: ფენების ადგილი სიღრმითს ჭრილში არაა უცვლელი. ფენა, რომელიც ერთ გარკვეულ გა-

• 5,36.

• 5,23.

რემოში ღრმადაა ჩაძირული, მეორე გარემოში ზედაპირზე შეიძლება ამოტივტივდეს. მეორე ის, რომ სამყაროსთან ურთიერთობა პერსონის არსის შემადგენელი ნიშანია, და ამიტომ სიღრმე მხოლოდ მაშინ იქნება მეტი ღირებულების მქონე, როდესაც მოვისურვებთ პერსონის შესწავლას სამყაროსგან გამოთიშულად; ხოლო როდესაც მოვისურვებთ მისი რაობის გათვალისწინებას მისი სიცოცხლის ბუნებრივ პირობებში, ე. ი. სამყაროსთან ურთიერთობაში. მაშინ „ზედაპირი“ გახდება ძირითადი ღირებულების მქონედ. შესამე. რაც შინაგანი ფენების ზედმეტად დაფასების წინააღმდეგ ღაღადებს, ეს ისაა, რომ „პერსონის არსი უპირატესად ერთ რომელიმე ფენაში არაა კონცენტრაციაქმნილი (სულ ერთია, რომელი ფენა იქნება ეს): იგი ფენათა წყობით ვერ იქნება გამოხატული, არამედ მთლიანობითი სიღრმით, რომლისადმი ფენები თანადროული გამოყოფა-ჩანერგვის მიმართებაში იმყოფებიან“. „ნაცვლად იმისა, რომ ვეძიოთ პერსონის ძირითადი ფენა, რომლისგანაც გამოიყვანება და გასაგები გახდება პერსონული მთელი შემდეგი ყოფა და გამოვლენა, — თვით დალაგების რაგვარობა ფენებისა, ანუ სიღრმის სტრუქტურა უნდა მივიჩნიოთ გადამწყვეტი მნიშვნელობის ნიშანთვისებად“⁷⁰.

სიღრმე და ზედაპირი, ჩანერგვა და გამოყოფა, გემტალტი და უნგემტალტი, დისპოზიცია და ფენომენი — პერსონის სიცოცხლის გამოვლენის ფორმებია. პერსონის სიცოცხლე მხოლოდ სამყაროს გარემოცვაში შეიძლება განხორციელდეს და ზემოთ მოყვანილი დაპირისპირებანი სწორედ სამყაროსთან ურთიერთობის შედეგადაა შესაძლებელი. პერსონის სიცოცხლე პერსონისა და სამყაროს ურთიერთობაა, ყოველი პერსონა პერსონათა სამყაროში იმყოფება. და მხოლოდ ეს ჰქმნის მასში ორმაგობას, სახელდიპრ, რომ თავის ყოფიერებას იგი ერთი მხრივ თავისთავისთვის („შიგნით“) გამოავლენს, მეორე მხრივ კი სხვისთვის, მის გარეშე მყოფისთვის („გარეთ“)⁷¹. პერსონის გამოვლინება ან „შინაგლენაა“ ან „გარეგლენა“. ანუ: „რადგან პიროვნება გარკვეულ გარემოცვაში ცხოვრობს. იგი ორგვარად გამოვლინდება, მაგრამ ისე, რომ მისი მთლიანობა არ ირღვევა; ერთი მხრივ იგი თავისთვის („შიგნით“) გამოვლინდე-

⁷⁰ 5,56—57.

⁷¹ 4,143.

ბა, მეორე მხრივ — სხვისთვის („ეკრეთ“). ამგვარად აქ ორი, მუდამ პარალელურად მიმდინარე, მყარი ატრიბუტი კი არ არის (როგორც სპინოზას და თანამედროვე პარალელიზმს წარმოუდგენიათ), არამედ ორი გზა მოქმედი პიროვნების მთლიანი არსის გამოვლენისა, პიროვნების იმთავითი აქტიობის განხორციელებისა. ყოველ-ვე სხეულებრივი — „გარეულენა“ პიროვნებისა, სულიერი კი — „შინაულენა“ (Innerung) (იგი შიგნით მიიმართება)⁷².

„რამდენადაც პერსონა ცოცხლობს, უშუალოდ ეძლევა თავის ყოფიერებასა და მოქმედებას, იგი ამოუხსნელად გახლართულია კონვერგენციაში; იგი ჩაფლულია სამყაროში და სამყარო — მასში, აუხსნელად და გაუთიშველად, მაგრამ არა გაუთიშვად (unscheidbar). გათიშვის საშუალება ცნობიერებაა. „სიცოცხლე“ აბსოლუტური ცნებაა, ხოლო „განცდა“ — რელატიური; იგი განმცდელისა და განცდილის შორის განეფინება; იგი მე-ს მიმართავს ობიექტზე; ყველა განცდათა ერთობლიობას კი ჩვენ ცნობიერების სახელით აღვნიშნავთ“⁷³.

განცდა პერსონის მთელ სიცოცხლეს კი არ ახლავს, არამედ მხოლოდ ზოგიერთ ნიშანდობლივს (ausgezeichnete) მის ადგილს. პერსონაში მე-ს ნაწილისა და სამყაროს ნაწილის ცნობიერი განწვავლება საჭირო იქნება მხოლოდ, სადაც ამ ორივესი მშვიდი ურთიერთშერწყმა შეფერხებას განიცდის, ანუ, სხვაგვარად რომ ვთქვათ: სადაც კონვერგენცია უკონფლიქტოდ ვერ მიმდინარეობს. ამჩევად, ცნობიერება მუდამ კონფლიქტის მანიშნებელია (Zeichen) და მისი პროდუქტია.

სადაც სამყარო დაურღვევლად შეიძლება იყოს მიღებული, წინააღმდეგობის გარეშე შინაგანად გადამუშავებული და უბრძოლველად გარეგანად დამუშავებული, იქ ადამიანს (ანუ პერსონას) არ სჭირდება ცნობიერების იარაღი⁷⁴.

„ყველაფერს არ განიცდის პერსონა ცნობიერებაში, რასაც ცოცხლობს. ცნობიერება მხოლოდ იქ მოქმედებს, სადაც ეს საჭიროა პერსონული ტელეოლოგიის საფუძველზე, — ამას კი მხოლოდ კონფლიქტის შემთხვევაში აქვს ძალა. სანამ პერსონის სიცო-

⁷² 10,67.

⁷³ 3,224.

⁷⁴ 3,225.

ცხლე ჩვეული გზებით ან თავისთავად ცხადი სიზუსტით მიმდინარეობს, სანამ კონვერგენცია გარემოსამყაროს პირობებისა და შინაგანი დისპოზიციების უფრიქციო (reihungsges) ურთიერთზემოქმედებას ნიშნავს, სიცოცხლე სავსებით მშვიდი (ruhend) რჩება და არ საჭიროებს შინაგან ასახვას. მხოლოდ მაშინ, როდესაც შინაგანი და გარეგანი უთანხმოებანი, შეფერხებანი და წინააღმდეგობანი ჩნდება, ფრიქციისაგან (შეჭახებისაგან) გამოიკვევება ცნობიერების ნაპერწკალი. დაირღვევა პერსონული თვითშენარჩუნების ჩვეული მსვლელობა სიცოცხლის ახალი პირობების მიერ, რომლებიც დამუშავებული ან დაძლეული (bekämpft) უნდა იქნეს; თუ პერსონის სხვადასხვა ნაწილობრივი მიზნები (თვითშენარჩუნება და თვითგანვითარება, საკუთარი მიზნები და სხვისი მიზნები) ერთდროულად წაუყენებენ პერსონულ მოქმედებას მოთხოვნილებებს, რომლებიც მოგვარებულ უნდა იქნეს; თუ, ბოლოს, აწმყო მომენტის სასიცოცხლო ტენდენციები გადაიკვეთება სიცოცხლის ადრინდელი ფაზების შემდეგმოქმედებით, ან მომავალი ფაზების წინასწარმოქმედებით — ყველგან გამოვლინდება კონფლიქტი ცნობიერების მოვლენების აღმოცენებაში. ამრიგად, ცნობიერებაში მთელი სიცოცხლე კი არ აისახება, არამედ მხოლოდ მებრძოლი მხარე (Kampfseite) სიცოცხლისა; მე-ს ცნობიერებაში — მე-ს მებრძოლი ნაწილი, ობიექტის ცნობიერებაში — სამყაროს მხოლოდ ის ნაწილი, რომელიც „დაუფლებელი“ (ე. ი. ძალით მითვისებული), ან აცილებული უნდა იქნეს⁷⁶.

ფსიქიკის ამგვარად გაგებიდან თავისთავად გამომდინარეობს, თავისთავად გასაგებია, რომ პერსონა, იმთავით, ფსიქიკურისა და ფიზიკურის გარეშე დგას, ანუ ფსიქოფიზიკურად ნეიტრალურია. ფსიქიკური და ფიზიკური მხოლოდ სახეობანია მისი გამოვლენისა: შინავლენა და გარეველენა. ფსიქოფიზიკური ნეიტრალურობის აღიარებით განსუბსტანციურება ხდება ფსიქიკურისაც და ფიზიკურისაც, დაიძლევა დუალიზმი და ფსიქოლოგიისათვის გადაიჭრება, ან უკეთ — სულ მოიხსნება ძველთაძველი ე. წ. „ფსიქოფიზიკური პრობლემა“. აღამიანი არაა ცალკე სხეული და ცალკე სული, არა-

⁷⁶ ამ განსაზღვრებას იმეორებს ავტორი სამგან: 1—„Die menschl. Persönlichkeit und ihr psych. Leben“ (1917), 2—„Wertphilosophie“ (1924), 3—„Personalistische Psychologie“ (1927).

მედ — განცდის უნარის მქონე პერსონა. იგი არის სამყაროს ნაწილი, რომელიც, თუმცა გარედან შემოფარგულია, მაგრამ მაინც სუბსტანციისა და ფუნქციის მუდმივს გაცემა-გამოცელაშია სამყაროს სხვა ნაწილებთან: ესაა მისი სხეულებრიობა. და, ამასთანავე, მას ძალუძს შინაგანად ასახოს საკუთარი თავი და სამყარო: ესაა მისი ფსიქიკური. პერსონული სიცოცხლე ორივეს შეიცავს; ამდენად, არ არსებობს არავითარი განცდა და განცდის უნარიანობა, რომელიც დაკავშირებული არაა სიცოცხლის სხეულებრივ სფეროებთან და ფუნქციებთან⁷⁶. ურთიერთზემოქმედების თუ პარალელუმიწის ძველი დუალისტური ჰიპოთეზებისაგან ასეთი შეხედულება არსებითად განსხვავებულია. ცნობიერებისა და სამყაროს ურთიერთობაში ეს ჰიპოთეზები ორ წევრს ვულისხმობდნენ: სამყაროსა და ცნობიერებას. სამყაროს რაიმე მოვლენა იწვევდა ცნობიერების რაიმე მოვლენას, და პირიქით.

პერსონის ფსიქოფიზიკური ნეიტრალურობის აღიარებას კი შედეგად მოსდევს ამ ურთიერთობის სამწვეროვანად გაგება: სამყაროს რაიმე მოვლენა იწვევს პერსონის მთლიან ცვლილებას, რაც ცნობიერებაში სათანადოდ აისახება (მაგ., ალქმა) და პირიქით: ცნობიერების რაიმე მოვლენა იწვევს პერსონის მთლიან ცვლილებას. რაც სამყაროში გარკვეული ქმედობით გამოვლინდება (მაგალითად, ნებითი ქმედობა). სამყაროსი და ცნობიერების ურთიერთობის სქემა იქნება: ტრანსპერსონული სამყარო — პერსონული, „ცოცხლობის“ სამყარო — განცდილი სამყარო. ფიზიკალური სამყაროს და ცნობიერების შორის დგას პერსონა⁷⁷.

განცდის არსებობა მთლიანად სცვლის პერსონის სიცოცხლის რაგვარობას. ცხოველებისა და საერთოდ დაბალი ცოცხალი ორგანიზმების სიცოცხლეს ვიტალურობა შეიძლება ეწოდოს, ე. ი. ისეთი არსებობა, რომელიც — სამყაროს თვალსაზრისით დანახული — „ბიოსფეროს“ პლანში იშლება, სადაც, პრინციპულად, პერსონისა და მისი სამყაროს ურთიერთობა უკონფლიქტოდ მიმდინარეობს და პერსონას ვიტალური მიზნების განხორციელებას ემსახურება, სადაც გარემოსამყარო შემოგარეთი (Bereich) ამოიწურება და შემოიფარგლება.

⁷⁶ 1, 118.

⁷⁷ 3, 102.

მაგრამ პერსონისა და სამყაროს ურთიერთობაში კონ-ვერგენციას კონ-ფლიქტი აფერხებს. ირღვევა იმთავითი შეთანხმებულობა პერსონისა და სამყაროს შორის, სამყარო კი აღარ შეერწყმის, არამედ უპირისპირდება⁷⁶ პერსონას, ობიექტად იქცევა. პერსონა ასახავს მას უკვე როგორც გარემდებარეს, უცხოს, „სხვას“. ეს ასახვა განცდის სახით ხდება. პერსონული სამყარო „საგნობრივი სამყაროს“ სახესღებულობს, პერსონის სიცოცხლე განცდის მოდუსით გვევლინება. ეს მოდუსი სპეციფიკური ადამიანურია. ფსიქოლოგიის კვლევის სფერო, კვლევის საგანი, სწორედ სიცოცხლის ეს მოდუსია⁷⁷.

მხოლოდ განცდის საფუძველზეა შესაძლებელი სიცოცხლის უმაღლესი მოდუსი — ინტროცეფციის — განხორციელება, რომელშიც დაძლეულია განხეთქილება სუბიექტსა და ობიექტს შორის და მაღალ საფეხურზე კვლავ მიღწეულია პერსონისა და სამყაროს შერწყმა. ინტროცეფცია ნიშნავს შინაგან შეთვისებას (innere Aneignung), რასაც წინ უნდა უსწრებდეს სხვა პერსონათა თვითღირებულების დადასტურება; თვით ინტროცეფცია რომ ცნობიერების გარეთ მდებარეობს, ეს არ ათანაბრებს მას ვიტალურობასთან: ვიტალურობა ცნობიერების უწინარესი ერთიანობაა პერსონისა და სამყაროსი, ინტროცეფცია კი — გაცნობიერების შემდგომი გაერთიანება პერსონისა და ობიექტივაციამწილი სამყაროსი, სხვათა მიზნების შესისწლხორცება. საკუთარ მიზნებად მიჩნევა. ინტროცეფციის სფერო ფსიქოლოგიის თვალთახედვის გარეთ მდებარეობს, იგი პერსონალიზმის საგანია.

განცდა

პერსონისა და სამყაროს ერთობლიობის რეალიზაცია პერსონულ პრეზენცში ხდება. ცოცხლობა და სიტუაცია მხოლოდ სუბიექტური და ობიექტური, პერსონული და სამყაროისეული ასპექტია ამ განუწვალელებელი ერთიანობისა. კონვერგენციის შეფერხებას კი მოსდევს ამ ერთიანობის დარღვევა, განწვალება, განხეთქილება, ერთგვარი დაძაბულობის წარმოშობა პერსონისა და სამყაროს

⁷⁶ აქ ძალიან მარჩევა გერმანული სიტყვა Gegenstand! იხ. 1,105.

⁷⁷ იხ. გვ. 48.

ურთიერთობაში. ჩაიკომ უმტკივნეულო შერწყმა ველარ ხერხდება, თავს იჩენს კონვერგენციის წევრების შორის განსხვავებულობა. პერსონა „გამოეყოფა“ სამყაროს და სწორედ ეს გარემოება აისახება პერსონაში განცდად. მაშ, შეიძლება ითქვას, რომ განცდაში სიცოცხლის დარღვევაა მოცემული, თუ სიცოცხლე პერსონისა და სამყაროს იმთავითს ერთიანობად იქნა გაგებული. „ცოცხლობის კონვერგენციაში პიროვნება (პერსონა) ჯერ საეხსებით შერწყმულია სინამდვილესთან; განცდაში კი პიროვნება ისწრაფვის დაარღვიოს ეს შერწყმულობა“⁸⁰.

ყოველივე ზემოთ თქმულიდან უეჭველია, რომ განცდა თავის-თავადი ფაქტი კი არაა, არამედ ნაწილობრივი ვლენაა ცოცხლობისა. ცოცხლობაა ქვეშაირიტად თავისთავადი არსებობის მქონე, როგორც მთლიანი პერსონის მთლიანი გამოვლენა. ან უკეთ: გამოვლენა კი არა — თვით მთლიანი პერსონის პირველადი მოცემულობა. ამიტომაც განცდის შესწავლა მხოლოდ პერსონის შესწავლასთან დაკავშირებითაა შესაძლებელი.

განცდაში ცოცხლობის განხეთქილება აისახება. მაგრამ განხეთქილება თუა — აღარაა ცოცხლობის ერთიანობა, არამედ ამ თავდაპირველი ერთიანობის ორი წევრი ცალ-ცალკეა მოცემული: ცალ. კე პერსონა და ცალკე სამყარო. რას ასახავს განცდაში პერსონა: საკუთარ თავს, თუ სამყაროს? რადგან: ერთიანობა რომ ყოფილიყო — განცდაში ასახვაც არ იქნებოდა საჭირო, ხოლო თუ გათიშულობაა — ერთიანად მისი ასახვა შეუძლებელია. მართლაც, განცდაში ხან პერსონა აისახება, ხან სამყარო. განცდა-ორმხრივია მიმართული. მაგრამ თუ ეს ორმხრივობა ცოცხლობის განხეთქილებითაა გამოწვეული და პირობადებული, ისიც ახდენს გავლენას განცდის რაობაზე, რომ განხეთქილება არასოდეს არაა და არ შეიძლება იყოს სრული. სრული განხეთქილება, პერსონისა და სამყაროს სრული დაშორება, სიცოცხლის აღკვეთა იქნებოდა, რადგან სიცოცხლე სამყაროსთან პერსონის ურთიერთობაა. სიცოცხლის აღკვეთის შემდეგ კი განცდის შესახებ ლაპარაკი აბსურდილია. სამყაროს განცდა, ამიტომ ვერასოდეს ვერ სწვდება პერსონისაგან სრულიად დამოუკიდებელ სამყაროს ცნობიერ ასახვას, ასახვას „საგნისა თა-

⁸⁰ 10.73.

ვისთავად*. განცდილი სამყარო მხოლოდ „ნაცოცხლი“ (gelebte) სამყარო შეიძლება იყოს და, მაშ, მეტად თუ ნაკლებად — პერსონული დადის მატარებელი. მეტად თუ ნაკლებად, რადგან ობიექტივაციის მრავალრი საფეხური არსებობს შეხებითი შთაბეჭდილების პირველი გამოკრთომიდან — მსოფლმხედველობამდე.

„თოთო ბავშვის სიცოცხლის ბუნდოვანი განცდიდან ზრდადასრულებულის გამოკვეთილ თვითცნობიერებამდე და თვითღირებულების განცდამდე მიდის სუბიექტივაციამყოფელი განცდის კიბური“¹¹. მაგრამ თვითშემეცნებაც, რომელიც ამ კიბურის უმაღლეს საფეხურზე იმყოფება, არ შეიძლება იყოს პერსონის აბსოლუტურად წმინდა არსის ასახვა, „რადგან ამ შემთხვევაში განმცდელი და განცდილი — ერთი უნდა ყოფილიყო და მოსპობილ უნდა ყოფილიყო განცდის პირობა: დაძაბვა და განხეთქილება“¹². ამიტომ სუბიექტივაციამყოფელი განცდაც არასოდეს არ სწვდება თავის საბოლოო მიზანს — „მე“-ს თავისთავად“.

განცდას უსათუოდ აქვს ობიექტი. ამითი განსხვავდება იგი ცოცხლობისაგან, რომელიც თავისთავად არის, ყოველგვარი მიმართების გარეშე. განცდის მიმართებას კი ობიექტისადმი ორი მხარე, ორი ასპექტი აქვს: ერთი არის ნეგატიური მიმართება — განხეთქილება, ჩამოშორება, დაპირისპირება, ობიექტის გაკიდევანება, თუ შეიძლება ასე ითქვას. მეორე მხარე არის პოზიტიური მიმართება — ასახვა: განცდაში აისახება ობიექტი, მასში მოცემულია ობიექტის სახე (Schein — Erscheinen) და არა თვით ობიექტი. მაგრამ განცდაში მოცემული სახე ობიექტისა არსსმოკლებული კი არაა, არამედ, პირიქით, მასში აისახება პერსონისათვის არსებითი მხარე ობიექტისა. ობიექტის სუბიექტურად არსებითის ასახვით აიხსნება მცდარი, ასე ვთქვათ, ობიექტური ობიექტის“ შესატყვისი, — განცდების არსებობა. „აღამიანი ისე განიცდის საკუთარ თავს, რომ საუკეთესოდ შეუძლია არსებობა თავისთვის და იგი ისე განიცდის სამყაროს, რომ ახლობელი (Nahie) ღიდად მოსჩანს შორეული — პატარად, მნიშვნელოვანი — მკაფიოდ, უმნიშვნელო, — გაურკვეველად-

¹¹ 1,104.

¹² 1,104.

საყვარელი—სიყვარულის ღირსად და ცხოვრება—სიცოცხლის ღირსად²².

მართალია: განცდას თავისთავადი არსებობა არ გააჩნია. არც ის, არც განცდათა ერთობლიობა არაა თვითარსებული სუბსტანცია, არამედ ერთადერთი სუბსტანციის — პერსონის — გამოვლინება, სახელდობრ, მისი შინაველენა. ამიტომ განცდას არ შეიძლება ჰქონდეს საკუთარი შინაგანი კანონზომიერება და იგი სრულიად უნდა ემორჩილებოდეს პერსონის კანონზომიერებას. ეს უკანასკნელი — ტელეოლოგიური კანონზომიერებაა. ამიტომ ყველაფერი, რაც პერსონაში ხდება, მხოლოდ ტელეოლოგიურად შეიძლება და უნდა იქნეს გაგებული. ეს, რა თქმა უნდა, არ ნიშნავს, რომ ყველაფერი, რაც პერსონაში ხდება, ყოველი ცალკეული ფაქტი და მოვლენა პერსონის ყოფიერებისა დადებითად მიზანშეწონილი იყოს. ემსახურებოდეს პერსონის ენტელექტის განხორციელებას; ეს იმას ნიშნავს, რომ მიზნისეულობას, მიზნისათვის მნიშვნელობას მოკლებული არაა არც ერთი მოვლენა პერსონის სიცოცხლეში. ეს ერთი მხრივ.

მეორე მხრივ, პერსონის მრავალერთიანობის გამო, არ არსებობს მოვლენა პერსონის სიცოცხლეში, რომელიც სავსებით დამოუკიდებელი, თავისთავადი იყოს და დაკავშირებული არ იყოს პერსონის სხვა მოვლენებთან. პერსონა მუდამ ერთიანია და ნაწილობრივ გამოვლენაში იგი მუდამ ავლენს თავის ერთიანობას. ცალკეულ მოვლენაში, მართალია, ამოწურულად არ შედევნდება მთელი პერსონა, მაგრამ ნაწილობრივ და ცალმხრივ სწორედ მთელი პერსონა შედევნდება.

განცდა მოკლებულია თავისთავადს არსებობას. იგი პერსონის, სახელდობრ მისი ცოცხლობის ვლინებაა საკუთარი თავისთვის და, როგორც ასეთს, მას ორგვარი მნიშვნელობა აქვს: ერთი მხრივ — მომსახურებითი მნიშვნელობა პიროვნების მიზნებისათვის, მეორე მხრივ — გამოსხივებითი მნიშვნელობა მისი მთლიანობის გამოვლენისთვის. განცდის მნიშვნელობის ასე გაგების საფუძვლად ავტორისეული ღირებულების ფილოსოფია უდევს.

²² 1,108.

ღირებულების ფილოსოფია

ყოველივე არსებული — ღირებულია. მაგრამ ყოველივე არსებული არაა თანაბარღირებული. ღირებულება უსათუოდ რაიმესათვის ღირებულებაა. ყველაფერს, რაც არსებობს, ღირებულება აქვს რაღაცისთვის. ღირებულება ტრანსცენდენტულია. მაგრამ არსებობს ისეთი არსებული, რომელსაც საკუთარი თავისთვის აქვს ღირებულება. ეს მხოლოდ ისეთი არსებული შეიძლება იყოს, რომელსაც თავისთავადი მნიშვნელობა აქვს. ეს კი მხოლოდ ისეთ არსებულს შეიძლება ჰქონდეს, რომლისაც თვით არსებობაც თავისთავადია, რომელიც „თვითარსებულია“. ასეთია პერსონა. პერსონას თავისთავადი ღირებულება გააჩნია. მას მხოლოდ სხვისთვის კი არა აქვს ღირებულება, არამედ — პირველ ყოვლისა — საკუთარი თავისთვის. რადგან პერსონები კარჩაკეტილი მონადები არ არიან, არამედ იერარქიულ დამოკიდებულებაში იმყოფებიან ერთმანეთთან, ამიტომ თითოეულ მათგანს სხვებისთვისაც აქვს ღირებულება, მაგრამ ძირითადი მნიშვნელობის გარემოება სწორედ მათი თვითღირებულებაა. მხოლოდ პერსონას და ყოველ პერსონას აქვს თვითღირებულება.

პერსონის საწინააღმდეგო ცნებაა ნიეთი. განსაზღვრების თანხმად, „იგი არის ისეთი არსებული, რომელიც — შედგება რა მრავალი ნაწილისგან — არ ჰქმნის რეალურ თავისებურსა და თვითღირებულ (დაყოფა ჩემია — ერ. ა.) ერთიანობას და რომელიც, — ფუნქციობს რა მრავალ ნაწილობრივ ფუნქციებში — არ ახორციელებს ერთიან მიზანმისწრაფებულ აქტიობას“¹.

რამდენადაც პერსონა უფრო მაღალი რანგის პერსონის ერთიანობაში შედის (მაგ., ინდივიდუარი ადამიანი — ოჯახის, ერის, კაცობრიობის ზეინდივიდუარ პერსონაში), ამდენად იგი ნაწილია ამ უმაღლესი ერთიანობისა, ამდენად იგი ემორჩილება ამ უკანასკნელის მიზანმისწრაფებას, ემსახურება მას, ამდენად იგი „ნიეთია“ ამ უმაღლესი რანგის პერსონისთვის. ქვემდგომი პერსონის ღირებულება, როგორც ქვემდგომისა, „საგნის ღირებულება“ — არა თვითღირებულება, არამედ „სხვისთვის ღირებულება“.

¹ 2.16. მრავალგანაა გამეორებული.

პერსონის ყოველ ნაწილს, ყოველ მომენტს აქვს ღირებულება, მაგრამ არა თავისთავადი ღირებულება: იგი — ეს ნაწილი, თუ მომენტი — არ შეიძლება თვითღირებულ იყოს, ჩადგან იგი არაა თვითარსებული. მისი არსებობა — პერსონის ერთიანობის არსებობითაა პირობადებული, მისი ღირებულებაც პერსონის ღირებულებითაა პირობადებული. მომენტი ემსახურება მთლიანის მიზნებს და ამაშია მისი ღირებულება: მომენტი მომსახურებითი ღირებულების (Dienstwert) მქონეა. „პერსონა კი არაა ღირებულების მქონე იმიტომ, რომ იგი ფსიქიკურია, არამედ ფსიქიკურია ღირებულების მქონე იმიტომ, რომ იგი პერსონულია“⁴⁴. განცდა, ცნობიერება პერსონისთვის იარაღია სამყაროსთან კონფლიქტის დასაძლევად. განსაკუთრებით აუცილებელია იგი სიცოცხლის უმაღლეს ფორმებში, როგორცაა სპეციფიკური ადამიანური ფორმები სიცოცხლისა: თვითგანვითარება, ინტროექცია, შემეცნება.

მაგრამ განცდას, ცნობიერებას არა მარტო მომსახურებითი ღირებულება აქვს; ისევე, როგორც, საერთოდ, ნაწილის, მომენტის ღირებულება არასოდეს არ ამოიწურება ხოლმე მომსახურებითი ღირებულებით. იმის გამო, რომ ნაწილი—მთლიანის ნაწილია, მასში აირეკლება მთლიანი თავისი ერთიანობით (ამიტომაცაა, რომ სიტყვა „ნაწილი“ უვარგისია, უხერხულია და მის მაგიერ ტერმინი „მომენტი“ შემოაქვს ავტორს). გარდა იმისა, რომ ნაწილი ანუ მომენტი ემსახურება მთლიანს, მომენტში, აგრეთვე, აირეკლება, გამოსწვივის მთლიანი. განცდაში მაგ, როგორც ნათქვამი იყო უკვე, გამოსწვივის, აისახება. ცოცხლობა. ამიტომ ნაწილს, მომენტს მთლიანისას გარდა მომსახურებითი მნიშვნელობისა (Dienstbedeutung) გამოსხივებითი მნიშვნელობაც აქვს. გარდა მომსახურებითი ღირებულებისა (Dienstwert) — გამოსხივებითი ღირებულებაც (Strahlwert) აქვს.

გამოსხივებითი ღირებულებას არსებობის დადასტურება ვ. შტერნს დიდმნიშვნელოვან გარემოებად მიაჩნია. აქამომამდელი ღირებულების ფილოსოფია მხოლოდ თვითღირებულებასა და მომსახურებითს ღირებულებას იცნობდა. ღირებულებათა უდიდეს სფერო კი სრულიად შეუმჩნეველი რჩებოდა. მხოლოდ პერსონალიზმის ნიადაგზე გახდა შესაძლებელი ღირებულებათა ამ სფეროს არსებობის დადასტურება; მხოლოდ მას შემდეგ, რაც თვითარსე-

⁴⁴ 4,196.

ბულ და თვითღირებულ სუბსტანციებად აღიარებული იქნა პერსონა-როგორც მრავალერთიანობა (unitas multiplex), რომლისთვისაც მრავლობა (multiplicitas) ერთიანობისადმი კუთვნილი მომენტუბის სახითაა გაგებული.

განცდაც, როგორც ერთ-ერთი მომენტი მრავალერთიანი პერსონისა, ემსახურება კიდევ პერსონის მიზნებს და გამოასხივებს კიდევ მის რაობას.

ფსიქიკური

განცდა ცალკეული ცოცხლობის შინაველენაა. ცოცხლობა მთლიანი სიცოცხლის შედარებით გამომიჩნული, ჩამოყალიბებული მონაკვეთია. ცოცხლობა მომენტია მთლიანი სიცოცხლისა, მაგრამ ცალკეულ, თანამიმდევარ ცოცხლობათა შეჯამება არ გვაძლევს სიცოცხლეს, სწორედ იმიტომ, რომ ცოცხლობა მხოლოდ მომენტია სიცოცხლისა და არა მექანიკურად ამოგლეჯილი მისი ნატენი. სიცოცხლის მთლიანობის — როგორც, მთლიანობის, ხანიერი ერთიანობის — გაგება მხოლოდ ერთიანი პერსონის თვალსაზრისით არის შესაძლებელი. ასევე განცდის გაგებაც მხოლოდ უფრო მაღალი მთლიანობის თვალსაზრისითაა შესაძლებელი, სახელდობრ — ცოცხლობის თვალსაზრისით, რომლისასაც ერთ ასპექტს წარმოადგენს იგი. სიცოცხლის მანძილზე პერსონას უამრავი განცდები აქვს. ყოველამ ამ განცდის ერთობლიობისთვის ავტორს საჭიროდ მიაჩნია შეინარჩუნოს ფსიქოლოგიაში განმტკიცებული ტერმინი „ცნობიერება“, მაგრამ შეინახოს იგი მხოლოდ ამ აზრით: როგორც განცდათა ერთობლიობის გამომთქმელი. განცდისა და ცნობიერებისთვის ცოცხლობა სრულიად გარემდებარე ცნებაა. რას ვგულისხმობ გარემდებარეობაში? იმას, რომ ცოცხლობა რეალური ფაქტია, ცნობიერება და განცდა კი მხოლოდ ერთგვარი ხედვა ამ ფაქტისა, ხედვა მისი გამოვლენის გარკვეული სახისა, მისი შინაველენა. ცოცხლობაზე დაყვანა განცდისა — მისი ტრანსცენდენტულ სფეროში გადატანაა.

პერსონის სიცოცხლეში ვლინდება პერსონის დროშიერთიანობა და, ამრიგად, სიცოცხლე ერთიანია. მაგრამ იგივე არ ითქმის ცოცხლობათა თანამიმდევრობის შესახებ. ეს უკანასკნელი არ წარმოადგენს განუწყვეტელ ერთიანობას; ერთ ცოცხლობიდან შინაგან

აუცილებლობით არ გამომდინარეობს მეორე ცოცხლობა; ცოცხლობათა შორის დროითი ხარვეზია და, თუ შეიძლება ასე ითქვას, ლოგიკური ხარვეზიც. გეშტალტისა და უნ-გეშტალტის წინააღმდეგობის პლანში განხილული—ცოცხლობა სიცოცხლის უნ-გეშტალტში გამოკვეთილი გეშტალტია. ამ უნ-გეშტალტის გარეშე შეუძლებელია ცალკეული ცოცხლობის გაგება.

ჩაღა ითქმის ცნობიერების შესახებ, რომელიც არამცთუ თითონ არ წარმოადგენს განუწყვეტელ მთლიანობას, არამედ სიცოცხლის განუწყვეტელ მთლიანობასთანაც კი არაა თუნდაც ისე დაკავშირებული, როგორც ცოცხლობა? შეიძლება ცნობიერებრივ გაგება მისი საკუთარი კანონზომიერებით? ცხადია — არა! განცდათა თანამიმდევრობა შინაგანი აუცილებლობით არაა პირობადებული. ერთი განცდიდან მეორე არ გამომდინარეობს, და ეს საესეებით გასაგებია, რადგან განცდა მხოლოდ შინაველენაა ცოცხლობისა.

მეცნიერება, რომელიც ცდილობდა განცდათა შესწავლას, აუცილებელი დილემის წინაშე იდგა: იგი ან ცალკეულ განცდათა აღწერით უნდა დაკმაყოფილებულიყო, ან — თუ მათ ახსნასა და გაგებას განიზრახავდა — უნდა გასცილებოდა განცდის საზღვრებს, რადგან გათიშული მოკლენების და ფაქტების ურთიერთის საშუალებით ახსნა შეუძლებელია, რამდენადაც ახსნა ნიშნავს ერთი მოვლენისა თუ ფაქტის გამოყვანას, ან დაყვანას მეორე მოვლენასა თუ ფაქტზე. განცდები კი ურთიერთზე არ დაიყვანება და ურთიერთისგან არ გამოიყვანება, ვინაიდან თითოეული მათგანის რეალური საფუძველი სხვადასხვა (ან თუნდაც ერთი და იგივე!) ცოცხლობაა. რაც შეეხება გაგებას — აქაც ანალოგიური მდგომარეობაა. გაგება — აზრის, მნიშვნელობის გაგებას ნიშნავს. რაიმე მოვლენის თუ ფაქტის გაგება ნიშნავს იმას, რომ უნდა დედანატურდეს მისი მნიშვნელობა ისეთი ფაქტისა თუ მოვლენისთვის, რომელსაც საკუთარი, თანესთანავადი მნიშვნელობა, თავისთავადი ღირებულება გააჩნია. განცდების გაგების შემთხვევაში ან მათი თვითღირებულება უნდა ყოფილიყო აღიარებული, ან მონახული უნდა ყოფილიყო თვითღირებული სუბსტანცია, რომლისთვისაც მათ შეიძლება კჭონოდათ მნიშვნელობა. ცალკეული განცდა თვითღირებულებად ვერ იქნებოდა მიჩნეული: ამას ეწინააღმდეგება უბრალო საღი აზრი. სუბსტანციის ძიებისას კი ყველაზე მომხიბლავი და საიმედო ჩანდა გზა

სულისკენ. სული იქნა აღიარებული სუბსტანციად, რომლის გამოვლენებს წარმოადგენდა განცდები.

განცდების შესწავლისას, საკუთრივ აღწერის სფეროში მეცნიერებამ დიდი წარმატება იქონია, მაგრამ მეცნიერების, როგორც ასეთის, შინაგანი მოთხოვნილების შესატყვისად, იგი იძულებული იყო აეხსნა სულიერი მოვლენები ანუ განცდები. მათი გათიშულობა მაშინვე თვალში ეცა მეცნიერებას და ამ გარემოებამ აუცილებელაყო ისეთი რალაციის არსებობის აღიარება, რასაც განცდათა ფრაგმენტულობის საწინააღმდეგოდ უწყვეტი ხასიათი უნდა ჰქონოდა. „ანალიტიკოსების მისწრაფებისას, სულიერი ცხოვრება ფსიქიკური ელემენტების კაუზალურ უწყვეტ ჯაჭვად ჩამოეყალიბებიან, ნაყოფიერად იქნა მოხმარებული უახლესი ფსიქოლოგიის სადავო ცნება „არაცნობიერისა“, რომელიც — თუმცა ჯერ კიდევ უამრავ გადაუწყვეტელ პრობლემებს შეიცავდა, — თანდათანობით სულ უფრო და უფრო ამტკიცებს თავის აუცილებლობას“⁸⁵. არაცნობიერი მოწოდებული იყო გაეერთიანებია გათიშული განცდები. ცნობიერების მოვლენების უეცარი გაჩენა და გაქრობა გაგებულ იქნა როგორც არაცნობიერებიდან „ამოტივტივება“ და მასშივე „ჩაძირვა“. განცდები კი არ ჩნდებოდნენ და ქრებოდნენ, არამედ ლატენტურად არსებობდნენ არაცნობიერში და, სათანადო პირობებში, კვლავ ამოტივტივდებოდნენ ხოლმე „ცნობიერების ზედაპირზე“.

არაცნობიერ განცდათა არსებობის აღიარების საწინააღმდეგო პირველ არგუმენტად ის უნდა იქნეს მოტანილი, „რომ გამოთქმა „არაცნობიერი წარმოდგენა“, „არაცნობიერი გრძნობა“ მარჯვია, მაგრამ აბსურდულია. განცდათა შინაარსები ნივთები კი არაა, რომ შეიძლებოდეს განცდებიდან მათი ამოღება, სხვაგან სადმე შენახვა და შემდეგ, შენარჩუნებული იგივეობით, კვლავ განცდაში შემოტანა“⁸⁶.

განცდა — ცნობიერია და ამიტომ ვერ იქნება არაცნობიერი. „არაცნობიერი განცდა“ უღრის „არაცნობიერ ცნობიერს“, რაც, ლოგიკის ძირითადი კანონების თანახმად, დაუშვებელია.

არაცნობიერის სფეროს შინაგანი სტრუქტურა და კანონზომიერება სრულიად უცხო და უცნობი იყო მეცნიერებისათვის და,

⁸⁵ 6,45.

⁸⁶ 1,110.

ამიტომ თვითნებური ნაგარდობის ფართო სარბიელს წარმოადგენდა. საკმარისი იყო არაცნობიერზე მითითება, რომ ცნობიერების ყოველგვარი იღვუმალება ახსნილად ყოფილიყო აღიარებული. ასეთი ყოვლისშემძლეობა მეორე არგუმენტია არაცნობიერის ცნების მეცნიერული ღირებულების წინააღმდეგ.

მესამე და ძირითადი არგუმენტი კი არის არაცნობიერის სუბსტანციადყოფნის დაუშვებლობა, რაც პერსონალისტური ფსიქოლოგიის პრინციპებიდან და მთელი სისტემიდან გამომდინარეობს.

არაცნობიერის ცნება აუცილებელი ხდება როგორცვე განცდათა აღწერის სიბრტყეს გაცვილდებით. აუცილებელია იგი ელემენტარისტული მეცნიერებისთვისაც და პერსონალისტური მთლიანობითი მეცნიერებისთვისაც მაგრამ უკანასკნელს სხვაგვარად აქვს იგი გაგებული.

„არაცნობიერის“ ფილოსოფიამ და ფსიქოლოგიამ — ლაიბნიციდან შელინგისა და ედუარდ ფონ ჰარტმანის გზით თანამედროვე სიღრმის კვლევამდე (Tiefenforschung) — გამოიმუშავა ძირითადი აზრი, რომ ცნობიერების მოვლენები თავისთავად ვერ იქნება ვაგებული და ახსნილი: მაგრამ მათი ხედვა (Blick) ფსიქიკურიდან (ცნობიერებიდან? —ერ. ა.) უკან იყო მიმართული და მათი გამოთქმა ფსიქიკურით იყო განსაზღვრული“⁸⁷.

პერსონალისტური ფსიქოლოგიისთვის არაცნობიერი „არის ყველაფერი ის პერსონაში, რასაც კავშირი აქვს მისი ცნობიერების ფაქტებთან, ან მნიშვნელობა აქვს მათთვის, თითონ კი არაა ცნობიერების ფაქტი“⁸⁸. არაცნობიერი ორი .სახის შეიძლება იყოს: ან „ქვეცნობიერის“ ან „ზეცნობიერის“.

„ქვეცნობიერია“ პერსონის ყოველი მდგომარეობა, რომელიც ჯერ არაა, ან უკვე აღარაა ცნობიერი, რომელიც, ამრიგად, არის რა მოსამზადებელი საფეხური, ან შემდეგმოქმედება ცნობიერების მოვლენებისა, მათთან შედარებით ერთგვარ მინუსს წარმოადგენს“⁸⁹.

ქვეცნობიერია, ამრიგად, ყოველი ზღურბლსქვედა გამლიზიანებული; ქვეცნობიერია შთაბეჭდილების „კვალი“, რომელიც მოგო-

⁸⁷ 1,100.

⁸⁸ 3,241.

⁸⁹ 3,243.

ნების სახით კვლავ ცნობიერი შეიძლება გახლეს; ქვეცნობიერაა „ყველა ის პერსონული მდგომარეობა, რომელიც ცნობიერების მდგომარეობის წინ, მათ შორის, ან მათ შემდეგაა მოცემული, და ტელეოლოგიურადაა მათთან დაკავშირებული“¹⁰.

„ზეცნობიერს“ მიეკუთვნება ყოველივე ის პერსონაში, რაც მეტია ვიდრე მხოლოდ ცნობიერება. „ცნობიერების განცდები თავისთავად პასიურია, უბრალო მოცემულობანია; მაგრამ ისინი არიან ძალის მიყენების პუნქტები (Angriffspunkte), ნედლი მასალა, ასახვა, იარაღი პერსონის ქცევის აქტიური სახეებისთვის. ამდენად ეს აქტივობა თავად არაა ცნობიერება, რაც არ უნდა შვიდროდ იყოს იგი დაკავშირებული ცნობიერების მოვლენებთან; იგი არის ის, რაც ქმნის ცნობიერებას, სარგებლობს ცნობიერებით, ცნობიერებაში აისახება — მაგრამ, სწორედ ამიტომ, ცნობიერების სიბრტყეს არ ეკუთვნის“¹¹.

ასეთი „ზეცნობიერია“, უწინარეს ყოვლისა, პერსონის ცალკეული აქტები სპონტანური აქტივობისა, თუ რეაქტივობისა. აქტი თავისთავად არაა ცნობიერი. იგი ფსიქოფიზიკურად ნეიტრალურია, რამდენადაც მთლიანი პერსონის მოქმედებაა და, ამდენადვე, მეტია ვიდრე მხოლოდ ცნობიერი ასახვა ამ მოქმედებისა შინაველენაში. განცდის კავშირი ცნობიერებასთან არის მისი „ცნობიერებაში ყოფნა“, აქტის კავშირი კი — „ცნობიერებით დატვირთულობა“ (Bewusstseinsbehaftet). თითოეული აქტი შეიძლება მეტად ან ნაკლებად იყოს „დატვირთული“ ცნობიერებით, მაგრამ იგი არასოდეს არაა მხოლოდ-ცნობიერი.

აქტები არაა თვითმოქმედი, ისინი დისპოზიციების პროლუქტებია. დისპოზიციები (— პერსონის მიზნისადმი მიმართებულობის და აღქურვილობის ნაწილობრივი გამოსხივებანი —) ზეცნობიერის მეორე საფეხურს წარმოადგენს. „ცხადია, რომ დისპოზიცია არ შეიძლება უბრალოდ გაიგივებულ იქნეს ცნობიერების მოვლენების მოცემულობასთან; იგი უფრო ზეცნობიერ მოქმედების უნარია, ანობას წარმოადგენს.

და მაინც შეიძლება ვილაპარაკოთ დისპოზიციის — მავალითად, ტალანტის „ცნობიერობის“ შესახებ, მაგრამ სულ სხვა აზრით. აოა

¹⁰ 3,242.

¹¹ 3,243.

დისპოზიცია, როგორც ასეთი, არის ცნობიერების მოვლენა, არამედ ინდივიდისთვის ცნობიერია ამ მისი დისპოზიციის არსებობა და როგორცაა. ამით ჩვენ მივადგებით ზეცნობიერების უმაღლეს საფეხურს, თვით პერსონას.

პერსონა კი არ არის ცნობიერი, არამედ მას აქვს ცნობიერება. და ამიტომ თვითონ იგი „ზეცნობიერად“ უნდა იქნეს დახასიათებული“⁹². იგი არის „ცნობიერების შემოქმედი“. რადგან ჯგია სუბსტრატული პერსონული ცხოვრების იმ უწყვეტობისა, „რომლის წყალობითაც ცნობიერების ცალ-ცალკე ნაპერწყლები (ისინი რომ იზოლირებულად განიხილო, — წერტილთა ქაოსი.გამოვცა) აზრიანად გაერთიანებული არიან“⁹³. „ფსიქიკური განცდა პერსონულ ცხოვრებიდან გამომდინარეობს და მისით შეიძლება იქნეს გავებული“⁹⁴.

„ცნობიერება და არაცნობიერი ერთად ქმნის „ფსიქიკურის“ ცნების მოცულობას“⁹⁵. „ფსიქიკური მხოლოდ თვისებაა და ნიშანი, და არა თვით სუბსტანცია (ამიტომაც განზრახ იხმარება ადრექტივური აღნიშვნა: „ფსიქიკური“, „სულიერი“ — მისი დამოკიდებული, „ინპერენტული“ ხასიათის გამოსახატავად)“⁹⁶. „ფსიქიკური მოვლენები, პროცესები და თვისებები არსებობენ მხოლოდ როგორც რომელიმე ინდივიდური მე-სადმი კუთვნილნი, რომელსაც ისინი „აქვს“. საკითხი შეიძლება დადგეს სუბსტრატის არა არსებობის, არამედ როგორობის შესახებ“ და ამ საკითხის პასუხს პერსონის ცნება წარმოადგენს. „ფსიქიკურს“ არ გააჩნია თავისთავადი მნიშვნელობა, საბოლოო, გამოუყვანელი აზრი. ადამიანის პიროვნების დახასიათება არ შეიძლება იმითი, რომ იგი ფსიქიკურია, რადგან, პირიქით, ფსიქიკური თვით უნდა იქნეს დახასიათებული იმით, თუ რას ნიშნავს იგი ადამიანის პიროვნებაში და პიროვნებისთვის“⁹⁷. ფსიქოლოგიის „აქამომდელ ცენტრალურ ცნებას — „ფსიქიკურის“ ცნებას — უარი უნდა ეთქვას მის პირველადს მდგომარეობაზე და დამოუკიდებლობაზე „პიროვნების“ ცნების სასარგებლოდ“⁹⁸.

⁹² 3,246.

⁹³ 10,70.

⁹⁴ 3,13.

⁹⁵ 3,248.

⁹⁶ 1,96.

⁹⁷ 1,117.

⁹⁸ 9,3—4.

ფსიქოლოგიის საგანი

ფსიქოლოგიის საგანს ვ. შტერნი შემდეგნაირად განსაზღვრავს: ფსიქოლოგია არის მეცნიერება განმცდელი და განმცდისუნარიანი პერსონის შესახებ, მან უნდა იკვლიოს განმცდის პერსონული ნიშანთვისება: მისი აღმოცენების პირობები მისი რავგარობა, ფუნქციობის ყაიდა და კანონზომიერება, მისი ნაწილობრივი მნიშვნელობა პერსონული ყოფიერებისა და სიცოცხლის მთლიანობისთვის¹⁰⁹. ეს განსაზღვრება მხოლოდ მეცნიერულ ფსიქოლოგიას შეეხება, მაგრამ „მეცნიერული ფსიქოლოგიის“ შესახებ თუ ვლაპარაკობთ, ამით უკვე ნაგულისხმევია არამეცნიერული ფსიქოლოგიის არსებობაც, ან, ყოველ შემთხვევაში, შესაძლებლობა მაინც. არამეცნიერული ფსიქოლოგია არსებობს, როგორც ფაქტი, და მისი საგნის გათვალისწინება სასურველია საკუთრივ მეცნიერული ფსიქოლოგიის საგანში უკეთ გასარკვევად. არამეცნიერული ფსიქოლოგიის საგანი სხვაა, ვიდრე მეცნიერულისა. მაგრამ, რადგანაც ერთი და მეორე ფსიქოლოგიაა — მათ საერთოც უნდა ჰქონდეთ რაღაც. მართლაც, შესაძლებელია ფსიქოლოგიის საგნის ისე ზოგადად განსაზღვრება, რომ ამ განსაზღვრებამ დაიტიოს ყოველგვარი შესაძლო ფსიქოლოგიის საგანი. „ერთობლიობა ყველა შეხედულებისა, შემეცნებისა და ქცევისა, რომელიც სულის არსსა და სულის სიცოცხლეს შეეხება“ — ფსიქოლოგიის სფეროა¹⁰⁰; სულის არსი და სულის სიცოცხლე — ფსიქოლოგიის საგანია. ს უ ლ ი ს ა რ ს ი, თუ სულის სიცოცხლე, ანუ სულიერი მოვლენები? ზოგჯერ ერთია კვლევის, შესწავლის, ზემოქმედების საგანი, ზოგჯერ — მეორე. ამის გამო „ფსიქოლოგები“ ორად შეიძლება დაგვეჯგუფებია საგნის თვალსაზრისით. მაგრამ ასეთი დაჯგუფება არ იქნებოდა სამყოფი; რადგან არსებითი მნიშვნელობა აქვს საგნისადმი მიდგომას, და ისიც აუცილებლად უნდა იყოს მხედველობაში მიღებული და ანგარიშგაწეული. მიდგონა სულის არსისა, თუ სულიერი მოვლენებისადმი სამგვარი შეიძლება იყოს: ან გულუბრყვილო, ან ხელოვნებითი (Künstlerische), ან მეცნიერული. გულუბრყვილო მეტაფიზიკური (სულის არსის შესახებ) ფსიქოლოგია განხორციელდება სულის მითიურ-რელიგიურ

¹⁰⁹ 1, 99.

¹⁰⁰ 1, 5.

გაგებაში; ემპირიული (სულიერ მოვლენათა შესახები) — ადამიანთა პრაქტიკულ ცოდნაში. მეორე — ხ ე ლ ო ვ ე ბ ი ს — თვალსაზრისი შესატყვისად იძლევა სამყაროსა და საგნების ხელოვნებით გასულდგმულებას, და ხელოვნებით გაგებას და გადმოცემას სულიერი ცხოვრებისას. მეცნიერული მიდგომის შედეგია ფილოსოფიური ფსიქოლოგია და ფსიქოლოგია, როგორც ცდისეული მეცნიერება.

არაა სადავო, რომ მიდგომათა განსხვავება არსებითს განსხვავებას ქმნის გულუბრყვილოსა, ხელოვნებითსა და მეცნიერულ ფსიქოლოგებს შორის. გულუბრყვილო ფსიქოლოგიასაც და ხელოვნებითს ფსიქოლოგიასაც დიდი სამსახურის გაწევა შეუძლია მეცნიერული ფსიქოლოგიისთვის, მაგრამ, ცხადია, უკანასკნელის მაგიერობას ისინი ვერ გასწევენ.

მეცნიერულ ფსიქოლოგიასაც, როგორც ვთქვით, საგნად ან სულიერის არსი შეიძლება ჰქონდეს, ან სულიერი მოვლენები. ამით განსხვავდება ფილოსოფიური ფსიქოლოგია ფსიქოლოგიისაგან, როგორც ცდისეული მეცნიერებისგან (Erfahrungswissenschaft), მაგრამ იგივე გარემოება აკავშირებს კიდევ ორივეს ერთმანეთთან. „ჩერ ისევ დღესაც ფართოდ გავრცელებული შეხედულება, თითქოს ფსიქოლოგია შეიძლება იყოს, ან უნდა იყოს ფილოსოფიისაგან სავსებით დამოუკიდებელი ცალკე დისციპლინა — ან ფსიქოლოგიის „განსულიერების“ საფრთხეს ქმნის, ან არადა მას შედეგად ის მოსდევს, რომ მეცნიერულ მუშაობას, რომელიც, ვითომცდა, თავისუფალია წინამძღვრებისგან, არაა ცნობიერად სავსებულად უდებენ მსოფლმხედველობისა და გნოსეოლოგიურ წინამძღვრებს“. ემპირიული ფსიქოლოგია ისევე მჭიდროდ არის და უნდა იყოს დაკავშირებული ფილოსოფიურ ფსიქოლოგიასთან, როგორაცაა დაკავშირებული მათი საგნები: მოვლენა და არსი სულიერისა.

მართალია, ფსიქოლოგიის ისტორიის მანძილზე ეკვი იყო შეტანილი სულიერი მოვლენების სუბსტრატის არსებობაში, მაგრამ პერსონალისტური ფსიქოლოგიისთვის ეს ეკვი არ არსებობს და საკითხი იმთავითვე სულიერის სუბსტრატის არსებობის სასარგებლოდაა გადაჭრილი: სულიერი მხოლოდ მოვლენაა და, როგორც ასეთი, არ შეიძლება არსებობდეს „მომავლინებელის“ გარეშე. „სულიერი“ მხოლოდ ერთი ფორმათაგანია რეალურად არსებული სუბსტანციის — პერსონის — გამოვლენისა, სახელდობრ, მისი შინაველენა.

მეცნიერული ემპირიული ფსიქოლოგიის საქმეა ამ გავრცელების შესწავლა პერსონასთან მიმართებაში. თუ რას ნიშნავს პერსონასთან მიმართება — ზემოთ იყო თქმული. ეს ნიშნავს განცდის (და მასთან უშუალოდ დაკავშირებული პერსონული მოვლენებისა და მდგომარეობების: ყოველივე ცნობიერის და არაცნობიერის, მოკლედ-ფსიქიკის) აღმოცენების, რაგვარობის, ფუნქციობის, კანონზომიერებისა და პერსონულ სიცოცხლის მთლიანობისთვის მისი ნაწილობრივი მნიშვნელობის კვლევას.

ფსიქოლოგიის ამოცანები

მეცნიერული ემპირიული ფსიქოლოგიის საგნის განსაზღვრებიდან გამომდინარეობს მისი ამოცანებიც. ფსიქოლოგიის ძირითადი საგანია განცდა. მისი უპირველესი ამოცანაა განცდის დადგენა, მისი ფენომენური რაობის წვდომა, მისი აღწერა. დესკრიფცია პირველი აუცილებელი, მაგრამ მხოლოდ მოსამზადებელი წინასაფეხურია განცდათა შესწავლისა.

ცალკეული განცდების აღწერას მათი კლასიფიკაცია მოსდევს. ერთგვაროვანი განცდები ერთ ჯგუფად უნდა იქნეს გაერთიანებული. ეს აუცილებელი პირობაა მეცნიერების შემდგომი წარმატებისა. ასე იქცევა ყოველი მეცნიერება და ასე უნდა მოიქცეს ფსიქოლოგიაც. მაგრამ აქ კლასიფიკაცია სპეციფიკურ სიძნელეს შეიცავს: იგი უსათუოდ მოასწავებს გამარტივებას, გაქვევებას, ნიველირებას. განცდა, რომელიც გარკვეულ ჯგუფს მიეკუთვნება, ამ მკუთვნების მეოხებით კარგავს თავისებურებას, სწყვეტს კავშირს სხვა ჯგუფის განცდებთან, რომლებთანაც დაკავშირებულია იმდენად, რამდენადაც ყოველი რაგინდარა განცდა ერთმთლიანი პერსონის მომენტია და ზემდგომ ერთმთლიანობასთან სწორედ რომ მთლიანობითს კავშირშია. ეს ნიშნავს, რომ განცდა სწორხაზობრივ მიმართებაში კი არ იმყოფება თუნდაც თვით პერსონასთან, არამედ სულ სხვადასხვაგვარ მომენტებთან მრავალმხრივი კავშირების ქსელშია ჩაბმული. კლასიფიკაციის სქემაში შეტანით მეცნიერება ძალმომრეობს განცდაზე. მიუხედავად ამისა, კლასიფიკაციის აუცილებლობის უარყოფა შეუძლებელია. მაგრამ შესაძლებელია მისგან მოსალოდნელი ზიანის შესუსტება იმითი, რომ ერთი და იგივე სულიერი მოვლე-

ნა სხვადასხვა თვალსაზრისით, სხვადასხვა პლანში განვიხილოთ, თუ შეიძლება ასე ითქვას — მრავალგანზომილებიანი კოორდინატთა სისტემის მეშვეობით განვსაზღვროთ მისი ადგილი ცნობიერებაში და პერსონის სიცოცხლეში.

კლასიფიკაციასთან უშუალოდაა დაკავშირებული ს ა ხ ე ლ დ ე ბ ის საკითხი. ჭერ თვით ცალკეული განცდის აღწერისას და დადგენისას საჭიროა სპეციალური ტერმინოლოგია. ასევე საჭიროა იგი განცდათა კლასების სახელდებისათვის, არაცნობიერი ფსიქიკური მოვლენებისთვის. სპეციფიკური სიძნელეები, რომლებიც ფსიქოლოგიურ ტერმინოლოგიას ახლავს, ექვს გარეშეა: მასალა, რომლის სახელდება უხდება ფსიქოლოგიას, ეს ის მასალაა, რომელიც უმრავლეს შემთხვევაში ყოველდღიურ სიტყვახმარებაში ძველთაძველიდან სახელდება. მეცნიერულმა ფსიქოლოგიამ ანგარიში უნდა გაუწიოს ამ საყოველღეო ტერმინოლოგიას და მრავალი ტერმინი უნდა მიიღოს, მრავალი კი უარყოს. განცდის—გარკვეული ჭკუფისთვის მიკუთვნებით თუ მისი გაქვეავება, ნიველირება ხდება — ეს სწორედ სახელდების მეოხებითაა. ყოველდღიური ტერმინოლოგიის უგულვებელყოფა შეუძლებელია, მაგრამ ყოველდღიურ სიტყვახმარებაში დამკვიდრებული ტერმინები არაა მკაფიოდ განსაზღვრული ცნებების გამომხატველი, მრავალმნიშვნელოვანია და ამ სახით — მეცნიერებისთვის სრულიად მიუღებელი. საჭიროა ცნებებისა და ტერმინების დაზუსტება ყოველგვარი ორაზროვანობის თავიდან ასაცილებლად. ყოველდღიური სიტყვახმარების ტერმინოლოგია ტლანქია; ამ სიტლანქის საილუსტრაციოდ საკმარისია გაეიხსენოთ ტრადიციული კლასიფიკაცია და სახელწოდება სულიერი მოვლენებისა „გრძნობად“, „გონებად“ და „ნებისყოფად“. უამრავი ფსიქიკური მოვლენისთვის ყოველდღიურ სიტყვახმარებას საერთოდ არ გააჩნია ტერმინი: საჭიროა ახალი ტერმინების შემუშავება. ახალი ტერმინი ზუსტი უნდა იყოს, უნდა გამოხატავდეს სახელდებული ფაქტის რაობას. ტერმინოლოგია და კლასიფიკაცია, თუ იგი მართებულია, ხელს უწყობს შემდგომი აღწერის წარმოებას¹⁸¹.

¹⁸¹ აქ ორიოდ სიტყვა მინდა ვთქვა პირადად ვ. შტერნისეულო ტერმინოლოგიის შესახებ. თუ საყოველღეო სიტყვახმარება არაა დამაკმაყოფილებელი და სამყოფი საერთოდ ფსიქოლოგიურ ტერმინებად, ვ. შტერნისთვის არც ფსიქოლოგიურა სპეციალური ტრადიციული ტერმინოლოგიაა სამყოფი და დამაკმაყოფილებელი. ახალი პრინციპები, რომლებზეც ააგებს იგი თავის ფსიქოლოგი-

უმუშალო გამოცდილებას ფსიქიკური მასალა რთული სახით ეძლევა. პერსონალისტური ფსიქოლოგიისთვის ეს გარემოება სრულიად კანონზომიერი და თავისთავად ნათელია: მისთვის ცნობიერება პერსონის მრავალერითიანობის შინაგანი ასახვაა და, როგორც ასეთი, არ შეიძლება რთული არ იყოს. კლასიკური ასოციაციონისტური ფსიქოლოგიისათვის ეს სირთულე არ იყო ლოგიკურად აუცილებელი. ფაქტი ფაქტად რჩებოდა, მაგრამ ფაქტი ახსნას მოითხოვდა; ახსნის მეთოდს კი მას ბუნებისმეტყველება უქარნახებდა, რო-

ურ მოძღვრებას, ფსიქიკურ მოვლენათა ახალი თვლით დანახვას მოითხოვს და ბევრ ისეთ მოვლენას აღმოაჩენს, რომელიც წინაპორბედი ფსიქოლოგიისთვის შემუშინებული იყო. ყოველ ფსიქოლოგს აქვს ორიოდე მაინც თავისი ახალი ცნება. რომლისთვისაც იგი ქმნის ახალ ტერმინს. მაგრამ ვ. შტერნს იმდენი ახალი ცნება აქვს, რომ შეიძლება მისი ლექსიკონის შესახებ ვილაპარაკოთ. და უნდა ითქვას, რომ უმრავლეს შემთხვევაში მისი ტერმინები არაჩვეულებრივ მარჯვე და ლაზათიანია. მათში გამოსკვივის ხოლმე სახელდებული. ფაქტისა თუ მოვლენის არსი. ქართულად მათი გადმოცემა ძალიან ჭირს. ეს იმითი აიხსნება, რომ ავტორი ტერმინების შემუშავებისას გერმანულ ეტიმოლოგიას ემყარება, რომელსაც ქართულ ეტიმოლოგიასთან ძალიან ცოტა რამ აქვს საერთო. ვ. შტერნის მიერ ახლად შემუშავებული ტერმინების თარგმნა ზედმეტ სამუშაოს ქმნის ქართული ტერმინოლოგიისთვის, მაგრამ ამ მუშაობისთვის გვერდის ახვევა არც შესაძლებელია და არც სასურველი.

ვ. შტერნისეული ტერმინების თარგმნისას მე შემდეგ გზას დაეადექი: ის ტერმინები, რომლებიც უკვე თარგმნილი ყოფილა ოდესმე ქართულად — ძველი თარგმნით დავტოვე (მაგ. *Lebuis*—ცოცხლობა. *Deuten*—ინტერპრეტაცია). ზოგი ტერმინი, სახელობრ, ისეთი, რომლის ანალოგიური გერმანული ტერმინი უთარგმნლად შემოვიდა ქართულ ტერმინოლოგიაში — უთარგმნელადვე დავტოვე (მაგ. *Ungestalt*—უნგეშტალტი. ანალოგი: *Gestalt*—გეშტალტი). ასეთა, განსაკუთრებით, ბერძნულ-ლათინური ძირებიდან ნაწარმოები ტერმინები (მაგ. *Persön*—პერსონა და არა „პირი“. მაგრამ *Persönlichkeit*—პიროვნება, რომელიც საკუთრით ისევეა ნაწარმოები „პირი“-სგან, როგორც *Persönlichkeit*—*Person*-სგან. ზოგი ტერმინის ახლად თარგმნა მომიხდა და ამ შემთხვევაში ვედალობლა ღამეცა ვ. შტერნისეული პრინციპი ტერმინის წარმოებისას: ზოგჯერ ყოველ ლაზერს სიტყვახმარება, ზოგჯერ მონათესავე ცნებიდან წარმოება, ზოგჯერ ცნების არსის გამოხატვა (მაგ. *Bereich*—შემოგარე, *Allperson*—ყოველადპერსონა).

სადაც ტერმინის საკუთრად ქართული ეკვივალენტი ვერ ვნახე, საერთაშორისო სიტყვა გამოვიყენე (ასეთია, მაგ. *Wehmut*—მელანქოლია. ანალოგიური *Deuten*—ინტერპრეტაციისა).

მელსაც წარმატებით დაჰყავდა ყოველი რთული მოვლენა მასში შე-
 მავალი ელემენტების ურთ: ერთობაზე. ფსიქოლოგიაშიც აქეთ წარ-
 მართა კვლევა და ფსიქიკური მოვლენები ელემენტებზე დაიყვანა.
 ანალიზი ძირითადი მეთოდი იყო ფსიქოლოგიური კვლევისა. დადგე-
 ნილ იქნა უმარტივესი ფსიქიკური ერთეულები და მათგან აგებულ
 იქნა ურთელესი ფსიქიკური მოვლენები; თვით „მე“-ც კი წარმოდ-
 გენათა კონად იქნა მიჩნეული. ასოციაციონისტური ფსიქოლოგია
 რომ ცდებოდა, დღეს ეს, შეიძლება ითქვას. ყველასათვის ცხადია.
 უკანასკნელ ათეულ წლებში, განსაკუთრებით ჩვენი საუკუნის დამ-
 დეგს, ფსიქიკური ელემენტების ბატონობა ფსიქიკურის ძალი-
 ანობამ დასთრგუნა. განცდა შეგრძნებათა ჯამი კი არაა,—მეტია,
 ვიდრე შეგრძნებათა ჯამი. ცნობიერებაც მეტია, ვიდრე ცალკეულ გან-
 ცდათა ჯამი. ნაწილების ჯამზე მეტია ფსიქიკაც და არა მარტო ფსიქი-
 კა,—არამედ პიროვნება, პერსონა. ვ. შტერნისთვის პიროვნების შრა-
 ვალერთიანობა „უკანასკნელი საიდუმლოებაა, რომლისაც ჩვენ არც
 ახსნა ძალგვიძს. არც უგულებელყოფა, არამედ რომელიც უნდა აღვი-
 აროთ ჩვენი ზოგადი მსოფლმხედველობის საფუძვლად“¹⁰². ხოლო
 ადამიანი რომ სწორედ ასეთი პიროვნებაა „ეს არც მეტაფიზიკური
 სპეკულაციაა, არც მეტად თუ ნაკლებად მტკიცე რწმენა. არამედ ყვე-
 ლაზე უფრო უეჭველი რამ, რაც კი არსებობს“. და სინამდვილისგან
 უკიდურესი განდგომა იყო საჭირო იმისთვის, რომ მეცნიერებას დაე-
 ქუტუმაცებინა ადამიანი მის შემადგენელ ნაწილებად და ფუნქციებად.
 მეცნიერება იმდენ ყურადღებას აქცევდა იმას, რაც ადამიანში ზღე-
 ბოდა და ადამიანს ემართებოდა, რომ სრულიად ყურადღებელი
 დარჩა თვით ადამიანი¹⁰³. ადამიანი ერთმთლიანობაა. მაგრამ ეს არ
 ნიშნავს, რომ ანალიზური მისი შესწავლა ზედმეტია. „თეხისი: „ადამ-
 მიანი არის ერთიანი პერსონა“ — ჯერ კიდევ არაა მეცნიერება მე-
 ცნიერების შესაქმნელად პერსონული ყოფიერების უმუშალო რეალუ-
 რობის გაშუალება: საჭირო დამუშავების გზით. ხოლო ასეთი მეცნიე-
 რული დამუშავება, უწინარეს ყოვლისა, დეტალურ მუშაობას მოი-
 თხოვს, რომელიც ჯერ დაშლას და შემდეგ დაშლილის კვლავ გაერ-
 თიანებას მოიხმარს სერხად“¹⁰⁴.

¹⁰² 3,6.

¹⁰³ 3,3 უშ.

¹⁰⁴ 5,1—2.

ანალიზის აუცილებლობას პერსონალისტური ფსიქოლოგიაც აღიარებს. მაგრამ მან წინასწარ იცის, რომ ანალიზი ვერ მოგვეცემს „ელემენტებს“ სიტყვის ჩვეულებრივი მნიშვნელობით: ფსიქიკურ ერთეულებს, რომლებიც ველარაფერზე ვერ დაიყვანებიან, რომლებიც თავისთავადნი იქნებიან და რომლებისგანაც შესაძლებელი იქნება რთული წარმონაქმნების აგება მათი შინაგანი საკუთარი კანონზომიერების შესატყვისად. ერთმთლიანი პიროვნების ანალიზი მოგვეცემს მხოლოდ ამ მთლიანობისგან შეტად თუ ნაკლებად გამოყოფილ, მეტად თუ ნაკლებად გამოკვეთილ და ჩამოყალიბებულ გეშტალტებს, რომლებსაც არ შეიძლება გააჩნდეთ საკუთარი, მთლიანობისაგან დამოუკიდებელი არსებობა და, ამიტომ, არც შეიძლება ელემენტებად იქნენ აღიარებული, არამედ მხოლოდ „მომენტებად“ შეიძლება იქნენ გაგებული, რომლებსაც არსებობაც და აზრიც სავესებით მთლიანობითაა განსაზღვრული. მაგალითად, „მოსმენილ მელოდიაში ცალკეული ტონი, ტონის ელემენტური შეგრძნების სახით კი არაა მოცემული, არამედ როგორც „ტონიკა“ ან „წამყვანი ტონი“ ან „ხმის აწევა“ *Höhepunkt* და სხვ. მელოდის გეშტალტში თვით ერთმანეთს თითქოს ძალიან დაშორებული სულიერი თვისებები, როგორიცაა: ტემპერამენტი, ფანტაზია, ინსტინქტურობა (*Triebhaftigkeit*), ინტელიგენტობა „ნიჭიერებებსავეთ“ ურთიერთისაგან გათიშულად კი არ იმყოფებიან გვერდიგვერდ, არამედ მხოლოდ და მხოლოდ მჭიდროდ დაკავშირებული ნაწილობრივი გამოსხივებანია ერთიანი „პერსონისა“¹⁰⁵.

ამიტომ ანალიზს აზრი აქვს მხოლოდ მაშინ, როდესაც გათვალისწინებულია ანალიზის შედეგად მიღებული „მომენტების“ მთლიანობისადმი მიმართება. ეს მიმართება მრავალგვარია. ესაა მიმართება: შედეგისა — მიზეზთან, საშუალებისა — მიზანთან, მოვლენისა — არსთან, რეალურობისა — პოტენციასთან, გეშტალტისა — უნგეშტალტთან და სხვ. ფსიქოლოგიამ უნდა იკვლიოს ყველა ეს მიმართება, უნდა იკვლიოს განცდა „მის ნაწილობრივს მნიშვნელობაში პერსონული ყოფიერებისა და სიცოცხლის მთლიანობისთვის“*.

ეს ვალდებულება ორ შემდგომ ამოცანას უსახავს პერსონალისტურ ფსიქოლოგიას: ახსნისას და ინტერპრეტაციასას.

¹⁰⁵ 1,21.

* იხ. გვ. 78.

ახსნა ბუნებისმეტყველური ორიენტაციის გავლენით გაბატონდა ფსიქოლოგიაში. ბუნებისმეტყველებაში და, საერთოდ, ყოველგვარ შესაძლო მეცნიერებაში ახსნა ნიშნავს კერძო მოვლენის დაქვემდებარებას (ზოგადი) კანონისათვის. ფიზიკაში კანონები მართლაც საყოველთაო მნიშვნელობისაა. ფსიქოლოგიაში ასეთი კანონების დადგენა ვერ მოხერხდა. ფაქტიურად აქ კანონების ნაცვლად წესები იქნა დადგენილი, რომლებსაც, კანონებისგან განსხვავებით, „ყოველგვარი პირობის გარეშე კი არა აქვთ ძალა, არამედ მხოლოდ შესაძლონი (plausibel) არიან“. ასეთია, მაგალითად, ასოციაციის კანონი, ვებერ-ფეხნერის კანონი, მეხსიერების კანონები და სხვა.

ახსნა ფსიქოლოგიაში სამი კატეგორიის შეიძლება იყოს: ან მიზნობრივი (მოვლენას მოენახება გამომწვევი მიზეზი), ან მიზნობრივი (მოვლენას მოენახება მიზანი), ან გენეზური (მოვლენა ახსნილი იქნება როგორც განვითარების ერთ-ერთი ფაზა სხვა ფაზებთან მიმართებაში).

სხვაგვარ ამოცანას ისახავს და სხვაგვარ წინამძღვრებს ეძყარება გაგება, რომელიც თანდათან მეტ ძალაუფლებას იმკვიდრებს ფსიქოლოგიაში. ახსნის ამოსავალი—ცალკეული მოვლენაა ახსნის შემთხვევაში ამ მოვლენას ვიღებთ, როგორც მოცემულს, თვითარსებულს და ვეძებთ მის მიზეზებს, მიზნებს, გენეზისს. ახსნა კანონზომიერების ძიებაა ამ კერძო მოვლენის თვალსაზრისით. ვაგება კი მოვლენის აზრის ძიებას ნიშნავს. ვაგებულ უნდა იქნეს ამ კერძო მოვლენის სხვა მოვლენებთან კავშირის აზრი, მნიშვნელობა. „თუ მთლიანობა აზრიანი მნიშვნელობის მატარებელია (ადამიანის პერსონა, საზოგადოება, კულტურული ღირებულება), მაშინ სულიერი მოვლენა გაგებულთა იმ შემთხვევაში, თუ წვდომილია მისი წვლილი ამ აზრიან მთლიანობაში.

ჩვენ, მაგალითად, „გვესმის“ სიტყვები, რომლებსაც ვინმე ამბობს, როგორც მნიშვნელობის მქონე საშუალება მასთან ურთიერთობის დამყარებისა; კიდევ უფრო ვიწრო მნიშვნელობით ფსიქოლოგიურ ვაგებასთან გვაქვს საქმე, როდესაც ეს სიტყვები მისი სურვილების, მისწრაფებებისა და ინტერესების აზრს გამოვვიმჟღავნებს; როდესაც მისი სიტყვების მეოხებით ჩვენ ვწვდებით მას, როგორც პერსონულ მთლიანობას“¹⁰⁰.

ახსნით დაკმაყოფილება ფსიქოლოგიაში მხოლოდ მას შეეძლო, ვინც ელემენტების იქით მთლიანობას ვერ ხედავდა, ვისაც კანონ-ზომიერების საკითხი აზრიანობის საკითხს უჩრდილავდა. ნამდვილად ფსიქოლოგია სულიერი მოვლენის კანონსაც უნდა ეძებდეს და აზრსაც. და ეს ორივე ამოცანა ერთი ფსიქოლოგიის საქმეა და არა „ახსნითი“ და „გაგებითი“ ფსიქოლოგიებისა, რომლებიც ზოგს დამოუკიდებელ ფსიქოლოგიებად წარმოუდგენია.

მეცნიერული ფსიქოლოგიის უკანასკნელი ამოცანა არის ინტერპრეტაცია (Deuten). ინტერპრეტაცია მხოლოდ იქაა შესაძლებელი, სადაც დაშვებულია მნიშვნელობის არსებობა, რადგან ინტერპრეტაცია სწორედ მოვლენის, თუ ფაქტის მნიშვნელობის დადგენას ნიშნავს. მნიშვნელობა ვილაციისთვის, ან რალაციისთვის მნიშვნელობაა და. ამიტომ. პრინციპულად ტრანსცენდენტულია, გარდა იმ შემთხვევისა, როდესაც მოვლენა თუ ფაქტი თვითღირებულების მატარებელია.

ინტერპრეტაცია, ამასთანავე, მხოლოდ იქაა შესაძლებელი, სადაც ნაგულისხმევია მოვლენებისა თუ ფაქტების ურთიერთის „ქვევით“ და „ზევით“ სხვადასხვა სიღრმით განლაგება: ინტერპრეტაცია — მნიშვნელობის სიღრმის ჰერეტაა (Tiefenschaen). „ინტერპრეტაციის მასალა მუდამ უფრო გარეგანია, გამოცალკევებული, გამოყოფილი; ინტერპრეტაციის მიზანი მუდამ უფრო შინაგანია, პერსონის მთლიანობასთან უფრო შინაგანად შედუღებულია. ეს ეკრტიკალური მიმართულება განასხვავებს ინტერპრეტაციას „ახსნისაგან“, რომელსაც დასაკავშირებელი მოვლენების „პორიზონტულ“ თანამდებარებასთან აქვს საქმე. მაგრამ სწორედ ეს თავისებურება არაჩვეულებრივად ძნელ ამოცანად ხდის ინტერპრეტაციას, ვინაიდან გზა სიღრმეში ამავე დროს არის გზა გაურკვეველში, მიახლოებაა ვერ გამოსათქმელთან, პიროვნების ნამდვილ აზრთან“¹⁰⁷. მართალია, პიროვნება, როგორც მთლიანობა, ფაქტიურად ძალიან იშვიათად თუა ინტერპრეტაციის მიზანი, — მაგრამ ინტერპრეტაცია ყოველთვის მისკენაა მიმართული: ზედაპირიდან — სიღრმისკენ; „ვერტიკალური მიმართულება“ ერთ-ერთი ნიშანია, რომლითაც ინტერპრეტაცია განსხვავდება „პორიზონტული“ მიმარ-

თულების მქონე ახსნისაგან. ამ ვერტიკალური მიმართულებისთვის დამახასიათებელია მიმართების ცალმხრივობა, ერთპოლუსიანობა. ინტერპრეტაცია მხოლოდ ზედაპირიდან სიღრმისკენ შეიძლება იყოს მიმართული და არავეითარ შემთხვევაში არა პირიქით. პორიზონტული მიმართულებით წარმოებული „ინტერპრეტაცია“ კი ორმხრივია, და ეს იმიტომ, რომ იგი მხოლოდ მოჩვენებითი და არა ნამდვილი ინტერპრეტაციაა. თუ ფეხის სიღამბლე სიმპტომია ტვინის გარკვეული წილის დაზიანებისა — პირიქითაც შეიძლება იყოს: ხელსახებად რომ გვქონდეს მოცემული ტვინის გარკვეული წილის დაზიანება (რაც რეალურად სავსებით შესაძლებელია), იგი ფეხის სიღამბლის სიმპტომად შეიძლება გამოგვადგეს. ასეთივეა მდგომარეობა თვისებათა კორელაციების შემთხვევებში: ერთი თვისების ქონება შეიძლება მეორე თვისების ქონებას ნიშნავდეს. მაგრამ აქ ინტერპრეტაციასთან კი არა გვაქვს ნამდვილად საქმე, არამედ დასკვნასთან; აქ ერთი მოვლენა მეორე კომოგენური მოვლენის სიმპტომია თუ სიმბოლოა კი არაა, არამედ მხოლოდ და მხოლოდ ნიშანი. რომელიც მასთან მხოლოდ წესზომიერი თანხვედრითაა დაკავშირებული და არა აზრით.

ინტერპრეტაციისთვის დამახასიათებელია პოლისიმპტომიატიკა, რაც ახსნისთვის არაა სავალდებულო. მიმართება სიმპტომისა და ინტერპრეტაციის მიზნის შორის სწორხაზობრივი კი არაა, არამედ რადიალური. და სახელდობრ რადიალური ორივე მიმართულებით. ე. ი. ერთი სიმპტომი — მრავალი განსხვავებული რაიმესი ინტერპრეტაციის მასალა (სიმპტომი) შეიძლება იყოს; ინტერპრეტაციის ერთ მიზანს — მრავალი განსხვავებული სიმპტომი შეიძლება ჰქონდეს (ინტერპრეტაციის მასალად — ერ. ა.).. ვინაიდან ყოველი ინტერპრეტაციის — მიზანი სიმპტომთან შედარებით მთლიანობაა, სხვადასხვამხრივ შეიძლება მისი სიმპტომატურად გამოთქმა (ausprechbar), ინტერპრეტაციაყოფა; მეორე მხრივ, ერთი და იგივე სიმპტომი სხვადასხვაგვარ მთლიანობით კავშირებს უნდა ეკუთვნოდეს და, ამის მეოხებით, მრავალ რამეს უნდა ნიშნავდეს.

პოლისიმპტომატიკის აუცილებლობაზე გულისყურის გამახვილება განსაკუთრებით იმიტომაა საჭირო, რომ სინამდვილეში მავრად აქვს ფეხი მოკიდებული მონოსიმპტომატიკას — ღრმად მდებარე მთლიანობის ერთი სიმპტომით ინტერპრეტაციას. მონოსიმ-

პტომატურია მთელი გულუბრყვილო „გულთამხილავობა“: გრაფოლოგია იქნება ეს, ქირომანტია, თუ ასტროლოგია. მაგრამ არა მართო გულუბრყვილო, არამედ თვით მეცნიერული ფსიქოლოგიაც ვერ აცდენია მონოსიმპტომატიკურ ცთუნებას. ფსიქოანალიზის მონოსიმპტომატიკური ცოდვა ისაა, რომ სიმპტომებად მას მხოლოდ უნებლოე გამოვლინებანი მიაჩნია, და მიაჩნია ისინი საკმაო სიმპტომად ფსიქიკის სიღრმეების ინტერპრეტაციისთვის. ხელსახები ისტორიული ნიმუში მონოსიმპტომატიკისა არის ებინგჰაუსის ხარვეზიან ტექსტის ტესტი: მისი შესრულება საკმაო სიმპტომად იყო ხოლმე შიჩნეული კომბინაციის უნარის საწვდომად.

მონოსიმპტომატიკით გატაცება გასაგებია მისი სიმარტივის და „პორტატიულობის“ გამო. მაგრამ სრულიად უეჭველია მისი მეცნიერული გაუმართლებლობა, რამდენადაც ინტერპრეტაციის მიზანი არასოდეს არაა და არ შეიძლება იყოს ერთმნიშვნელოვნად გარკვეული. ასეთი მხოლოდ ფენომენია. ფენომენი არ საჭიროებს ინტერპრეტაციით გაშუალებას; იგი უშუალოდაა მოცემული. უშუალოდ არ-მოცემული კი არასოდეს არაა სრულიად განხორციელებული რეალურობა, არამედ შესაძლებლობა; პოტენცია და, ამიტომ, მეტად თუ ნაკლებად მრავალმნიშვნელოვანია. ეს კი ნიშნავს, რომ იგი სხვადასხვაგვარად შეიძლება გამოვლინდეს და მისი გამოვლენის ერთი მიმართულებით უნაყოფო ძიება არ შეიძლება გავიგოთ როგორც მისი არყოფნა: ებინგჰაუსის ტესტი შეიძლება წარმატებით ვერ შესრულოს ადამიანმა იმიტომ, რომ მას არა აქვს კომბინაციის უნარი. მაგრამ შეიძლება იმიტომაც — რომ ეს უნარი მას სხვა მასალაზე აქვს მიმართული; ან იმიტომ, რომ ეს მისი უნარი მხოლოდ სპონტანურად ამოქმედდება ხოლმე, ხოლო რეაქტიულ სიტუაციაში, როგორცაა ცდის სიტუაცია, უმოქმედოდ რჩება პოტენციურ მდგომარეობაში.

ამ ცალმხრივობის დაძლევა ნაცადი იყო ფსიქოლოგიაში პროფილების და საშუალო ინდექსების შემოტანით. პროფილი მხოლოდ ელემენტარისტული თვალსაზრისით თუ შეიძლება იქნეს გამართლებული, პერსონალისტური თვალსაზრისით კი მისი უკმარობა სავსებით ნათელი და უეჭველია: მთლიანი პიროვნების სურათის დახატვას იგი უნაყოფოდ ლამობს მოზაიკური ხერხებით. ასევე უეჭველია საშუალო ინდექსის უვარჯისობაც: პიროვნების რომელო-

ბითი თავისებურების გამოხატვა საშუალო არითმეტიკული ოდენობით შეიძლება ძალიან მომხიბლავი, მაგრამ სრულიად განუხორციელებელი ოცნებაა.

„ამრიგად, პოლისიმპტომატიკის შესახებ შემდეგი უნდა დავასკვნათ: მონახული ცალკეული სიმპტომები, ისევე როგორც მათი მტკიცე შეკავშირებანი, მხოლოდ ნედლ მასალას წარმოადგენს პიროვნების ინტერპრეტატორისთვის. ეს უკანასკნელი იმდენად თავისუფალი უნდა იყოს სიმპტომებისა და სიმპტომთა კომპლექსების (Symptomverbindung) შერჩევასა და აკცენტუაციაში, მათს ურთიერთმიმართ შეფასებაში, რომ შესძლოს ამ მეთოდური ხერხების დაკავშირება მთლიანი სურათის ინტუიციურ ხედვასთან“¹⁰⁵.

„ფსიქოლოგიის წინაშე დგას მომავლის დიდი ამოცანა მეცნიერულად უმწიკლო და პრაქტიკულად საიმედო ინტერპრეტაციის ტექნიკის გამომუშავებისა. იგი ორ მოთხოვნილებას უნდა აკმაყოფილებდეს: 1) ინტერპრეტაციის მეთოდიკა პერსონალისტური უნდა იყოს, ე. ი. ცალკეული სიმპტომები პერსონულ მთლიანობასთან მიმართებაში უნდა შეიხსნოს და შეაფასოს. 2) მეთოდიკა „პოლი-სიმპტომური“ უნდა იყოს, ე. ი. სუბიექტურად უნდა ფლობდეს სიმპტომთა სხვადასხვა არეებს, და მათი შეკავშირება ელასტიურად უნდა შეუხამოს ყოველგვარ ფსიქოლიაგნოსტიკურ ამოცანებს“¹⁰⁶.

ფსიქოლოგიის ამოცანების გაცნობის შემდეგ უფრო ნათელი გახდა ფსიქოლოგიის საგანი: ესაა განცდა მის მიმართებაში პერსონის მთლიანობასთან. ფსიქოლოგიამ უნდა აღწეროს, დააჯგუფოს, ახსნას, გაიგოს და ინტერპრეტაციაჰყოს განცდები.

ფსიქოლოგიის პრობლემატიკის ასე გაგება, ფსიქოლოგიის საგნად განცდის გამოცხადება, — მრავალი უხერხულობის გამომწვევია. მოკლედ აღვნიშნავ ამ უხერხულობას. მოკლედ იმიტომ, რომ აქ ვ. შტერნის ნააზრევის კრიტიკის ადგილი არაა. მაგრამ აღნიშვნა მაინც საჭიროა, თუნდაც იმის დასასაბუთებლად, თუ რად მიმართა მიზანშეწონილად პერსონალისტური ფსიქოლოგიის განხილვა ზოგადი ფსიქოლოგიის ფარგლებით განვსაზღვრო.

¹⁰⁵ 5,82—83.

¹⁰⁶ 1,28—29.

განცდის არსებობა მხოლოდ ადამიანში შეიძლება დადასტურდეს. და თუ ფსიქოლოგია განცდის შესახები შეცნიერებაა, იგი მხოლოდ ადამიანს შეიძლება შეეხებოდეს. ფსიქოლოგიის კომპეტენციის გარეშე რჩება ყოველივე ის, რაც არაა განცდა, ან ყოველ შემთხვევაში ის, რაც არაა განცდის უნარის მქონე პერსონა. მაგრამ რასაც ვ. შტერნი ამბობს საერთოდ ფსიქოლოგიის შესახებ, სახელდობრ, რომ ფსიქოლოგია არსებობს, როგორც, მეცნიერული ფაქტი — შეიძლებოდა თქმულიყო ფსიქოლოგიის მრავალი სპეციალური დარგის შესახებ, რომლის სუბიექტი არაა განცდის უნარით აღჭურვილი პერსონა. ასეთი დარგებია, ერთი მხრივ, ცხოველთა ფსიქოლოგია, მეორე მხრივ — ხალხთა ფსიქოლოგია, სიტყვის უფართოესი მნიშვნელობით. პირველისთვის განცდა ვერავითარ შემთხვევაში ვერ იქნება ამოსავალი, რადგან მხოლოდ გაუბედავად ვარაუდით თუ შეიძლება აქა-იქ განცდის ჩანასახის არსებობისა ცხოველთა სამეფოში. მეორისთვის კი ვარაუდის საკითხიც არ დგას: ხალხი (Gemeinschaft), როგორც პერსონა — განცდის უნარს მოკლებულია.

მაგრამ ფსიქოლოგიის დარგების დასახელებისას და ქაოი ამოცანების მოხაზვისას, ავტორი არ იფიქრებს და არც არსებობის უფლებას აპყრის არც ერთ ფაქტიურად არსებულ დარგს ფსიქოლოგიისას.

საგულისხმოა ის გარემოება, რომ მისი ფსიქოლოგიური მუშაობის ობიექტი მუდამ „განცდის უნარის მქონე პერსონა“ იყო. გამონაკლისს მხოლოდ ერთი (ორგვერდიანი) შრომა წარმოადგენს — ანთროპოიდის შესახებ¹¹⁰.

ვ. შტერნის გამოკვლევათა უმრავლესობა ბავშვის ფსიქოლოგიას, მისავე მიერ დაფუძნებულ დიფერენციულ ფსიქოლოგიასა და პრაქტიკულ ფსიქოლოგიას შეეხება, კერძოდ — ინტელიგენტობის კვლევა-შეფასებას. ზოგადფსიქოლოგიური ხასიათის ნაშრომები შედარებით მცირერიცხოვანია და უმეტესობა მათგანი ზოგადი ფსიქოლოგიის კერძო საკითხებს შეეხება, ხოლო საკუთრივ პერსონალისტურ-ფსიქოლოგიური მნიშვნელობის ნაშრომები თითებზე ჩამოითვლება. მაგრამ ეს გარემოება არ ამცირებს ვ. შტერნის მნიშვნელობას, როგორც ზოგადი ფსიქოლოგიის მიმართულების დამაარსებლისას. ფსიქოლოგიის ისტორიაში ვ. შტერნი შედის, უწინარეს

¹¹⁰ „Erkennungsleistungen eines Menschenaffen“, 1926, ZPpPs, B. 27 .

ყოვლისა, როგორც ზოგადი ფსიქოლოგიის პრინციპული რეკონსტრუქციის ავტორი. ფსიქოლოგიის ახალი პრინციპებია მის მიერ წამოყენებული და ესაა მისი წთავარი დამსახურება.

ფსიქოლოგიის ისტორიაა ზოგადი ფსიქოლოგიით დაიწყო. არსებობს გენეტიური ფსიქოლოგია, რომელიც შეისწავლის ფსიქიკის განვითარებას მისი პირველი გამოკრთომიდან — განვითარების უმაღლეს საფეხურებამდე; მაგრამ ნამდვილი მისი ამოსავალი არასოდეს არ ყოფილა ფსიქიკის პირველი გამოკრთომის საფეხური. პირიქით, მისი შინაგანი ძრავი განვითარების უმაღლესი საფეხურია მუდამ. ამითი აიხსნება, რომ განვითარების პრობლემა, რომელიც არსებობდა არ უნდა იყოს ზოგადი ფსიქოლოგიის საკანი — მაინც მუდამ შეტანილია ხოლმე ზოგადი ფსიქოლოგიის კურსებში ან ცალკე კარად, ან ცალკეული საკითხების განხილვასთან დაკავშირებით. ზოგადი ფსიქოლოგიისავე კურსებში განიხილება ხოლმე ფსიქოლოგიის ფილოსოფიური საკითხებიც, მეთოდების საკითხებიც. ვ. შტერნის შემთხვევაში განსაკუთრებით გასაგებია ფილოსოფიური საკითხების განხილვის შეტანა ზოგადი ფსიქოლოგიის პრობლემატიკაში, რადგან თუმცა იგი გამოპყოფს ფილოსოფიურ ფსიქოლოგიას ემპირიულისგან, რამდენადაც უკანასკნელის საგნად ფსიქიკური მოვლენები მიაჩნია, პირველისად კი — ფსიქიკურის არსი, მაგრამ მისთვის ფსიქოლოგიის ეს ორი დარგი არსებითს, საქმიან კავშირშია ერთმანეთთან.

ქვემოთ საგანგებოდ არ შეეხები ფილოსოფიურ საკითხებს, მაგრამ მათი გვერდის აქცევასაც არ შეგეცდები საგანგებოდ, რადგან ამ შემთხვევაში ვ. შტერნის მოძღვრების თავისებურება ხელიდან გამისხლტებოდა.

მასალის დალაგება

ფსიქიკის ანალიზი პერსონალისტური ფსიქოლოგიისთვის განსაკუთრებულ სიძნელეს წარმოადგენს, რადგან ფსიქიკის მატარებელი პერსონა განუწვალებელი ერთიანობაა. მაგრამ ანალიზი აუცილებელია, და პერსონალისტური ფსიქოლოგია ახერხებს ერთმთლიანობაში ნაწილობრივი მომენტების დადგენას. ასეთივე სიძნელეს წარმოადგენს მისთვის ემპირიული ფსიქოლოგიის ფაქტიური მასალის სათბრობლად დალაგებაც. ელემენტარისტული ფსიქოლოგიისთვის

მასალის განლაგება თავისთავად ნათელია: მისთვის / ფსიქიკის მრავალფეროვნება ელემენტური ფსიქიკური მოვლენებისგანაა აგებული და, ცხადია, მისი განხილვაც ელემენტების განხილვით დაიწყება, გადავა მათ მარტივ შენაერთებზე და შემდეგ, თანდათან უფრო და უფრო რთული წარმონაქმნების განხილვის გზით მივა ურთულეს წარმონაქმნამდე — „მე“-მდე, პიროვნებამდე, ხასიათამდე, ტემპერამენტამდე.

პერსონალისტური ფსიქოლოგიისთვის კი პიროვნება ყველაზე უფრო უდავო და უექველი რამაა. მაგრამ პიროვნება ხომ რთული მთლიანობაა და ანალიზური განხილვის არამცთუ პირველი საფეხური ვერ იქნება, — საერთოდაც ვერ იქნება მისი საგანი. ანალიზური განხილვა ნიშნავს პიროვნების განხილვას მის „ნაწილობრივ ფუნქციობაში“, ცალკეული მისი ფუნქციების განხილვას. და აქ საკითხი დგება იმ პრინციპის შესახებ, რომლის მიხედვითაც უნდა იქნეს დადგენილი ფუნქციათა განხილვის რიგი. პერსონის მრავალგანზომილებიან კოორდინატთა სისტემის ღერძებიდან ვ. შტერნი პერსონა-სამყაროს ურთიერთობის ღერძზე განალაგებს მათ. ეს არჩევანი სავსებით თვითნებურია. ასეთივე უფლებით შეიძლებოდა ჩანერგვა-გამოყოფის, სიღრმე-ზედაპირის თუ გეშტალტ-უნგეშტალტის ღერძის გასწვრივ. მათი განლაგება. ერთი უპირატესობა აქვს მიღებულ არჩევანს: მის მიხედვით მასალა ისევე განელაგება. როგორც ტრადიციულადაა მიღებული ფსიქოლოგიაში: აღქმა — მეხსიერება — აზროვნება — ფანტაზია — ნებელობა (მისწრაფება, მოქმედება, ნაქმობა) — გრძნობა. როგორაა პერსონალისტურად დასაბუთებული ასეთი თანამიმდევრობა?

აღქმაში: განცდაში ასახულია პერსონის გარესამყაროზე მაქსიმალურად დამოკიდებულება. აღქმის გარესამყარო ამყამად მოცემული რეალური სიტუაცია, უძლიერესი მოთხოვნილებითი ხასიათით წარმოდგენილი. აღქმისას პიროვნება რეაქტიული არსებაა, შესაძლო მაქსიმალური სიწმინდით განხორციელებული.

მეხსიერებაში: განცდაში ასახულია ნაყო სიტუაცია კვლავ მოთხოვნილებითი ხასიათით. მეხსიერების მოვლენებში პიროვნება პრინციპულად კვლავ რეაქტიული მხრივ მქდავდება, მაგრამ მის სპონტანურობას მეტი გასაქანი ეძლევა გარესამყაროს მოთხოვნილებითი ხასიათის ინტენსიურობის შესუსტების შესატყვისად.

აზროვნებაში: განცდაში მყობადი სიტუაციაა ასახული. როგორც მყობადი — იგი პოტენციურია, მოკლებულია ერთმნიშვნე-

ლოვანებას და პიროვნებას ნაკლებად მის მიერ შებოროტად. აზროვნებისას პიროვნება შეუდარებლად მეტადაა სპონტანურად აქტიური. აზროვნება პიროვნების აქტივობის გამოძვლავნების ერთ-ერთი თვალსაჩინო ფორმათაგანია. მაგრამ ეს ძლიერი აქტივობა სულ თვითნებური არაა: მან უდიდესი ანგარიში უნდა გაუწიოს სიტუაციას; მყოფადი სამყაროს მრავალმნიშვნელოვანობის გამო აზროვნებაში პიროვნება შედარებით უფრო თავისუფალია. ვიდრე აღქმაში თუ მესხიერებაში.

ფანტაზიაში: განცდაში ასახული შეიძლება იყოს ნამყოც, აწმყოც და მყოფადი სიტუაცია. იგი შეიძლება სულაც თავისუფალი იყოს დროითი მიმართებისგან. ეს გარემოება საკმარისია იმის ნათელსაყოფად, რომ ფანტაზიაში პიროვნება კიდევ უფრო ნაკლებად არის შებოქილი სამყაროს მიერ, ვიდრე თვით აზროვნებაშიც.

ნებელობაში: განცდაში აისახება პიროვნება — სამყაროს ურთიერთობის ხასიათის კარდინალური შეცვლა: თუ აღქმაში უაღრესად გამოკვეთილი იყო განცდის მორჩილება სამყაროსათვის, ხოლო ფანტაზიაში — მისი განთავისუფლება ამ მორჩილებისაგან — ნებელობაში ასახულია სამყაროს დამორჩილება პიროვნების მიერ. სამყარო აქ მასალის ხასიათის მქონედაა წარმოდგენილი. პიროვნების სპონტანური აქტივობა უწმინდესი, უძლიერესი და უმკვეთრესი სახითაა მოცემული.

გრძნობაში: განცდაში მოცემულია „პიროვნება თავისთავად“, რამდენადაც ასეთი რამ შესაძლებელია იყოს და ისიც — განცდაში იყოს წარმოდგენილი. მაქსიმალურად უგულვებლყოფილია, „განსხვისებულია“ სამყარო: არც მისდამი მორჩილება, არც მისი დამორჩილება აღარ ეხება პიროვნებას, სამყაროს გაეყრება იგი და საეხებით საკუთარ თავზე და საკუთარ განცდაზე მიემართება. გრძნობით დასრულდება ცნობიერების მოვლენების ის მწყკრივი, რომელიც სამყაროსთან უშუალო სიახლოვეში (აღქმით) იწყება.

აღქმა

აღქმა, პერსონალისტური თვალსაზრისით, შედეგია ერთიან-ცოცხლობის განწვალების სუბიექტად ობიექტად, და ობიექტის

განცდა მის ობიექტურობაში. როგორც ყოველი სხვა განცდა, აღქმაც პერსონული სიცოცხლის განცდითი მოდალობის კუთვნილებაა და, ამის შესატყვისად, გარესამყაროც მასში საგნობრივი მოდალობით არის მოცემული.

განცდა მუდამ ტრანზიტულია. იგი მუდამ მიმართულია რაღაცაზე, რაც არაა თვით განცდა. განცდას მუდამ აქვს საგანი, ისე რომ აღქმისთვის სპეციფიკურ ნიშნად ეს გარემოება ვერ იქნება მიჩნეული. აღქმას სხვა განცდათაგან, ამ თვალსაზრისით, ის განასხვავებს, რომ ის „რაღაც“, რაც მასში განიცდება, სამყაროს აწმყო მდგომარეობის ფაქტია, ანუ აქტუალური სიტუაცია, ან სიტუაციის მომენტი. და ეს მომენტი, ან სიტუაცია. მოცემულია. როგორც სუბიექტისთვის დაპირისპირებული (Gegenstand).

რამდენადაც განცდა საერთოდ. და კერძოდ აღქმაც. ცოცხლობის შინაგულენაა — შეუძლებელია მასში სულ გამოთიშული იყოს პერსონული ფაქტორი. მაგრამ დამახასიათებელი აღქმისათვის ამ ფაქტორის მონაწილეობა კი არაა, არამედ. პირიქით, მისი მონაწილეობის სისუსტე. აღქმის აქტში გათიშვა არაა დასრულებული, მაგრამ მოცემულია ტენდენცია: პიროვნებისთვის დაპირისპირებული „რაღაც“ — წვდომილ იქნეს სუბიექტისგან დამოუკიდებელ საკუთარ რაობაში.

აღქმის ფსიქოლოგიის პრობლემაა, თუ როგორ. განიცდის ადამიანი აწმყო საგნებსა და მოვლენებს, აწმყო ფაქტებს.

აღქმის თანამედროვე ფსიქოლოგიის, შეიძლება ითქვას, ძირითადი „საკვანძო“ პრობლემა — გეშტალტის პრობლემაა. ელემენტარისტული ფსიქოლოგიისთვის აღქმა რთული შენადგენი განცდა იყო. იგი ჯამს წარმოადგენდა ელემენტარული განცდებისას, რომლებიც შეგრძნების სახელწოდებით არიან ცნობილი. შეგრძნება ცნობიერების ერთმნიშვნელოვანი პასუხი უნდა ყოფილიყო ელემენტარული ფიზიკური მოვლენის ზემოქმედებაზე. ასეთი მოვლენებია ელექტრომაგნიტური და ჰაერის ტალღები, ქიმიური ნივთიერებანი, მექანიკური ზემოქმედებანი, რომლებიც აღწევდნენ სუბიექტის გრძნობათა ორგანოებს. ისინი იწვევდნენ ფერის, ბგერის, გემოს, სუნის, შეხების, ტემპერატურის შეგრძნებებს. და მათი კომბინაციის მეოხებით ადამიანი აღიქვამდა იმ საგანს, რომლისგანაც მომდინა-

რეობდა ეს გამლიზიანებლები. ანუ ფიქრობდა ელემენტარისტული ფსიქოლოგია.

უკანასკნელ ათეულ წლებში დამატკიცდა, რომ აღქმა არაა შეგრძნებათა ჯამი და რომ იგი არა მარტო მეტია ამ ჯამზე (რაც უკვე ვუნდტმაც იცოდა), არამედ მასზე უწინარესიცაა. აღქმა პირველადი, უშუალო მოცემულობა ობიექტისა განცდაში. აღქმული ობიექტი გამოყოფილია გარემოს და შინაგანად სტრუქტურაყოფილია, იგი მთლიანად აღნაგობაა. რომლის ბუნების აღქვადური გამოხატვა შესაძლებელი გახდა გერმანული სიტყვით: Gestalt. ეს სიტყვა საერთაშორისო ტერმინად იქცა.

გეშტალტფსიქოლოგიურმა სკოლამ ბეჭითად დაამუშავა გეშტალტის პრობლემა და დაამუშავა იგი — უწინარეს ყოვლისა და ყველაზე უფრო დაწვრილებით — სწორედ აღქმის სფეროში. დადგინდნ იქნა მრავალი კანონზომიერება, რომელიც თანამედროვე ფსიქოლოგიის საყოველთაო კუთვნილებად და განქად არის მიჩნეული. სხვათა შორის, დადგინდნ იქნა ის გარემოებაც, რომ ყოველა საგანი აღქმისა არაა ერთნაირად კარგი გეშტალტის მქონე, რომ არსებობს „კარგი გეშტალტები“ და „ცუდი გეშტალტები“. ბოლოს, ისიც დადასტურებულა, რომ გეშტალტი მუდამ რაღაც ფონზეა მოცემული, რომელიც თავის მხრე, არც გარეგანადაა მკაფიოდ შემოფარგლული და არც შინაგანადაა სტრუქტურაქმნილი. შინაგანად სტრუქტურაყოფა მისი არცაა შესაძლებელი, რადგან იგი ერთგვაროვანია, დიფუზურია; სტრუქტურა კი შინაგან დანაწევრებულობას გულისხმობს, რისთვისაც წარმონაქმნის მრავალფეროვანებაა აუცილებლად საჭირო. აღქმის ასეთი შინაარსები გეშტალტფსიქოლოგებისათვის ფონად დარჩა, რაც მხოლოდ ნეგატიურად ახასიათებს მათ, როგორც რაღაცას, რასაც არა აქვს გეშტალტი, ანუ რაც არაა გეშტალტი.

აღქმის გეშტალტურობით გატაცებულთ — ორი გარემოება დარჩათ ყურადღლებელი. პირველი ის, რომ „არ არსებობს გეშტალტი გარეშე გეშტალტყოფელისა“¹¹¹. გეშტალტთეორეტიკოსებისთვის გეშტალტი თავისთავად არის, სუბიექტის მონაწილეობა არაა საჭირო გეშტალტის შესაქმნელად. ასეთი დებულება ხიფათით აღსავესეა მთლიანობითი ფსიქოლოგიისთვის: „გეშტალტები იქცევიან ცალკეულ ნივთებად, საკუთარი კანონზომიერების იზო-

¹¹¹ 5,17.

ლირებულ და დამოუკიდებელ მატარებლებად. მოკლედ — თავისებურ უფრო მაღალი რანგის ელემენტებად, ელემენტარისტული თვალსაზრისის წინააღმდეგ ენერგიული ბრძოლის მიუხედავად, გეშტალტფსიქოლოგიამ თითონაც ვერ შესძლო იმ შეცდომებისთვის თავის დაღწევა, რომლებსაც იგი ებრძოდა... გეშტალტთეორიის მიხედვით არსებობს სავსებით იმთავითი და დაუყვანადი „გეშტალტის კანონები“, ანუ პრინციპები, რომლის მეოხებზეცაა „გეშტალტებად“ წოდებული ეს წარმონაქმნები ესწრაფიან თავიანთი გეშტალტურობის თვისების განხორციელებას, დადასტურებას, დაზუსტებას; გეშტალტები მოქმედების თავისთავადს ცენტრებად იქცევიან¹¹².

პერსონალისტური თვალსაზრისით კი „აღქმები გეშტალტებად იმიტომ გვევლინება, რომ პერსონას, როგორც მთლიანს, მხოლოდ და მხოლოდ უფრო მცირე რანგის მთლიანობათა სახით შეუძლია სამყაროს დანაწევრებულად წვდომა“¹¹³. ჯერ თვით ცოცხლობა პერსონის სიცოცხლის მთლიანობას გამოყოფილი; აღქმა, როგორც ამ ცოცხლობის შინაველენა, აგრეთვე გამოყოფილი ნაწილია პერსონის მთლიანობისა. მთლიანობიდან გამოყოფა კი ჩამოყალიბებასაც ნიშნავს, რადგან „ერთიან პერსონას მხოლოდ გეშტალტური ფორმით შეუძლია ყოველივე მისდამი კუთვნილის გამოყოფა, ფიზიკურისა ისევე როგორც ფსიქიკურისა და კულტურულისა“¹¹⁴. არსებობს აღქმის ისეთი შემთხვევები, რომ აღქმის გეშტალტს უდავოდ თვით აღქმის საგნის გეშტალტურობა კმნის. მაგ., საგნების გეშტალტებად ხედვა თვით საგნების გეშტალტით არის პირობადებული. მაგამ არის ისეთი გეშტალტები აღქმაში, რომლებსაც გეშტალტურობა არაა საგნის გეშტალტით განსაზღვრული. მაგალითად, 3/4-იან რიტმად აღქმება საათის ტიკტიკი, თუ 4/4-იანად — სავსებით სუბიექტზეა დამოკიდებული. ტიკტიკს თავისი გაშტალტი არ გააჩნია და მისი რიტმული აღქმა იმ პრინციპის ნაყოფია, რომლის თანახმად პერსონას მხოლოდ გეშტალტის სახით შეუძლია სამყაროს დანაწევრებულად წვდომა.

მეორე გარემოება, რომელიც ყურადღებულად დარჩა გეშტალტფსიქოლოგიას, შემდეგში მდგომარეობს:

¹¹² 5,33.

¹¹³ 1,153.

¹¹⁴ 5,32.

აღქმაში, როგორც ვთქვი, ასახულია ერთიანი ცოცხლობის სუბიექტურისა და ობიექტური ფაქტორების გათიშვა. სამყარო ამ შემთხვევაში დაპირისპირებულია პერსონისთვის, როგორც მისი „არა-მე“. ასეთი გათიშვა დამახასიათებელი ნიშანია სიცოცხლის იმ მრდუსისა, რომელსაც განცდის მოდუსი ეწოდება, მაგრამ, პერსონალისტური მოძღვრების თანახმად, არასოდეს არ ხდება — თვით განცდის მოდალობაშიც კი, — სუბიექტისა და ობიექტის საბოლოო გათიშვა. პერსონა არასოდეს არაა აბსოლუტურად თავისუფალი სამყაროსთან იმთავითი ერთიანობისგან. ვიტალურობა სიცოცხლისა მუდამ რჩება, თვით განცდის მოდალობაშიც. ვიტალურობა ნიშნავს სამყაროს ასახვას არა როგორც „არა-მე“-სი, არა როგორც უცხო-სი და გარემდგომის, არამედ როგორც პერსონასთან შერწყმულისა იმთავითს ერთიანობაში. პერსონისა და სამყაროს შორის არაა მკვეთრი და გარკვეული საზღვარი, არამედ გაურკვეველი ზონა, პერსონის შემოგარე (Bereich), რომელშიც „პერსონული“ და „სამყაროსეული“ იმთავითს ერთიანობაშია შედუღებული. მხოლოდ ამ შემოგარეს იქით არის ობიექტივაციამნილი სამყარო, რომლის აღქმა შეუძლია პიროვნებას, როგორც სავსებით მისგან დამოუკიდებლად, თავისთავად არსებულისა; პიროვნებისგან გამოყოფილისა და გეშტალტყოფილისა. სავსებით გამოყოფილისა და სავსებით ჩანერგილის შორის გარდამავალი საფეხურები არსებობს. თვით ეს პოლუსები გამოყოფა-ჩანერგვის განზომილებისა — ზღვარული ცნებებია (Grenzbegriffe). გამოყოფის ხარისხთან ერთად მატულობს გამოყოფილი მომენტის გეშტალტურობა და პირიქით: რაც მეტადაა რომელიმე მომენტი ჩანერგილი პერსონის მთლიანობაში, მით მეტია მისი დიფუზიურობა.

გეშტალტფსიქოლოგიას აღქმის გეშტალტურობა, თუ შეიძლება ასე ითქვას, ერთპოლუსიანად აქვს წარმოდგენილი. ეს ნიშნავს, რომ მისთვის აღქმა პრინციპულად გეშტალტურია, და თუ რომელიმე აღქმა არაა დასრულებული გეშტალტის სახით მოცემული, თუ მას „ცუდი გეშტალტი“ აქვს — ეს მხოლოდ მისი სიცუდის, მისი მანკიერების მაჩვენებელი და შედეგია. ცუდი გეშტალტი — ნეგატიური დახასიათებაა აღქმისა.

პერსონალისტური ფსიქოლოგიისთვის „უნგეშტალტი“ პოზატიური დახასიათებაა აღქმისა, რადგან გეშტალტურობა ორპოლუსიანი განზომილებაა. გეშტალტ-უნგეშტალტის განზომილებაში უნ-

გეშტალტი მხოლოდ ნაკლულოვან გეშტალტურობას კი არ ნიშნავს, არამედ პოზიტიურად უნგეშტალტურობას. გეშტალტურია ის, რაც გამოყოფილია პერსონის მთლიანობას. უნგეშტალტურია ის, რაც ჩანერგულია პერსონის მთლიანობაში, რაც ჯერ არაა საესებით რეალიზაციამნილი ერთმნიშვნელოვანად განხორციელებული, არამედ პოტენციურად მრავალმნიშვნელოვანია. აღქმის შემთხვევაში გეშტალტურია ის, რაც ცნობიერად წვდომილია, როგორც პიროვნებისთვის დაპირისპირებული ობიექტური ფაქტი. უნგეშტალტურია ის, რაც ჯერ კიდევ არაა პიროვნებისგან გამოყოფილი, გამოცალკეებულ, მისგან დამოუკიდებელყოფილი. „ქუჩის ხმაური, რომელიც გარკვეული სიშორიდან ჩემ ოთახში შემოიჭრება; ქარი, რომელიც გარშემომიჭროლავს, ყვავილების სუნი ოთახში, რომელშიც შევდივარ — ყველა ესენი ისევე უდავოდ გრძნობადი აღქმის საგნებია, როგორც უდავოდ არაა „გეშტალტები“, რადგან მათ აკლიათ როგორც გარეგანი შემოსაზღვრულობა, ისე შინაგანი დანაწევრებულობა. ასეთი „უნგეშტალტური“ აღქმები — როგორც ჩვენი მაგალითები გვიჩვენებს — არაერთარ შემთხვევაში მხოლოდ გეშტალტების „გარემოველს“ (Umfeld), ფონს არ წარმოადგენს, არამედ განცდის თავისებურ შინაარსებს“¹¹⁵. ყველა ამდაგვარი აღქმები სამყაროს ობიექტივაციის დასაწყისში დგას. ასეთი აღქმები ძალიან ახლო დგას შეგრძნების იმ ფაქტთან, რომელიც უკანასკნელ ხანებში იყო დადასტურებული¹¹⁶ — „პერსონულად ჩანერგილ აღქმასთან, პერსონის საერთო რეზონანსთან გრძნობად შთაბეჭდილებაზე“¹¹⁷.

შეგრძნება, როგორც უშუალოდ მოცემული წმინდა სახის განცდა, თანამედროვე ფსიქოლოგიის ერთი დიდმნიშვნელოვანი აღმოჩენათაგანია. ამ ფენომენის მნიშვნელობა ფსიქოლოგიისთვის ჯერ კიდევ არაა საბოლოოდ გააზრებული. ეს, ერთი შეხედვით, ფრიად უცნაური გარემოებაა, რადგან ტერმინი „შეგრძნება“ უძველესი ფსიქოლოგიური ტერმინია. საქმე ისაა, რომ ამ ტერმინით სულ სხვა ცნება აღინიშნებოდა. შეგრძნება ეწოდებოდა იმ განცდას, რომელიც ელემენტარული ფიზიკური მოვლენის — გამლიზიანებლის —

¹¹⁵ 1,154.

¹¹⁶ დ. უზნაძე, „აღქმა და წარმოდგენა“ თბ., 1926.

¹¹⁷ 1,155.

ზემოქმედების შედეგად უნდა წარმოშობილიყო, როგორც ერთ-მნიშვნელოვანი მისი პასუხი. წმინდა სახით მისი არსებობის დადასტურება უკანასკნელი ხანის (1925 წ.) საქმეა. კლასიკური ელემენტარისტული ფსიქოლოგიის მიერ იგი მხოლოდ ნავარაუდევო იყო. მაგრამ ამას არ დაუბრკოლებია ფსიქიკის კემპარიტ ელემენტად მისი აღიარება: აღქმები შეგარძნებათა შეჯამებად აუო გავებული. აღქმის იმთავითობის, პირველადობის, შეგარძნებებზე დაუყვანადობისა და კიდევ მეტიც: შეგარძნებებისგან გარკვეულ ფარგლებში დამოუკიდებლობის დადასტურების შემდეგ კელევის გეზი შეიცვალა და შეგარძნებამაც დაჰკარგა პირველხარისხოვანი მნიშვნელობა. ეს არ ნიშნავს, რომ ფსიქოლოგიას შეუძლია უგულებელჰყოს იგი. ახალი თვალსაზრისით მისი რაობის განჭვრეტა აუცილებელია პერსონალისტური ფსიქოლოგიისთვის.

შეგარძნებას, ელემენტარისტული ფსიქოლოგიის აზრით, იწყება სამყაროს. ელემენტარული მოვლენა, რომელიც გრძნობათა ორგანოების საშუალებით მოქმედებს ფსიქიკაზე. ასეთ ფიზიკურ (უკეთ: სამყაროსიეულ) მოვლენას გამლიზიანებელი ეწოდება. გარკვეული რომელიდაც გამლიზიანებელი მუდამ გარკვეულ რომელიდაც შეგარძნებას იწყებს. შეგარძნებათა შეჯამება კი არის აღქმა. გარკვეული რომელიდაც გამლიზიანებელი მუდამ გარკვეულ რომელიდაც შეგარძნებას არ იწყებს, და არც აღქმა არის შეგარძნებათა შეჯამება. ასეთია თანამედროვე ფსიქოლოგიის მონაპოვარი. მაგრამ სამყაროს გამოწვევი ხასიათი და პერსონის რეაქტიულობა ზოგ შემთხვევაში, კერძოდ კი აღქმის შემთხვევაში, ფაქტად რჩება. „მაგრამ გამლიზიანებელი — ვითარცა სამყაროს იზოლაციაქმნილი ელემენტი — ისევე ხელოვნურია და შეუძლებელიც, როგორც შეგარძნება — ვითარცა პერსონის იზოლაციაქმნილი ელემენტი“. თუ გაეითვალისწინებთ იმას, რომ პერსონას სამყაროსთან, როგორც სიტუაციასთან აქვს ურთიერთობა; რომ სიტუაცია — ისევე როგორც პერსონა (ან უკეთ: მისი ცოცხლობა) — მთლიანობითი ხასიათისაა; რომ იგიც — ისევე, როგორც პერსონა — ემორჩილება მომენტების გამოყოფა-ჩანერგვის დიალექტიკას. — მაშინ გამლიზიანებელი გასაგები გახდება, როგორც „სიტუაციაში შედარებით გამოყოფილი ობიექტური მომენტი. ამ გამოყოფის კრიტერიუმში კი პერსონულ მოქმედიანობაში უნდა ვეძიოთ და არამის ფიზიკალურ თვისებებში. ამიტომ უფრო მკაფიო ფორმულა ასეთი იქნება: „გამლიზიანებელი“

არის სიტუაციის ისეთი მომენტი, რომელიც პერსონასე გამოყოფილ მოქმედების მეოხებით თითონაც გამოეყოფა მთლიან სიტუაციას¹¹⁸. ხოლო ეს ელემენტური ფიზიკური (სამყაროსიეული) მოვლენები. რომლებიც ჰემმარტი გამლიზიანებლის ანალიზის შედეგადაა დადგენილი და რომლებიც გამლიზიანებლებად იწოდებოდა ელემენტარისტულ ფსიქოლოგიის მიერ — გამლიზიანებლის მომენტებად (Reizmoment) უნდა იქნეს წოდებული.

ისტორიული ღირებულება შეგარძნების ცნებისა სრულიად უდავო და, შეიძლება ითქვას, დაუფასებელია. მთელი კლასიკური ექსპერიმენტული ფსიქოლოგიის რეალურ საყრდენს სწორედ ის ქმნიდა. „უმისოდ შეუძლებელი იქნებოდა ჰელმპოლცების, ფენნერების, ვუნდტებისა და სხვათა მიღწევები“¹¹⁹. მრავალ მონაპოვართა შორის, რომელსაც ფსიქოლოგიური მეცნიერება და, კერძოდ, პერსონალისტური ფსიქოლოგია უნდა უმადლოდეს ამ ცნებას, ერთ-ერთი უდიდესი მნიშვნელობის მონაპოვარია ფსიქოფიზიკა, დარჯი, რომელიც საგანგებოდ იკვლევდა რაოდენობითს დამოკიდებულებას შეგარძნებისას — გამლიზიანებელზე. მოძღვრება შეგარძნების ზღურბლების შესახებ საფუძვლად დაედო პერსონალისტის მოდერებას ზღურბლების შესახებ, რომელიც პერსონისა და სამყაროს ურთიერთობის კვანტრტეტურ მხარეს იკვლევს. ზღურბლის ცნების მნიშვნელობა პერსონალისტისთვის სცილდება არა მარტო შეგარძნების ფარგლებს, არამედ მთლიანად ფსიქიკის ფარგლებსაც, დავრცელდება პერსონის მთლიან ყოფიერებაზე იქამდე, სანამ სამყაროსთან ურთიერთობას აქვს მნიშვნელობა პერსონის ყოფიერებისთვის.

ამიტომ ზღურბლის პრობლემა პერსონალისტური ფსიქოლოგიისთვის არაა სპეციფიკურად დაკავშირებული აღქმის თუ შეგარძნების პრობლემასთან, მაგრამ რამდენადაც აღქმა განცდისმიერო ასახვას პერსონა-სამყაროს ისეთი ურთიერთობისა, რომელშიც სამყაროა აქტიური (თუ შეიძლება ასე ითქვას), ხოლო პიროვნება — მაქსიმალურად რეაქტიული, ზღურბლის საკითხს განსაკუთრებით ხელსაყრელად ეფინება შუქი. და პირიქითაც: ზღურბლის ცნების გამოყენებით პერსონალისტური ფსიქოლოგიისთვის ნათელი ხდება აღქმის მრავალი თავისებურება.

¹¹⁸ 1,148.

ვებერ-ფენერის გარე-ზღურბლების ანალოგს პერსონალისტურ სისტემაში მოცულობის ზღურბლები წარმოადგენს, რომლებიც „ნიშნავს იმ ადგილს, სადაც წყდება ობიექტურად განზომილებადი სამყაროს კავშირი პერსონასთან“. „ზღურბლის ცნება გასთიშავს „გარემოსამყაროს“ — „სამყაროსგან“; რადგან, თუ სამყარო ყოველივე მოცემულის ერთობლობაა, — გარემოსამყარო მისი ის მონაკვეთია, რომელსაც პერსონისთვის აქვს მნიშვნელობა“¹¹⁰. მათ გარეთ არსებულ სამყაროს პერსონისთვის არა აქვს მნიშვნელობა, მისი მოქმედება პერსონამდე არ აღწევს და პერსონა მასზე რეაქციას არ იძლევა. მაგრამ ამ საზღვრებშიც სამყაროს ყოველ ობიექტურ მოვლენაზე არ იძლევა პერსონა რეაქციას. რა რომ შეეგუება სამყაროს მდგომარეობას, პერსონა სამყაროს მხოლოდ ისეთ ცვლილებაზე იძლევა რეაქციას, რომელიც დაარღვევს პერსონა-სამყაროს მიმართების „წონასწორობას“, ასეთი კი ყოველი ობიექტური მოვლენა არაა, არამედ მხოლოდ ის, რომელიც მოითხოვს შეგუების ახალ აქტს თავისი სასიცოცხლო მნიშვნელოვანობის გამო. ობიექტური სამყაროს ცვალებადობა უწყვეტი თანდათანობით წარმოებს. პერსონის მისდამი შეგუება კი — საფეხურებრივად. და აი სამყაროს ცვლილების, ანუ გამლიზიანებლის ცვლილების ის ინტენსივობა, რომელიც შეგუების ახალ აქტს მოითხოვს პერსონისგან, რომელიც იწვევს მის რეაქციას, შინაგან ზღურბლად იწოდება.

რამდენადაც აშკარაა პერსონალისტურად გაგებული ზღურბლის ნათესაობა ფენერისეულ ზღურბლთან, იმდენადვე აშკარაა განსხვავება ამ ორი ცნების შორის: ფსიქოფიზიკის ზღურბლმა, მაგ., ვერაფერი გააწყო აღქმის კონსტანტურობის პარადოქსულ მოვლენასთან. პერსონალისტური ზღურბლის თვალსაზრისით კი — აღქმის მთლიანობითი ხასიათის ნიადაგზე, — საესებით ნათელია კონსტანტურობის აზრი: საგნის ცვლილება მხოლოდ მაშინ ხდება შესამჩნევი ცნობიერებისთვის, როდესაც ამ ცვლილების შემჩნევის მნიშვნელობა აქვს პერსონისთვის.

ფენერის კანონის „დაარღვევა“ სუსტი და ძლიერი გამლიზიანებლების შემთხვევაში, — პერსონალისტური თვალსაზრისით საესებით კანონზომიერია, რადგან: გარეგანი ზღურბლებით შემოსაზ-

ღვრული გარემოსამყარო ჰომოგენური არაა, არამედ მას აქვს შუაგული („ფიზიკალური შინ“ Heimat) და პერიფერია („საზღვრული ფაზები“). უკანასკნელი, მართალია, მისაწვდომია პერსონისთვის, მაგრამ მხოლოდ ე. წ. შუაგულშია იგი „შინ“, ისაა ნამდვილად მისი სასიცოცხლო არე. აქ ყველაზე მეტად აქვს მნიშვნელობა სამყაროს ცვლილებათა შემჩნევას, და ყველაზე მეტადაც ამჩნევს მათ პიროვნება. პერიფერია კი პიროვნებისთვის ნაკლებ მნიშვნელოვანია, იგი უახლოვდება სამყაროს იმ სფეროებს, რომლებსაც საერთოდ აღარაფი თარი მნიშვნელობა აღარა აქვს პერსონისთვის. აქ — პერიფერიაში — მომხდარი ცვლილებების შემჩნევას ნაკლები სასიცოცხლო მნიშვნელობა აქვს პიროვნებისთვის და იგი, მართლაც, ნაკლებად ამჩნევს მათ.

მეხსიერება

ფსიქოლოგიური მასალის განლაგების პრინციპად პიროვნება-სამყაროს ურთიერთობის მიღება ავალებს ავტორს აღქმის შემდეგ მეხსიერების მოვლენები განიხილოს. აღქმაში გ ა რ ე მ ო ს ა მ ყ ა რ ო ს ცნობიერ ასახვასთან გვაქვს საქმე. მაგრამ სამყარო, „პერსონული სამყარო“, რომელთანაც კონვერგენცია გვაძლევს პიროვნების რეალურ ყოფიერებას, მხოლოდ გარემოსამყაროთი არ ამოიწურება. გარემოსამყარო ეწოდება ამჟამად მოცემულ სამყაროს, რომელთანაც ურთიერთობაშია პიროვნება. მაგრამ პიროვნება მართლ ამჟამად კი არაა სამყაროსთან ურთიერთობაში, არამედ ყოველ წარსულ მომენტშიც ჰქონდა მასთან ურთიერთობა. პიროვნების მთლიანობა გულისხმობს მისი ერთდროულად არსებული მომენტების ერთიანობასაც და ასეთ ერთიანობათა დროში განფენილი თანამიმდევრობის ერთიანობასაც. პიროვნება დროშიც მთლიანია, გაჩენის წუთიდან მოსპობის წუთამდე. მაგრამ ასეთი რამ მხოლოდ იმ შემთხვევაშია შესაძლებელი, თუ წარსული მდგომარეობანი უკვალოდ არ დაიკარგება პიროვნებისთვის. ადამიანის სიცოცხლეში უამრავი ფაქტია, რომელიც სრულიად უეჭველად მიუთითებს იმ გარემოებას, რომ წარსული მისთვის უკვალოდ არ ქრება. ამ ე მ ა ხ ს ო ვ ს ის, რაც წინად მომხდარა“, ეს სამყოფია იმის დასადგე-

ნად, რომ წარსული უკვალოდ არ გამქრალა, და ასლაც რალაც ნაირად მოქმედებს, რალაცნაირად მოცემულია. განცდის — ნამყოფი პირობადღებულეზა, ესაა მეხსიერების უზოგადესი განსაზღვრება. ისეე და ისეე: თუ განცდა მხოლოდ ცოცხლობის ცნობიერი ასახეა — თერთ ცოცხლობაც უნდა იყოს პირობადღებულა ნამყოფი. ბიოლოგიამ, მართლაც აითვისა მეხსიერების ფსიქოლოგიური ცნება და განავრცო იგი ცნობიერებისა და მთლიანადაც ფსიქიკის საზღვრებს გაღმა, ორგანიზმის ბიოლოგიურ ყოფიერებაზე. ამ სახეცვლილებით იგი მნემეს სახელწოდებითაა ცნობილი და ნიშნავს ნამყო სიცოცხლის შემდეგმოქმედებას აწყყოს სიცოცხლეზე. მნემეს გარეშე ფაქტიურად არ არსებობს არცერთი ცოცხალი არსება. მართალია, მნემეს გამოვლინება ბიოლოგიური კიბურის სხვადასხვა საფეხურზე სხვადასხვაგვარია (და ეს გარემოება იმის მიზეზი, რომ არ შეიძლება, ადამიანის მეხსიერებისგან განსასხვავებლად, ზოგადად ცხოველის მეხსიერების შესახებ ლაპარაკი არამედ მხოლოდ აიამადაამ ცხოველისა კერძოდ) და, ვთქვათ, ამებისა და ადამიანის შემთხვევებში მნემეს გამოვლენა იმდენადაა განსხვავებული, რომ მათი განსხვავების შესახებ უფრო მეტი უფლებით შეიძლება ლაპარაკი, ვიდრე მსგავსების შესახებ; მაგრამ პრინციპულად ამას არა აქვს მნიშვნელობა ამ კონტექსტში. აქ არსებითი მნიშვნელობისაა ის, რომ ამებისაც და ადამიანისაც სიცოცხლე წარსულითაა პირობადღებული. პერსონალისტური თვალსაზრისითვის მნემეს მოქმედება ბიოლოგიის ფარგლებსაც სცილდება და ყოველივე პერსონულ ყოფიერებაზე ვრცელდება. ამიტომ შეიძლება ვილაპარაკოთ ზეინდივიდური პერსონების მნემეს შესახებაც, სულ ერთია, გვარი იქნება ეს (ბიოლოგიურ პლანში განქვერეტილი ზეინდივიდური პერსონა), თუ ადამიანთა რაგინდარა გაერთიანება: ოჯახი, ერი კაცობრიობა (სოციალურ პლანში განქვერეტილი ზეინდივიდური პერსონა). მნემეს გამოვლინებაა მეშვეიდრეობა, სირყვის უფართოეისი მნიშვნელობით გაგებული: ბიოლოგიურიც — ფიზიკური თუ ფსიქიკური თუ ფსიქოფიზიკური დისპოზიციები (სხეულებრივი, სულიერი ორგანიზაცია, ინსტიტუტები) და კულტურულიც (აგრეთვე სიტყვის უფართოეისი მნიშვნელობით): ზნე-ჩვეულებანი, ტრადიციები, ფოლკლორი.

პერსონის მიზანთა სისტემაში მნემეს სრულიად გარკვეული ადგილი უქირავს. იგი ემსახურება პერსონის თვითშენარჩუნების — სახელდობრ შინაარსის შენარჩუნების — მიზანს. პერსონა ცდი-

ლობს საკუთარი შინაარსის, როგორც დაცვას და სწორედ ესაა მნემე: შინაარსის შენარჩუნება. მეხსიერება აგრეთვე შინაარსის შენარჩუნებაა, მაგრამ მისი ძალაუფლება უკვე მხოლოდ ფსიქიკურ შინაარსებზე ვრცელდება. შინაარსის შენარჩუნება ლოგიკურად პირველი მიზანია პერსონისა. მაგრამ არასოდეს არაა იგი წმინდა სახით, იზოლირებულად მოცემული. პერსონას აქვს სხვა მიზნებიც, რომლებიც სხვა მიმართულებით ამოქმედებს მას. მნემურ მოვლენებში ეს გარემოება საგულისხმო არეკლებას პოულობს: მნემე მხოლოდ იმთავითვე არსებული შინაარსის შენარჩუნებას კი არ ემსახურება, არამედ ახალი შინაარსის შექმნასაც. როგორც შენარჩუნების ტენდენცია — იგი კონსერვატიულია, როგორც ახლის შექმნის ტენდენცია — პროგრესული. მნემეს ბუნების ეს ორმაგობა განუყრელ ერთიანობაშია.

ყოველ მნემურ მოვლენას და, მაშ, კერძოდ მეხსიერების მოვლენებსაც — ორი ფაზა აქვს: პირველია მნემური გალიზიანების ფაზა, მეორე — მნემური მოქმედებისა.

ამ ორ ფაზას (პრინციპულად) კშორავს მნემური ლატენტური პერიოდი, რომლის ბუნების გარკვევა იყო მუდამ მეხსიერების ფსიქოლოგიის ნამდვილი პრობლემა. ფიზიოლოგიური, თუ ზოგადად ბიოლოგიური თვალსაზრისითვისაც ამ ლატენტურ პერიოდშია მნემეს პრობლემის სპეციფიკა. ამ მხრივ არაფერია ორიგინალური პერსონალისტურ ფსიქოლოგიაში: მეხსიერების ლატენტური პერიოდის ბუნების გაგება მისთვისაც მეხსიერების კვლევის მთავარი ამოცანაა. მაგრამ ცხადია, რომ ამ პრობლემის გადასაწყვეტად იგი ფიზიოლოგიის „გაკაფულ გზებს“ ვერ გააყვება და ვერკვალის ცნებას გაიზიარებს, რომელიც გულისხმობს პერსონალისტური თვალსაზრისით აბსურდული არაცნობიერი წარმოდგენების არსებობას. მას მეხსიერების განხილვა მნემური მოვლენების ფართო მასშტაბით მოუხდება, მაგრამ არც ეს ნიშნავს იმას, რომ ბიოლოგიისაგან ტერმინ მნემესთან ერთად ენგრამის სესხებაც შეეძლოს მას მნემეს ასახსნელად.

მექანიკური შეხედულებების პერსონალისტური თვალსაზრისით განხილვა-დაწუნებას აქ არ შეეუდგები, მხოლოდ ერთ ფაქტურ ვითარებას აღვნიშნავ, რომელიც სათანადოდ გათვალისწინებული არ იყო ამ თეორიების მიერ და რომელიც ხელის შემწყობი-ცაა პერსონალისტური თვალსაზრისის მართებულობის დასაბუთებლად ერთი მხრივ, მეორე მხრივ კი სრულიად ადვილი გასაგე-

ზია ამ თვალსაზრისისთვის: მნემური მეორადი მოვლენა, მეორე ფაზა — არასოდეს არაა პირველი ფაზის ზუსტი გამეორება. ამ გარემოებას შემდეგ დაუბუბუნდება. აქ განხილვას პირველი ფაზიდან დავიწყებთ.

პირველ ფაზაში ხდება პიროვნების მიერ ახალი შთაბეჭდილების მიღება. შეიძლება გვეფიქრა, რომ მნემურ გამლიზიანებლად გვევლინება სამყაროსიეული მოვლენა, ის მოვლენა, რომელიც გამლიზიანებლად გვევლინება სენსორიკაში სიტყვის ფართო მნიშვნელობით. მაგრამ, ნამდვილად, სენსორული გამლიზიანებელი — მნემური გამლიზიანებელი არაა, და აი რატომ: მნემური გამლიზიანებელი ისეთ მოვლენას შეიძლება ეწოდოს და უნდა ეწოდოს, რომელიც მისი აღკვეთის შემდეგაც რაღაცნაირად განაგრძობს პერსონისათვის არსებობას; რომელიც უმრავლეს შემთხვევაში და, მაშ, პრინციპულად — პერსონაზე შემდეგმოქმედებას ამჟღავნებს. ობიექტურა სამყარო, რომელიც პერსონამდე პერსონული სამყაროს სახით აღწევს. სახელდობრ კი სიტუაციის სახით, ე. ი. გაერთმნიშვნელოვანებული და სრულად განხორციელებული, — ეს სამყარო ერთხელობრივია, წარმავალია. სიტუაცია უკვალოდ ქრება. მისი, როგორც სიტუაციის, აბსოლუტურად არაფითარი კვალი არ რჩება და, მაშ, შეუძლებელია იმ აზრის დაშვება, თითქოს მას შეეძლოს თავისი აღკვეთის შემდეგ მაინც რამენაირად იმოქმედოს პერსონაზე. მისი პრინციპული წარმავლობა, აკუტურობა, — სწორედ ამას გულისხმობს: რა რომ ერთხელ არსებობდა, იგი აღარასოდეს აღარ იარსებებს თავისი ამგვარობით. სიტუაცია ერთი — სახელდობრ სამყაროსიეული — მომენტია იმთავითი, თავდაპირველი მდგომარეობისა, რომელსაც პერსონული პრეზენცი ეწოდება. პრეზენცის მეორე, პერსონული მომენტი კი ცოცხლობა არის. ცოცხლობა პერსონის მთლიანი სიცოცხლის შედარებით გამოცალკეებული, ჩამოყალიბებული, დასრულებული, თავისებური და ამ თავისებურებით განუუმეორებელი მონაკვეთია. მაგრამ იგი არაა უკვალოდ წარმავალი. ცოცხლობა კვალს (სიტყვის არა სპეციალური, არამედ საყოველღეო მნიშვნელობით) სტოვებს პიროვნებაში. და ეს წარმოადგენს მნემურ ლატენტურ პერიოდს. მნემური მეორე ფაზა ამ კვალის მოქმედების განხორციელებაა.

მნემური მოქმედების გასაგებად აუცილებელია გავიხსენოთ კონვერგენციისა და რეალურისა და იდეური პერსონის ცნებები. იდეური პერსონა (რომელსაც ზოგჯერ პიროვნებას უწოდებს ავტო-

რი) თვითგანვითარების მიზანდასახულობის სრული განხორციელება იქნებოდა, სამყაროსთან კომპრომისის გარეშე, თუმცა, ავტორი თვითვე შენიშნავს, რომ ასეთი რამ შინაგან წინააღმდეგობას შეიცავს, რადგან პერსონის ცნება სამყაროსთან ურთიერთობას, ე. ი. „კომპრომისს“ გულისხმობს. სამყაროსთან ურთიერთობა კონვერგენციის სახით ხორციელდება და სწორედ რეალური პერსონა არის კონვერგენციის ნაყოფი. „რეალურია პერსონა, ისეთი, როგორც იგი გამოცდილებაში გვევლინება, ვითარცა მისივე საკუთარი მიზანდასახულებისა და გარეგანი გავლენების კონვერგენციის პროდუქტი“¹²⁰. კონვერგენციისა, რომელიც პერსონისა და სამყაროს მიზნის-ეულ ურთიერთობას ნიშნავს. კონვერგენცია პრეზენცში ხდება. პერსონა თავისი დისპოზიციური ბუნებით ხვდება მრავალი (პოტენციური) შესაძლებლობის მქონე სამყაროს, რომლიდანაც გამოჰკვეთს სიტუაციას. და ამ სიტუაციასთან ურთიერთობის ერთა — სუბიექტური — ასპექტი არის ცოცხლობა. პერსონა, რაიმე მას უცოცხლია, მქონია ცოცხლობანი — ველარ იქნება ის, რაც ამ ცოცხლობამდე იყო, რადგან თვით მისი დისპოზიციური რაობა იცვლება ცოცხლობათა გავლენით. სწორედ ცოცხლობათა და არა სამყაროს გავლენით. ასე თქმა უფრო ზუსტი გამოხატვაა კონვერგენციის აზრისა, რადგან სამყარო უშუალოდ კი არ მოქმედებს პერსონის დისპოზიციებზე, არამედ — ცოცხლობათა მეშვეობით.

პერსონის მთლიანობაში ცოცხლობის ადგილის აღმოჩენა პერსონალისტური თვალსაზრისით არაა ძნელი. რეალური პერსონაც გასაგებია, როგორც პერსონის მიზანმისწრაფებათა (იდეური პერსონის) და სამყაროს კონვერგენციის პროდუქტი. — მაგრამ საკუთრივ მნემეს პრობლემისთვის ყოველივე ეს ერთგვარ სიძნელეს შეიცავს; ცოცხლობის ამგვარად გაგებიდან გამომდინარეობს, რომ ყოველი რაგინდარა ცოცხლობა პრინციპულად მნემური გამლიზიანებელია. და, მართლაც, „პრინციპულად არცერთი ცოცხლობისთვის არაა აღკვეთილი მნემურ გამლიზიანებლად გახდომის შესაძლებლობა. მაგრამ ფაქტიურად მკაცრი შერჩევა და დასაფხვურება ხდება. პირველად ცოცხლობათა უმრავლესობა მნემური გალიზიანების ზღურბლის ქვევით რჩება; მათი შემდგომოქმედება არაა შესაძენი. ვი. ზეზღურბლოვანებს კი მნემური მოქმედიანობის სულ სხვადა-

¹²⁰ 3,20.

სხვა ხარისხი შეიძლება ჰქონდეთ, როგორც ინტენსიობის, ისე ხანგრძლიობის მხრივ. მოქმედიანობის ეს ხარისხი მხოლოდ პირველადი მოვლენის ობიექტურ ძალაზე კი არაა დამოკიდებული, არამედ პერსონულ ფაქტორზე: მნემურ შთაბეჭდილებისუნარიანობაზე¹²¹. ხშირია შემთხვევები, რომ კატასტროფული ხასიათის მოვლენა არავითარ შესამჩნევ შემდეგმოქმედებას არ სტოვებს ბავშვში, თუმცა რეაქცია მასზე შეიძლება ძალიან ძლიერი ყოფილიყო. და პირიქით. მოვლენამ, რომელმაც უშუალოდ არავითარი შესამჩნევი რეაქცია არ გამოიწვია, შესაძლებელია ხანგრძლივი და ძლიერი შემდეგმოქმედება იქონიოს. ამ გარემოების ახსნა მხოლოდ მნემური შთაბეჭდილებისუნარიანობით შეიძლება. მაგრამ როგორ უნდა გავიგოთ თვით მნემური შთაბეჭდილებისუნარიანობა? — მხოლოდ და მხოლოდ პერსონული მიზანმისწრაფებულობის პლანში. სიტუაცია, ან სიტუაციის მომენტი თუ მხოლოდ იმდენადაა პერსონისთვის მნიშვნელობის მქონე, რამდენადაც პერსონულ გამლიზიანებელს (ან ქმედობისათვის მასალას) წარმოადგენს, რომელზედაც რეაქციით (ან რომლის მიმართ სპონტანური აქტივობით) ერთხელ და სამუდამოდ ამოიწურება მისი პერსონული ღირებულება; ანუ, უფრო მართებულიად და შესატყვისად რომ გამოეთქვა დებულების პერსონალისტური აზრი: თუ რომელიმე ცოცხლობის ღირებულება მის ერთხელობრიობაშია სრულად განხორციელებული — მისი შემდეგმოქმედება ნულზე დაიყვანება, სიტყვის ზუსტი მნიშვნელობით ამგვარი ღირებულების მქონე მხოლოდ ის ცოცხლობა შეიძლებოდა ყოფილიყო, რომელიც აბსოლუტურად იქნებოდა გამოყოფილი პერსონის მთლიანობას. ასეთი რამ კი შეუძლებელია პერსონალისტური თვალსაზრისით. ამა თუ იმ ცოცხლობისთვის მნემურ გამლიზიანებლობაზე უარის თქმა მხოლოდ პირობითად შეიძლება, სხვა ცოცხლობებთან შედარებით. არსებობს ცოცხლობა, რომელსაც მომდევნო სიცოცხლისათვის ძალიან დიდი მნიშვნელობა აქვს. არსებობს ცოცხლობა, რომლის მნიშვნელობა მომდევნო სიცოცხლისთვის ძალიან მცირეა. მაგ., ასო „ანი“-ს (ა) მოხაზულობის შესხაიერებაში აღბეჭდვას ძალიან დიდი მნიშვნელობა აქვს მთელი მომდევნო სიცოცხლისთვის და ანის აღქმა მნემურ გამლიზიანებლად იქცევა. მაგრამ განა ყოველთვის? — მცირეწლოვანი ბავშვისათვის იგი შეიძ-

¹²¹ 1,256.

ლება ჭერ კიდევ არ იყოს მწეფური გამლიზიანებელი, სავსებით გასაგები მიზეზების გამო. სახელდობრ: მისი უახლოესი მომდევნო სიცოცხლისთვის ანის დამწერლობას არა აქვს მნიშვნელობა. ან კიდევ: კვებას უდიდესი სასიცოცხლო მნიშვნელობა აქვს, მაგრამ, ჩვეულებრივ, ადამიანს არ ახსოვს რა კამა გუშინ, რადგან გუშინდელი კვების სიტუაციის პერსონული ღირებულება სავსებით ამოიწურა დანაყრებით. ასეთი დაპირისპირებული მაგალითები უამრავი შეიძლება მოვიტანოთ და ყოველი მათგანი ნათლად გვიჩვენებს ერთი მხრივ იმას, რომ მართლაც არსებობს ფრიალ შესამჩნევი განსხვავება ე. წ. მწეფური გამლიზიანებლისა და მწეფური მნიშვნელობის არმქონე გამლიზიანებლის შორის; მეორე მხრივ კი იმას, რომ არ არსებობს ცოცხლობა, რომელიც აბსოლუტურად მოკლებულია მწეფურ მნიშვნელობას.

ამა თუ იმ ცოცხლობის მწეფური მნიშვნელობის დადასტურება მხოლოდ, ასე ვთქვათ, რეტროსპექციულად შეიძლება. პერსონული მოვლენა, რომელიც აწმყო ფაქტორებით ვერ აიხსნება შეიძლება სულ ადვილად აიხსნას ნამყო ცოცხლობათა შემდეგმოქმედებით. ფსიქოანალიზმა ასეთ ახსნაში უდიდეს წარმატებას მიაღწია. მაგრამ იმის დასადასტურებლად, რომ აწმყო პირობადებულია ნამყოთი, ყოველთვის ფსიქოანალიზური მეთოდი არაა საჭირო. ყოველდღიური გამოცდილება უდავოდ გვიდასტურებს ამ გარემოებას. ასე მაგალითად, რაიმეს ცნობა, მოგონება გულისხმობს ნამყოს „შემოქრას“ აწმყოში. ანალოგიურია მდგომარეობა „შეგუების“, „ჩვევის“, „გაეაჩიშების“ შემთხვევაში: ნამყო შემდეგმოქმედება რომ არ ყოფილიყო, არც მოგონება, არც ცოდნა, არც ჩვევა და არც სხვა ამდაგვარი რამ იქნებოდა. ასეთი მოვლენების არსებობა აუცილებელყოფს მეხსიერების არსებობის დაშვებას ფსიქოლოგიაში, მწეფეს არსებობისას — ზოგადად ბიოლოგიაში. მეხსიერება ნიშნავს განცდის, მწევე კი — მთლიანად სიცოცხლის პირობადებულობას ნამყოთი.

დადასტურებულია ფაქტი, რომელიც წინადაც აღვნიშნე, რომ შემდეგმოქმედების გამოვლენა, ე. წ. მეორე ფაზა, არასოდეს არაა ზუსტი გაშეორება პირველი ფაზისა. მოგონება არასოდეს არაა მიღებული შთაბეჭდილების ზუსტი ასახვა, იგი მხოლოდ გავს მას შეტად თუ ნაკლებად. ამ ფაქტის ახსნა ასოციაციონისტური ფსიქოლოგიისთვის გარკვეულად ძნელი იყო. ამ თეორიის თანახმად, შთა-

ბექდილება გადადის არაცნობიერის სფეროში და აქ ინახება ე. წ. არაცნობიერი წარმოდგენის სახით, რომელიც ზუსტი პირაა პირველადი შთაბეჭდილებისა და მისგან მხოლოდ იმით განსხვავდება, რომ ცნობიერების თვისებას მოკლებულია. ასოციაციონიზმისთვის ასეთი რამ სავსებით შესაძლებელია. მაგრამ ძნელი ასახსნელია ასოციაციონიზმისთვის ის, რომ ცნობიერებაში არაცნობიერი წარმოდგენა უკვე სახეშეცვლილად ამოტივტივდება ხოლმე. პერსონალისტური ფსიქოლოგია უარყოფს არაცნობიერი წარმოდგენების არსებობის შესაძლებლობას. ეს ცნება მისთვის წინააღმდეგობის შემცველია, რადგან წარმოდგენა ცნობიერების ფაქტია. მაგრამ ის გარემოება, რომ წარმოდგენა, რომელშიც ასახულია პერსონის „არა-აქ“ და „არა-აწ“ (კერძოდ, მოგონების შემთხვევაში — „სხვაგან“ და „უწინ“) განსხვავებულია იმ ფაქტისგან, იმ შთაბეჭდილისგან, რომელსაც იგი ასახავს; რომ პირველადი შთაბეჭდილება მასში სახეშეცვლილია — ეს გარემოება პერსონალისტური ფსიქოლოგიისთვის სრულიად ნათელია.

მნემური მეორე ფაზაც ისევე გამოყოფილი მომენტია პერსონის მთლიანი სიცოცხლისა, როგორც პირველი ფაზა. იგიც ერთ-ერთ ცოცხლობას წარმოადგენს და, როგორც ასეთი, ამჟამად მოცემული პერსონის გამოვლენაა: ცოცხლობა ხომ მხოლოდ მომენტია პერსონული განუთიშველი პრეზენტისა, რომელშიც სამყარო მონაწილეობს და პერსონაც. პრეზენტში მონაწილე პერსონა მხოლოდ „პრეზენტული“ პერსონა შეიძლება იყოს, ამგვარი დისპოზიციების, განწყობების (Affage) და მომართულობების (Einstellung) მატარებელი. ხოლო პერსონის დისპოზიციები და, საერთოდ, მთელი მისი პოტენციური რაობა უცვლელი, მყარი, გაქვავებული არაა მთელი სიცოცხლის განმავლობაში; იგი ნაყოფია ნამყო კონვერგენციებისა.

ამრიგად, პირველი და მეორე ფაზის დამაკავშირებელი შთაბეჭდილების „კვალი“ კი არაა (ამ სიტყვის ვიწრო, ტერმინული მნიშვნელობით), არამედ მთლიანი პერსონა, რომელიც ერთხელ მიღებული შთაბეჭდილების (ე. ი. კონვერგენციის ერთი აქტის) გავლენით სხვაგვარი გახდა პირველი ფაზის დროს და მეორე ფაზაში თავის ამ სხვაგვარადყოფნას გამოავლენს. მნემური ლატენტური

პერიოდი დაიყვანება (თუ აიყვანება?!) პერსონის პოტენციურ მდგომარეობაზე. ეს ვითარება გასაგებად ხდის მოგონების — და ზოგადად მეორე ფაზის — განსხვავებულობას პირველი ფაზისაგან. იმისთვის, რომ მეორე ფაზა აბსოლუტურად მსგავსი იყოს პირველი ფაზისა, საჭიროა პერსონა აბსოლუტურად უცვლელი იყოს მთელი მნემური მოქმედების განმავლობაში: პირველი ფაზის დაწყებიდან მეორე ფაზის დასრულებამდე, ლატენტური პერიოდის ჩათვლით, რაც სინამდვილეში შეუძლებელია.

მეორე ფაზის განსხვავება პირველი ფაზისაგან პერსონის დროში — ცვლილებადობით არის პირობადებული. ამ განსხვავების ხასიათი პირობადებულია, ზოგადად, პერსონის მიზანმისწრაფებულობით: მეორე ფაზა მიზნის მიერ ასიმილაციაქმნილი და სახეშეცვლილი პირველი ფაზაა.

საბოლოოდ, შეიძლება ითქვას, რომ მნემური პირველი ფაზა ანუ მნემური გამლიზიანებელი ცოცხლობაა. ამასთან ისიც უნდა ითქვას, რომ ეს ცოცხლობა შეიძლება აქტიური ხასიათისაღ იყოს და არა მარტო რეაქტიულისა. მნემური ლატენტური პერიოდი გამლიზიანებლის გავლენით სახეცვლილი პერსონის დისპოზიციური მდგომარეობაა. მნემური მეორე ფაზა, ანუ მნემური წემდეგმოქმედება — ამგვარად სახეშეცვლილი პერსონის ცოცხლობაა.

ლატენტური პერიოდის იბიექტური ხანგრძლიობა სულ სხვადასხვა შეიძლება იყოს. თუ იგი თავისუფალია სხვა ცოცხლობათგან — უშუალო მნემესთან გვაქვს საქმე: ხოლო თუ სხვა ცოცხლობებითაა შევსებული — გაშუალებულ მნემესთან.

ფსიქიკური ფენომენების კლასიფიკაციას დაბრკოლებად ეღობება ზოგი ისეთი მოვლენა, რომელიც აღქმისა და მეხსიერების მოვლენებს შორის გარდამავალ საფეხურს წარმოადგენს. ასეთია ე. წ. მომდევნო კვალი, რომელიც სრულიად დამაკმაყოფილებლად აიხსნება ფიზიოლოგიური მოვლენებით გრძნობის ორგანოში; — შემდეგ საფეხურზე დგას ეიდეტური ხატი. მომდევნო კვალისაგან განსხვავებით, ამ შემთხვევაში ხატის განცდის მომენტი შეიძლება ძალიან დიდი დროითი ხარვეზით იყოს დაშორებული გრძნობადი გამლიზიანებლის მოქმედების მომენტს. მაგრამ ამის მიუხედავად, ეიდეტურ ხატს იმდენი რამ აქვს საერთო აღქმასთან, რომ შეუძლებელია იგი უბრალოდ მეხსიერების ფენომენებდს ჯგუფს მივაკუთვნოთ. ამ ფენომენის დაწვრილებით დახასიათება აქ

არაა საჭირო. უნდა აღინიშნოს მხოლოდ ის გარემოება, რომ სუბიექტმა თითქმის ყოველთვის იცის, რომ ობიექტურად ვიდებურა ხატის საგანი არაა ამჟამად მოცემული, მაგრამ, მიუხედავად ამისა, ვიდებურ ხატში, თავისთავად, არაა მოცემული აწმყოსა და ნამყოს გათიშვა; იგი არც მეხსიერების ფენომენების ჩგუფს შეიძლება მიეკუთვნოს და არც აღქმის ფენომენებისას. იგიც უსაბუთოდ ერთ-ერთი გარდამავალი საფეხურია აღქმის და მეხსიერების ფენომენებს შორის. მესამე საფეხურია ე. წ. „უშუალო მჩნევა“. მჩნევის მაგალითთა რაიმე მარტივი დავალების შესრულება. ჩვენ არ გვჭირდება დავალების გახსენება, არამედ უშუალოდ გვახსოვს იგი ან: სააბონემენტო წიგნში ტელეფონის ნომერს კი არ ვიხსოვებთ — ვაძინევთ; დარეკვისას არ გვჭირდება მისი გახსენება, იგი უშუალოდაა მოცემული. უშუალო მჩნევის ფაქტია ყოველი დროითი გეშტალტის აღქმა: სიტყვის, მელოდის, რიტმის და სხვა.

ზოგადად ყველა ამ გარდამავალი საფეხურის დამახასიათებელი ისაა, რომ განცდა განაგრძობს არსებობას გამლიზიანებლის ობიექტურად აღკვეთის შემდეგ, ისე, რომ თვით განცდაში არაა მოცემული ობიექტის არყოფნა, თუმცა, უმრავლეს შემთხვევაში, სუბიექტმა იცის, რომ ობიექტურად საგანი მისი განცდისა აღარ არსებობს (ეს არ ითქმის მომდევნო კვალის შესახებ).

პერსონალისტური თვალსაზრისით, უშუალო მეხსიერების ბუნება ადვილი გასაგებია. დროის პერსონულ განზომილებას აქვს ამოსავალი პუნქტი — აწმყო. პერსონული აწმყო დროში ვანფენილია; მას ხანიერება აქვს; მასში ჯერ კიდევ არაა განწვალებული ნამყო, აწმყო და მყობადი. ეს განწვალება მომდევნო განვითარების საქმეა. დროითი გეშტალტების აღქმა შეუძლებელი იქნებოდა, ასეთი განწვალებელი, იმთავითი, პირველადი აწმყო რომ არ არსებობდეს. სიტყვის, რიტმის, მელოდის აღქმა მხოლოდ იმიტომაა შესაძლებელი, რომ ისინი ეტევიან პერსონულ აწმყოს შუაგულში, რომელსაც განცდის ეამი შეიძლება ეწოდოს (Zeithof). უშუალო მეხსიერების ყოველი ფორმა განცდის ეამის ფარგლებში ეტევა: პირველიცა და მეორე ფაზაც მასშია მოთავსებული; მასშივეა, მაშასადამე, მოთავსებული ე. წ. „ლატენტური პერიოდი“.

უშუალო მეხსიერების პერსონული მნიშვნელობა იმაში მდგომარეობს, რომ იგი შესაძლებელყოფს შთაბეჭდილების ამოწურვას და ამით პერსონის მიერ მის შესისხლხორცებას, მომდევნო სიცოცხლეში მის უკეთ გამოსაყენებლად.

ვინაიდან მნემე პერსონის თვითშენარჩუნებას ემსახურება, ამიტომ მისი მოქმედება პერსონის სიცოცხლის ყოველგვარ გამოვლინებაზე ვრცელდება.

მეხსიერების კანონზომიერებათა კვლევა, ისტორიულად, ცნობიერების სფეროში დაიწყო და განვითარდა. მნემეს ცნება შედარებით გვიანი მონაპოვარია მეცნიერებისა და მეხსიერების ცნების გავრცელებას წარმოადგენს ბიოლოგიის ფართო სფეროზე. ცნობიერების ფსიქოლოგია კი საკუთრივ მეხსიერების კვლევით კმაყოფილდებოდა და მისი მოვლენების ახსნას საკუთარი შინაგანი კანონზომიერებით ლამობდა. წარმოდგენათა ასოციაციის ცნება, რომელიც საფუძვლად დაედო ასოციაციონისტურ სისტემას, უწინარეს ყოვლისა, მეხსიერების მოვლენებში პოულობს გამოყენებას და — რამდენადაც შეიძლება მისი მართებულობის შესახებ ლაპარაკი — გამართლებასა და დასაბუთებას.

პერსონალისტური ფსიქოლოგიისთვის, ცხადია, წარმოდგენათა ასოციაცია ვერ იქნება ფსიქიკურ მოვლენათა ახსნის პრინციპი, მაგრამ იგი ანგარიშს უწევს წარმოდგენათა ასოციაციას, როგორც ფაქტს.

„ასოციაცია არის ფსიქიკური შინაარსების კავშირი, რომელიც იმში მქლავდება, რომ ერთი შინაარსის აღმოცენებას მეორე შინაარსის აღმოცენების მაღალი ხარისხის მზაობა ახლავს. ამ აზრით, ასოციაციის ცნება თანამედროვე ფსიქოლოგიაში არა მარტო გამართლებულია, არამედ აუცილებელიცაა, და სრულიად უსაფუძვლოა ზოგი თანამედროვე მკვლევარის სურვილი მეცნიერულ მეტყველებიდან მისი სრულიად განდევნისა“¹²². ასეთი კავშირი იმ შინაარსებს შორის მყარდება, რომლებიც პირველ ფაზაში ან თანადროულად, ან თანამიმდევრულად იყო მოცემული. ამის მიხედვით განასხვავებენ სიმულტანურსა და სუქტესიურ ასოციაციებს. მაგრამ ბევრად უფრო დიდმნიშვნელოვანია განსხვავება ინტრა-ასოციაციებისა და ინტერ-ასოციაციების შორის. პირველი არის „წევრთა შიშობა იმთავითს განცდის-მთლიანობაში“. აქ წევრთა შორის კავშირის დამყარება არაა საჭირო, იგი იმთავითვე, პირველადს მოვლენაშივეა „დამყარებული“. ასე, მაგალითად, მელოდიის ტონებს შორის არაა საჭირო კავშირის დამყარება: თუ მელოდია, როგორც მელოდია, ე. ი.

¹²² 1,296.

როგორც მთლიანი გეშტალტი აღიქვამს, შემდეგში მისი პირველი ტონების მოსმენას მომდევნო ტონის წარმოდგენა მოჰყვება. აქ იგივე პრინციპი მოქმედებს, რომელიც გეშტალტების აღქმაში გეშტალტის დასრულებულობად არის ცნობილი; მაგრამ აქ იგი მთლიანობის თვალსაზრისით კი არ განიხილება, არამედ გეშტალტის მომენტებისა და მათი ურთიერთმიმართების თვალსაზრისით.

ინტრა-ასოციაციები კი ისეთ შემთხვევებს ეწოდება, როდესაც რაიმე წარმოდგენა მეორე წარმოდგენას იწვევს არა იმიტომ, რომ პირველადს მნემურ მოვლენაში ისინი შინაგანად იყვნენ დაკავშირებული, არამედ იმიტომ, რომ ისინი მხოლოდ დროში იყვნენ დაკავშირებული. მაგალითად, უცხო ენის შესწავლისას, დედაენის სიტყვა და უცხო ენის სიტყვა იმთავით მთლიანობას არ ქმნიან, არამედ მხოლოდ შემდეგში უკავშირდებიან ურთიერთს.

პერსონალისტური გაგება ასოციაციებისა არსებითად განსხვავდება ელემენტარისტული გაგებისაგან. უკანასკნელისათვის იგი წარმოდგენათა მიმდინარეობის შინაგანი კანონზომიერებით იყო განსაზღვრული. პირველისთვის იგი პიროვნების კანონზომიერებას ემორჩილება; და რამდენადაც პიროვნების კანონზომიერება მიზნისეულია, ასოციაციაც მხოლოდ პიროვნების მიზნებთან მიმართებაში შეიძლება იქნეს გაგებული. პერსონალისტური ფსიქოლოგიისთვის გასაგებია, რომ დროში თანხვედრა, თუნდაც ძალიან ხშირი, არაა საკმარისი ასოციაციური კავშირის დასამყარებლად ორი ფსიქიკური შინაარსის შორის. ასოციაცია უსათუოდ აზრის მქონე პერსონისთვის: გეშტალტის მომენტები იმიტომ უკავშირდება ურთიერთს, რომ პერსონისთვის სწორედ გეშტალტს აქვს მნიშვნელობა, როგორც აზრიან მთლიანობას. გასაგებია შერჩევა განზრახი დასწავლისასაც (მაგალითად, უცხო სიტყვის დედაენის სიტყვასთან დაკავშირება). მაგრამ არის ასოციაციები, რომლების პერსონული მნიშვნელობა ასე თვალსაჩინო არაა და მეტიც: რომლებიც პერსონის მიზნებისადმი გარკვეულად საზიანონი ჩანან. აქ შეიძლება ერთგვარ „გადმონაშთებთან“ გვექონდეს საქმე: ასოციაცია დღეს საზიანოა, მაგრამ უწინ მას დადებითი მნიშვნელობა ჰქონდა პერსონისთვის. მაგრამ „უაზრო“ ასოციაციების ინტერპრეტაციისთვის კიდევ უფრო დიდი მნიშვნელობა აქვს იმის გათვალისწინებას, რომ „პერსონული მნიშვნელობა“ არ ნიშნავს პოზიტიურ, რაციონალურ მიზ-

ნისეულობას. „წარმოდგენათა გარკვეულ კავშირებს განსაკუთრებული პერსონული მნიშვნელობა, შესაძლებელია, სწორედ იმიტომ ენიჭებოდეს, რომ ისინი „აზრისსაწინააღმდეგონი“ არიან, რომ მათ ში დარღვეულია პერსონული წონასწორობა, შერყეულია პერსონული ზედაპირი: „აზრის-საწინააღმდეგობა“ უაზრო მექანიკა არაა; იგიც პერსონული (სახელდობრ, ნ ე გ ა ტ ი უ რ ი პერსონული) მნიშვნელობაა“¹²³.

ამრიგად, პერსონალისტური ფსიქოლოგიისათვის, წარმოდგენების (და, ზოგადადაც, მნემური პირველადი მოვლენების) დაკავშირების ქვეშარტი პრინციპი პერსონის მიზანმისწრაფებულობით პირობადებულ და განსაზღვრული შთაბეჭდილებისუნარიანობაა მნემურ გამლიზიანებელთა კავშირების მიმართ.

რითიღაა განსაზღვრული ასოციაციის მეორადი მოვლენა, თვით გამოწვევა ერთი წარმოდგენისა მეორე წარმოდგენის მიერ?

ასოციაციონისტური ფსიქოლოგიისთვის ეს საკითხი საგანგებოდ არც დგას: მტკიცე კავშირი ელემენტებისა უზრუნველყოფს ასოციაციის ერთი წევრის აღმოცენებისას მეორე წევრის აღმოცენებასაც, და ეს შით მეტად, რაც უფრო მტკიცეა კავშირი მათ შორის. კავშირის სიმტკიცე კი, ძირითადად, თანხვედრის სიხშირითაა განსაზღვრული: პერსონალისტური ფსიქოლოგიისთვის არც კავშირის გასამტკიცებლადაა სამყოფი ხშირი თანხვედრა, არც მტკიცე კავშირის ერთი წევრის განახლება თავისთავად სამყოფი მეორე წევრის გამოსაწვევად. ასოციაციის მეორადი მოვლენა დისპოზიციურადაა პირობადებული: „განცდის, რომელიც უწინ დამყარებულ ასოციაციას ეკუთვნის, პერსონამ უნდა დაახვედროს შინაარსობლივად მიმართული მზაობა (დაყოფა ჩემია—ერ. ა.), რომ შესაძლებელი გახდეს ასოციაციის მნემური განახლება ასეთ შინაარსობლივად მიმართულ მზაობის „განწყობა“ (Einstellung) ეწოდება“. „განწყობა“ პერსონული მზაობაა, რომელიც თუმცა მთლიანად (im Ganzen) რაიმე შინაარსეული სფეროსადმი მიდრეკილი, მაგრამ—როგორც დისპოზიცია—ჯერ კიდევ მრავალმნიშვნელოვანი და პოტენციურია. ამ სფეროს ცალკეული განსაზღვრული შინაარსის აქტივაციისთვის იგი აკუთურ სტიმულს საჭიროებს, რომელიც შეიძლება მისცეს მას რაიმე გრძნობამ, შთაბეჭდილებამ, ან საიდანმე ამო-

¹²³ 1,301.

ტივტივებულმა წარმოდგენამ¹²⁴ (გაუგებრობის თავიდან ასაცილებლად აუცილებელია აქვე გამახვილებული იქნეს ყურადღება იმის მიმართ, რომ ვ. შტერნისეული „განწყობის“ შინაარსი არსებითად განსხვავებულია დ. უზნაძისეული ომონიმური ტერმინის შინაარსისგან). ასეთი თვალსაზრისი აადვილებს ასოციაციური მეხსიერების მრავალი ისეთი მოვლენის გაგებას, რომელიც ასოციაციონიზმისთვის განსაკუთრებით დიდ დაბრკოლებას წარმოადგენდა და ფაქტიურად, აპერცეფციისა და კონსტელაციის მოშველიების მიუხედავად, გადაუღალაზრებელი დარჩა. ასოციაციონიზმისთვის ასოციაცია მხოლოდ გამოცდილების შედეგი შეიძლებოდა ყოფილიყო, რადგან ასოციაციის მიმდინარეობა მისთვის წარმოდგენების სიცოცხლის გამოვლენა იყო, წარმოდგენა კი მხოლოდ გამოცდილების პროდუქტი შეიძლებოდა ყოფილიყო. წარმოდგენა ასოციაციონიზმისთვის აღქმის ასლი იყო, აღქმისგან უსათუოდ განსხვავებული, მაგრამ მხოლოდ იმდენად განსხვავებული, რამდენადაც ასლი შეიძლება განსხვავებული იყოს დედნისგან.

პერსონალისტური ფსიქოლოგიისთვის წარმოდგენა სულ სხვა რამაა, ვიდრე აღქმის ასლი. ასეთი რამ კიდევ შეიძლება მომდევნო კვალის შესახებ ითქვას, მაგრამ ის ზომ არც ითქმის წარმოდგენად! წარმოდგენა არის აქ და ახლა „არა-აქ“ და „არა-ახლა“-ს განცდა კონკრეტული სახით. წარმოდგენის პერსონული მნიშვნელობა და მნიშვნელოვანება ისაა, რომ იგი ათავისუფლებს პიროვნებას აწმყოს ბორკილებისგან. იქ, სადაც პერსონის ყოფიერება აწმყოთი ამოიწურება, — სიცოცხლის ვიტალურ მოდუსში — წარმოდგენას არა აქვს ადგილი. მხოლოდ სამყაროსთვის დაპირისპირება ქმნის წარმოდგენის აღმოცენების შესაძლებლობას. თუ წარმოდგენა ზოგადად „არა-აქ“ და „არა-ახლა“-ს კონკრეტული სახით განცდაა, უნდა განვასხვავოთ წარმოდგენები იმის მიხედვით, თუ „არა-აქ“ და „არა-ახლა“-ს რომელი სახეობის განცდაა იგი: ნამყოსწ. მყობადის თუ დროითი მიმართებისგან თავისუფალისა. მეხსიერების შემთხვევაში საქმე ნამყოსადმი მიმართულ წარმოდგენებთან, ანუ ე/წ. „მეხსიერების წარმოდგენებთან“ გვაქვს.

მეხსიერების წარმოდგენა აღქმის (მნიშვნური პირველადი მოვლენის) შემდეგმოქმედებაა (მნიშვნური მეორადი მოვლენა) წარმოდ-

¹²⁴ 1,303.

გენისა და აღქმის ფაქტიურ განსხვავებას ადასტურებს ყოველი მკვლევარი, მაგრამ პერსონალისტური თვალსაზრისისთვის ეს განსხვავება შემთხვევითი გარემოება კი არაა, არამედ პრინციპულადაა აუცილებელი და აი რატომ: პერსონის ყოველი გამოვლენა პერსონული პრეზენციის ასახვაა: ყოველ წარმოდგენაში ცნობიერად ასახულია აქ-მყო და აწ-მყო პერსონის ცოცხლობა, რომელიც (მეხსიერების წარმოდგენის შემთხვევაში) განსაკუთრებული სიცხადით ნამყოთია პირობადებულში. მნემური პირველი ფაზიდან — შთაბეჭდილების მიღებიდან — დაწყებული მნემურ მეორე ფაზამდე, — წარმოდგენის აღმოცენებამდე — პერსონას განვითარების გარკვეული გზა გაუვლია, გარკვეული ცვლილება განუცდია და მეორე ფაზის მომენტში იგი სხვაა. ვიდრე პირველი ფაზის მომენტში იყო. ამიტომ არ შეიძლება, რომ მისი რაიმე გამოვლენა იდენტური იყოს ოდესღაც ყოფილი პერსონის გამოვლენისა. წარმოდგენის შინაარსის შესწავლა ნათელპყოფს აღქმასთან შედარებით მისი ცვლილების მიმართულებას: ეს ცვლილება პერსონულ მიზანთა შესატყვისად ხდება.

ასოციაციონიზმის მოსაზრებამ აღქმისა და წარმოდგენის განსხვავებულობის შესახებ არ გამართლდა: წარმოდგენა არაა ნაკლები ინტენსიობის მქონე აღქმა. „ის, რაც აღქმასთან შედარებით აქლია წარმოდგენას, ინტენსიობის ხარისხის კი არაა, არამედ ის განსაკუთრებული ნიშანი, რომელიც აღქმის შემთხვევაში „თვალსაჩინობად“¹²⁵ ანუ „ევიდენტობად“ აღვწერეთ“¹²⁶.

წარმოდგენის არა-ერთმნიშვნელოვანება შესაძლებლობას იძლევა წარმოდგენა უფრო ღრმად იქნეს ჩანერგილი პერსონის მთლიანობაში, ვიდრე აღქმა; უფრო მეტი მონაწილეობა მიიღოს პერსონის მუდმივს ცვალებადობაში. წარმოდგენა სხვა აზრით მეკუთვნის მე, ვიდრე სიტუაციასთან მტკიცედ დაკავშირებული აღქმა; იგი ისე მკაფიოდ არ გამოეყოფა პერსონულ სხვა შინაარსებსა და მოვლენებს, არამედ უფრო მტკიცედაა მათში ჩანერგილი და სწორედ თავისი მრავალმნიშვნელოვანობის მეოხებით სულ სხვაგვარად შეუძ-

¹²⁵ 1, 146: „აღქმაში თუ კონკრეტული მოცემულობის უშუალობას გავუსვავთ ხაზს: „ერთბამად და ერთხელ და ერთმნიშვნელოვნად მოცემულობას“, — მას „თვალსაჩინობა“ (ანუ კერეტა — Anschauung) უნდა ეწოდოს“:

¹²⁶ 1, 288—289.

ლია მიიღოს მონაწილეობა პერსონის მრავალფეროვანსა და მუდამ ცვალებადს სიციცხლეში¹²⁷.

მოგონების წარმოდგენაში ფენომენურადაა მოცემული ნამყოთი მისი პირობადებულობა, მაგრამ არაა და არც შეიძლება ფენომენურად იყოს მოცემული მისი განსხვავება იმ „დედნისაგან“ რომლის ასახვაც მოგონების დანიშნულებას შეადგენს.

უშუალო მეხსიერებაში აწმყო და ნამყო არაა გათიშული. ცნობიერებაში, განცდაში ნამყოსადმი მიმართებულობა კი არაა მოცემული, არამედ მხოლოდ ობიექტისადმი მიმართებულობა, რაც ყოველგვარი განცდის კონსტიტუციური ნიშანია და, ამიტომ, არ შეიძლება მეხსიერების დამახასიათებელ სპეციფიკურ ნიშნად ჩაითვალოს. უშუალო მეხსიერება მეხსიერების უდაბლესი ფორმაა; ნამყოთი პირობადებულობა მისი შინაარსებისა მხოლოდ ობიექტურად შეიძლება იქნეს დადგენილი, სუბიექტურად კი იგი არ განიცდება. ეს, განსაკუთრებით, სრული უფლებით მომდევნო კვალის, უშუალო მჩნევის, და პერსევერაციის შესახებ ითქმის.

მეხსიერების დაბალი ფორმებისგან უმაღლესი ფორმის განმასხვავებელი ერთ-ერთი არსებითი ნიშანი არის წარმოდგენის საგნის მიკუთვნება ნამყოსადმი, და მისი სწორედ როგორც ნამყოსი განცდა — „ტემპორალიზაცია“ წარმოდგენისა. ეს უაღრესად მარჯვე და ნაყოფიერი ცნება იმ ვითარებას გამოხატავს, რომ სუბიექტი უშუალოდ განიცდის ცნობიერების შინარსის ნამყოთი პირობადებულებას, იმას, რომ ის, რაც მას აქ და ახლა მოცემული აქვს წარმოდგენის სახით, ოდესღაც აღქმის სახით ჰქონდა განცდილი. მოგონების წარმოდგენები განსხვავდებიან ერთმანეთისგან ტემპორალიზაციის სიზუსტის ხარისხით: ზოგჯერ სუბიექტი განიცდის მხოლოდ „ოდესღაც ყოფილობას“ წარმოდგენის საგნისას, ზოგჯერ კი მის „მაშინ ყოფილობას“. ტემპორალიზაციის დაზუსტება მოგონების განვითარების ფუნქციაა. განვითარების დაბალ საფეხურებზე, როგორც ონტოგენეზში ისე ისტორიაში, ტემპორალიზაცია „ოდესღაც“ ყოფილობის დადგენით კმაყოფილდება. „ზღაპრისა თუ თქმულების „ეს იყო ოდესღაც“-ის მსგავსად აქაც აკლია ქრონოლოგიური ერთმნიშვნელოვნება“. მაგრამ განვითარების მაღალ საფეხურზე შესაძლებელი ხდება პირველადი შთაბეჭდილების ზუსტი თარიღის დადგენა. და „როდესაც ადამიანი

¹²⁷ 1,289.

შესძლებს ასეთ ზუსტ ტემპორალიზაციას, იგი გადადის პერსონული ზღაპრული ეპოქიდან პერსონულ ქვეშეპირტ ისტორიულობაში და ზეპერსონულ მატრიანეს ეზიარება¹²⁸. ამრიგად, ზუსტად ტემპორალიზაციაქმნილი წარმოდგენა უმაღლესი საფეხურია ნამყოთი პირობადებული პერსონული აწმყო-ყოფიერების განცდისეული ასახვისა. მოგონების პერსონული აზრი ორმაგი პოლარულობით არის განსაზღვრული: პერსონა (სამყარო და ნამყო) აწმყო.

„მოგონება პერსონის განცდილი ისტორიაა. მაგრამ პერსონის ისტორია მის ირგვლივ მყოფ სამყაროს ისტორიასთან მჭიდრო ურთიერთზემოქმედებაში მიმდინარეობს; საკუთარი ქმნადობა და ცვალებადობა, და გარეგანი მოვლენები და სიტუაციები უკავშირდებიან ერთმანეთს, რათა პერსონის სიცოცხლის მიმდინარეობას კონკრეტული ფორმა, — ხოლო ამ მიმდინარეობის შესახებ მოგონებას — შინაარსი მისცენ“¹²⁹.

ნამყო (აწმყო პოლარულობის შესახებ უკვე ვილაპარაკე) პერსონა სამყაროს. პოლარულობა მოგონებაში შემდეგში ვლანდება: როგორც ყოველი განცდა, მოგონების წარმოდგენაც პერსონისა და სამყაროს გათიშვას ასახავს. მასში ასახულია (აწმყო) პერსონის და პირისპირება (ნამყო) სამყაროსთვის. მასში ერთი მხრივ პერსონაა განთავისუფლებული ნამყო სამყაროსგან, მეორე მხრივ კი, პირიქით, ნამყო სამყაროა განთავისუფლებული პერსონისგან. ამის დეკლარაციას მხოლოდ პრინციპული მნიშვნელობა აქვს. საკითხი დგება და რჩება იმის შესახებ, თუ რამდენადაა ფაქტიურად განხორციელებული ეს განთავისუფლება. წარმოდგენაში ასახული ნამყო ნამდვილად ობიექტური ნამყოა? ამ კითხვას ზევით ვუპასუხებ: წარმოდგენა, პერსონალისტური თვალსაზრისით, არცაა და არც შიიძლება იყოს აღქმის ზუსტი პირი. და თუ იმასაც გავითვალისწინებთ, რომ თვით აღქმაში ობიექტური სამყარო პერსონული სამყაროს სახით აისახება და არა ნამდვილი ობიექტური როგორობით, მაშინ გასაგები გახდება, თუ რამდენად განსხვავდება მოგონების წარმოდგენა იმისგან, რასაც იგი უნდა ასახავდეს. ვ. შტერნის მიერ წარმოებულმა კვლევამ ჩვენებათა ფსიქოლოგიის დარგში სრულიად უდავოდ დაადასტურა, რომ სრული 100 %-ით წარმოდგენა არასოდეს

¹²⁸ 1,340.

¹²⁹ 1,338.

• იხ. გვ. 115.

არ გვაძლევს აღქმის შინაარსის გამეორებას. მრავალ ფაქტორთა შორის, რომელნიც პირობასდებენ აღქმისგან მოგონების ვანსხევაებას, ჩემთვის აქ მხოლოდ საკუთრივ პერსონული ფაქტორია საგულისხმო, რომლის შესახებ ზემოთ უკვე ვთქვეი, რაც საკირო იყო.

მეხსიერება არ ამოიწურება განხილული ფორმებით: უშუალო მეხსიერებით და მოგონებით. ყოველივე ფსიქიკურის ნამყოთი პირობადებულება მეხსიერების სფეროში შედის. და შეიძლება ითქვას, რომ მეხსიერების პლანში ყოველი ფსიქიკური მოვლენა შეიძლება იქნეს განხილული, რომელსაც კი ადგილი აქვს პიროვნების ყოფიერებაში. შეგუების, შეჩვევის, გავარჯიშების და ცოდნის ყოველი ფაქტი — მეხსიერების ფაქტია. მე აქ მხოლოდ ზოგადად ვეცდები პერსონალისტური თვალსაზრისით მათი ადგილის აღნიშვნას პერსონის ყოფიერებაში. ამ თვალსაზრისის თანახმად, ყოველი ცოცხლობა მთლიანპერსონული ყოფიერების მომენტია. ეს ნიშნავს, რომ ყოველ ცოცხლობაში მყისთანად მოცემული პერსონა — მისი აკუტური მდგომარეობა — თავისებური და განუმეორებელია. მეორე მხრივ კი ეს იმას ნიშნავს, რომ ყოველი ცოცხლობის შ ე მ დ ე გ პერსონის პოტენციური, დისპოზიციური მდგომარეობა შეცვლილია. ე. ი. პრინციპულად ყოველი ცოცხლობა მნემური გამლიზიანებელიცაა და მნემური შემდეგმოქმედებაც; ამას ნიშნავს პერსონის დროში ერთიანობა. მოგონების წარმოდგენა პოლარული სფეროა პერსონის მთლიანობიდან მნემური მოქმედების გამოყოფილობისა. მისი საწინააღმდეგო — პერსონის მთლიანობაში ჩანერგილობის პოლარული სფერო ვიტალურ პლანში — ჩვევაა, ცნობიერების პლანში — ცოდნა. საკიროა აქვე აღინიშნოს, რომ ორივე სფერო, ისე როგორც მრავალი მათ შორის მდებარე გარდამავალი საფეხური, მნემეს პომოგენური მოქმედების სახეობას ეკუთვნის. მართალია, ეს სახეობა მთავარი სახეობაა მნემური მოქმედებისა, მაგრამ ფსიქიკურ მოვლენათა განხილვის სისრულისთვის უნდა ყურადღებულ იქნეს მისი მეორე სახეობაც — ჰეტეროგენული მოქმედებისა. უკანასკნელის ყველაზე უფრო მკაფიო მაგალითია ის ავადმყოფური მოვლენები, რომლებშიც არაცნობიერი მნემური გამლიზიანებელი ცნობიერ მნემურ შემდეგმოქმედებას იწვევს. ეს ის მოვლენებია, რომლებიც ფსიქოანალიზის კვლევის მასალას შეადგენს.

ცოდნისთვის, მოგონებისაგან ვანსხევაებით, დამახასიათებელია ის, რომ მისი შინაარსი არაა ტემპორალიზაციაქმნილი; იგი, რო-

გორკ განცდა, ინდიფერენტულია ტემპორალიზაციის მიმართ. შეიძლება აღამიანმა იცოდეს არა მარტო, ვთქვათ, რომელიმე სიტყვა, არამედ ისიც, თუ როდის შეიძინა. როდის ისწავლა ეს სიტყვა, მაგრამ უკანასკნელი გარემოება შემთხვევითია, და არსებითად სრულიად უმნიშვნელოა ცოდნის რაობისთვის. თუ მოგონება (სახ. არსებითი) პიროვნების სიცოცხლის ისტორიის ცნობიერი ასახვაა, ცოდნა (სახ. არსებითი) — გაცნობიერებული ნაწილობრივი შინაარსია პერსონული მდგომარეობისა. ნაწილობრივი შინაარსი ან მეტად, ან ნაკლებად შეიძლება იყოს გამოყოფილი პერსონის მთლიანობას. ჩვეულებრივ, ცოდნის მასალა მაქსიმალურად გამოყოფილი შინაარსია ხოლმე და ამის წყალობით მაქსიმალურადაა ჩამოყალიბებული. ზეპირად ნასწავლი ლექსი, მაგალითად, მაქსიმალურად გამოყოფილია პერსონის მთლიანობას და თვით სიტყვაშიც კი „ზეპირად“ (ისევე როგორც გერმანულ „auswendig“-ში) გამოსქვივის ეს მისი ზედაპირულობა. ამისთვის დასაპირისპირებლად ვ. შტერნი ქმნის ცნებას *Inwendigheit*: ცოდნის ისეთი სახით შექმნას, რომ ვეღარ ხერხდება მისი გამოყოფა პიროვნების მთლიანობიდან შედარებით დამოუკიდებელი გეშტალტის სახით. ამგვარი „შინაგანად სწავლის“ ნიმუშად ვ. შტერნი მოჰყავს ვინმე მსახიობის სიტყვები: „ნამდვილი მსახიობი საერთოდ არ სწავლობს როლებს. იგი იძირება (*verschluckt sich*) როლში — და უკვე იცის იგი“-ო, და თუმცა თითონვე აღიარებს გამოთქმის გადაჭარბებულობას და მის უმართებულობას სიტყვის ზუსტი მნიშვნელობით, მაგრამ მაინც სწორედ მსახიობებისთვის („რეპროდუქციამყოფელ ხელოვანთათვის“) დამახასიათებლად სთვლის ამგვარ შინაგან დასწავლას. „შინაგანი დასწავლის“ არსი ტრანს-პერსონული მასალის შე-თ-ვი-ს-ე-ბ-ა-ა და პერსონალის-ტური ფსიქოლოგიისთვის ბუნებრივია მისი ინტროცეფციული სწავლად კვალიფიკაცია.

აზროვნება

აზროვნება ქვეშაირიტად ფსიქოლოგიურ პრობლემად და დიდ პრობლემად მხოლოდ უახლეს ფსიქოლოგიაში გახდა. მას მერე, რაც დადასტურდა, ჭერ ერთი, აზროვნებისათვის სპეციფიკური ცნობიერების არათვალსაჩინო შინაარსები, მეორე — ასევე სპეციფიკური აზროვნების — განცდა ე. წ. „აპა-განცდა“, მესამე კი —

აზროვნების არავერბალური სახეობა, ე. წ. პრაქტიკული აზროვნება. ტრადიციული ფსიქოლოგია აზროვნების შესწავლისას ყურადღებას ამახვილებდა აზროვნების პროცესის წარმოდგენით შინაარსზე და ბუნებრივია, რომ წარმოდგენათა ასოციაციებზე ლამობდა მის დაყვანას. მაგრამ არც იმის თქმა შეიძლება, თითქოს ძველ ფსიქოლოგიას არ ჰქონდა შემჩნეული განსხვავება აზროვნების მიმდინარეობისა და წარმოდგენათა თავისუფალ მიმდინარეობას შორის. „ზოგადი წარმოდგენების“, „ზეწარმოდგენების“ და სხვა ამდაგვარი ცნებები სწორედ ამ გარემოებითაა ნაკარნახევი. მათ უნდა გამოეხატათ აზროვნების სპეციფიკა. მაგრამ თავისი დანიშნულება მათ ვერ შეასრულეს სწორედ იმიტომ, რომ წარმოდგენებრსავე ფარგლებში ეძებდნენ განსხვავებას, რომელიც წარმოდგენებისთვის ტრანსცენდენტურ სფეროშია მოცემული. აზროვნებისთვის სპეციფიკურია ინტენცია: აზროვნება უსათუოდ გულისხმობს ცნობიერების შინაარსისთვის ტრანსცენდენტურ საგანს, მაშინ, როდესაც წარმოდგენა ვითარცა ხატი ამოიწურება თავისი მოცემულობით. წარმოდგენა მოცემულია, აზროვნებაში ნაგულისხმევი კალაქ. „ჰამბურგის ნავთსადგურის წარმოდგენა—გარკვეული პერსპექტივით დანახული ჰამბურგის ნავთსადგურია. აზრი ჰამბურგის ნავთსადგურის შესახებ არაა მოცემული მის კონკრეტულ ხატში. დამოუკიდებლად იმისა, თუ როგორი ხატი მაქვს მისი, მე შემიძლია ვიახრო იგი, როგორც მსოფლიო მიმოსვლის პუნქტი, ან როგორც ნაგებობა, ან როგორც სანახაობა უცხოელებისთვის. და მიუხედავად იმისა, თუ რად ვაზრობ მე მას, იგი მუდამ იგივე ნავთსადგურად რჩება... ორივე განცდითი მომენტი: იგივეობაც და „როგორც“— პერსპექტივაც არათვალსაჩინოა, არაა განხორციელებული ცალკეულ კონკრეტულ წარმოდგენაში, არამედ წმინდა აზრით; ბუნებისაა“¹³⁰. ამგვარი აზრი რაიმეს შესახებ ძალიან ახლო დგას წარმოდგენასთან. ან უფრო სწორი იქნება, თუ ვიტყვით, რომ წარმოდგენა ძალიან ახლო დგას ამგვარ აზრთან. ჩვეულებრივ, წარმოდგენაში მოცემულია ხოლმე საგნის ამდაგვარი აზრობა. და მხოლოდ უკიდურეს შემთხვევებში, როგორც მაგალითად, ზმანებში თუა მოცემული ინტენციისგან თავისუფალი წარმოდგენები. ასევე გამონაკლისს წარმოადგენს თვალსაჩინო წარმოდგენათაგან აბსოლუტურად

დაკლილი აზრი, რაც იშვიათად თუ გვხვდება — შემეცნების თეორეტიკოსების თუ მათემატიკოსების შემთხვევაში. აზრთა სხვადასხვა სახეობათა მთელი ფაქტიური სიმრავლე კონკრეტულობისა და აბსტრაქტულობის ამ უკიდურესობათა შორის გარდამავალ საფეხურებს წარმოადგენს. წარმოდგენათა მეტ-ნაკლები თვალსაჩინოებათ ვერ მოხერხდება აზროვნების განსხვავება წარმოდგენათა მიმდინარეობის სხვა რომელიმე სახეობისგან. აზროვნება სპეციფიკურია როგორც პროცესი. საგულისხმოა, რომ ტერმინი „აზრი“ (Gedanke) გვიანი მონაპოვარია მეცნიერული ფსიქოლოგიისა, ტერმინი „აზროვნება“ (Denken) კი — მისი უძველესი ცნებათაგანი. ეს გარემოება იმას მიუთითებს, რომ აზროვნება-პროცესი იყო იმთავითვე უურადღებელი ფსიქოლოგიის მიერ. უახლესი ფსიქოლოგიის მონაპოვართა ნიადაგზე ეს პროცესი შემდეგი სახით გვევლინება: იგი იწყება სააზროვნო იმპულსით, გარკვეული მიზნისკენ არის მიმართული და გარკვეულ მომენტში მთავრდება. ნორმალურად, დამთავრება მიზნის მიღწევაში, ე. ი. ამოცანის. გადაწყვეტაში მდგომარეობს, რაც განცდის პლანში სპეციფიკური ე. წ. „აპა-განცდის“ სახით აისახება. აზროვნების პროცესი სავსებით დასრულებული, ჩამოყალიბებული, გამოკვეთილი, მოკლედ: სავსებით გეშტალტყოფილი პროცესია. ამით იგი არსებითად და კარდინალურად განსხვავდება წარმოდგენათა თავისუფალი ასოციაციისაგან. აზროვნება უსათუოდ მიზანმიმართულია: პრობლემის დაყენება მიზნის დასახვას ნიშნავს, რომლისკენაც წარიმართება ამიერიდან ცნობიერების მუშაობა. მიზანი მიღწეულია პრობლემის გადაჭრით და ამითივე მთავრდება აზროვნების პროცესი. აზროვნების პროცესის დასაწყისი სტიმული ძველთაძველითგანვე ცნობილია ფსიქოლოგიისთვის. ეს სტიმული განცვიფრებაა. რას ნიშნავს პერსონალისტური ფსიქოლოგიის თვალსაზრისით განმაცვიფრებლობა შთაბეჭდილებისა? იმას, რომ პერსონის სასიცოცხლო სფეროში ისეთი ვითარება ხდება, რომლისადრე შეგუება ძველი ხერხებით შეუძლებელია. ცნობილია, რომ სიცოცხლე მის ვიტალურ მოდულში პერსონის და სამყაროს შერწყმულობის, დაუპირისპირებლობის ნიშნით მიმდინარეობს. პერსონა — სამყაროს ურთიერთობის გართულება იმაში მდგომარეობს, რომ სამყარო უპირისპირდება პერსონას ახალი სიტუაციების სახით. ვინაიდან სრული გათიშვა პერსონისა და სამყაროსი შეუძლებელია, ამიტომ პერსონა უნდა შეეგუოს ახალი სიტუაციის სახით მოცემულ სამყაროს; მაგრამ ძველი საშუალებანი ასე-

თი შეგუებისათვის უკმარია. საჭიროა ახალი ხერხების, ახალი გზების მონახვა, ისეთი ხერხებისა, რომელიც არც გვარის და არც ინდივიდის გამოცდილებაში არაა მოცემული. ამ ამოცანას ემსახურება სწორედ აზროვნება. აზროვნება, ამრიგად, სამყაროს ახალ მოთხოვნილებათაღმე შეგუების იარაღია. ეს უეჭველია. მაგრამ ასე დახასიათება აზროვნებისა ცალმხრივია. აზროვნების გაგება, როგორც სამყაროს ახალ მოთხოვნილებათაღმე შეგუების იარაღისა, გულისხმობს პიროვნების გაგებას, როგორც სავსებით რეაქტიული არსებისას. პერსონალისტიკისათვის კი პიროვნება არა მარტო რეაქტიული არსებაა, არამედ სპონტანურად აქტიურიც. მას თვითგანვითარების მიზნებიც აქვს გარდა თვითშენარჩუნების მიზნებისა და აზროვნებაც არა მარტო უკანასკნელებს ემსახურება, სახელდობრ — არა მარტო სამყაროსთან შეგუების მიზანს, არამედ პირველებსაც. ამიტომ აზროვნებაც ორგვარია: რეაქტიული და სპონტანურად აქტიური. რომ იგი მუდამ აქტიური, მოქმედებითი პროცესია, ეს უდავოდ უნდა იქნეს აღიარებული. აზროვნებას პიროვნება განიცდის, როგორც საკუთარ აქტივობას, საკუთარ მოქმედიანობას. ამ მხრივაც იგი ძალიან გავს ნებელობის პროცესს, ისევე, როგორც გავს პროცესის სტრუქტურით: სტიმული — მიზანმიმართულება — მიზნის მიღწევა. აზროვნებებს პროცესი არის კიდევ ნებელობის პროცესი, მხოლოდ რომ მიზნად გარემოსამყაროს შეცვლა კი არაა დასახული, არამედ აზროვნებითი ეფექტი (შინაგანი ნებითი მოქმედება)¹³¹.

რეაქტიული აზროვნების სტიმული გარეგანი გამლიზიანებელია, სპონტანურისა -- შინაგანი განწყობა (Einstellung) და მოთხოვნილება. სინამდვილეში წმინდა სახით არც ერთი მათგანი არ არსებობს. და თუ ვლაპარაკობთ რეაქტიული აზროვნების ან სპონტანური აზროვნების შესახებ — მხოლოდ პირობითად, რეაქტიულობისა თუ სპონტანურობის მომენტის უპირატესობის საფუძველზე.

აზროვნების რეაქტიული სახის გამომწვევი არის გარესამყაროს ახალი, უჩვეულო, „განმაცვიფრებელი“ სიტუაცია. სპონტანური აზროვნების სტიმული შინაგან-პერსონულია; ესაა აზროვნების დისპოზიცია, რომელიც ჩვეულებრივ სიტუაციაშია

¹³¹ 1,383.

და, აგრეთვე, ფილოსოფიაში გონებად იწოდებდა, ფსიქოლოგიაში კი სჯობს ინტელექტად იწოდოს. ტერმინი „გონების“ ბევლა ფსიქოლოგიური ან ლოგიკური შინაარსით გამსქველულობის გამო. მაგრამ მხოლოდ ერთი ცნება საჩყოფი არაა აზროვნების დისპოზიციის გამოსახატავად. დისპოზიცია პერსონის მიმართებულობაა და აღქურვილობაც მიზნის მიღწევისათვის. აზროვნების დისპოზიცია: შიკ განსწავებულ უნდა იქნეს მიმართებულობისა და აღქურვილობის მომენტები. ინტელექტი არის აზროვნებისადმი განწყობილობა, ინტელიგენტობა კი მისდამი უნარიანობა: „აზროვნებისადმი პოტენციურობა არსებითი ნიშანია ადამიანის ყოფიერებისა“¹²². აზროვნების მიზანია არათავისთავად-ნათელს დაძლევა. აზროვნება საშუალებაა ამ მიზნის მიღწევისა, ესაა მისი მომსახურებითი მნიშვნელობა პერსონის ყოფიერებისთვის. და ეს მნიშვნელობა მით მეტია, რაც უფრო რთულია პერსონისა და სამყაროს ურთიერთობა, რაც უფრო ხშირად და ძლიერად ირღვევა მათა წონასწორი მიმართება. კულტურული ზრდადასრულებული ადამიანის შემთხვევაში ყველაზე მეტად აქვს მას ასეთი მომსახურებითი მნიშვნელობა.

აზროვნების საწყისი ვიტალურ სფეროშივეა მოცემული, მაგრამ აზროვნება არ ეტევა ამ სფეროს საზღვრებში, სცილდება მას და განეგრცობა ობიექტურ ღირებულებათა სფეროზე. „თუ უძლიერესი აბსტრაქციისა და გასულიერების საფეხურზე ინტელექტა „სულის მოწინააღმდეგედ“ გვევლინება, მეორე ფესვით იგი ჩანერგილია იმ პერსონულ სფეროებში, რომლებსაც — „გონისგან“ განსხვავებით — უპირატესად „სულად“ აღნიშნავენ, რომ ადამიანი, როგორც *ჰო აზროენე*, ისევეა *homo sentiens*, როგორც *homo sapiens*. — ამაშია ნამდვილი გამოსხივებითი მნიშვნელობა ადამიანის ინტელექტისა“¹²³.

ინტელიგენტობა აზროვნებისთვის აღქურვილობას აღნიშნავს. იგი აღქურვილობის დისპოზიციაა. მისი კვლევის მთელი ისტორია დიფერენციული ფსიქოლოგიის გზით მიდიოდა. არაჩვეულებრივი პრაქულარულობა ამ ცნებისა სწორედ მისი დიფერენციულ-ფსიქოლოგიური მნიშვნელობითაა მოპოებული. თვით ვ. შტერნის წვლილი ინტელიგენტობის კვლევის საქმეში მეტად დიდია. ამ ცნების

¹²² 1,419.

¹²³ 1,422.

არსის თანახმად ინტელიგენტური ადამიანი იმას კი არ ეწოდება ვისაც აზროვნებისადმი მიდრეკილება აქვს, არამედ იმას, ვისაც შეუძლია აზროვნების შემწეობით გადაჭრას ახალი-სასიცოცხლო ამოცანები. ამის უნარი კი ყველას თანაბრად არა აქვს. და ამ განსხვავებათა ძიებასა და დადგენას ავტორმა დიდი ღვაწლი დასდო. იგი ზოგადი ფსიქოლოგიის კურსშიც საკმაოდ ბევრ ადგილს უთმობს ამ საკითხს. ინტელიგენტობის კვლევა ისე მკიდროდა დაკავშირებული ვ. შტერნის სახელთან, რომ ბუნებრივი იქნებოდა, თითქოს, აქ ამ პრობლემის განხილვა. მაგრამ საწინააღმდეგო არგუმენტი უფრო ძლიერია: „ადამიანთა აზროვნების უნარის განსხვავებულობაში დ ი ფ ე რ ე ნ ც ი უ ლ ი ფსიქოლოგიის თემაა და არა ზოგადისა, რომელთანაც ჩვენ აქ გვაქვს საქმე“-ო¹³⁴, ამბობს თვით ავტორი ზოგადი ფსიქოლოგიის კურსში.

მნემესგან განსხვავებით და მის საწინააღმდეგოდ აზროვნება მუობადისკენ არის მიმართული. ეს ერთ-ერთი გარემოებაა, რის გამოც ცხოველს არ შეიძლება ჰქონდეს აზროვნება, სიტყვის ნამდვილი მნიშვნელობით: ცხოველი ხომ მხოლოდ აწმყოში ცხოვრობს; შეიძლება ეს აწმყო არ იყოს ძალიან ხანმოკლე, პირიქით, შეიძლება დროის მნიშვნელოვან მონაკვეთს შეიცავდეს, მაგრამ ეს მონაკვეთი აუცილებლად ერთ ცოცხლობაშია მოცემული. ცხოველებსაც აქვთ ისეთი ქცევები, რომელთა მიზანშეწონილობაც უეჭველია და მუობადისკენ მიმართებულობაც. შთამომავლობისთვის ზრუნვა, თბილ ქვეყნებში გადაფრენა ბუდეების აგება და სხვ. მაგრამ ამ ქცევებში არაფერი აქვს საერთო აზროვნებასთან.

ფანტაზია

პიროვნებისა და სამყაროს ურთიერთობაში სრულიად თავისებური ადგილი უჭირავს ფანტაზიას: „ფანტაზია არის ობიექტური სამყაროსადმი შეუსატყვისი წარმოდგენების სფერო“¹³⁵. ფანტაზია ისეთი წარმოდგენაა, რომელიც არ ასახავს რეალურ არსებულ საგანს. ასეთი ფანტაზიის ანალიზის შედეგად აღმოჩნდა, რომ მისი შედგენილობა ძალიან რთულია და ადვილია. ფანტაზია ხატია, რომელიც შეიცავს აღქმაში ოდესმე ყოფილ ელემენტებს, მაგრამ ელე-

¹³⁴ 1,422.

¹³⁵ 1,448.

შენტების კომბინაცია და გაერთიანება ისეთია, როგორც აღქმაში არასოდეს არ ყოფილა მოცემული. წინააღმდეგ შემთხვევაში იგი მოგონება, მეხსიერების წარმოდგენა იქნებოდა. „ფორმალური“ მხრივ, ფანტაზიასა და მეხსიერების წარმოდგენას შორის ფენომენური თვალსაზრისით განსხვავება არაა და განცდის ფსიქოლოგიას, რომელიც განცდათა აღწერას არ სცილდება, ისევე არა აქვს უფლება ფანტაზიის შესახებ ილაპარაკოს, როგორც არა აქვს უფლება ილაპარაკოს ილუზიების შესახებ. ფანტაზია წარმოდგენის სფეროში იგივეა, რაც ილუზია — აღქმის სფეროში. ილუზიური აღქმა სუბიექტისთვის მის უშუალო მოცემულობაში არაფრით არ განსხვავდება ჰემსმარიტი აღქმისაგან. ილუზიურობის დადგენა მხოლოდ „შუალობით“ შეიძლება. საესებით ანალოგიურია მდგომარეობა ფანტაზიის შემთხვევაში. თუ განცდის ფსიქოლოგიის ფარგლებში სადავო შეიძლება იყოს ფანტაზიის ცალკე გამოყოფა სხვაგვარი წარმოდგენებისაგან, პერსონალისტური ფსიქოლოგიისთვის სრულიად უდავოა, რომ ფანტაზია ცალკეული (რამდენადაც ეს შესაძლებელია პერსონული მოვლენისთვის) სფეროა პიროვნებისა და სამყაროს ურთიერთობის ცნობიერი ასახვისა. ფანტაზიის რაობის საკითხი პიროვნების თვალსაზრისით უნდა იქნეს განხილული, ტრანსფსიქიკური პოზიციიდან. ფანტაზიაში, პრინციპულად, ის სამყაროა მოცემული, რომელიც რეალურად, ე. ი. განმცდელი ინდივიდისგან დამოუკიდებლად, არ არსებობს. ბუნებრივია, რომ ფანტაზიისადმი ამ გარემოებამ უარყოფითი დამოკიდებულება წარმოშვა იმ მკვლევარების და მოაზროვნეების მხრივ, რომლებიც ცნობიერების დანიშნულებას ობიექტური სამყაროს მაქსიმალური ადეკვატურობით ასახვაში ხედავდნენ. პერსონალისტური ფსიქოლოგიისთვის ცნობიერების მნიშვნელობა ბევრად უფრო ფართოა და, ამიტომ, ფანტაზიაც მისთვის არაა მხოლოდ სავალალო ფაქტი და მეტი არაფერი. ფანტაზიის პრობლემა პერსონალისტურ ფსიქოლოგიაში ორ კითხვას შეიცავს. პირველია ის, თუ როგორაა შესაძლებელი, რომ ადამიანს ჰქონდეს ობიექტური სამყაროს შეუსატყვისი წარმოდგენათა სამყარო. ეს არის ფანტაზიის წარმოშობის საკითხი. მეორე საკითხია ფანტაზიის პერსონული აზრის საკითხი: რას ნიშნავს თვით პერსონისთვის ცნობიერების ეს არა-ობიექტური სამყარო?

ფანტაზიის წარმონაქმნები პიროვნების კონკრეტული პროდუქტებია, რომლებიც სცილდება გამოცდილების საზღვრებს. ისი-

ნი არ უგულებელპყოფენ გამოცდილებას: ფანტაზმის ანალიზი გვიჩვენებს მის პირობადებულებას გამოცდილებით; გვიჩვენებს, რომ ფანტაზმის შედგენილობაში ყველაფერი გამოცდილებისმიერი: გარდა თვით ამ, გამოცდილებიდან მიღებული „ელემენტების“ გაერთიანების რაგვარობისა. პიროვნების სპონტანურობა ფანტაზიაში სწორედ ამაში გამოვლინდება: გამოცდილებიდან მიღებული მასალის თავისებურად ჩამოყალიბებაში. ის, რაც გარკვეული თვალსაზრისით მანკს წარმოადგენს ფანტაზიისას — მისი არაობიექტურობა მეორე მხრივ, როგორც სუბიექტურობა, მისი უეჭველი ღირსებაა. აღამიანი ფანტაზიაში ააგებს თავის საკუთარ სამყაროს, რომელიც თითქმის სრულიად თავისუფალია ობიექტური სამყაროს გავლენისგან; ეს ფანტასტიკური სამყარო პიროვნების ერთგვარ გაფართოებას წარმოადგენს. გაფართოებასაც და საფარსაც გარემოსამყაროსგან, რომელიც ხშირად შეიძლება საზიანო იყოს პიროვნებისთვის. ფანტასტიკური სამყარო პიროვნების შესაფერისია — იგი ისეთია, როგორცაა თვით პიროვნება. ფანტაზიაში მუდავნდება და განხორციელდება პიროვნების ოცნება, მისი სურვილები, რომლების განხორციელება ობიექტური სინამდვილის სამყაროში შეუძლებელი გახდა. მაგრამ ფანტაზმაში ყოველთვის და უსათუოდ ცნობიერი სურვილი არ ხორციელდება. პიროვნების მიზნები და მოთხოვნილებანი ცნობიერებაზე უფრო ღრმადმდებარე ფენებიდან მომდინარეობს. გაცნობიერება არაა საეაღღებულო მომენტი მიზნისა. მაგიერად, მიზნის განხორციელებისთვის საეაღღებულოა სამყარო. სამყაროს გარეშე შეუძლებელია პერსონის განხორციელება. პერსონის მიზანი მუდამ პოტენციად დარჩება, სანამ მას არ ექნება მოცემული, თუნდაც არარეალური, ფანტასტიკური სამყარო. პერსონის რეალური ყოფიერება, პერსონის განხორციელება, მხოლოდ შინა-პერსონული და გარე-სამყაროსეული ფაქტორების კონვერგენციის ნიადაგზეა შესაძლებელი, იგი ამ კონვერგენციის პროდუქტი და გამოვლინებაა. და ფანტაზიის სამყარო რეალური სამყაროს მაგიერობას სწევს იქ, სადაც რეალური სამყარო პიროვნების აი ამგვარი მიზნების განხორციელებისთვის არ იძლევა შესაფერის ნიადაგს. როდესაც მიზანი ცნობიერია, მაშინ ფანტაზია ოცნების სახეს მიიღებს: პიროვნებას ის ეზმანება, რაც ენატრება; მაგრამ თუ მიზანი არაა გაცნობიერებული, ფანტაზიის ხატიც შეიძლება მხოლოდ სიმბოლური მნიშვნელობის ძატა-

რებელი იყოს და თავისი უშუალო მოცემულობით არაფერს ამბობდეს პიროვნების მიზნის შესახებ. ფსიქოანალიზმა და ინდივიდუალფსიქოლოგიამ დაბეჭითებით შეისწავლეს ფანტაზიების სიმბოლური მნიშვნელობა. ამ მხრივ, ამ სკოლების დამსახურება ფსიქოლოგიისთვის უდიდესი ღირებულების მქონეა. მაგრამ ორივე სკოლის საერთო შეცდომა ისაა, რომ ფანტაზმაში მათ მხოლოდ სიმბოლური მნიშვნელობა დაინახეს და ინტერპრეტაციის მასალად იგი პიროვნების ღრმა ფენების მხოლოდ ერთი პატარა სფეროსთვის გამოიყენეს, სახელდობრ ან სექსუალობისა, ანდა მანკიერების კომპენსაციის წყურვილის სფეროსთვის. ძირითადი და ზოგადი შეცდომა ამ სკოლებისა პიროვნების სიღრმის გამარტივება და ერთადერთ ძირითად სწრაფვაზე დაყვანაა. ფანტაზიის საკითხში კი მათი შეცდომაა ფანტაზმაში მხოლოდ და მხოლოდ სიმბოლური მნიშვნელობის დანახვა; ხოლო მისი პირდაპირი მნიშვნელობის უარყოფა. სინამდვილეში ფანტაზია შეიძლება სულაც არ იყოს სიმბოლური ხასიათისა, შეიძლება უშუალოდ და პირდაპირ გამოავლენდეს პიროვნების სწრაფვას. მეორე მხრივ კი, სიმბოლური მნიშვნელობისას, იგი პიროვნების სიღრმის სულ სხვადასხვა სფეროს შეიძლება მიუთითებს, რადგან პიროვნების სიღრმე რთული ერთმთლიანობაა და არა მარტივი; ერთმნიშვნელოვანი მიდრეკილება. სრულიად მიუღებელია საყოველთაო ერთმნიშვნელოვანი სიმბოლიკა, რომლის თანახმად ერთი და იგივე ხასიათის ფანტაზმა ყოველთვის და ყოველგან, ყოველ პიროვნებაში, ერთი და იგივეს უნდა ნიშნავდეს, როგორც, მაგალითად, ბავშვის მიერ თამაშში რაიმეს ნგრევა — მუდამ მამის მკვლელობის ფარულ სურვილს.

ამრიგად, ფანტაზია უარპყოფს ობიექტურ სინამდვილეს, იგი არა-ობიექტურია. მაგრამ იგი ქმნის თავისებურ, არაობიექტურ, სუბიექტურ, მოჩვენებით სინამდვილეს. ესაა მისთვის დამახასიათებელი. მაგრამ ფანტაზია არ კმაყოფილდება სუბიექტური სინამდვილის შექმნით და ახდენს მის გაობიექტურებას: საკუთარი შინაგანი სამყარო მას გარეთ გააქვს. როდესაც პიროვნება მოქმედებს ფანტასტიკური სამყაროს შესატყვისად, ამით მას ობიექტურ რეალურ სამყაროში გააქვს თავისი სუბიექტური სამყარო. „დონ კიხოტი, რომელიც თავისთავს „უკანასკნელ მოხეტიალე რაინდად“ განიჭ-

დის, ამის შესატყვისად იქცევა და, ამით, საგანთა ობიექტურ მიმდინარეობაში ერევა¹²⁸.

ფანტასტიკური სამყარო, უწინარეს ყოვლისა, განთავისუფლებდა ობიექტური სამყაროსგან. უკანასკნელი, როგორც გამომწვევი ხასიათის მქონე, არ არსებობს ფანტაზიამყოფელი სუბიექტისთვის: გარესამყაროს მოვლენები აღარ ქმნიან იმ სამყაროს, რომელიც პიროვნების გარემოსამყაროს წარმოადგენს. ობიექტური სამყაროდან ფანტასტიკურ, მოჩვენებითს სამყაროში მხოლოდ „ელემენტები“ შედის, რომელთაგან პიროვნება ახალ წარმონაქმნებს, ახალ ხატებს ააგებს. ჩაბრუნებული ფანტასტიკური სამყარო მაქსიმალურად თავისუფალია გარემოსამყაროს გავლენისგან, იგი პიროვნების მხოლოდ შინაგან სამკვიდროს წარმოადგენს; ეს „შინაგანობა“ ფანტასტიკური სამყაროსი განმტკიცებულია იმითაც, რომ გარესამყაროს „მოთხოვნებიანი ხასიათისგან“ თავისუფლების გარდა, პიროვნება ფანტაზიაში „მასალის ხასიათის“ მქონე გარესამყაროსგანაც თავისუფალია: იგი არც ემორჩილება ობიექტურ სამყაროს და არც იმორჩილებს მას. მაგრამ ობიექტური სამყაროსადმი მიმართულებისგან თავისუფლება მხოლოდ ნეგატიური მომენტი, იგი არაა სამყოფი ფანტასტიკური სამყაროს დასახასიათებლად. პოზიტიური მისი დახასიათება მის შინაგანობაში, სუბიექტურობაშია მოცემული. ესაა პრინციპული საფუძველი ფანტასტიკური სამყაროს აგებისა. მაგრამ მხოლოდ პრინციპული საფუძველი, რომელიც ყოველთვის წმინდა სახით არაა წარმოდგენილი. როდესაც პიროვნება მოქმედებას იწყებს შინაგანი, სუბიექტური, ფანტასტიკური სამყაროს შესატყვისად, სახელდობრ, როდესაც პიროვნების ამგვარი მოქმედება განცდის სფეროს სცილდება და ობიექტური ხდება — პიროვნება, ძალაუნებურად, ობიექტურ სამყაროსთან ამყარებს კონტაქტს. ერევა „საგანთა ობიექტურ მიმდინარეობაში“. ფანტასტიკური შინაგანი სამყარო ობიექტურ რეალურ სამყაროდ იქცევა.

შეიძლება და გვეფიქრა, რომ პიროვნება ან ობიექტურ სამყაროში ცხოვრობს, ან სუბიექტურ-ფანტასტიკურში. მაგრამ როგორც არსად პერსონალისტურ სისტემაში, ისე არც ფანტაზიის სფეროში კატეგორიული გაყოფა „ან-ან“ პრინციპით არაა გამართლებული. ყველაზე უფრო სუბიექტური სახეობაც კი ფანტაზიისა — ს ი ზ მ ა რ

¹²⁸ 1,455.

ჩი — სულ თავისუფალი არაა ობიექტური სამყაროს ზეგავლენისგან: მძინარე ადამიანზე გარეშთაბეჭდილებათა მოქმედება ძალზე შეზღუდულია, მაგრამ სულ გამოთიშული მაინც არაა. სიზმრის შინაარსის განხილვიდან თვალნათლივ ჩანს, რომ ხშირად იგი პირობადებულა ძილის დროს მიღებული გრძნობადი შთაბეჭდილებით: ხმაურობით, სინათლით, ტემპერატურის ცვლილებით თუ სხვა ამდაგვარით. ხშირად — მნემური გამლნიზიანებით: წარსულში, სიფხიზლეში. მიღებული შთაბეჭდილებით. ესეც არ იყოს, ყოველი ფანტაზმა შედგენილობით გამოცდილების ნაყოფია. მისი შინაარსი ოდესღაც ყოფილი აღქმების მომენტებზე დაიყვანება. მაგრამ, როგორც უკვე აღნიშნული იყო, ეს გარემოება არ გვაძლევს უფლებას ფანტაზია მთლიანად ძველ გამოცდილებაზე დავიყვანოთ, მხოლოდ გარესამყაროს შთაბეჭდილებათა გამეორება განეკუთვნება მასში, გამეორება, რომელიც მოგონებისგან იმით განსხვავდება, რომ მეტისმეტად ამახინჯებს პირველადს შთაბეჭდილებას. ფანტაზიაში ზოგადად პიროვნების აქტიური, სპონტანური შემოქმედებაც მონაწილეობს და მონაწილეობს, როგორც გადამწყვეტი, ძირითადი მნიშვნელობის მომენტი. სიზმარი ფანტაზიის ის სახეობაა, რომელშიც შინა-პიროვნული მომენტი უფრო მეტად სუბიექტობს გარესამყაროსეულ მომენტს, ვიდრე მის (ფანტაზიის) სხვა რომელიმე გამოვლენაში. სიზმრის სამყაროს არაობიექტურობა, გამოყოფა ობიექტური სამყაროსგან განცდაშივეა მოცემული. მაგრამ ყაცობრიობა ამ გაორებას, ჩანს, ვერ შეეგუა და ყოველდღიური ფსიქოლოგია ყოველთვის ცდილობდა სიზმრის გაგებას ობიექტური ვითარების სიმბოლოდ. წინასწარმეტყველური სიზმრის არსებობა უდავოდ იყო აღიარებული და მის საფუძველზე აიგებოდა ხოლმე ადამიანის ქცევა სიფხიზლეში. მეცნიერული ფსიქოლოგიის თვალსაზრისით, სიზმარში არ შეიძლება წინასწარ ნახული იქნეს ობიექტური სამყაროს ვითარება, რადგან სიზმარი სუბიექტური სამყაროა, რომელსაც ობიექტურ სამყაროსთან მხოლოდ ფორმალური და არა აზრითი კავშირი შეიძლება ჰქონდეს. აქედან გამოტანილი იქნა დასკვნა, რომ სიზმარი აზრსმოკლებული წარმოდგენათა თამაშია და მეტი არაფერი. ფსიქონალიზის ერთ-ერთი უდავო დამსახურებაა სიზმრის აზრიანობის დადასტურება და აღიარება. ფროიდის შეცდომაა სიზმრისთვის მხოლოდ და მხოლოდ სიმბოლური აზრის მინიჭება, და — მისი მთლიანი სისტემის შესატ-

ყვისად — ამ სიმბოლიზმის ერთადერთ ნაფუძვლად სექსუალური სფეროს მიჩნევაა. პერსონალისტური თვალსაზრისით სიზმარი აზრის მქონეა. ეს მისი აზრი სავსებით პერსონულია. ძალიან ხშირად — უფრო ხშირად, ვიდრე ზედაპირულ სფეროებს, სიზმარი პიროვნების სიღრმეებს გამოავლენს, მათ მიუთითებს. ძალიან ხშირად, იქნებ უფრო ხშირად, ვიდრე პირდაპირი მნიშვნელობით, ეს გამოვლინება სიმბოლური მნიშვნელობით ხდება, მაგრამ სიზმარისათვის სიმბოლურობა არაა სავალდებულო და საყოველთაო. მას, ძალიან ხშირად, პირდაპირი მნიშვნელობაც აქვს: ცხადში განუხორციელებელი სურვილი სიზმარში ქაოებს ხოლმე განხორციელებას პირდაპირი მნიშვნელობით. იმ შემთხვევებში კი, როდესაც სიზმრის ფანტაზმას გადატანითი, სიმბოლური მნიშვნელობა აქვს, მისი სიმბოლიკა სავსებით ინდივიდუალურია და მეცნიერულად სრულიად გაუმართლებელია სიზმრის საყოველთაო სიმბოლიკის აღიარება, რომლის თანხმად ყოველი კერძო ფანტაზმა ყველა ინდივიდში და ყოველთვის ერთი და იგივე მიზნის სიმბოლო უნდა იყოს. სიზმრის სიმბოლიკის ასე გაგება უდიდესი შეცდომაა ფროიდისა, რომლის სიზმართა სიმბოლიკა, გარკვეული თვალსაზრისით, საყოველთაო ფსიქოლოგიის სიზმრის სიმბოლიკაზე უფრო მდარეხარისხოვანია: უკანასკნელისთვის ინტერპრეტაციის მიზანი სხვადასხვაა, ფსიქოანალიზისთვის კი მუდამ ერთი და იგივე სექსუალური მომენტი პიროვნებისა, თითქოს პიროვნების ღრმს ფენებში სექსუალობის მეტი არაფერი იყოს! რამდენადაც სიზმარში პიროვნების სიღრმე გამოსხივდება, სიზმარი „წინასწარმეტყველური“ შეიძლება იყოს, წინასწარმეტყველური პიროვნების საკუთრივ-პიროვნული, შინაგანი მომენტისთვის: მასში ნადრევედ შეიძლება გამოვლინდეს ის სწრაფვანი, რომლებიც ცხადში მხოლოდ შემდეგში გამოვლინდება.

ავტორის აზრს რომ გაეყვეთ, შეიძლებოდა გეთქვა, რომ სიზმარიც არაა სულ მოკლებული ობიექტურ სამყაროში პროექციის შესაძლებლობას. როდესაც ადამიანი ცუდი სიზმრის შემდეგ ცუდი გუნებით იღვიძებს, ეს მისი გუნება მის ქცევას განსაზღვრავს და ამ ქცევით ერევა იგი ობიექტური სამყაროს ვითარებაში. ამდენად, შეიძლება ვთქვათ, რომ სიზმრის სუბიექტური სამყარო ერევა ობიექტურ სამყაროში, მაგრამ მხოლოდ — ამდენად და არა მეტად, — მხოლოდ აღძრული გუნების შემდეგმოქმედების საშუალებით. და

რაკი იმთავითვე უარი უნდა ვთქვათ აბსოლუტურ განსხვავებაზე და გათიშულობაზე სუბიექტური და ობიექტური სამყაროებისა, უფლება გვაქვს სიზმარი სუბიექტური სამყაროს ყველაზე წმინდა სახედ ვაღიაროთ.

ობიექტური და მოჩვენებითი სამყაროების განუთიშველობა თვით სიზმარშიც კი იჩენს თავს. ერთი მხრივ აღმოცენება, მეორე მხრივ მოქმედება (უკეთ — შემდეგმოქმედება) სიზმრისა, თუნდაც მცირედ, ობიექტურ სამყაროსთანაა დაკავშირებული. ეს ერთი პოლუსია ობიექტური და სუბიექტური სამყაროების პირობითი „გათიშულობისა“ და ამ პოლუსზეც კი ჩანს, რომ ნამდვილად გათიშვასთან, სრულ დამოუკიდებლობასთან არა გვაქვს საქმე. მსგავსია მდგომარეობა ამ ორ სამყაროთა ურთიერთდამოკიდებულების საწინააღმდეგო პოლუსზე — აღქმაში. იგი ობიექტური ყოფიერების ცნობიერი ასახვაა, და მისი შინაარსი ამ ფუნქციის არსის თანახმად, მთლიანად ობიექტით უნდა იყოს განსაზღვრული. აღქმაში მხოლოდ ობიექტი უნდა იყოს მოცემული. მაგრამ აღქმა აწმყოში მოცემული ობიექტის სუბიექტური ასახვაა, რაც იმას ნიშნავს, რომ მისი განმსაზღვრელი ფაქტორი, ობიექტთან ერთად, სუბიექტიცაა. სუბიექტური ფაქტორი აღქმისა ფანტაზიაა. მასზე დაიყვანება აუარება პარადოქსული მოვლენები და თვისებები აღქმისა. მოჩვენებითი სამყარო ჩაერევა აღქმაში და თავისებურ სახეს აძლევს აღქმის შინაარსს. ამითი აიხსნება აღქმის უამრავი ილუზია. მაგრამ როგორც სიზმარში ობიექტური სამყარო არაპირდაპირი გზებით, სახეცვლილად, შუალობით შეიჭრება, ასევე აღქმაში წმინდა სახით არ შედის ფანტაზია. ეს ორივე შემთხვევა — სიზმარი და აღქმა — ფანტაზიის თვალსაზრისით საგულისხმოა ორი მოსაზრებით: ერთი მოსაზრებაა ფანტაზიის „დიქტატურა“ სიზმარში და მისი უმოქმედობა, არყოფნა აღქმაში. მეორე მოსაზრება კი ისაა, რომლის შესახებ ესეისა ვილაპარაკე: რომ, მიუხედავად შემთხვევათა პოლარულობისა, არც სიზმარშია ფანტაზია სრულიად, სიტყვის უზუსტესი მნიშვნელობით, დამოუკიდებელი ობიექტური სამყაროსგან, და არც აღქმაშია ობიექტური სამყაროს ასახვა სრულიად, სიტყვის უზუსტესი მნიშვნელობით, თავისუფალი ფანტაზიის გავლენისგან. ფანტაზიის ყოველგანმყოფლობა (Allgegenwart) ერთ-ერთი არსებითი ნიშანია ადამიანისა. „მაგრამ, ფანტაზიისმყოფელ ადამიანს

აქვს აგრეთვე უშუალო მოთხოვნილება თავისი შინასულიერი განცდის ტრანსპირსონული გამოვლენისა (Entäußerung). იგი მიდრეკილია, წმინდა წარმოდგენა მოძრაობაში, გამოხატულებაში, პროლექტში გადაიტანოს¹³⁷.

ფანტაზია ყოველგვარ მოქმედებაში მონაწილეობს. მაგრამ მისი ბუნების გათვალისწინება ყველგან ერთნაირად ხელსაყრელ პირობებში არაა. ზოგჯერ მას ფრიად მცირე მნიშვნელობა აქვს ზოგჯერ მას მხოლოდ ზიანი მოაქვს ადამიანისთვის და ვიცით, რომ ამის გამო მრავალი მკვლევარი საერთოდ უარყოფით მოვლენად სთვლიდა მას. თუ ფანტაზიის ბუნების გაგება გვინდა, უნდა გავითვალისწინოთ ადამიანის მოქმედების ის სახეები, რომელიც საეციფიკურია ფანტაზიის გამოვლინებისთვის. ერთ-ერთ ასეთ სახეობად სიზმარი მივიჩნიეთ და განვიხილოთ.

ფანტაზიის მოქმედების მეორე სარბიელს თ ა მ ა შ ი წარმოადგენს. ქეცვის ეს სახეობა განსაკუთრებით ბავშვის დამახასიათებელია და, ამასთანავე, განსაკუთრებით დამახასიათებელია ბავშვისა. გასაგებია, რომ თამაშის პრობლემა ბავშვის ფსიქოლოგიის პრობლემაა ტრადიციულად, მაგრამ ე. წ. ზოგადი ფსიქოლოგიაც ვერ აუხვევს გვერდს ქეცვის ამ ფორმას, რომელსაც ნაკლებ, ვიდრე ბავშვი, მაგრამ მაინც მიმართავს ზრდადასრულებული ადამიანიც. კერძოდ, ფანტაზიის განხილვისას აუცილებელია მისი განხილვა. თამაშინ ყველა სახეობა ამ თვალსაზრისისთვის არაა საინტერესო. საგულენახმოა მხოლოდ ე. წ. ფანტაზიის თამაში. მასში ფანტაზია პირველად სცილდება საკუთარ სულიერ შინასამყაროს და გაიჭრება ობიექტურ სამყაროში. ობიექტური სამყარო აუცილებელი ხდება ფანტაზიის მოქმედებისთვის. რადგან ფანტაზია აქ წარმოდგენათა თამაშით კი აღარ კმაყოფილდება, როგორც სიზმარსა და ოცნებაში, არამედ მოქმედებს გარესამყაროში. ფანტაზიის თამაშისთვის აუცილებელია ობიექტური საგანი, რომლითაც თამაშობს სუბიექტი. მაგრამ ეს საგანი ობიექტურად სულაც არ უნდა იყოს ის, რადაც იგი თამაშში იგულისხმება: ცხენობანისთვის არაა საჭირო ნამდვილი ცხენი, სტუმრობანისთვის — ნამდვილი სტუმარი, მზარეულობანისთვის — ნამდვილი სანოვავე და ა. შ. ჯოხი, ტიკინა, ქვიშა შესანიშნავად სწევს ცხენის, სტუმრის, თუ სანოვაგის მაგიერობას. ისინი

არიან ობიექტები, რომლებიც სუბიექტს შესაძლებლობას აძლევენ მოძრაობებში განახორციელოს თავისი ფანტაზმები. ბავშვი ობიექტურად თუ ჯოხზე ზის — „სუბიექტურად“, საკუთარი განცდისთვის იგი ცხენზე ზის და არა ჯოხზე. ეს ცხენი მისთვის არაა ისეთივე რეალური, როგორც ნამდვილი ცხენი. ყოველ წუთს ბავშვს შეუძლია დაივიწყოს, უკუაგდოს, მისი „ცხენობა“ და ობიექტური ვითარების შესატყვისად მოექცეს ჯოხს. ამითი განსხვავდება საგნის აღქმა თამაშში ნამდვილი ილუზიისგან. თამაშში საგანი მხოლოდ მასალაა ფანტასტიკური შინაგანი სამყაროს გარეთ პროექციისთვის, და ამ საგანში ურთიერთს ხვდება ორი სამყარო: ობიექტური და სუბიექტური. საგანი აღიქმება ობიექტურ პლანში, ხოლო გამოიყენება სუბიექტურ — ფანტასტიკურ პლანში.

თამაშში ნათლად ჩანს ორი სამყაროს აღრევა, ან უფრო სწორად რომ ვთქვათ, — გაერთიანება. ფანტაზიის თვალსაზრისით, თამაშში მოქმედების ის სახეობაა, რომლითაც იწყება მოჩვენებითი სამყაროს გაობიექტურება. ფანტაზიის სამყაროს ადეკვატური ქცევა სცილდება წარმოდგენების სამკვიდროს და მოძრაობებად გამოვლინდება. მოთამაშე ბავშვის მოქმედებას ცვლილება შეაქვს ობიექტურ სამყაროში, თამაშს „ფანტაზიის — განცდათა ობიექტივაციების საშუალებით ახალი ფაქტებისა და ბოლენების სამყარო შეაქვს არსებულსა და ღირებულ სამყაროში“¹³⁸. მაგრამ „თამაშის შემთხვევაში გარესამყაროული გამოვლინებანი მხოლოდ იქამდეა ობიექტური, სანამ შემოქმედს ჰსურს და, ამასთანავე, მათი მნიშვნელობა არ სცილდება მოქმედის პერსონას“¹³⁹.

თამაშის აზრი ამითი არ ამოიწურება. მრავალი მხრივ აქვს მას მნიშვნელობა პერსონისთვის. მაგრამ მე მხოლოდ ფანტაზიის თვალსაზრისით მაინტერესებს მისი განხილვა და, ამიტომ, თამაშთან დაკავშირებულ სხვა საკითხებს სრულიად არ გავითვალისწინებ. ფანტაზიის თვალსაზრისით კი თამაშში საგულისხმოა, როგორც შინაგანი მოჩვენებითი სამყაროს გაობიექტურების საფეხური. ასეთ საფეხურს თამაშის მხოლოდ ერთი სახეობა — ფანტაზიის თამაში — წარმოადგენს, რომელიც მხოლოდ ბავშვობის ასაკში გვხვდება. ზრდადასრულებული ადამიანი ასეთ

¹³⁸ 1,455.

¹³⁹ იქვე.

თამაშს არასოდეს არ მიმართავს. და, მიუხედავად ამისა, ზრდადასრულებულ ადამიანს არა აქვს აღკვეთილი ფანტასტიკური შინაგანი სამყარო ობიექტივაციის შესაძლებლობა. პირიქით, მისი ხედღრია შემოქმედება, რომელიც ფანტაზიის ობიექტივაციის უმაღლეს საფეხურს შეადგენს.

თამაშთან შემოქმედებას ისა აქვს საერთო, რომ მასაც „ფანტაზიის განცდათა ობიექტივაციების საშუალებით ახალი ფაქტებისა და მოვლენების სამყარო შეაქვს არსებულსა და ღირებულ სამყაროში“. ხოლო თამაშისგან შემოქმედება იმითი განსხვავდება, რომ მასში ფანტაზიის გამოვლინება „მეტია, ვიდრე შემოქმედლის თვითნამოყალიბებისა და გამოხატვის საშუალება... იგი ტრანსპერსონული ხდება, როგორც მნიშვნელობის ახალი, ობიექტური ჰეტარებელი საგანთა აქამომდელ სამყაროში“. გარდაძეულ საფეხურს თამაშსა და ხელოვნების შემოქმედებას შორის ცეკვა და სხობა წარმოადგენს. მათში შემოქმედების პროდუქტი განუყრელია შემოქმედისგან. მაგრამ განსხვავება ხელოვანი-მოცეკვავესა და მოცეკვავე ბავშვს შორის ნათელია: პირველი ქმნის ობიექტურ პროდუქტს, თუმც ეს პროდუქტი ვერ გაუთავისუფლებია საკუთარი პიროვნების ზღუდეებისგან. მეორე კი მხოლოდ გამოხატავს საკუთარ პიროვნულ შინაგან სამყაროს, თუმც ეს გამოხატვა ობიექტურ სამყაროში განხორციელდება. ხელოვნების ნამდვილ პროდუქტში: ლიტერატურულ ნაწარმოებში, სურათში და სხვ. ფანტაზიის სამყარო გამოდის პიროვნების საზღვრებიდან, სიტყვის ნამდვილი მნიშვნელობით ობიექტური ხდება: პროდუქტი განთავისუფლდება შემოქმედისგან და საგანთა არსებულ სამყაროში შევა შემადგენელ ნაწილად.

ამრიგად, ფანტაზიის განვითარების გენერალური გზი ასეთია: პიროვნება, გარესსამყაროსგან მიღებულ შთაბეჭდილებათა მასალით ააგებს საკუთარ შინასამყაროს, რაც შესაძლებლობას აძლევს მას თავი დააღწიოს ობიექტური სამყაროსთვის მორჩილებას. ესაა ფანტაზიის პირველი საფეხური. შემდეგ იმისა, რაც აგებულია შინაგანი „ინტიმური“ სამყარო, პიროვნება ესწრაფვის გაშალოს თავისი ცხოვრება ამ სამყაროში. ამით იგი სცილდება წარმოდგენათა სფეროს, იწყებს მოქმედებას (სიტყვის ვიწრო — მოძრაობის — მნიშვნელობით) რასაც აუცილებლად გადაჰყავს იგი წარმოსახულ სამყაროდან ობიექტურ სამყაროში. პიროვნება თავი-

სი-მოჩვენებითი სამყაროს შესატყვისად ეპყრობა ობიექტურ სამყაროს საგნებს. მაგრამ ობიექტური საგნები ჯერ მხოლოდ პირადად მისთვის ატარებს სუბიექტურ დასს. უკანასკნელ, შემოქმედებითს, საფეხურზე ობიექტურ ვითარებაში ფანტაზიის ჩარევის მეოხებით, პიროვნება ო ბ ი ე ქ ტ უ რ ა დ ს ცვლის საგნებს, ქმნის ახალ ღირებულებებს და ამით ათავისუფლებს საკუთარ შინა სამყაროს თავისთვის მორჩილებისგან. სუბიექტური სამყარო სავსებით ობიექტურ სამყაროდ იქცევა. იმდენად, რომ იგი სრულიადაც კი სწყვეტს კავშირს შემოქმედთან. ნაწარმოები სრულიად ტრანსპერსონული ხდება. იგი პერსონის გარეშე არსებობს. პერსონა, შემოქმედი — კვდება, ნაწარმოები, შემოქმედება — რჩება. ხელოვნების ნაწარმოებისზე — თუ ტრანსპერსონულობა, შემოქმედისგან დამოუკიდებლობა თვით შემოქმედის მიერაც განიცდება ხოლმე. ამის საუკეთესო საბუთს წარმოადგენს შემოქმედების ანონიმურობა: მხოლოდ იმიტომ, რომ ნაწარმოები ობიექტურ თვითღირებულებად განიცდება და არა პიროვნების გამოვლინებად — შესაძლებელია ანონიმი. ანონიმის საფეხურზე (რომელიც, უნდა ითქვას, რომ არა ხელოვნური შემოქმედების უმადლესი საფეხური) ხელოვნების ნაწარმოები ზოგადი ფსიქოლოგიის თვალთახედვის გარეშე დგას. ზოგადი ფსიქოლოგიისთვის ხელოვნება მხოლოდ იქამდეა საინტერესო, სანამ მასში პიროვნების ყოფიერება გლინდება. კერძოდ კი — ფანტაზიის მოქმედება.

პერსონა — სამყაროს ურთიერთობაში ფანტაზიას გარკვეული ადგილი უქირავს. იგი წარმოადგენს ცნობიერ ასახვას პიროვნების განთავისუფლებისას სამყაროს მორჩილებისგან. ეს განთავისუფლება ერთბაშად და სრულად არ ხდება, თუ ივარგებს ასე თქმა: განთავისუფლების მთელი რიგი თანადროული საფეხურება არსებობს. აღქმაში ასახულია სრული მორჩილება პიროვნებისა აწმყო გარესამყაროსთვის: პიროვნება, აღიქვამს იმას, რაც ობიექტურ სამყაროში ხდება. მენსიერებაში პიროვნება აწმყო სამყაროსგან თავისუფალია, მხოლოდ ნამყოთია იგი განსაზღვრული. და რადგან ნამყო არაა ისევე ერთმნიშვნელოვანი, როგორც აწმყო, ამიტომ მისი გავლენა უფრო სუსტია, ხოლო პიროვნება, შედარებით იმ შებოროკილობასთან, რომელსაც იგი აღქმაში განიცდის — უფრო თავისუფალი და უფრო სპონტანური. აზროვნება ნამყოსგანაც თავისუფ-

ფალია. იგი მყობადისკენაა მიმართული და, მაშ, კიდევ უფრო თავისუფალია გარესამყაროს უღლისგან, ვინაიდახ მყობადი კიდევ მეტადაა მოკლებული ერთმნიშვნელოვან გარკვეულობას, ვიდრე ნამყო და, მით უმეტეს, ვიდრე აწყო. მაგრამ ობიექტურ სამყაროს აქვს თავისი კანონები, რომლებსაც აზროვნებამ ანგარიში უნდა გაუწიოს, და ამიტომ მისი თავისუფლება — სამყაროს კონკრეტული მოცემულობისგან თავისუფლება და არა მისი კანონზომიერებისგან თავისუფლება.

თუ აღქმა მხოლოდ აწყოზე შეიძლება იყოს მიმართული, მეხსიერება — მხოლოდ ნამყოზე, აზროვნება კი მხოლოდ მყობადზე, — ფანტაზია შეიძლება ან აწყოზე იყოს მიმართული — და ამ შემთხვევაში იგი თავისუფალი იქნება მყობადისგანაც და ნამყოსგანაც; ან ნამყოზე, და მაშინ იგი თავისუფალია აწყოსაგანაც და მყობადისაგანაც; ან მყობადზე და მაშინ იგი თავისუფალია როგორც აწყოსაგან, ისე ნამყოსაგან. მიმართების არჩევანის შესაძლებლობაში გამოვლინდება ფანტაზიის თავისუფლება სამყაროს ამა თუ იმ მოდუსის ძალადობისგან და ეს თავისუფლება იქამდე მიდის, რომ ფანტაზია შეიძლება სრულიადაც არ მიემართებოდეს არც ნამყო, არც აწყო, არც მყობადი სამყაროსადმი, მაშ შეიძლება თავისუფალი იყოს თვით მიმართებისგანაც კი. ეს გარემოება იმაში მეღვენდება, რომ ფანტაზიას არა აქვს ინტენცია. იგი თითონ არის და არაფერს არ გულისხმობს. ეს არც აღქმის შესახებ ითქმის, არც მეხსიერების წარმოდგენის შესახებ, და, მით უმეტეს, არც აზროვნებისა და მისი, წარმოდგენების სახით მოცემული, თვალსაჩინო შინაარსების შესახებ.

აქტივობა

პერსონალისტური თვალსაზრისით, ფსიქიკური მოვლენების რაგინდარა ჯგუფის იზოლირებულად განხილვა პრინციპული სიძნელის შემცველია, და იზოლაცია მუდამ პირობითია ხოლმე. მაგრამ ნებელობის მოვლენების იზოლაცია განსაკუთრებით ძნელია. პირობითადაც კი შეუძლებელია ემოციური მოვლენების განხილვისაგან მისი დაშორება. მეორე მხრივ, ნებელობის მოვლენები მკიდროდაა დაკავშირებული ფსიქიკის ყველა იმ მოვლენებთან, რომლებშიც

განხორციელება პიროვნების სპონტანური აქტივობა. ფსიქოლოგიური მასალის განხილვისას იმ თანამიმდევრობით, რომელიც პიროვნება-სამყაროს ურთიერთობის სიმჭიდროვის საფუძველზეა დადგენილი, ნებელობის მოვლენათა განხილვა მხოლოდ გრძნობის მოვლენათა განხილვას უსწრებს წინ. გრძნობის მოვლენები მართლაც მაქსიმალურადაა დამოუკიდებელი სამყაროსგან, და ამ მოვლენების განხილვით ფსიქიკური მოვლენების განხილვის დასრულება სავსებით გამართლებულია მიღებული თვალსაზრისით. ნებელობის მოვლენების ადგილის დადგენა ასევე უდავოდ ძნელია. აღქმადან ფანტაზიამდე თანდათანობით კლებულობს ფსიქიკურის დამოკიდებულება სამყაროზე. ნებელობაში, მართლაც, კიდევ უფრო ნაკლებია ეს დამოკიდებულება. მაგრამ, სამყაროსთან ურთიერთობის თვალსაზრისით, ნებელობის მოვლენები არა მარტო რაოდენობრივად განსხვავდება ზემოგანხილული მოვლენებისაგან. თუ აქამდე განხილულ მოვლენებში პიროვნება თანდათან თავისუფლდება სამყაროს ძალმომრეობისგან — ნებელობის მოვლენებში პიროვნება-სამყაროს ურთიერთობის ხასიათის ძირითადი შეცვლაა ასახული: აქ უკვე სამყაროს ვითარებაა დამოკიდებული პიროვნებაზე, და არა პირიქით. პიროვნება, როგორც ვიციტ, არა მარტო რეაქტიული არსებაა, არამედ სპონტანურად აქტიურიც. და ნებელობაში უწმინდესი სახით ვლინდება სწორედ მისი სპონტანური რაობა. პიროვნება (საერთოდ პერსონა) მიზანმისწრაფებულია. მისწრაფებულობა მისი კონსტიტუციური ნიშანია. და, ამასთანავე, იგია ნებელობის მოვლენების კემპარიტი წყარო. ნებელობა ცნობიერების ფაქტია. განცდის პლანში მისი საწყისი მისწრაფებას განცდაა. მაგრამ მოქმედების პლანში მას აქვს ცნობიერებამდელი საფუძველები, და მათი განხილვით იწყებს ვ. შტერნი ნებელობის მოვლენების შესწავლას.

პერსონას აქვს მოძრაობათა წარმოების უნარი. მოძრაობები შეიძლება სამყაროს ზეგავლენის საპასუხოდ ხდებოდეს და მაშინ მათ რეფლექსი ეწოდება: „რეფლექსში გაღიზიანება და გაღიზიანებაზე პასუხი უშუალო ერთიანობას ჰქმნის“¹⁰. რეფლექსის ცნება საკმაოდ ცნობილია იმისთვის, რომ საჭირო იყოს აქ მისი განხილვა. პერსონალისტური თვალსაზრისის-

¹⁰⁰ 1,514.

ფვის საგულისხმოა ის, რომ რეფლექსის მექანიკურობა არ შეიძლება გაგებულ იქნეს როგორც მისი უაზრობა, რადგან პერსონის ყოფიერებაში საერთოდ არ არსებობს არავითარი მოვლენა, რომელიც უმიზნო და უაზრო იყოს. მაგრამ რეფლექსის მიზანშეწონილობა ფრიად განსაზღვრულია. რეფლექსი, უწინარეს ყოვლისა, წარმოადგენს იარაღს, რომელსაც ინდივიდი წინაპრებისგან ღებულობს და რომლითაც იგი ეგუება გვარისათვის საერთო პირობებს ცხოვრებისას. ახლისადმი შეგუება რეფლექსს არ ძალუძს. ახალი გამლიზიანების შემთხვევაში, ან ძველი მოძრაობით უპასუხებს მას პერსონა, თუკი გამლიზიანების „სიახლე“, ძველისგან განსხვავება არაა შემჩნეული; ან ახლის ზოგადი ხასიათია მხოლოდ ანგარიშგაწეული: მისი საშიშროება, სასურველობა თუ სხვა ამდაგვარი, და რეფლექსიც დიფუზიური ტოტალური ხასიათისაა, რომელიც გამლიზიანების სპეციფიკას არ ითვალისწინებს; ან რეფლექსის შეფერხება ხდება. ამას კი მოსდევს გამლიზიანების ფსიქიკური გადაშეშავება და ცნობიერი ნებითი მოქმედება.

უკანასკნელ ხანებში ფართო პოპულარობა მოიპოვა არა-მემკვიდრეობითი რეფლექსების (პირობითი, ინდივიდუალური შეძენილი, შეუღლებული რეფლექსების) ცნებამ. პირობითი გამლიზიანების გაგება, როგორც სრულიად უაზრო მოვლენისა, რომელიც მხოლოდ „შემთხვევით“, „გარეგნულად“ უკავშირდება ძირითად, „უპირობო“ (არაპირობით) გამლიზიანებელს, პერსონალისტიკისთვის მიუღებელია. საქმე ისაა, რომ მემკვიდრეობითს რეფლექსსაც აქვს პირობითი გამლიზიანებელი: ძალი, ყოველგვარი ექსპერიმენტის უწინარეს ნერწყვის გამოყოფა არა მარტო ჰემორიტად არაპირობითად გამლიზიანების შემოქმედებისას, როგორცაა მაგ: ხორცის შეხება პირის ღრუს ზედაპირზე, არამედ ხორცის მხოლოდ დანახვისასაც, რაც (ხორცის დანახვა) ვერ ჩაითვლება არაპირობით გამლიზიანებლად ნერწყვის გამოყოფის რეფლექსისათვის. ხორცის დანახვას შემამზადებელი სიგნალის მნიშვნელობა აქვს, და ასეთივე მნიშვნელობა ენიჭება ექსპერიმენტულ პირობითს გამლიზიანებელს. „ცხოველის წვრთნა... იმას ემყარება, რომ გარკვეული გამლიზიანებლები, რომლების „საკუთარი“ აზრი ცხოველისთვის მიუწვდომელია, რეფლექსის გამომწვევად (Reflexauslöser) იქცევა იმით, რომ მათ — ჩვევის, დაჯილდოების და სხვ. მეოხებით — ხელოვნური

აზრი, სახელდობრ, სიგნალის ხასიათი ენიჭებათ¹⁴¹. შეძენილი რეფლექსისთვის ისევე ჩვეულია სტერეოტიპია, როგორც მემკვიდრეობითი რეფლექსისათვის და, როგორც უკანასკნელი, ისე პირველიც, ხშირად უაზროა და მიზანშეუწონელი. „პარადოქსულია სურვილი, რეფლექსის ასეთი გამრუდება როგორც ცხოველის, ისე ადამიანის სწავლის ყველა ფუნქციების ტიპად, და თვით ზოგადად ადამიანის შესახებ მეცნიერების საფუძვლად იქნეს ქცეული“¹⁴².

რეფლექსი, სულერთია პირობითი იქნება იგი თუ არაპირობითი, შეძენილი თუ მემკვიდრეობითი, მხოლოდ და მხოლოდ საბასუხო მოქმედებაა გარესამყაროს ზემოქმედებაზე. ადამიანის მოქმედებათა შორის ამგვარი მოქმედებანი მხოლოდ უმნიშვნელო რაოდენობითაა მოცემული. ბევრად უფრო დიდია რაოდენობითი წვლილიცა და პრინციპული მნიშვნელობაც ისეთი მოქმედებებისა, რომლებიც პიროვნების შინაგანი აქტივობის საწყისიდან მომდინარეობენ.

ასეთ მოქმედებათა ჯგუფიდან, პირველ რიგში წადილის (Triebe) მოქმედებები უნდა განვიხილოთ.

წადილი არის „ბერსონულ მიზანთა განხორციელების სადმი მიმართული (eingestellte) თანშობილი დისპოზიცია, რომლის გადატანა აქტუალურ მოქმედებაში უმთავრესად ბერსონის შინაგანი დინამიკითაა პირობადებული“¹⁴³. წადილი იძლევა ძრავს ქმედობისთვის (Handlung) ამასთან იგი ყველაზე უფრო დიფუზიურია მიმართებულობის ყველა დისპოზიციათა შორის. ამიტომ, ცხადია, რომ მის მიერ პირობადებული მოქმედებაც არ შეიძლება იყოს ერთმნიშვნელოვანად გარკვეული და ჩამოყალიბებული. მისი მიზანშეწონილებაც არაა უზრუნველყოფილი, გარანტირებული. წადილურ ქმედობათა ბუნების გასათვალისწინებლად კარგი მაგალითია შემთხვევა, როდესაც მძიმე პირობებში მოხვედრილი ადამიანი (მაგალითად, გემის დაღუპვის შემდეგ) ჰამის წადილის გავლენით იწყებს სრულიად წარმოუდგენელი რამეების (მაგალითად, ტყაუების, ფეხსაცმელების ძირების) ჰამას. შინაგანი იძულება ჰამისა წადილისეულია. მისი განხორციელება, ამ შემთხვევის თანახმად, შე-

¹⁴¹ 1,519.

¹⁴² იქვე.

¹⁴³ 1,520.

იძლება სრულიად მიზანშეუწონელი იყოს. იგი სათანადო ანგარიშს ვერ უწევს სამყაროს, სწორედ მისი მეტისმეტი „შინაგანობის“ გამო. წადილები მრავალგვარია, მაგრამ მათი „ინვენტარიზაცია“ პრინციპულად შეუძლებელია. რამდენადაც ისინი არ არიან ეგზისტენციური ცალკეული ძალები, არამედ — მთლიან პიროვნული მისწრაფებულობის ცალკეული გამოსხივებანი. მაგრამ შესაძლებელია მათი „საკვალიფიკაციო სქემის“ მოხაზვა. სამ ჯგუფად შეიძლება წადილების გაყოფა: 1. თვითშენარჩუნების ელემენტურ წადილებად (მაგ., კვების, თავდაცვის და სხვ.). 2. თვითგანვითარების ელემენტურ წადილებად (მაგ., ღირებულებას, ძლიერების, ზრდისა და სხვ.) და 3 ელემენტურ სოციალურ წადილებად (მაგ., გვარის, ქოგის, მიბაძვისა და სხვ.).

აქვე უნდა ითქვას, რომ სპეციფიკური ადამიანური წადილების არსებობა სრულიად უმართებულოდ იყო ექვემდებარებული. მის (არსებობის) საწინააღმდეგოდ წამოყენებული ორივე არგუმენტი უძლეურია გააუქმოს ამგვარი წადილების არსებობის უფლება. ერთი არგუმენტია ე. წ. ჰუმანური წადილების ფილოგენეზური სიახლე. მეორე — ის, რომ ისინი წმინდა სახით არაა გამოქვეყნებული. მაგრამ წადილისთვის სულაც არაა არსებითი და აუცილებელი არც ის, რომ იმთავითვე შელავნდებოდეს და არც ის, რომ წმინდა სახით შელავნდებოდეს. „წადილი, როგორც დისპოზიცია, სახელდობრ როგორც პერსონის იმანენტური და ხანოიერი მიმართებულობის დინამიკა, იქაც უნდა იქნეს დაშვებული, სადაც იგი მხოლოდ როგორც შესაძლებლობა არსებობს, იგი უარყოფილი უნდა ყოფილიყო მხოლოდ იქ, სადაც... მიზნის განხორციელება ამომწურავად გამოიყვანებოდა სხვა ფაქტორებიდან. მაგ., სხვა წადილებიდან ან გარეგან გავლენებიდან“¹⁴⁴. წადილის უპირატესად დამახასიათებელია აწმყო მდგომარეობის შეცვლისადმი მისწრაფება. მაგალითად, ჩასაფრებულ მებრძოლს მდგომარეობის შეცვლის წადილი უჩნდება და, მიუხედავად თავის გამოქვეყნების რისკისა, იგი იცულის მდგომარეობას: ეს თვისება, თუ შეიძლება ასე ითქვას, ნეგატიურ მნიშვნელობას გვაძლევს წადილისას. უკანასკნელის პოზიტიური მნიშვნელობა მიზანმიმართულობაა, მაგრამ, ფაქტიურად, მასში წარმართვის („Fortdrängen von...“) მომენტი უფრო ძლიე-

რადა წარმოდგენილი, ვიდრე მიმართვისა („Hindrängen zu...“).

როგორც პერსონული, ფსიქოფიზიკურად ნეიტრალური მოვლენა, წადილი როგორც ეტყვი, მაქსიმალურად დიფუზიურია, მინიმალურად ჩამოყალიბებულია. ასეთივეა მისი შესატყვისი ცნობიერება: წადილი განიცდება როგორც დაძაბულობა და მოუხეხრობა, ბუნდოვანი ბიძგი (dumpfer Drang), არსებული სიტუაციის რამენაირად შეცვლის წყურვილი.

წადილის დახასიათება ნათელიყოფს, რომ იგი არ შეიძლება იყოს ქმედობის ერთადერთი წყარო, თუ ქმედობად ვიგულისხმებთ პერსონის მოქმედების დახშულ პროცესს, რომელიც სამყაროს აზრიან ცვლილებას იწვევს¹⁴⁶.

წადილის ნიადაგზე მოთხოვნის ელემენტებია აღმოცენდება. ეს მაშინ ხდება, როდესაც შინაგანი დაძაბვა უშუალო გამოსავალს ვერ პოულობს მოქმედებაში, როდესაც იგი შეკავებული იქნება შინაგანი თუ გარეგანი ფაქტორების მიერ და, თავდაპირველად, მხოლოდ შინაგანად შეძლებს გამოვლენას.

„ყველგან, სადაც წადილის დისპოზიციას დრო და შესაძლებლობა ეძლევა თანდათანობითი აქტუალიზაციისთვის, იცვლება მისი თანხმობები განცდაც. წარმართვა (Fortdrängen von...) მიმართავად (Hindrängen zu...) იქცევა; ზოგადად აწმყო სიტუაციის მხოლოდ და მხოლოდ შეცვლა კი აღარ იწადება, არამედ გარკვეული მიმართულებით შეცვლა. ის გრძნობა, რომელიც აწმყო უკმარობიდან — მყობადი შევსებისკენაა მიმართული „მოთხოვნილებად“ იწოდება¹⁴⁶.

წადილების შეფერხება ადამიანისთვისაა დამახასიათებელი, და მოთხოვნილებანიც, უმთავრესად, ადამიანის კუთვნილებას შეადგენს. სურვილისა და ნატვრისგან განსხვავებით, მოთხოვნილება უსათუოდ დაკავშირებულია წადილის დინამიკასთან და უსათუოდ ესწრაფვის შესრულებას. მოთხოვნილება, რა რომ ერთხელ გაჩნდება, — თუ არ ჩაკვდა, — შინაგანი აუცილებლობით იმატებს ინტენსივობას და, თუ შესატყვისი გამოსავალი ვერ პოვია, ბოლოს „ამოწეცავს“ წადილიყოფის მოქმედების სახით. „მოთხოვნილების ინტენ-

¹⁴⁶ 1,511.

¹⁴⁶ 1,527.

სივობასა და შესრულების ქმედობის ორგანიზაციის სიმაღლის შორის შექცევითა პროპორციულობა არსებობს¹⁴⁷.

მოთხოვნის შინაარსი არაა მხოლოდ შინაგანი ფაქტორებით განსაზღვრული. შინაგანი მისი წყარო — ქეშმარიტად შინაგან-პერსონული წადილია; მაგრამ სპეციფიკურ, კონკრეტულ შინაგან იგი გარემოსამყაროსთან კონვერგენციაში, სახელდობრ, გამოცდილებაში პოვებს. სპეციფიკური ადამიანური მოთხოვნისება, რომლის ნიმუშს წარმოადგენს, ვთქვათ, ლუდის წყურვილი და არა საერთოდ წყურვალი, „საგნით დატვირთულია“, საგანი კი მხოლოდ გამოცდილებიდან შეიძლება იყოს ცნობილი. „ეს არის სრულიად განსაკუთრებული ღრმა სახის გამოცდილება. არა უბრალოდ შობაბეჭდილებათა მიღება გრძნობების გზით, არა უბრალოდ ცოდნათა ფლობა, არც უბრალოდ რეტროსპექციულ მოგონებათა ქონება — არამედ წადილის დინამიკის პროსპექტიული წარმართვა (Einstellung) საგნობრივ მიზნებისადმი არის იარაღი ამ გამოცდილებისა“¹⁴⁸. საგნით დატვირთულობის შინაგანი ფაქტორის გარდა, მოთხოვნისებას კავშირი სამყაროსთან სამყაროისეული ფაქტორითაცაა პირობადებული. საგნებს „გამომწვევე ხასიათი“ აქვს გარკვეული მოთხოვნისებას მქონე ადამიანისთვის. „ესა თუ ის საგანი გულუბრყვილო ადამიანის სამყაროს იმდენად კი არ ეკუთვნის, რამდენადაც მას ესა თუ ის ფორმა, სიდიდე, ფერი, ესა თუ ის საგნობრივი თუ ლოგიკური მნიშვნელობა აქვს, — არამედ იმდენად, რამდენადაც მას ძალუქს მოთხოვნისებათა აღძვრა და დაკმაყოფილება“¹⁴⁹.

მხოლოდ გარედან მოთხოვნისების არც შექმნაა შესაძლებელი და არც მოსპობა. „მაგრამ გარეგანი გავლენები ანიჭებენ მოთხოვნისებათა ზოგადსა და გარდაუვალ (unaufhebbar) ტენდენციებს სპეციფიკურ მიმართებულობას გარკვეული საგნებისადმი და დაკმაყოფილებათა სახეობებისადმი (Befriedigungsart), სცელიან მოთხოვნისებათა მიმართულებას, აძლიერებენ ან ზღუდნიან მოთხოვნისებათა დინამიკურ გამოვლენას, ახდენენ მათი დაკმაყოფილების რეგულაციას გამღიზიანებელ საშუალებათა და მიზნის მისაღწევობის დოზირებით“¹⁵⁰. მოთხოვნისებათა ბუნების გა-

¹⁴⁷ 1, 528.

¹⁴⁸ 1, 529.

¹⁴⁹ 1, 530.

¹⁵⁰ 1, 532—533.

თვალისწინება ნათელჰყოფს, ერთი მხრივ, „საგანთა გამოძწევეი ხასიათის“ კ. ლევინიესული ცნების მიმართულებას, მეორე მხრივ კი, ამ ცნების უქმარობას, და მისი შევსების აუცილებლობას „საგანთა მასალის ხასიათის“ (ვ. შტერნიესული) ცნებით.

წადილისგან განსხვავებით მოთხოვნილება „საგანმიმართულია“, თუ შეიძლება ასე ითქვას, ანუ „საგნით დატვირთულია“ (Gegenstandsgeladen), როგორც ვ. შტერნი ამბობს. ეს გარეჰყოება ქმნის მოთხოვნილებათა სპეციფიკაციას. იგი უდევს საფუძვლად სპეციფიკურ-ადამიანურ მოთხოვნილებათა წარმოშობას, იგი ჰყოფს შესაძლებლად ადამიანის ცივილიზაციას. თუ წადილის ძირითად დამახასიათებელ თვისებას „წარმართვა“ ვუწოდეთ, მოთხოვნილებისთვის არსებითია „მიმართვის“ თვისება. საერთო წადილსა და მოთხოვნილებას მოქმედების განხორციელების თვალსაზრისით ისა აქვს, რომ ორივე მიმართებულების დისპოზიციანა, და ამდენად, როგორც ერთი, ისე მეორე, უქმარია ნამდვილი ქმედობის გამოსაწვევად. ქმედობა მიზანშეწონილი მოქმედებაა, და მისი განხორციელებისათვის პერსონას უნდა გააჩნდეს არა მარტო სწრაფვა, მისწრაფებულობა, — არამედ უნარიც, აღჭურვილობაც მიზნის მიღწევისა. წადილით და მოთხოვნილებით უშუალოდ გამოწვეული მოქმედების ზემომოყვანილი მაგალითებიდან ჩანს, რომ მიზნის მიღწევა მათ ანაბარად დარჩენილი პერსონის შესაძლებლობას აღემატება. მოთხოვნილების მიზანშეწონილად დაჰმყოფილების შესაძლებლობას ინსტინქტი იძლევა ინსტინქტი ისეთ წადილს ეწოდება, „რომლის მიმართებულობა მარტო საბოლოო მიზანს კი არ ეხება (gilt), არამედ ნაწილობრივ მიზნებსაც, რომელთა მეშვეობითაც მიიღწევა საბოლოო მიზანი“¹⁵¹. განსხვავება წადილისა და ინსტინქტის შორის ცნების ფარგლებშია მხოლოდ რეალურად არ შეიძლება არსებობდეს ინსტინქტური ქმედობა, რომელშიც: წადილი არ მონაწილეობდეს. ინსტინქტური მოქმედება, (ან — იგი ტერმინოლოგიის თანახმად — ინსტინქტური ქმედობა) წადილისეული მოქმედებისაგან¹⁵² მიზანშეწონილობით და გეშტალტური

¹⁵¹ 1,535.

¹⁵² ვ. შტერნს ეფლება არა აქვს იხმაროს ტერმინი *Triebhandlung* მას მერე, რაც *Handlung* სამყაროში მიზანშეწონილი ცვლილების გამოძწევე პერსონულ მოქმედებად აქვს გაგებული.

ხასიათით განირჩევა. განსხვავებაა აგრეთვე ხანიერობის თვალსაზრისითაც: ინსტინქტური მოქმედება დიდხანს გრძელდება სწორედ იმიტომ, რომ შუასაფეხურებს გაივლის მიზნის მიღწევამდე. ინსტინქტის პრობლემა ბიოლოგიისა და ფსიქოლოგიის, განსაკუთრებით კი ბიოლოგიურად ორიენტირებული ფსიქოლოგიის ერთ-ერთი უმნიშვნელოვანესი და მტკივნეული პრობლემათგანია. მაკ დაუგოლი იძულებული შეიქნა ინსტინქტურ ქმედობაში ინტელიგენტობის მონაწილეობა დაეშვა, რაც უდიდეს მეცნიერულ უხერხულობას ქმნის: ინტელიგენტობა მიზნის ცნობიერად გათვალისწინებას გულისხმობს, რის დაშვებისათვისაც ინსტინქტურ ქმედობაში არაერთი ემპირიული საბუთი არ არსებობს. გარეგნულად ინსტინქტური ქმედობა არაჩვეულებრივად რთული შეიძლება იყოს. ავტორს მაგალითად ფრინველის გადაფრენა მოჰყავს. ასეთივე მოგზაურობის განსაზოციელებლად ადამიანს რთული ინტელექტუალური ოპერაციები და ნებითი ქმედება დასჭირდებოდა. მაგრამ, ანალოგიით, წეროს შემთხვევაშიც ასეთი ოპერაციების დაშვების უფლება არა გვაქვს. წერო ამ მოგზაურობას თანშობილი მექანიზმის მეოხებით ასერხებს. ეს კი მხოლოდ იმიტომაც შესაძლებელი, რომ „ადამიანისთვის აფრიკაში გამგზავრება მხოლოდ ერთ-ერთია მოგზაურობის უთვალავ შესაძლებლობათაგან; და თვით ეს ერთი მოგზაურობაც სულ სხვადასხვა ვარიაციებით შეიძლება განხორციელდეს. წეროსთვის კი აფრიკაში გაფრენა ერთადერთი შესაძლებელი შორეული გაფრენაა, რომელსაც გარკვეულ დროს დაუდგება ვადა (fallig wird). ადამიანისათვის მგზავრობის სვლაგეზი და მიზანი — „სხვაა“, „უცხოა“, — წერიასათვის ეს მისი ფრენაა, მისი სვლაგეზი, მისი მიზანი, მისი სიცოცხლის ორგანული ნაწილი. ცხოველის ინსტინქტური მოქმედება ცხოველის მარადერთ გვაროვანი ერთი გარემოსამყაროსადმი მარად განმეორებადი შეგუებულობაა; კულტურული ადამიანის არა-ინსტინქტური მოქმედება — სულ მუდამ უცხო სამყაროს მუდამ ცვალებადს, განუსაზღვრელად მრავალ შესაძლებლობათადმი — მუდამ ცვალებადი მზაობის აუცილებლობაა (Fertigwerdenmüssen)“¹⁸³.

ცოცხალი არსების ინსტინქტური მოქმედება დაახლოებით ისევე თავისთავად გასაგები (selbstverständlich) და მზანშეწონილია,

¹⁸³ 1,536.

როგორც ზრდის, ნივთიერებათა ცვლის და სხვა ამდაგვარი ფუნქციები. განსხვავება ისაა, რომ ინსტინქტის მიზანდასახვანი უწყვეტად კი არაა მთელი სიცოცხლის გასმავლობაში მოცემული, არამედ გარკვეულ ვადებთანაა დაკავშირებული.

ვიტალური სამყარო, რომელშიც ცხოვრობს ცხოველი, განსხვავებულია ადამიანური — საგნობრივი თუ ინტროცეფციული — სამყაროსაგან. განსხვავებას ქმნის პირველის ერთგვაროვანი სიმარტივე და მეორის მრავალფეროვანი ცვალებადობა. მაგრამ ბიოსფეროს „მარადიული ერთგვაროვანობის“ შესახებ მხოლოდ პირობითად შეიძლება ლაპარაკი. აბსოლუტური იგივეობა, სიტუაციათა სტერეოტიპული განმეორება ცოცხალი არსების გარემოსამყაროში შეუძლებელია. ამიტომ ინსტინქტური მოქმედებაც სტერეოტიპულად არ მეორდება. ინსტინქტი ელასტიკურია. იგი მეტად თუ ნაკლებად ეგუება სიტუაციის მეტ-ნაკლებ ორიგინალურობას. მიუხედავად კონსერვატიულობისა, — რაც არსებითი დამახასიათებელი ნიშანია ინსტინქტის, როგორც შეგუების მემკვიდრეობითი მექანიზმისა. — ინსტინქტს ძალუძს სიტუაციის თავისებურობისადმი ინდივიდური შეგუება. მუდამ უცვლელი რჩება მხოლოდ ძირითადი იმპულსი და საბოლოო მიზანი.

ინსტინქტის იდუმალობის გაგების შესაძლებლობას პერსონალისტიკის სისტემაში იძლევა მისი განკვერტა სიცოცხლის ვიტალური მოდუსის პლანში.

ადამიანური ინსტინქტების არსებობაზე არა ერთხელ ყოფილა მიტანილი ეჭვი. ეპიკურაში, მართლაც, ადამიანის ინსტინქტური ქცევა არასოდეს — ყოველ შემთხვევაში არაჩვეულებრივ იშვიათად — ვლინდება ისევე წმინდა სახით, როგორც ცხოველის ინსტინქტური ქცევა. ახლანდელი ბავშვის მიერ ცუდუს წოვის გარდა იქნებ ვერც მოინახოს ადამიანის ქცევაში სხვა მაგალითი ინსტინქტური ქცევისა. ეს გარემოება საესებით გასაგებია პერსონალისტიკისათვის: თუ ინსტინქტი ვიტალური მოდუსის ქცევაა, ადამიანთან იგი არ შეიძლება წმინდა სახით ვლინდებოდეს, რადგან ადამიანის ყოფიერება მხოლოდ ბიოსფეროთი (ვიტალური სფეროთი) არ ამოიწურება. ვიტალურ მოდუსთან ერთად ამ შემთხვევაში საგნობრივი და ღირებულებათა სამყაროს მოდუსებიც, ანუ განცდითი და ინტროცეფციული მოდუსიც არის მოცემული. ყოფიერების ამ უქანასკნელი მოდუსისთვის კი ინსტინქტური ქცევა შეუსატყვისია მაგრამ სწორედ იმიტომ,

რომ ადამიანის ყოფიერებაშიც მუდამ რჩება ვიტალური მომენტი, ადამიანის ქცევაში მუდამ შეიძლება აღმოჩენილ იქნეს ინსტინქტური საწყისი. არც ის გარემოება, რომ ინსტინქტური ქმედობის მექანიზმი იმთავითვე, დაბადებისთანავე, არაა მზამზარეულად მოცემული, არც ის, რომ იგი წმინდა სახით არაა მოცემული—ვერ გამოდგება იმის საბუთად, რომ ადამიანი მოკლებულია ინსტინქტებს. „ინსტინქტური ქმედობა აზრიანად მიმართული ქმედობაა, რომელიც თანშობილი მოთხოვნის მიერ წარიმართება და რომელიც მიზნის მისაღწევად ააქტივებს მარად აუცილებელ თანშობილ უნარებს. შერჩევას, გადაწყვეტასა და დაგეგმვას. ამ აზრით კი ინსტინქტური და ცნობიერ ქმედობა ადამიანის ქმედობაშიც მონაწილეობს“¹⁸⁴.

ნებელობა

ფსიქიკურა ფენომენების სამკვიდროში სულ უკანასკნელ ხანაში დადასტურდა თავისებური განცდის არსებობა, რომელიც მხოლოდ შემდეგი სახით შეიძლება იქნეს აღწერილი: „ახლა მე მნებავს“. იგი განსხვავდება სურვილის განცდისგან იმითი, რომ განიცდება, როგორც აქტიური ბოძი ქმედობის დასაწყებად. ამგვარად გაცნობიერებულ ქმედობას ნებელობის ქმედობა ეწოდება. ადამიანის მოქმედებაში ნებელობითს ქმედობას კვანტიტეტურადაც პირველი ადგილი უჭირავს და კვალიტეტურადაც განსაკუთრებული მნიშვნელობის მქონეა. ამგვარი ქმედობა ადამიანის სპეციფიკური და მონოპოლიური კუთვნილებაა. ეს გარემოება იმითივე პირობადებული, რომ ნებითი ქმედობა ცნობიერი ქმედობაა, ცნობიერება კი მხოლოდ ადამიანურია.

ნებელობა პერსონული მოვლენაა, რომელშიც ვლინდება პერსონის აქტიური მიმართება სამყაროსადმი, უკანასკნელის დამორჩილების მიზნით. ნებითი ქმედობა მიზანმისწრაფებულია და მიზანშეწონილია. მაგრამ ეს თვისება არაა სამყოფი მის დასახასიათებლად, რადგან მიზანმისწრაფებული და მიზანშეწონილია ყოველი ქმედობა. ნებელობა სიცოცხლის მხოლოდ ცნობიერების მოდუსშია შესაძლებელი. ე. ი. იქ, სადაც პერსონა და სამყარო გათიშულია, ანუ სა-

¹⁸⁴ 1,534.

დაც მოცემულია ობიექტი, რომელზედაცაა მიმართული ნებელობა-სუბიექტისა და ობიექტის გათიშვა შესაძლებელყოფს აწმყოს (უფრო სწორად: პერსონალური პრეზენსის) დარღვევას, მყობადის დადგენას და მყობადისადმი მიმართებას. ნებელობა მყობადზეა მიმართული ნებითი ქმედობის სუბიექტი — პიროვნებაა. ცნობიერების პლანში ეს ვითარება საკუთარი აქტივობის განცდად აისახება ფიზიკალურ პლანში—სხეულის დაძაბულობად. ნებითი ქმედობის ობიექტი—მყობადი მდგომარეობაა. ცნობიერების პლანში ეს ვითარება მიზნის ცნობიერებად აისახება ფიზიკალურ პლანში—სამყაროში გარკვეული ცვლილების შეტანით.

ნებითი მოვლენის ცენტრალური პუნქტი არის სხეულებული განცდა: „ახლა მე მნებაეს“. მხოლოდ ამ პუნქტიდან შეიძლება ნებელობის სტრუქტურის წვდომა, მისი როგორც წინამორბედი, ისე მომდევნო საფეხურების გათვალისწინება.

ნებითი ქმედობის ორი ჯგუფი უნდა განვასხვავოთ: პერსონის-მიმართ (Selbstbezügliche) და სამყაროს-მიმართი¹⁵⁸ (Fremdbezügliche) ქმედობათა ჯგუფები. იმ თვალსაზრისით, რომლითაც ავტორი განლაგებს ფსიქიკურ მასალას, ე. ი. პერსონისა და სამყაროს ურთიერთობის თვალსაზრისით, მთავარ ინტერესს სამყაროს-მიმართი ნებითი მოქმედებანი წარმოადგენს, მაგრამ პერსონის-მიმართი ნებითი ქმედობანი ისეა დაკავშირებული სამყაროს-მიმართ ქმედობებთან, რომ მათი სრული უგულებელყოფა შეუძლებელია. სამყაროს-მიმართ ნებითს ქმედობას ადამიანი საკუთარი სხეულის მიზანშეწონილი მოძრაობების საშუალებით ახორციელებს. ეს მოძრაობანი არ წარმოადგენს მიზანს, არამედ მხოლოდ და მხოლოდ საშუალებას მიზნის მისაღწევად. მაგრამ არის მდგომარეობა, როდესაც თვით მოძრაობა იქცევა მიზნად. ამისი თვალსაჩინო მაგალითია სპორტიული ვარჯიში. ასეთ შემთხვევაში, როდესაც საკუთარი მოძრაობის შესრულება შეადგენს ნებითი ქმედობის მიზანს, ერთადერთ მიზანს, რომლის შედეგი პიროვნებისთვის შემთხვევითი ხასიათისაა — საჭმე გვაქვს პერსონის-მიმართ ნებით ქმედობასთან. უკანასკნელი მხოლოდ სხეულებრივი მოძრაობებით არ ამოიწურება, არამედ ფსიქიკურ მოვლენებზეც შეიძლება იყოს მიმართული. მაგალითად, დავიწყებული სიტყვის გახსენებაზე, განცდათა დაკვირვებაზე, შიშის გრძნობის დაძლევაზე და სხვა. დაბოლოს, პერ-

¹⁵⁸ ტერმინი აზრის მიხედვითაა თარგმნილი.

სონის-მიმართი ნებითი მოქმედება შეიძლება დისპოზიციური ხასიათის რომელობაზე იყოს მიმართული: მიზანი ჩ ე მ შ ი რ ა ი - მ ე ს შეცვლა კი არაა, არაუღელ მთლიანად ჩ ე შ ი შეცვლა. ეს უკანასკნელი სახეობა პერსონის-მიმართი ნებითი ქმედობისა იმითი განსხვავდება სხვა სახეობათაგან, რომ, მართალია, იგი გარკვეულ მომენტში იწყება, მაგრამ არა აქვს დროში განსაზღვრული დასასრული, რადგან მიზანი — საკუთარი მომდევნო სიცოცხლის შეცვლილი მიმდინარეობაა და არა აკუთრები მდგომარეობა.

პერსონის-მიმართი (Selbstbezügliche) ნებითი ქმედობის შემთხვევაში დატულია ნებითი ქმედობის ზოგადი პრინციპი: სუბიექტი მიმართულია ობიექტზე. სუბიექტისა და ობიექტის გაიგივება აქ არ ხდება. ქმედობის სუბიექტი აწმყო ტოტალური პერსონაა, ობიექტი — მისი გამოცალკევებული, მხოლოდ მომავალში განსახორციელებელი მომენტი¹⁵⁸.

აქ იძულებული ვარ შევჩივრო თხოვრება და კრიტიკული თვალთ შევხედო ავტორის მოსაზრებას. ავტორტელიური ნაკვლები ხასიათისა, ე. ი. საკუთარი თავის ჩამოყალიბებაზე მიმართული ნებითი ქმედობანი, ფრიად ზოგადი ხასიათის შეიძლება იყოს. ამიტომ ნებელობის ობიექტი შეიძლება არც იყოს „გამოცალკევებული მომენტი“ პერსონისა. აზრთა წინააღმდეგობისთვის თავის დაღწევის შესაძლებლობას, როგორც ჩანს, ნებითი ქმედობის სუბიექტისა და ობიექტის განსაზღვრებაში .ლოგიკური მახვილის გადანაცვლება წარმოადგენს. ასეთი ოპერაციის შემდეგ განსაზღვრებამ შემდეგი სახე უნდა მიიღოს: ქმედობის სუბიექტი აწმყო ტოტალური პერსონაა — ობიექტი — გამოცალკევებული, მხოლოდ მომავალში განსახორციელებელი მომენტი მასში. ან, უმჯობესი იქნებოდა ასე გვეთქვა: ქმედობის სუბიექტი აწმყო პერსონაა, ობიექტი — მყობადი პერსონა (ან მისი ერთ-ერთი მომენტი). ობიექტი ამგვარი განსაზღვრებით არ დაჰკარგავდა ობიექტურობას, რადგან მისი მყობადობა საკმაო გარანტიაა მისი ამჟამადმოცემულობის უარსაყოფად; მყობადობა გათიშვის შემდეგაა მხოლოდ შესაძლებელი და, როგორც ასეთი, იგი მუდამ ობიექტი შეიძლება იყოს პერსონისთვის. თუ არ ობიექტური — ან უკეთ: ობიექტივაციამნილი — მყობადი არ არსებობს პერსონისთვის. რაც განუ-

წვალეებელ ყოფიერებაში შედის, ის ხომ პერსონული პრეზენსია, რაც არ უნდა დიდი იყოს მისი ობიექტური დროითი სიდიდე!

სამყაროს-მიმართი ნებითი ქმედობა მხოლოდ საკუთარ მოძრაობათა დაუფლების შედეგად არის შესაძლებელი, რადგან სამყაროზე ზემოქმედება მხოლოდ საკუთარი მოძრაობებით შეიძლება. თვით ტელეკინეზიის მოვლენებიც კი, — თუკი ასეთი რამ არსებობს, ან შეიძლება არსებობდეს, — აუცილებლად საჭიროებს სხეულებრივ ზემოქმედებას, თუნდაც შორეულ მანძილზე. ამის მოწმობს ტრანსის მდგომარეობის სხეულებრივი თავისებურება. დღესდღეობით ტელეკინეზიის საკითხი მეცნიერული განხილვისათვის არაა მომწიფებული. სამყაროს-მიმართის სხვა ნებითს ქმედობაში კი გამოუკლებლივ ყველგან უეჭველია სხეულებრივი ზემოქმედება, საკუთარი სხეულის მოძრაობაში. პერსონის-მიმართ ნებელობითს ქმედობას მხოლოდ ლოგიკურად ეკუთვნის პირველობა. ფაქტურად ონტოგენეზისში პირველად სამყაროს-მიმართი ქმედობანი ვლინდება. ეს სრულიად ვასაგები გარემოებაა. სუბიექტ-ობიექტის განუწვალეებელი მთლიანობა სიცოცხლის ვიტალურ მოდუსში — საგნობრივ მოდუსში განწვალებას განიცდის. სუბიექტის თვალსაზრისით ეს განწვალება განცდად აისახება, ობიექტის თვალსაზრისით — საგნის დადგენად. „ყოველი ნებელობის წინაპირობაა მანძილი (ზარგეზი, Abstand) მსწრაფი პერსონისა და მისწრაფებული რეზულტატის შორის; თვით ნებელობა ამ მანძილის გადალახვაა“¹⁶⁷. ნებელობისთვის იმდენად აუცილებელია გაორება სუბიექტისა და ობიექტის შორის, რომ თვით პერსონის-მიმართი ნებითს ქმედობაშიც კი მიზანი გაობიექტებულია და ამიტომ, მეტად თუ ნაკლებად, მაგრამ მაინც კონკრეტული გეშტალტის სახითაა მოცემული და არა დიფუზიური მთლიანი პერსონის სახით. ასეთი რამ შეუძლებელია იყოს, რადგან ნებითი ქმედობის მიზანი ცნობიერია. ცნობიერებაში კი მხოლოდ გეშტალტური შინაარსი შეიძლება იყოს მოცემული.

ნებელობის ყოველ ცალკეულ აქტს გააჩნია მოსამზადებელი პერიოდი, წინამორბედი პროცესი, რომელიც პიროვნებაში მიმდინარეობს და დასრულებას პოვებს იმ მომენტში, რომელსაც ნებითი ბიძგი უნდა ეწოდოს. ამ მომენტიდან იწყება ნებითი აქტის მეორე პერიოდი — ქმედობის განხორციელების პერიოდი. ცალკეული ნე-

¹⁶⁷ 1,547.

ბითი აქტის პირობამდებელ შინაგან ფაქტორს მოტივი უნდა ვუწოდოთ. ამრიგად, ნებითი ყოველი ქმედობა აუცილებლად მოტივირებულია, ე. ი. შინაგანი მიზეზებით პირობადებულია. ცალკეულა ნებითი ქმედობის ცალკეული მოტივი, ცხადია, გათიშულად და დამოუკიდებლად არ არსებობს მთლიან პერსონას მოწყვეტილი. მოტივებს საერთო საფუძველი მოეპოვებათ პერსონაში, მაგრამ მის შესახებ მხოლოდ შემდეგში გვექნება ლაპარაკი.

რამდენადაც ნებითი ქმედობა მიზნის გაცნობიერებისა და მისდამი ცნობიერი მისწრაფების აქტია, — მოტივი, პირველ რიგში, ცნობიერი უნდა იყოს. მიზნის ცნობიერი დასახვა ცნობიერი მოტივის საფუძველზე შეიძლება მხოლოდ მოხდეს. ამითი მხოლოდ ისაა თქმული, რომ ნებლობის ბიძგს აუცილებლად უსწრებს წინ ცნობიერი მოტივი: „ახლა მე მნებავს“, თუ შეიძლება ასე ითქვას, ცნობიერების პლანში უსათუოდ შედეგია „ასე უნდა იყოს, ამიტომ“—ისა. მაგრამ ეს არ ნიშნავს, რომ ცნობიერი მოტივით, ე. წ. „ფენომოტივით“ ამოიწურება ცალკეული ნებითი ქმედობის მოტივაცია ფენომოტივი. თავის მხრივ, პირობადებულია ე. წ. გენომოტივით, რომელიც ცნობიერებამდელი ბუნებისაა. თუ ფენომოტივი გამოვლინებულ მოტივად შეიძლება ვიგულოთ, გენომოტივი გამოძვევი მოტივიცაა.

ფენომოტივი პროსპექტიული ბუნებისაა, მაგრამ ყოველად პროსპექტია არაა ფენომოტივი: სურვილი, შიში, იმედი, მოლოდინი აგრეთვე პროსპექტიული ხასიათის მოვლენებია, მაგრამ ისინი პასიურნი არიან, მყობადის შესაძლებლობაზე მიემართებიან და არა მყობადის სინამდვილეზე, და ამიტომ არ მთავრდებიან ნებითი იმპულსით „მხოლოდ მაშინ, როდესაც ნებითი ქმედობა განხორციელდა, ცნობიერების წინამორბედ პროსპექტიულ შინაარსებს შეგვიძლია ვუწოდოთ მისი „მოტივები“ (სახელდობრ „ფენომოტივები“)¹⁵⁸. ფენომოტივისთვის არსებითი მნიშვნელობისაა მისი გარდობითი. აქცენტი, რომელიც პირობადებულია მოთხოვნილებასთან კავშირით და რომლითაც მოტივი მხოლოდ ინტელექტუალური აზრისაგან განირჩევა და შესაძლებელს ჰყოფს ნებითი იმპულსის აღმოცენებას.

არსებობს მარტივი ნებითი ქმედობანი, რომლებსაც წინ უსწრებს მხოლოდ ერთი მოტივი. არსებობს ე. წ. რთული ნებითი

ქმედობანი, რომლებიც მართვ ქმედობათაგან სწორედ მოსამზადებელი შინაპერიოდით განსხვავდებიან. მოსამზადებელ პერიოდში ცნობიერობაში ორი ან მეტი მოტივია წარმოდგენილი და მათ შორის არჩევანის საკითხი დგას: რომელს მიეცეს უპირატესობა¹⁵². ასეთი მდგომარეობა „მოტივების ბრძოლად“ იწოდება. ტერმინი ელემენტარისტული ფსიქოლოგიური წარმოშობისაა. მოტივები დამოუკიდებელ ძალებად იყო გააზრებული, რომელთაც შეეძლოთ ურთიერთთან ბრძოლა, ურთიერთზე გამარჯვება. უგულებელი იყო, რომ ფენომოტივები გენომოტივებიდან აღმოცენდება.

ნებელობის უშუალო გენომოტივი — მოთხოვნაა. მოთხოვნილება, როგორც ვიცით, წადილისაგან (Trieb) მომდინარეობს. ჩაარომ ერთხელ აღმოცენდება, იგი განუწყვეტლივ ძლიერდება და მიადწევს რა გარკვეულ ინტენსიობას, უშუალოდ გადადის მოქმედებაში. ასეთ შემთხვევაში უნებლიე (არა ნებისმიერ) მოქმედებასთან გვაქვს საქმე.

„სხვაგვარადაა საქმე, როდესაც მოთხოვნილება ამ აფეთქების მომენტის მიღწევამდე დაილეკება მიზნის ცნობიერ გათვალისწინებად (ფენომოტივად) და, ამის შეოხებით, თავის დინამიკას გარკვეული გეზით წარმართავს“. ასეთ შემთხვევაში გვაქვს საქმე ნებათ ქმედობასთან. მოთხოვნილებისთვის ჩვეული ბუნდოვანი, გაურკვეველი მისწრაფებულობა, მიზნის გაურკვეველი სახით მოცემულობა — გარკვეულობას პოვებს, მიზნის წარმოდგენად, თუ გააზრებად იქცევა და საშუალებათა შერჩევის შესაძლებლობას იძლევა. ნებელობის მოთხოვნილებისეული გენეზისი სრულიად უეკველია. მაგრამ, მეორე მხრივ, ნებელობა უკუმოქმედებს მოთხოვნილებაზე და სწორედ ისაა, რომ ქმნის სპეციფიკურ ადამიანურ, დიფერენცირებულ მოთხოვნილებებს, ახდენს მათ სუბლიმაციას. ის „სრულიად განსაკუთრებული ღრმა სახის გამოცდილება“, რომელიც მოთხოვნილებას გარკვეულ შინაჯრს აძლევს, სპეციფიკურ-ადამიანურ მოთხოვნილებად აქცევს მას, გამოცდილება, რომლის შესახებ ზემოთ იყო ლაპარაკი — ნებელობითი გამოცდილებანია არსებითად. „ნებელობის კუთვნილი შესაძლებლობანი წინასწარ განკერტისა, შერჩევისა, დაგეგმვისა, დროით დაშორებულისა და აბსტრაქტული მიზნებისადმი მიმართებისა — ეს შესაძლებლობანი სცვლიან, ამრავალ-

ფეროვანებენ და აფაქიზებენ ადამიანის თვით მოთხოვნილებებს-
საც¹⁰⁰.

გენომოტივი ცნობიერებაში ფენომოტივად გვევლინება, მაგრამ ურთიერთობა ფენომოტივისა და გენომოტივს შორის ასე მარტივი არაა, რომ პირველი მეორის გაცნობიერებას წარმოადგენდეს მხოლოდ. განსაკუთრებულ ყურადღებას იქცევს ის შემთხვევები, როდესაც ფენომოტივი პეტეროგენულია გენომოტივისა. ფსიქიკურ მოვლენათა ინტერპრეტაცია სიღრმის ფსიქოლოგიის მთავარი ამოცანაა და პეტეროგენია მოტივებისა (ფენო და გენომოტივისა) — ერთ-ერთი ძირითადი მისი მასალა. ასეთ შემთხვევებში „ფენო-მოტივი“ არა მარტო ცნობიერად გამოვლენილ მოტივს ნიშნავს, არამედ მოჩვენებითს მოტივსაც. ფსიქონალიზისათვის ყოველი ფენომოტივი აუცილებლად მოჩვენებითი, ცრუ-მოტივია. პერსონალისტური ფსიქოლოგიისათვის ასეთი შეხედულება სულაც არაა სავალდებულო. იგი მოტივდა პეტეროგენიასთან ერთად მოტივთა პომოგენიასაც აღიარებს და მას არა ნაკლებ მნიშვნელობას მიაკუთვნებს. მოტივების დამოკიდებულება ორმხრივია: არა მარტო ფენომოტივია დამოკიდებული გენომოტივზე, არამედ პირიქითაც. ფენომოტივი ხშირი განმეორების შედეგად მნიშური მოქმედების ძალას მოიპოვებს და უკუმოქმედებს გენომოტივზე. მაგალითად, ბავშვი უარს ამბობს რამე საქმელზე. ფენომოტივად აქ არის აი ამ საქმლის არ-მოწონება. გენომოტივი პეტეროგენულია: ჩიუტობა, საქმლის დაწუნება ამ მოტივით მეორდება ერთხელ ორჯერ, ათჯერ, ბოლოს გენომოტივი ფენომოტივის პომოგენური ხდება: ბავშვი წამდვილადაც იმიტომ იწუნებს საქმელს, რომ არ მოსწონს იგი. ეს გარემოება მრავალმნიშვნელოვანია, ჯერ ერთი, ფენომოტივის ბუნების გათვალისწინებისთვის, მერე კი — ცნობიერების როლის გათვალისწინებისთვის პიროვნების სახეაში, კერძოდ — პიროვნების სიღრმეების ფორმირებაში. ფენომოტივებიდან ახალი გენომოტივების აღმოცენება ერთი ზედმეტი საბუთია ფსიქონალიზისა, თუ ინდივიდუალფსიქოლოგიის საწინააღმდეგოდ, რომლების მიხედვით, თითქოს, გენომოტივების რიცხვი ძალიან მცირე უნდა იყოს, ხოლო პრაქტიკულად — ერთადერთ გენომოტივზე დაიყვანებოდეს (სქესობრივსა თუ ძლიერების მოთხოვნილებაზე).

100 1,565.

მოტივაცია წინ უსწრებს ნებით ქმედობას. მაგრამ მას მერეც, რაც ნებითი ქმედობა განხორციელებული ფაქტია, საპირო ხდება მისი გაცნობიერება და „უკუქცევითი“ მოტივაცია. საქმე ისაა, რომ ნებითი ქმედობა ერთ-ერთი ყველაზე უფრო მკაფიოდ გამოკვეთილი ცოცხლობაა პერსონული მთლიანი სიცოცხლისა. მაგრამ ეს იმას არ ნიშნავს, რომ მას დაკარგული აქვს კავშირი სიცოცხლესთან, პირიქით, როგორც ცოცხლობა, იგი არ შეიძლება უკვალოდ დაიკარგოს პიროვნებისათვის, არამედ იქცევა პერსონულ სამეოდ, რომელსაც, როგორც ვიცით, გარდაუვალი მნიშვნელობა აქვს პერსონული აწმყოსა და მყობადისათვის. ამას ისიც უნდა დავსძინოთ, რომ ნებითი ქმედობა (*par excellence*) მთლიანპიროვნული ცოცხლობაა და მთლიანმა პიროვნებამ უნდა მიიღოს, თავის კუთვნილებად აღიაროს იგი. შეიძლება და გვეფიქრა, რომ მომდევნო მოტივაცია ახალს არაფერს წარმოადგენს, არამედ წინაშეაღალი მოტივაციის უბრალო გახეორება, უბრალო მოგონებაა. ნამდვილად კი ასე არაა. ჯერ ერთი, სტერეოტიპული გამეორება, მოგონება არ არსებობს. მით უმეტეს მოტივი, როგორც ასეთი, არ შეიძლება უბრალოდ გამეორდეს. წინასწარი მოტივაცია შეიძლება ცნობიერების დაბალ საფეხურზე განხორციელებულყო. იგი სამყოფი იყო ნებითი ბიძგის (და შედეგად ამისა ნებითი ქმედობის) განსასორციელებლად, მაგრამ როდესაც *post fac um* საპირო ხდება მისი გამართლება, მისთვის პასუხისგება — აუცილებელი ხდება მოტივის სრული გაცნობიერება, დადასტურება და აღიარება იმისი, რომ „ეს მე ვიყავი. რომელსაც მინდოდა და გქენი“. მოტივი უნაკლოდ უნდა იქნეს გაცნობიერებული და თვით ეს ფაქტი საკმაო საფრთხეს ქმნის დამახინჯებისას: თუ ქმედობის წინ მოტივი სავსებით არ იყო გაცნობიერებული, იგი არც სავსებით ჩამოყალიბებული და ერთმნიშვნელოვანი იყო. ამიტომ სრული გაერთმნიშვნელოვანება და გაცნობიერება უკვე ერთგვარი შეცვლაა მოტივის ბუნებისა. ასეთი სახის დამახინჯებას ფორმალური დამახინჯება შეიძლება ეწეოდოთ, მაგრამ საქმის ვითარება ამითი არ ამოიწურება. უაღრესად ხშირია შინაარსობლივი დამახინჯების შემთხვევებიც: მოქმედების შემდეგ მოტივის გაცნობიერება ფართო გასაქანს აძლევს პიროვნებას ამ მოტივის „თავის გემოზე გადამღერებისას“. ბრალ-

დებულთა ჩვენებები, ინტიმური დღიურები — უმეტეს წილად ამგვარი მოტივაციის მაგალითებს იძლევა.

ლოგიკურად თითქოს გაუგებარია მომდევნო მოტივაციის ფაქტი. მოტივის ძირითადი აზრი ხომ გადაწყვეტილების მომზადებაა სიტუაციაში, რომელიც ცნობიერ აქტიურ ჩარევას მოითხოვს პიროვნებისგან. ნებითი ქმედობის ტიპიურ შემთხვევებში გადაწყვეტილების მიღებას მოტივების ბრძოლა უსწრებს წინ: შესაძლო ქმედობათაგან საუკეთესოს არჩევანი. აქ, როგორც გადაწყვეტილების მიღების წინამორბედი, მოტივაცია გასაგებია; მაგრამ რა მნიშვნელობა შეიძლება აქონდეს მას იმის შემდეგ, რაც არამტოუ გადაწყვეტილებაა უკვე მიღებული, არამედ გადაწყვეტილი ქმედობაც განხორციელებულია? პერსონალისტური ფსიქოლოგიისთვის არავითარი პარადოქსულობა არაა მომდევნო მოტივაციის აუცილებლობაში. მისთვის ნებითი ქმედობა ყველაზე მეტად გამოკვეთილი. პიროვნების მოლიანობას უადრესად გამოყოფილი ცოცხლობაა, მაგრამ მაინც ცოცხლობაა, მთლიანპიროვნული სიცოცხლის „ნაკეთი“. ცოცხლობა, საერთოდ, არასოდეს არ ეკარგება უკვალოდ; იგი პიროვნების ნაწყობში, მის ისტორიაში შედის. ეს ვითარება ჩვეს არსებობაშია მოცემული. მაგრამ ამ დებულებიდან ჩვეს იმ დასკვნის გამოტანა შეიძლება, რომ ნებითი ქმედობა ყოველი სხვაგვარი მნემური გამლიზიანებლისდაგვარად მოქმედებს, თუ გნებავთ, ძლიერი შემდეგმოქმედების მქონე მნემური გამლიზიანებელია. მაგრამ მართა აქედან არ გამოზღინარეობს მომდევნო მოტივაციის საჭიროება და, მიო უმეტეს, აუცილებლობა. ნებითი ქმედობის მნემური შემდეგმოქმედება. სპეციფიკური ხასიათისაა. ეს სპეციფიკა — მისი, როგორც მნემური გამლიზიანებლის, სპეციფიკურობითაა პირობადებული. უკანასკნელს კი ის ქმნის, რომ ნებითი ქმედობა მაქსიმალურად სპონტანურ-აქტიური ცოცხლობაა, მნემური პირველადი ფაზის არსებითი ნიშანი კი შთაბეჭდილების მიმდებლობაა; თუ შეიძლება ასე ითქვას, მისი სარბიელია პიროვნების ბუნების არა სპონტანურ-აქტიური, არამედ, პირიქით, რე-აქტიული მხარე. აქ წიაღსვლაა საჭირო! მდგომარეობა ისეთი იქმნება, რომ, თითქოს, შეუძლებელია ხდება ნებითი ქმედობა მნემურ გამლიზიანებლად იქცეს: პირველი — პიროვნების სპონტანურობის ნიმუშია მეორე — მისი რეაქტიული ხასიათის ნიადაგზე არსებული პერსონული თვისება. მნემურ პირველად ფაზაში პიროვნება პრინციპულად მიმდებია. ნებითს ქმედობა-

ში იგი პრინციპულად მოქმედია. მაგრამ მნემეს განხილვისას ენახეთ, რომ ობიექტური სამყაროსეული მოვლენა კი არაა მნემური გამლიზიანებელი, არამედ პერსონული ცოცხლობა და რომ, პრინციპულად, ყოველი ცოცხლობა მნემური გამლიზიანებლის ბუნების მატარებელიცაა. საკუთრივ მნემური გამლიზიანებლის განსხვავების შესახებ სხვა ცოცხლობათაგან თავის დროზე უკვე ვთქვი. ამიტომ აქ მხოლოდ მოკლედ ვიტყვი, რომ მისი დადგენის კრიტერიუმი კვანტიტეტური ხასიათისაა.

დაუბრუნდეთ მომდევნო მოტივაციის საკითხს. ნებითი ქმედობის ცოცხლობას ცნობიერება ახლავს, იგი ცნობიერი ქმედობაა. მისი მნემური შემდეგმოქმედებაც აგრეთვე ცნობიერებაშიც შეიძლება გამოვლინდეს და ვლინდება კიდევ ხოლმე (მას, აგრეთვე, არა-ცნობიერი შემდეგმოქმედებაც შეიძლება ჰქონდეს!) ცნობიერებაში ნამყო ნებითი ქმედობა წარმოდგენილია როგორც მოგონება საკუთარი — ცნობიერად და შეგნებულად ჩადენილი — მოქმედების შესახებ, რომელიც მე მინდოდა და მე ვანვასორციელე; მოქმედებისა, რომლისთვისაც პასუხისმგებელი მე ვარ. ეს მოქმედება გაშართლებას მოითხოვს. „რატომ და რისთვის ჩავიდინე ესა თუ ის საქციელი?“ — დგება საკითხი პიროვნების წინაშე, და პასუხი ამ საკითხზე დამოკიდებულია პიროვნების ამჟამად-მოცემულ რაობაზე. ის, რაც პირობასდებდა მესსიერების მოგონების დამახინჯებას — პირობასდებს „მოტივის დამახინჯებულ მოგონებასაც: სახელდობრ, მოგონების პერსონულობა. მოტივის მოგონების¹⁶¹ დამახინჯება უფრო გასაგები, მოსალოდნელი და გამართლებულია, ვიდრე რომელიმე შთაბეჭდილების მოგონების დამახინჯება: უკანასკნელ შემთხვევაში ობიექტური ვითარების აღდგენაა დასახული მიზნად. პირველ შემთხვევაში კი სუბიექტური ვითარებისა. რომლისთვისაც პიროვნება მორალურადაც პასუხისმგებელია“.

ამრიგად, ნებითი ქმედობის მოტივაცია ორჯერ ხდება: ერთხელ გადაწყვეტილების მიღებამდე, მეორედ — ქმედობის შესრულების შემდეგ: თავისთავად ცხადია, რომ მომდევნო მოტივაციას აი ამ გარკვეული ქმედობისთვის მნიშვნელობა არა აქვს, რად-

¹⁶¹ პერსონალისტიკის თელსაზრისით ქართული სიტყვა „მოგონება“ ძალიან მარჯვეა ჰომონიმური ბუნების გამო მოგონების (Erinnerung) ობიექტის უზუსტობის გამოსახატავად.

გან ობიექტურად მისი შეცვლა ცხადია, აღარ შეუძლია. ამიტომ, თუ ნებითი ქმედობის შესწავლა გვინდა როგორც ასეთისა, მომდევნო მოტივაცია სულაც შეიძლება უგულვებელყოფილ. მას მნიშვნელობა აქვს. პერსონის სიცოცხლის მთლიანობის თვალსაზრისით. წინასწარი მოტივაცია კი აუცილებელი მომენტი აუცილებელი ცალკეული ნებითი ქმედობისა. მოტივაციის გარეშე შეუძლებელია ნებითი ბიძგი.

ნებელობა განიცდება როგორც საკუთარი აქტივობა. ამ განცდაში მთლიანობადაა შერწყმული მიზნისადმი მისწრაფებულობის განცდა და მიზნის მისაღწევად აღჭურვილობის განცდა. ეს ორივე მომენტი აუცილებელია ნებელობის განცდისთვის. მართლია, ხან ერთი მომენტი უფრო ძლიერი, ხან მეორე, მაგრამ შეუძლებელია, რომ ერთ-ერთი სრულიად არ იყოს მოცემული. ასეთი რამ თუა, კერძოდ, თუ აკლია მიზნის მისაღწევად აღჭურვილობის განცდა, უკვე ნებელობასთან კი აღარ გვაქვს საქმე, არამედ სხვა რამ პროსპექციულ (მყობადისადმი მიმართულ) განცდასთან, სურვილთან, მოლოდინთან, იმედთან თუ შიშთან.

„გარკვეულ მომენტში მოქმედების უნარიანობის განცდა გამახვილდება უშუალო მოქმედების განცდად „ახლა მნებაჲს მე“. ეს, ნებელობის ბიძგი“, რომლის შემდგომი აღწერა შესაძლებელი აღარაა (dieser nicht weiter beschreibbare „Willensrück“) ყოველი ნებითი ქმედობის ცენტრალური პუნქტია“¹⁶². მხოლოდ მას შემდეგ, რაც დადგება ეს მომენტი, ე. ი. მხოლოდ უკუქცევითად (რეტროსპექტიულად) შეიძლება ცნობიერების განვლილი შინაარსის კვალიფიკაცია მოტივად და მისი განსხვავება ავრეთვე პროსპექციული, მაგრამ გარემიმართულ აქტივობას მოკლებული განცდებისაგან, როგორცაა სურვილი, მოლოდინი, იმედი თუ შიში.

ნებელობის ბიძგის უშუალო საფუძველი მოტივია. მისი უშუალო შედეგი — ქმედობა. ნებელობის ბიძგი გადაწყვეტილების მიღების მომენტი. გადაწყვეტილება კი ორმაგი მიმართულების მქონეა: იგი უკუმიმართულიცაა და წინმართულიც: Entscheidung-იცაა და Entschluss-იც. გადაწყვეტილების მიღებით მთავრდება მოტივთა ბრძოლა. თუ შეიძლება ასე ითქვას, გადაწყვეტა ნამყოსთან კავშირის გაწყვეტაა, ის მომენტი, როდესაც ყოყმანი, მოსაზრება დაიძლევა და ამის შემდეგ პიროვნება მათ აღარ დაუბრუნდება. მოტივ-

თა ბრძოლა დასრულდება და „ისტორიას ჩაბარდება“ ამდენად გადაწყვეტა რეტროსპექციული ბუნებისაა მეორე მხრივ კი გადაწყვეტა იმასაც ნიშნავს, რომ მომავალში, აი ამ მომენტის შემდეგ, პიროვნება ნამდვილად შეასრულებს გარკვეულ ქმედობას, რომ იგი გარანტიას აძლევს თავის თავს ამ ქმედობის შესრულებისას, -- რომ მან გადაწყვიტა გარკვეული ქმედობის შესრულება: სხვა სიტუაციებით ძნელია გადაწყვეტის პროსპექციული ბუნების გადმოცემა, როდესაც ნებელობის ბიძგი ნებითი ქმედობის ცენტრალურ პუნქტად იქნა კვალიფიკაციაქმნილი, სწორედ მისი ეს ორმაგი მიმართულება იყო მიღებული მხედველობაში.

უნდა ითქვას, რომ გადაწყვეტილება ყოველთვის ორმხრივი მიმართულების მქონე არაა: ნებითი ქმედობის უმრავლესი შემთხვევა ადამიანის ცხოვრებაში ე. წ. მარტივი ქმედობაა, სადაც მოტივების არავითარი ბრძოლა არ არსებობს. ამგვარ შემთხვევაში ნებელობის ბიძგის რეტროსპექციული მნიშვნელობა ნულზე დაიყვანება. მაგრამ პროსპექციული მხარე მას უსათუოდ ყოველთვის აქვს.

ნებითი ქმედობა არაა მხოლოდ ფსიქიკური, არამედ—მთლიანპერსონული ქმედობაა, ამიტომ, გადაწყვეტა წმინდა ცნობიერების სფეროდან ფსიქოფიზიკურად ნეიტრალურ სფეროში უნდა იქნეს გადატანილი: სხეულს უნდა მიეცეს შესატყვისი მოძრაობათა ინერვაცია. ამ მოვლენას იმპულსი ეწოდება.

ნებელობა არაა მხოლოდ ცნობიერი მისწრაფებულობა მიზნისადმი, არამედ მის მისაღწევად აღჭურვილობის გაცნობიერებაც; ანუ — ცოდნა იმ გზებისა და საშუალებებისა, რომლებიც გამოყენებულ უნდა იქნეს დასახული მიზნის მისაღწევად. ეს კი ნიშნავს ამ გზებისა და საშუალებების წინასწარ გათვალისწინებას, ქმედობის რეალურად განხორციელების უწინარეს.

ორგანიზმის უწინ განხილული ქცევებიდან ნებელობის ანალოგს ინსტინქტური ქმედობა წარმოადგენს და არა წადილური მოქმედება. განსხვავება ინსტინქტისა და ნებითი ქმედობის შორის ძალიან დიდია: ინსტინქტი არაა ცნობიერი და ამიტომ არ შეიძლება ლაპარაკი, საშუალებათა ნამდვილად გათვალისწინების შესახებ. ერთი მხრივ, მისი მიმდინარეობა იმდენადაა განსაზღვრული სიტუაციით, რომ მკვლევრებს შესაძლებლობა მიეცათ ჭაბჭურ რეფლექსად (თუ რეფლექსთა ჭაბჭად) აღეარებიათ იგი. მეორე მხრივ კი იგი იმდენად ბიზანშეწონილია, იმდენად ელასტიურია, რომ იმის შესაძლებლობაც

ჰქონდა ზოგიერთ მეკლეგარს (Mac Dougall) ეფიქრა, თითქოს, ცხოველის ე. წ. ინსტინქტურ ქცევაში, მეტად თუ ნაკლებად, ყოველთვის მონაწილეობს ინტელექტი.

ზემოთ ჩვენ ენახეთ, რომ, პერსონალისტური ფსიქოლოგიის აზრით, არც ერთი ამ შეხედულებათაგანი ჰქმნაჩიტებას არ შეეფერება. ნებელობასთან ინსტინქტის ანალოგია იმაში მდგომარეობს, რომ მასში — წადილისაგან განსხვავებით — მიზანმისწრაფებულობასთან ერთად, არსებითი მნიშვნელობა აქვს მიზნის მისაღწევი გზების გათვალისწინებას. მაგრამ ინსტინქტის შემთხვევაში გზების გათვალისწინების შესახებ მხოლოდ პირობით შეიძლება ლაპარაკი, რადგან ინსტინქტური ქმედობა ცნობიერების დაუხმარებლად სრულდება; ნებითი ქმედობის შემთხვევაში კი ცნობიერების აქტივობასთან გვაქვს საქმე, და გზებიც ცნობიერადაა გათვალისწინებული. ნარტივი ნებითი ქმედობის შემთხვევებში, როდესაც არც მოტივთა ბრძოლა ყოფილა, და გადაწყვეტილებაც ცალმხრივ იყო მხოლოდ მიმართული, სახელდობრ პროსპექტულად. — გზების ცნობიერი გათვალისწინებაც არ ხდება. მაგრამ ასეთი შემთხვევები — დეე, ცალიან ხშირი, შეიძლება უხშირესიც კი აღადიანის ცხოვრებაში — არაა ტიპური ნებითი ქმედობისთვის. უკანასკნელის მაღალი ფორმებისთვის დამახასიათებელია ე. წ. მოტივთა ბრძოლაც, რეტროსპექციული გადაწყვეტაც და მიზნისკენ მიმავალი გზების ცნობიერი გათვალისწინებაც. ნებითი ქმედობა წინასწარ მოწესრიგდება, მისა სტრუქტურა წინასწარ დაიგეგმება. დაგეგმვა შეიძლება გადაწყვეტილების მიღებამდეც ხდებოდეს, მაგრამ ეს არაა აუცილებელი. გადაწყვეტილების მიღების შემდეგ კი დაგეგმვა აუცილებელი მომენტია ქმედობისა. რთული ნებითი ქმედობის შემთხვევაში პიროვნება გაითვალისწინებს მიზნის მისაღწევ საშუალებებს, თუ შეიძლება ასე ითქვას, ქრონოლოგიური თანამიმდევრობით. ამასთანავე, უხლოესი საშუალება უფრო მკაფიოდაა გათვალისწინებული, უშორესი — უფრო ბუნდოვნად. საშუალებათა ქრონოლოგიურ განლაგებაზე უფრო მნიშვნელოვანია საშუალებათა იერარქიული სისტემის აგება. საბოლოო მიზანი უმალეს საფეხურზე დგას. მას ემორჩილება ის საშუალებანი, რომელნიც აუცილებელია მიზნის მისაღწევად. მაგრამ ვინაიდან ეს საშუალებანიც არაა უბრალოდ მოცემული, არამედ მოპოებული უნდა იქნეს, ამიტომ ისინიც მიზნებად იქცევა.

მიზნებად, რომლებიც, ამასთანავე, საშუალებად გაიზარებს პიროვნების მიერ. მიზანთა ასეთი რთული სისტემისათვის დამორჩილება ქცევისა, იმგვარად დამორჩილება, რომ პიროვნება მხოლოდ იმ ქმედობებს აწარმოებს, რომლებიც მიზნისთვის შესატყვისია, შეუსატყვის მოქმედებას კი ან სულ არ აწარმოებს, ან აღმოცენებისთანავე ჩაჰკლავს — ძალიან ჰგავს აზროვნების მიმდინარეობას, სადაც, აგრეთვე, მხოლოდ მიზნის შესატყვისი შინაარსები ამოტივტივდება ცნობიერებაში. ძალა, რომელიც წარმართავს მოქმედებათა ამგვარ მიმდინარეობას, დეტერმინაციამყოფელი ტენდენციის ცნებით¹⁶³ არის წვდომილი. დეტერმინაციამყოფელი ტენდენცია გადაწყვეტილების მიღებისთანავე იწყებს მოქმედებას და მოქმედებს ვიდრე მიზნის მიღწევამდე.

დეტერმინაციამყოფელი ტენდენცია მიზნის წარმოდგენას მიეწერება ხოლმე. პერსონალისტური თვალსაზრისით ეს არ უნდა იყოს საქმის ვითარების მართებულად ვაგება. ქმედობის წარმართველი — მით უმეტეს ასეთი მკაფიოდ პერსონული, ფსიქოფიზიკურად ნეიტრალური ქმედობისა, როგორცია ნებითი ქმედობა — მხოლოდ პიროვნება შეიძლება იყოს და არა წარმოდგენა; ამიტომ უფრო შესაფერისი უნდა იყოს სინამდვილისთვის ლევენისეული ვაგება ნებითი ქმედობისა, როგორც ინდივიდუუმის მიერ „დაუფლებული“ ქმედობისა — განსხვავებით წადილური მოქმედებისაგან, რომელიც ველის ძალებითაა განსაზღვრული.

მოტივაციისა და გადაწყვეტილების მიღების ეტაპზე ნებითი ქმედობა ცნობიერების მაღალ დონეზე მიმდინარეობს. გადაწყვეტილი ქმედობის განხორციელებისას კი ცნობიერობა კლებულობს, ან სულაც გამოითიშება. გადაწყვეტილება, ნებელობის ბიძგი, ხანმოკლე აკუტური განცდაა, იგი არ ჩიება ქრონიკულად, ნებითა ბიკის რეტროსპექტიული მხარე პირობასდებს იმ გარემობას, რომ მოამზადებელი პერიოდის დაძაბულობა აღიკვეთება და გადაწყვეტის მომენტი შვებად განიცდება. მაგრამ შვება ერთობ ხანმოკლეა, რადგან გადაწყვეტილი ქმედობის პროსპექტია ახალ დაძაბულობას ქმნის. ჩნდება ახალი მოთხოვნილება: ქმედობა წარმოდგენილ და-

¹⁶³ ტრადიციით განმტკიცებულია ქართულში ტერმინი „დეტერმინაციის ტენდენცია“. იგი არ შეესაბამება დედანს: *determinierende Tendenz* და ვერა დადმოსცემს ტენდენციის ნამდვილ ბუნებას.

სასრულამდე იქნეს მიყვანილი. ეს მოთხოვნილება განსხვავებულია პირველადი მოთხოვნილებიდან. რომელიც უ შ უ ა ლ ო დ ა ა წ ა დილზე აღმოცენებული. ამ განსხვავების აღსანიშნავად მას „ვი-თომც-მოთხოვნილება“. „კვაზი-მოთხოვნილება“ ეწოდება (K. Lewin). კვაზი-მოთხოვნილებები განსხვავდება ნამდვილი მოთხოვნილებისა-გან დინამიკური ხასიათითაც: თუ უკანასკნელები ქრონიკული ხა-სიათისაა, პირველები გარკვეულ მომენტში ჩნდება და ასევე გარ-კვეულ მომენტში ისპობა. სახელდობრ: ჩნდება ნებითი ქმედობას უშუალოდ წინ. და ისპობა ნებითი ქმედობის დასრულების, ე. ი. მიზნის მიღწევისთანავე.

ნებითი ქმედობა კი ხანგრძლივი და ერთხელ აღმოცენე-ბულმა ბიძგმა რამენაირად უნდა წარმართოს იგი. ერთგვარი სტაბი-ლიზაციაა საჭირო გადაწყვეტილებისა და ამ სტაბილიზაციას იგი გა ნ ზ რ ა ხ ვ ა შ ი პოულობს. განზრახვა რჩება ნებითი მთელი ქმე-დობის განმავლობაში. „ქრონიკული საფუძველი“ ქმედობას იმიტომ სჭირდება, რომ მის მიმდინარეობას დაბრკოლებები ელოდება წინ. დაბრკოლება შეიძლება ან შინაგანი წარმოშობის იყოს (მობეზრე-ბა, ინტერესის შეცვლა) ან გარეგანისა (სიტუაციის ცვლილებები), მაგრამ, როგორც არ უნდა იყოს იგი, მის დროს, ბუნებრივია, რომ ქმედობის კვლავ გაცნობიერება ხდება აუცილებელი. და დაბრკოლე-ბისას აღმოცენებული ახალი ამოცანის გადაწყვეტა სათანადო მიმარ-თულებით. განზრახვის საფუძველზეა მხოლოდ შესაძლებელი. ავტო-მატური განწყობანი, მიმართულებანი (Einstellungen), რომლებიც წარმართავენ ქმედობას ქვეცნობიერ საფეხურზე. საკმაო აღი-არის ასეთ კრიტიკულ მომენტებში; სიტუაციის გააზრების საფუ-ძველზე შესაძლებელია შეიცვალოს მიზანდასახულობაც, მაგრამ ახალი განზრახვა უბრალოდ ძველის ადგილს კი არ იჭერს ამ შემ-თხვევაში; იგი პირველადი იმპულსის ძალით იკვებება, რომელიც ნებელობის ახალი ბიძგით მხოლოდ მიმართულებას სცვლის ქმე-დობისას. ელასტიკურობა დადებითად ახასიათებს ნებელობას: „გა-ქვავებული“ განზრახვა, რომელიც ვერ ეგუება ახალი სიტუაციის მიერ წამოყენებულ ახალ მოთხოვნილებას. — სუსტი ნებისყოფის დამახასიათებელია სიჭიუტე — ნებელობის სისუსტის მაჩვენებე-ლია და არა სიმტკიცისა. მიზნის შეცვლის ფაქტი არ ეწინააღმდეგე-ბა იმ გარემოებას, რომ ნებითი ქმედობა დაბნული, გეშტალტურა ბუნების ცოცხლობაა! ერთხელ დასახული მიზნისკენ გადაუხრელად

სელა ნებითი ქმედობის დამახინჯებაა მაშინ, როდესაც შეცვლილა გარემოება პირველადს მიზანს უაზროდ პყოფს პიროვნების სიცოცხლისთვის, რადგან ნებელობა პიროვნების ქვეშეპირტი მიზნისადმი მისწრაფების უმაღლესი სახეობაა.

ნებითი ცალკეული ქმედობის განხილვისას ჩვენ დაგვეჭირდა გარე-გამოვლენილი ქმედობის წინასაფხურების გათვალისწინება. სახელდობრ — ნებელობის ბიძგისა, ანუ გადაწყვეტილებისა, მას რეტროსპექციულისა და პროსპექციული რომელობით; იმპულსის შომდეგრო, და უმთავრესად,— წინასწარი მოტივაციისა. ყველა ის ცნებები, რომელთაც აქ შევხვდით — გენომოტივის გამოკლებით — ფენომენტური სფეროდანაა აღებული. ნებელობის აქამდე განხილული მომენტები პიროვნების ზედაპირული მოვლენებია. გარდა გენომოტივისა. და ყველა ეს ცნება — გენომოტივიც მათ შორის — ცალკეულ ნებით ქმედობასთანაა დაკავშირებული. თქმული იყო, რომ ნებელობის ბიძგი არარაადან არ ჩნდება, არამედ მოტივის ნიადაგზე აღმოცენდება. მოტივის შესახებაც იგივე შეიძლება ითქვას: არც იგი ჩნდება არარაადან. და თუ გენომოტივის ნიადაგად ვენომოტივი იქნა დადასტურებული, გენომოტივის ნიადაგი და საფუძველი, უკვე. პიროვნების უფრო ღრმა ფენებია. ამის შესახებაც იყო თქმული: გენომოტივი — მოთხოვნილებაა. მოთხოვნილება კი მხოლოდ იმეამად კი არაა მოცემული. როდესაც იგი ნებითს ქმედობად იქცევა, არამედ იქამდეც და იმის შემდეგაც განაგრძობს დისპოზიციურად არსებობას. მასში მოცემულია პერსონის ქრონიკული მიმართებულება და აღჭურვილობა, მზაობა და ძალით დატვირთულობა, ურომლისოდაც შეუძლებელი იქნებოდა ნებელობის ბიძგის სახით მისი აკუტური გამოვლენა. ამგვარად, პერსონას შედარებით ქრონიკულ მდგომარეობას, რომელიც გარკვეული სახის ნებით ქმედობისადმი და დისპონირებული, „ნებელობის პოზიციია“ (Willeushaltung) ეწოდება. ნებელობის პოზიციის რაგვარობა სამყარო-პერსონის კონვერგენციითაა განსაზღვრული და როგორც კონვერგენციის ყველა სხვა შემთხვევებში, ისე ამ შემთხვევაშიც, ხან შინაგანი ფაქტორის წვლილია მეტი და ხან გარეგანისა. პირველის ნიმუშია ბავშვის სიჭიურე, რომელიც გარკვეულ ასაკში იწყება და გარკვეულ ასაკში ისპობა. მეორისა — მებრძოლის ნებელობის პოზიციია, რომელიც გარედან ზემოქმედებით — აღზრდით — არის შექმნილი და რომელიც მხოლოდ გარკვეულ სი-

ტუაციის არსებობს. ნებელობის პოზიცია გენომოტივის მომდევნო საფეხურია პიროვნების სიღრმისაყენ, საიდანაც მომდინარეობს საბოლოოდ ნებითი ქმედობა.

ნებელობის პოზიცია ნებითი ქმედობის უკუმოქმედებას განიცდის. გარკვეულ გარემოში — მაგ. ბოროტმოქმედთა წრეში — ადამიანს შეიძლება შეექმნას ბოროტმოქმედების ნებელობის პოზიცია, მაგრამ მაღალი მოსახრებებით წინააღმდეგობა გაუწიოს მას და, გარემოსთან ავტომატურად კონვერგენციის ნაცვლად, ზნეობრივად ღირსეული ნებითი ქმედობა განახორციელოს. ასეთი ქმედობის გაფლენით თვით ნებელობის პოზიციაც შეიცვლება. „არსად არ მელაგნდება ადამიანის პიროვნების თავისებური მთლიანობითი სტრუქტურა ისე თვალსაჩინოდ, როგორც ამ ურთიერთმიმართებაში: პერსონის მთელი ძალღონე და მიზანმისწრაფებულობა შეიძლება კონცენტრირებული იქნეს ცალკეული მოქმედების აქტუალურ მოცემულობაში, რომელიც (მოქმედება) სიცოცხლის ხანიერ ერთიანობაზე მოქმედებს, ანიჭებს რა მას ნებელობის პოზიციას; ნებელობის ამ პოზიციის აზრი კი ისაა, რომ იგი მომდევნო პრეზენტებში მუდმივი (jeweilige) მოთხოვნილებებისა და სიტუაციების შესატყვისად ნებელობის ახალ მოქმედებებში გამომელაგნდება“¹⁶⁴.

ამ მოქმედებაშიც მონაწილეობს წინასამყარო და გარესამყარო, (Anlage და მილიე), მაგრამ მოქმედება ამ ორივე გარე-პერსონული ფაქტორის კონვერგენციის უბრალო პროდუქტზე შეტია; და ამ პლუსში, ამ უშუალო გამომდინარეობაში თვით პერსონიდან. იგი თავისუფალია, რადგან „თავისუფლება“ უმიზნობა კი არაა, არამედ პერსონის აქტუალური თვითგანსაზღვრებით მიზნდება (Verursachung)¹⁶⁵.

ნებელობის პოზიციის აზრი ნებელობის ქმედობად აქტუალიზაციაა. ამ აქტუალიზაციის გზას წარმოადგენს აკუტური ჩასიათის არაცნობიერი გენომოტივი, მასზე აღმოცენებული ფენომოტივი გადაწყვეტილება. ანუ ნებელობის ბიძგი და იმპულსი. ფენომოტივი ისეთი საფეხურია ამ გზისა, რომელსაც შეიძლება გვერდი აუაროს პიროვნებამ. ასე ხდება ხოლმე ნებელობის მარტივ შემოსრევებში. სადაც მოტივის გაცნობიერება, მისი თავისთავადი სიცხადის გამო,

¹⁶⁴ 1,600.

¹⁶⁵ იქვე.

არ ხდება საჭირო. (რაც არ უნდა მარტივი იყოს ქმედობა, თუ იგი ნამდვილად ნებითი ქმედობაა, ერთხელ მაინც უნდა იყოს იგი ცნობიერებაში მოცემული; სახელდობრ, გადაწყვეტის მომენტში: „ახლა მე მნებავს“ — უსათუოდ ცნობიერია. თუ კ. ლევინი გადაწყვეტას ნებელობის აუცილებელ მომენტად არ თვლის, ეს გაუგებრობი: შედეგია: იგი არ განასხვავებს გადაწყვეტას რეტროსპექტიულს, პროსპექტიული გადაწყვეტისაგან. პირველი კი, მართლაც, არაა აუცილებელი, სახელდობრ, ნებითი ქმედობის ისეთ შემთხვევებში, რომლებიც მოტივების ბრძოლიდან არ გამომდინარეობენ; მაგრამ ეს — სხვათა შორის) მაგრამ ხშირად მოტივაციის გაცნობიერება ხდება საჭირო. ეს მაშინ, როდესაც ნებელობა რთულ შინაგან და გარეგან ვითარებაშია მოცემული: და მაშინ გენომოტივი ფენომოტივის სახით ეძლევა ცნობიერებას. თუ რამდენად ადეკვატურია ფენომოტივი გენომოტივისა — ამის შესახებ ზემოთ ვთქვი კიდევ. აიყვანთ ვად გენომოტივი არაა ცნობიერი. იგი არ განიცდება. ასევე არ განიცდება გენომოტივის უახლოესი საფუძველი — ნებელობის პოზიცია. მაგრამ როგორც გენომოტივის გაცნობიერება ხდება ფენომოტივში, ისე ნებელობის პოზიციის გაცნობიერება ხდება ზ რ ა ხ ვ ა შ ი (Gesinnung). ზრახვა ქრონიკულად ქცეული ფენომოტივია. ზრახვა ისეთივე მიმართებაშია ნებელობის პოზიციასთან, როგორც მიმართებაშია ფენომოტივი აქტუალურ ნებითს ქმედობასთან: ზრახვაში პიროვნება ასახავს და გაამართლებს თავის ნებელობის პოზიციას საკუთარი თავის და სხვებისთვის¹⁶. იგი ნებელობის პოზიციის დალექვას წარმოადგენს ცნობიერებაში.

ზრახვა, ფენომოტივის ანალოგიურად. შეიძლება ადეკვატურად არც გამოხატავდეს თავის საფუძველს — ნებელობის პოზიციას. იგი სწორიც შეიძლება იყოს, მდარიც (ილუზიაზე აგებული) და ცრუც (სხვისი მოტყუების მიზნით შეთხზული). არის შემთხვევები, როდესაც მთელი ძალ-ღონე და ენერჯია, რომელიც ნებითი ქმედო-

¹⁶ Gesinnung-ის ზრახვად თარგმნა მავალეს „განზრახვისთან“ მისი ურთიერთობის გარკვევას. Gesinnung-ისა და Vorsatz-ის ეტიმოლოგიური რამოუკიდებლობის გამო ავტორი თავისუფალი იყო ამ ვალდებულებისგან.

თუ „განზრახვა“ ნებითი პროცესის (დინამიკის) გაცნობიერებული საფუძველია და მისი განუხრელად ერთი მიმართულებით წარმართვის პირობა, — „ზრახვა“ ნებითი მდგომარეობის (სტატიკის) უზრუნველყოფელი ცნობიერების მდგომარეობაა.

ბის განხორციელებას უნდა მოხმარებოდა, ზრახვაში პოევებს გამო-
სავალს და მასში ამოიწურება, რის გამოც ნამდვილი ქმედობის-
თვის ენერგია უკვე აღარ რჩება.

კონკრეტული ნებითი ქმედობის საფუძვლების ძიებაში ჩვენ
გავიარეთ ერთი მხრივ ფენომორტივისა და ზრახვას საფეხურები,
მეორე მხრივ კი -- გენომორტივისა და ნებელობის პოზიციის საფე-
ხურები. ზრახვა ცნობიერების მოვლენაა და ნებელობის ცნობიერე-
ბის უკანასკნელი საფეხური. ფენომორტივთან შედარებით იგი მყარია,
ხანიერად უფრო ვრცელია; მაგრამ ეს — მხოლოდ ფენომორტივთან
შედარებით. პიროვნების სიცოცხლის მთლიანობასთან შედარებით
იგი მაინც ერთხელობრივია, სიცოცხლისავე ფარგლებში დასაწყი-
სისა და დასასრულის მქონე. იგივე ითქმის ნებელობის პოზიციის შე-
სახებ: იგი არის პიროვნების შედარებით ქრონიკული
მდგომარეობა. რომელიც გარკვეული სახის ნებითს ქმედობათაღი
განაწყობს (disponiert) მას. «ამით ნებელობის პოზიციები ერთიანო-
ბის პრინციპს ქმნიან ცალკეული მოქმედებებისთვის, მაგრამ პერსო-
ნის მთლიანობის მიმართ ისინიც, თავის მხრივ, მხოლოდ ნაწილობ-
რივ მოვლენებს წარმოადგენენ და მხოლოდ ხელოვნურად შეიძლება
გამოყოფილ იქნან მისგან, რადგან საბოლოოდ მთლიან-პერს-
ონული ნებელობის პოზიციაში აქვთ გადგმული
ფესვი (Wurzel); ეს პოზიცია, მართალია უცვლელი არ არის, მაგ-
რამ მას შინაგანი აზრიანი დახშულობა და აზრიანი განვითარება
ახასიათებს. ნებელობის ამ პოზიციას ეწოდება „ხასიათი“».

ხასიათი. ამრიგად, არის ნებელობის თვალთახედვით განკერე-
ტილი ერთმთლიანი პიროვნება. ხასიათის ცნება რომ საკუთრივ ფსი-
ქოლოგიური ცნება არაა სიტყვის ვიწრო მნიშვნელობით, ეს პერსონა-
ლისტიკაზე უფრო ადრე სხვების მიერაც იყო გაგებელი. პერსონა-
ლისტიური თვალსაზრისით, ხასიათის რაობის გაგება სიძნელეს არ
წარმოადგენს. იგი (როგორც ყველა სხვა დისპოზიცია) მთლიან-პი-
როვნული დისპოზიციაა, რომელიც საფუძვლად უდევს ადამიანის
ნებითს ქმედობას. მისი სპეციფიკურ-ადამიანურობა თავისთავად ნა-
თელია. ადამიანის ხასიათი შეიძლება დაეუპირისპიროთ ცხოველის
„ბუნებას“ (Naturell), რომლითაც პირობადებულთა წადილური
(ცხოველისთვის არსებითად ერთადერთი სახის) ქმედობა.

თუ ხასიათი მიზნისეულობის დისპოზიციას, მისი რაობის შესახებ მრავალი დასკვნის გამოტანა შეიძლება მიზანთა სისტემის როგორებიდან. ავტოტელისა, ჰეტეროტელისა და ინტროტელისა პირობასდებენ ხასიათის შესატყვის ნაკვებებს (Zilge). ამ ნიადაგზე აღმოცენებული შორსმწვდომი ინტერინდივიდური განსხვავებანი ქარაქტეროლოგიური და დიფერენციულ-ფსიქოლოგიური კვლევის მთავარი საგანია, ზოგადი ფსიქოლოგიის კვლევის სფეროს კი სცილდება და ამიტომ საჭიროდ არ მიმანია აქ მათ განხილვაზე შეჩერება, მიუხედავად იმისა, რომ ავტორი საკმაო ყურადღებას უთმობს მათ. ზოგადფსიქოლოგიური თვალსაზრისით საინტერესოა ის, რომ მიზანთა რაგვარობის მიხედვით, რომელიც საფუძვლად უდევს ხასიათს, ეს უკანასკნელი შინაარსობლივადაა განსახლერული. მაგრამ მარტო შინაარსობლივი კვალიფიკაცია ხასიათისა არ არის სამყოფი. რამდენადაც ხასიათია ნებითი ქმედობის საფუძველი, საჭიროა გავიოვალისწინოთ მისი ის მხარეებიც, რომელნიც ნებითა ქმედობის დინამიკასა და სტრუქტურას უდება საფუძვლად. ნებითი ქმედობის დინამიკა წადილიდან მომდინარეობს. მაგრამ ნებითი ქმედობა არაა წადილური ქმედობა. ხშირად პირიქით: ნებითი ქმედობა ეწინააღმდეგება წადილს. ნებელობა არის საკუთარ ბუნებასთან და აგრეთვე გარედან მომდინარე იძულებებთან შებრძოლება: წადილების შეფერხებას არა მარტო ნეგატიური მნიშვნელობა აქვს, არამედ პოზიტიურიც; იგი გაათავისუფლებს ენერგიის მარაგს და შესაძლებელყოფს ქმედობაში მის გამოყენებას. ნებელობის სიმტკიცე, ე. ი. ნებელობის აქტზე ენერგიის კონცენტრაციის უნარი; ნებელობის გამძლეობა, ე. ი. ხანგრძლივი ნებითი ქმედობის წარმოების უნარი; ნებელობის შეთანხმებულობა, ე. ი. დიდი დროის განმავლობაში წარმოებული ნებითი ქმედობების შეთანხმების უნარი — ყველა ეს დინამიკური თავისებურებანი ხასიათისა, მხოლოდ წადილისგან ნაყაირათევი ენერგიის წყალობით შეიძლება არსებობდეს. ტიპოლოგიურ განსხვავებას ამ თვალსაზრისით წარმოადგენს ხასიათის სიმტკიცე და სისუსტე. ეს თვალსაზრისი რაოდენობითი თვალსაზრისია. რომელობითი მხრივ შეიძლება განსხვავება ქმედობათა დაუფლებულობისა და დაუუფლებლობისა. როდესაც ქმედობა წადილურ ქმედობასთან ახლო დგას, მაშინ იმპულსური, უდარდელი, ზარმაცი, უწესრიგო ხასიათის შესახებ ვლაპარაკობთ პირიქით. თუ ქმედობა წადილების უარყოფაზე, მის შეფერ-

ხებაზეა აგებული, --- სიზუსტესთან, ბეჭითობასთან, მუყაითობასთან, პედანტიზმთან გვაქვს საქმე.

ხასიათის როგორც მნიშვნელოვნადაა განსაზღვრული იმ გარემოებით, რომ პიროვნება (და მას ხასიათიც) მრავალერთიანობაა. თუ მიზნის რომელია შინაარსობლივად განსაზღვრავს ხასიათს, წადილთან ურთიერთობა კი დინამიკურად, — მიზანთა სიმრავლე ხასიათის სტრუქტურას განსაზღვრავს. სტრუქტურული როგორობის პოლუსები პარამონიულობა და კონფლიქტურობაა (Gespaltenheit) განსაკუთრებით ძლიერია ცნობიერების მონაწილეობა კონფლიქტური ხასიათის შემთხვევაში, რაც ადვილი გასაგებია ცნობიერების ბუნების საფუძველზე: იგი ხომ კონფლიქტის ნაყოფი და საკეცა. პარამონიული ხასიათის შემთხვევაში პიროვნების ზედაპირისა და სიღრმეების შორის თანხმობა სუფევს, გამიზნულობათა სხვადასხვა სფეროებში — ერთგვაროვან ქმედობებთან, ერთგვაროვან რეაქციებთან გვაქვს საქმე; სიცოცხლის მიმდინარეობაში, განვითარების სხვადასხვა ფაზებს შორის ადვილი არა აქვს შეუთახხმებლობასა და წინააღმდეგობას. კონფლიქტური ხასიათი განხილულ სამივე განზომილებაში (სიღრმის, სიფართოვის ანუ მოცულობისა და დროის) დიამეტრულად საწინააღმდეგო სურათს წარმოადგენს.

ნაქმობა

როგორც ცნობილია. ნებელობა არის პერსონული ელენება, რომელშიც გამოიხატება პერსონის აქტიური მიმართება სამყაროსადმი, უკანასკნელის დამორჩილების მიზნით (იხ. ზემოთ). ნებითი ქმედობის ობიექტი — სამყაროს მყოფადი მდგომარეობაა. ცნობიერების პლანში ეს ვითარება მიზნის ცნობიერად აისახება; ფიზიკალურ პლანში — სამყაროში გარკვეული ევლილებების შეტანით. ნებითს ქმედობას ადამიანი საკუთარი სხეულს მიზანშეწონილი მოძრაობებით განახორციელებს. სხეულებრივი მოძრაობანი და მათი საშუალებით ობიექტური რეზულტატის მიღება დამახასიათებელი, არსებითი ნიშანია ნებელობისა და, უნდა ითქვას, რომ სულ უკანასკნელ ხანამდე, როდესაც აღმოჩენილ იყო სპეციფიკური ვანცდა „ახლა მე მნებავს“ განცდა, ნებელობის ფსიქოლოგიის გულისყური მხოლოდ ამ მოძრაობებისადმი იყო მიმართული. ნებელობის სპეციფიკური განცდის აღმოჩენამ ახალი სარბიელი გადა-

უშალა განცდის ფსიქოლოგიას და ახალი ფსიქოლოგიის კვლევა-ძიება ამ სარბიელზე გაიშალა. მაგრამ კერძოდ პერსონალისტური ფსიქოლოგიისათვის ეს არ ნიშნავს, თითქოს, შეიძლებოდეს გარე-გამოვლენილი ნებითი ქმედობისადმი ყურადღების შესუსტება. ეს ქმედობა პერსონალისტური თვალსაზრისისთვის ძველებურად მნიშვნელოვანია, როგორც პერსონა — სამყაროს კავშირის ასახვის ერთ-ერთი თვალსაჩინო მოდუსი.

ცნობილია, რომ სამყაროში ობიექტური ცვლილებანი პერსონას არა-ნებითი ქმედობის საშუალებითაც შეაქვს. ასეთი ქმედობების სახეობანია რეფლექსური, წადილური და ინსტინქტური მოქმედებანი. ნებითი ქმედობით გამოწვეული ცვლილებები, როგორც საკუთარი სპეციფიკის მქონენი, საგანგებო განხილვას მოითხოვს, ნებითი ქმედობის თავისებურობის აღსანიშნავად ე. შტერნი მათთვის საგანგებო, სხვა ქმედობათა აღმნიშვნელი სიტყვებისგან (როგორცაა მოქმედება — *Tun* და ქმედობა — *Haudlung*) განსხვავებულ ტერმინს ხმარობს, — *Leistung*. ეს სიტყვა ნიშნავს ღირებულების შექმნას ენერგიის დახარჯვის საშუალებით (*Wertschaffung durch Energieaufwand*). მაგრამ ასეთი რამ არავითარ შემთხვევაში არ შეიძლება ზიეწეროს მხოლოდ ნებით ქმედობას — ენერგიის ხარჯვის საშუალებით ღირებულებას ქმნის არა მარტო ნებისმიერად მოქმედი ადამიანი, არამედ ინსტინქტურად მოქმედი ცხოველიც. და კიდევ მეტი: მანქანაც. ამიტომ ნებითი ქმედობის თავისებურობის გამოსახატავად სიტყვა *Leistung*-ს უნდა დაერთოს მსაზღვრელი: „პერსონული“. ტერმინი *personale Leistung* ნიშნავს: ღირებულებათა შექმნას ნებითი ქმედობით, პერსონული ძალის დახარჯვის საშუალებით¹⁶⁷.

¹⁶⁷ *Leistung* (bzw. *leisten*) ნაქმობად ვთარგმნე. შეიძლებოდა უთარგმნელად მეხმარა, როგორც, მაგალითად, „პერსონა“ (და არა „პირი“), „გეშტალტი“ (და არა „იდნაგობა“) და სხვა მრავალი ანდაგვარი, მაგრამ „პერსონისგან“ განსხვავებით *Leistung* არა ლათინური, არამედ სპეციფიკური გერმანული სიტყვაა, რაც აფერხებს მის ქართულში გადმოტანას. „გეშტალტი“ ამ მხრივ იშვიათ შემთხვევას წარმოადგენს, საერთაშორისო ტრადიციითაა განმტკიცებული. ამის გარდა *Leistung* საესეებით საყოველღეო სიტყვაა და მისი უთარგმნელობა კი მწიგნობრულ იერს მისცემდა მას. „ნაქმობა“ — სუსტია: ხელოვნურია, არაკეთილშობიანია, მაგრამ ღირსება მისი ისაა, რომ პროცესულობააა მასში (-ობა) და რეზულტატისეულობაც (ნა-), ძირი „ქმნა“ საესეებით გამოხატავს ცნებ-ს არსს.

ცნება „ძალა“ განსხვავებულ უნდა იქნეს „ენერჯის“ ცნებისგან. უკანასკნელი ნიშნავს მუშაობის უნარის რაოდენობას, იგი პერსონული იერისგან სრულიად თავისუფალია. პირველი ნიშნავს ცოცხალი სუბიექტის აქტიუობას, რომელიც (აქტიუობა) დაბრკოლებათა გადალახვას ემსახურება¹⁶⁸.

ნაქმობის ცენტრალური ფაქტორია თავისთავისადმი მოთხოვნის წაყენება (Sel stbeauspruehung, Lipmanon). პერსონული ნაქმობის შეფასება. მიღწეული შედეგის აღრიცხვით კი არ უნდა სდებოდეს, არამედ იმ ცნობიერი ძალისხმევით, რომელსაც შიძართავს ადამიანი ნებოთი ქმედობისას. ვინც ობიექტური წარმატებისთვის იღწვის, ამასთანავე პერსონულ ნაქმობასაც ახორციელებს: „იგი მოთხოვნებს უყენებს საკუთარ თავს, ღირებულებათა აქტიური ინტროცეფციით სთრგუნავს საკუთარ უბრალოდ ვიტალურ ყოფას. ცდილობს რამოიმოქმედოს საუკეთესო. რაც კი ძალუძს, პიროვნება ამით ესწრაფვის გახდეს კიდევაც საუკეთესო, რამდენადაც ამის შესაძლებლობა არის მასში პოტენციურად მოცემული. ნაქმობისთვის პიროვნებას უნდა გააჩნდეს სათანადო აღქმურვილობის დისპოზიციები. მაგრამ მარტო ეს დისპოზიციები არაა საკმარისი, არამედ მათი რეალიზაციის ფაქტორიც—საკუთარი თავისადმი მოთხოვნაც—აუცილებელია. საკუთარი თავისადმი მოთხოვნის დისპოზიცია ნაქმობისთვის მზაობას (Lipmanon) ნიშნავს. პერსონული და ობიექტური ნაქმობის შორის განსხვავება თვალსაჩინოა შემდეგ მაგალითში: ართიმეტიკული ამოცანის გადაწყვეტისას ნიჭიერმა მოწაფემ შეიძლება არც ერთი შეცდომა არ დაუშვას, ნაკლებ ნიჭიერმა კი — ხუთი შეცდომა. ობიექტური წარმატება პირველისა უდავოდ მეტია მეორისაზე, მაგრამ პერსონული ნაქმობა მეორისა შესაძლებელია უფრო მაღალი ღირებულების იყოს, რამდენადაც ამ შედეგის მისაღწევად „უნიკო“ მოწაფე ბევრად უფრო მეტად „დაშვრა“ ვიდრე პირველი, ნაქმობის ხარისხის მაჩვენებელი სწორედ „დამრომის“ ხარისხა და არა ობიექტური პროდუქცია.

ნაქმობა, ამრიგად, არის პიროვნების შესაძლებლობათა ნებისმიერი გამოყენება ცნობიერად მიზნად დასახული წარმატების მისაღწევად. ნაქმობის ცნება გულისხმობს როგორც მიღწეულ შე-

¹⁶⁸ An lebendigen Träger geknüpft, zur Überwindung von Widerständen dienende Aktivität, 1,640.

დებს (Leistung), რომელსაც წარმატება შეიძლება ეწოდოს, რამდენადაც იგი აღემატება აქამომდე მოცემულს, — ისე ქმედობის პროცესს, რომლითაც მიიღწევა ეს წარმატება. ნაქმობა ფსიქოფიზიკურად ნეიტრალურია, მხოლოდ რომ მისთვის აუცილებელია ნებელობის ფსიქიკური კომპონენტი. თავისთავად წარმატება კი შეიძლება შეეხებოდეს როგორც ფიზიკურ, ისე ფსიქიკურ სფეროს.

ნაქმობის პროცესი პერიოდული ხასიათისაა. პერიოდს ტალღისებური ბუნება აქვს: ინტენსივობა თანდათანობით მატულობს, აღწევს მაქსიმუმს, ერთხანს რჩება ამ მწვერვალზე და შემდეგ თანდათანობითვე კლებულობს. პერიოდულობა და ტალღისებურობა პერსონული სიცოცხლის მდინარეების ზოგადი კანონზომიერებაა. ადამიანის (ანუ პერსონის) მთელი სიცოცხლეც ერთ ტალღას წარმოადგენს: დასაწყისიდან მომწიფებამდე ტალღა მატულობს, აღწევს „აკმეს“-ს, და მოხუცებისას დაბლა ეცემა. ეს ერთი ტალღა შეიცავს უფრო მცირე ხანგრძლიობის პერიოდებს. ამ უკანასკნელთა სიგრძის ზუსტი დადგენის ცდა ჭერჭერობით ნაადრევია, მათი არსებობა კი — უეჭველი ფაქტი. ადრე ბავშვობის, სასკოლო ასაკის და სიყრმის პერიოდები კი მართლაც 6—7 წელიწადი გრძელდება: თითოეულ მათგანში ტალღის ინტენსივობა სწრაფად აღწევს განვითარების უმაღლეს მწვერვალს, რომელსაც მოსდევს ნელი კლება მონაპოვარის უფრო შინაგანი გადამუშავებითა და შესისწლხორციებით. ეს პერიოდებიც უფრო მცირე — წლიური — პერიოდებისგან შედგება. კიდევ უფრო მცირე პერიოდებს წარმოადგენს — დღიური პერიოდები და, ბოლოს, არსებობს უმცირესი პერიოდები, რომლებსაც „რიტმი“ ეწოდება. რიტმი ისეთ პერიოდებს ეწოდება, რომლების ტალღისებურობა უშუალოდ განიცდება ერთ აწმყოში, და მეორეც — რომლების თანამიმდევრობაც უშუალოდ განიცდება, როგორც განმეორება. პერსონულ პერიოდიკის ზოგად ფორმას განსაზღვრავს სხვადასხვა სიდიდის დინამიკური ტალღების სუპერპოზიცია. ცალკე ტალღის გამოყოფა მხოლოდ აბსტრაქტულად შეიძლება. სიცოცხლის რეალურ მდინარებაში ისინი მხოლოდ და მხოლოდ დამოკიდებულ მომენტებადაა მოცემული. დიფერენციული ფსიქოლოგიისთვის პერსონული პერიოდიკის შესწავლას ძალიან დიდი მნიშვნელობა აქვს და კიდევ მეტი მნიშვნელობა აქვს მას ფსიქოლოგიის გამოყენებითს დარგებში, სახელდობრ, შრომის ფსიქოლოგიაში. ნაქმობის ზოგადი ფსიქოლოგიისთვის საგანგებოდ

ყურადსაღებია განსხვავება ზოგადი პერიოდიკისა და რიტმის შორის. პირველის ხანიერება სცილდება ერთი ნებითი ქმედობის ხანიერებას და ამდენადვე — ნებელობის ფსიქოლოგიის კომპეტენციას. ნაქმობის მხოლოდ ისეთი პერიოდია ნებელობის ფსიქოლოგიის საქმე, რომელიც უშუალოდ ეძლევა ცნობიერებას. ასეთი კი, ფსიქიკის სფეროში, ყურადღების რხევაა. ამ გარემოებას მივყევართ ყურადღების პრობლემასთან.

ყურადღება

„ყურადღება არის ის პერსონული მდგომარეობა, რომელიც პერსონული ნაქმობის განხორციელების უშუალო წინასწარ პირობას წარმოადგენს. ყურადღების არსებითი ნიშნებია: მიზნის ნათელყოფა ცნობიერებაში, და პერსონის განკარგულებაში მყოფი ძალების კონცენტრაცია მიზნის ნათელყოფასა და მის მიღწევაზე“¹⁰⁹. ასეთი განსაზღვრება არკვევს, ერთი მხრივ, ყურადღების ადგილს ფსიქიკაში, მეორე მხრივ. კი — ყურადღების ფსიქოლოგიის პრობლემატიკას.

თუ ნაქმობა ღირებულებათა შექმნისკენ მიმართული ნებითა ქმედობაა. უეჭველია, რომ მისი უშუალო წინასწარი პირობაც ნებელობის კატეგორიას მიეკუთვნება. საქმის ასეთი ვითარებიდან კი გამომდინარეობს, რომ ჩვეულებრივად წარმოებული განსხვავება (ზმნა) ნებისმიერი და უნებლიე ყურადღებისა, ანუ აქტიური და პასიური ყურადღებისა უმართებულოა, რადგან ყურადღება უსათუოდ ნებისმიერია და უსათუოდ აქტიურია. რამდენადაც ყურადღება ნებელობის კატეგორიის მოვლენაა, შეუძლებელია იგი უნებლიე იყოს. რამდენადაც ნებელობა აქტიურია — შეუძლებელია ყურადღება პასიური იყოს. გაუგებრობის სათავე ისაა, რომ საბაბი ყურადღების აქტისა, რომელიც თავისთავად არავითარ შემთხვევაში არ შეიძლება თავისუფალი იყოს ნაქმობის ნებაყოფისგან, შეიძლება ნებელობის გარემოებარე იყოს. იგი შეიძლება გარესამყაროს. რომელიმე მოვლენა იყოს და ამ შემთხვევაში ყურადღების აქტი რეაქტიული იქნება და არა სპონტანურად აქტიური. სპონტანურია ყურადღება იმ შემთხვევაში, როდესაც მისი საბაბი გარედან კი არაა მოცემული, არამედ თავშივეა მოპოვებული.

რეაქტიული იქნება ყურადღება თუ სპრინტანურ-აქტიური, ორივე შემთხვევაში იგი პიროვნების აქტივობის სახეობაა.

ჩვეულებრივ, რეაქტიული ყურადღების აღმძვრელი გარეგანი მოვლენა ან ძლიერი ინტენსივობის მქონეა ხოლმე, ან მოძრავია, ან ახალია. ამიტომ მიღებული იყო, რომ ე. წ. უნებლიე ყურადღებას იწვევს ინტენსიური, ახალი ან მოძრავი¹⁷⁰ გამლიზიანებელი.

ეს დებულება სწორად აღნიშნავს უმრავლესი შემთხვევის გარეგან მხარეს, მაგრამ ჭერ კიდევ არაა საკმარისი საქმის არსის საწვდომად. ნამდვილად რეაქტიული ყურადღების საბაზად პერსონულად მნიშვნელოვანი მოვლენა ხდება ხოლმე. ინტენსივობა, მოძრაობა და სიახლე კი მეორეხარისხოვანი გარეგანი თვისებებია მისი. ამის ფაქტიურ საბუთს იძლევა ის, — მართალია, შედარებით აშვიათი — შემთხვევები, როდესაც ყურადღებას აღძრავს სუსტი ინტენსივობის გამლიზიანებელი, მაშინ, როდესაც ანალოგიური, მაგრამ ბევრად უფრო ძლიერი გამლიზიანებელი არ ხდება ყურადღების საბაზად. მაგალითად, მებრძოლი უყურადღებოდ სტოვებს კანონადას, ხოლო „უნებლიედ“ ყურადღების საგნად ხდის მეთაურის ბრძანებას. დედის ყურადღებას იქცევს შვილის ოდნავი კრუსუნი მეზობელ ოთახში, ხოლო უცხო ბავშვის ღრიალი სადმე მახლობლად — მას სრულიად ყურადღებელი რჩება. გარეგანი საბაზის საკუთარ ძალას რომ არ ძეგლდება მიეწეროს ყურადღების აღძვრა პერსონული აქტივობის მონაწილეობის გარეშე, ეს აქიდანაც ნათლად გამოსკვივის, რომ ე. წ. „მოძალადე“¹⁷¹ გამლიზიანებელი ყოველთვის ყურადღებას კი არ აღძრავს, არამედ შეიძლება სულ სხვაგვარი პერსონული რეაქცია გამოიწვიოს. ხანძრის სანახაობამ, მაგალითად, მშიშარა ბავშვი შეიძლება დააფრთხოს და აატიროს; მეხანძრე გუშავი ავტომატურად ზარის რეკვას დაიწყებს, ჭერ კიდევ სანამ გააცნობიერებდეს თუ რა მოხდა; ესთეტმა შეიძლება მხოლოდ თვალწარმტაცი სანახაობა ნახოს აქ; მეოთხე კი ეცდება გააცნობიეროს თუ რა მოხდა: სადაა და როგორია ხანძარი, რა იწვის და რატომ იწვის. მხოლოდ ამ უკანასკნელ შემთხვევაში გვაქვს საქმე ყურადღებასთან: ნებელობის აქტთან, რომელიც შემეცნებითს ნაქმობაზეა მიმართული. ეს ორი საბუთი: 1. ყურადღების აღმძვრე-

¹⁷⁰ ზოგადად — *aufdringliche*.

¹⁷¹ *aufdringlich, назойливый*

ლი გარეგანი მოვლენის „მოძალადეობის“ (Aufdringlichkeit) ობიექტური კვალიფიკაციის შეუძლებლობა და 2. ერთისა და იმავე მოვლენის მიერ სხვადასხვა შემთხვევაში სხვადასხვაგვარი რეაქციის გამოწვევის შესაძლებლობა — სავსებით სამყოვია ყურადღების აქტში შინაგანი პერსონული ფაქტორის პრიორიტეტის დასადასტურებლად. რაც ყურადღების — ნებელობისათვის მიკუთვნებიდანაც ლოგიკურად გამომდინარეობს.

სპონტანური ყურადღების პერსონისმიერობა მით უმეტეს უეჭველია. პერსონულ ძალთა კონცენტრაციის მიზანმიმართულად ნაკარნახევი და ყურადღების მისამართავად საჭირო არაა გარეგანი რაიმე საბაბი. სპონტანური ყურადღების შემთხვევაში განსაკუთრებით მკაფიოდ ჩანს ყურადღების პირობადებულობა ინტერესით. ინტერესი გრძნობის დისპოზიციას; იგი არის „ძიება“ გრძნობის მონაწილეობით; იგი არის ჭერ კიდევ გაურკვეველ მიზნისადმი მიახლოებაზე მიმართებულობის გრძნობითი დისპოზიცია. ინტერესის აკუტურად გამოვლინება არის სწორედ ყურადღება. გამოთქმები „აკუტური ინტერესი“ და „ყურადღება“ ერთსა და იმავე მოვლენას აღნიშნავს, მხოლოდ სხვადასხვაგვარი მახვილით: პირველი მახვილს აკეთებს მოვლენის გრძნობისეულ მომენტზე, მეორე — მის დინამიკურ დამაბულობაზე.

ყურადღებზე პერსონული რაობის გასარკვევად (ან: ყურადღების რაობის გასარკვევად პერსონალისტური ფსიქოლოგიის თვალსაზრისით) უნდა გვახსოვდეს: 1. ცნობიერების აღმოცენების ძირითადი პირობა და 2. პერსონული ენერჯის როგორობა.

ცნობიერების აღმოცენების ძირითადი პირობა არის კონფლიქტი პერსონასა და სამყაროს შორის. მხოლოდ იქ და მაშინ, სადაც და როდესაც ირღვევა პერსონასა და სამყაროს იმთავითი „თავისთავად გასაგები“ ურთიერთშერწყმულობა პერსონასა და სამყაროს შეჭახებისაგან (Reibung) გამოიკვესება ცნობიერების ნაპერწკალი. ცნობიერების პერსონული დანიშნულებაა შინაგანად აუსახოს პიროვნებას კონფლიქტი, მისი გადალახვის, დაძლევის მიზნით. ყურადღება „შეშეცნებითი ცნობიერების“ (თუ შეიძლება ასე ითქვას) ნებისმიერი მიმართვაა საგნისკენ, მისი საუკეთესოდ გაცნობიერების მიზნით. პერსონული ყოველგვარი მოქმედება, სიტყვის უფართოეპი მნიშვნელობით, მოითხოვს ენერჯის ხარჯვას. პერსონული ენერჯის რაოდენობა კი ზღვარდებულა და ამიტომ

პერსონას ერთდროულად მხოლოდ განსაზღვრული რაოდენობის მოქმედებათა წარმოება შეუძლია. რამდენადაც ყურადღების ამოცანაა ნაქმობის მიზნის ნათელყოფაზე პერსონული ძალის კონცენტრაცია — მისი მოქმედების წარმატება პრინციპულად ზღვარდებულია ამ ძალის რაოდენობით. ძალის კონცენტრაციას ორი მხარე აქვს: პოზიტიურად იგი ნიშნავს მთელი ძალის ერთ საგანზე მიმართვას, ნეგატიურად კი იგი ნიშნავს ძალის მიმართულების შეზღუდვას ერთი საგნით და სხვა საგნებისგან მის „წარმოზიდვას“ (Entziehung). თქმა არ უნდა: ძალის რაოდენობა რომ განუსაზღვრელი ყოფილიყო, ეს ნეგატიური მომენტი სრულიად ზედმეტი იქნებოდა ფსიქიკის და, კერძოდ, ყურადღების მოქმედების მიზანშეწონილების თვალსაზრისით.

ასეთი ოპერაციის შედეგად ყურადღებული საგანი განსაკუთრებული სინათლით, სიცხადით ეძლევა ცნობიერებას. მაგრამ რაც მეტი სიცხადითაა მოცემული ერთი საგანი, მით უფრო „ბნელადაა“ მოცემული სხვა საგნები; ერთი საგნის მიმართ თუ მაქსიმალურ სიფხიზლედ გვესახება ყურადღება, სხვა საგნების თვალსაზრისით იგი „ნაწილობრივი ძალის“ მდგომარეობაა. შთაბეჭდილებათა პეშმარიტად გაცნობიერება აღარ ხდება. ასეთი მდგომარეობა სავესებით გასაგებია „ენერგეტიკული“ თვალსაზრისით. ერთი საგნისადმი ყურადღება სხვა საგნებისადმი უყურადღებობაა ამავე დროს. აქ უყურადღებობის იმ სახეობასთან გვაქვს აქვე, რომელსაც ყურადღების „გადახრილობა“ (Abgelenktheit) ეწოდება. ყურადღების გადახრილობა მხოლოდ არა-ყურადღებული საგნების მიმართაა უყურადღებობა, ყურადღებული საგნის მიმართ კი ყურადღების კონცენტრაციაა მოცემული. ამითი ყურადღების გადახრილობა არსებითად განსხვავდება უყურადღებობის მეორე სახისგან — გაფანტულობისგან (Zerstrütheit). ამ შემთხვევაში ცნობიერების სტრუქტურულად განსხვავებულ მდგომარეობას ვხედავთ. პიროვნება საერთოდ არაფერზე არ ახდენს ძალების კონცენტრაციას, და მის ცნობიერებაში უწესრიგოდ ხან ერთი შინაარსი შედის მეტი სინათლის ხარისხით, ხან მეორე. თუ ყურადღების კონცენტრაციისა და გადახრილობისას დესპოტიური სტრუქტურა ჰქონდა ყურადღებას, გაფანტულობას შემთხვევაში იგი ანარქიულია.

საყოველღეო არამეცნიერული გამოცდილებისთვისაც ცნობილი იყო, რომ მაქსიმალური ყურადღებისა და სრული ყურადღებობის შორის მკაფიო და გარდაუვალი ზღვარი არ არსებობს, რომ საგანი მეტად თუ ნაკლებად შეიძლება იყოს ყურადღებული. ექსპერიმენტულმა გამოკვლევებმა დააზუსტა ეს დაკვირვება. აღმოჩნდა, რომ ყურადღებას, ან უკეთ: საგნის ცნობიერების ოთხი ხარისხი შეიძლება იქნეს დადასტურებული: 1. მხოლოდ დანახვა ამოცანასთან დაუკავშირებლად (უბრალო მოცემულობა). 2. ამოცანის თვალსაზრისით შექმნევა (ხედავს), 3. შედეგის პოტენციური ცოდნა, სიტყვიერად ფორმულირების გარეშე და 4. კონსტატაცია¹⁷².

მაქსიმალურ ყურადღებას რაღაც განფენილება, რაღაც მოცემულობა აქვს, ანუ სხვაგვარად რომ ვთქვათ, სრული სინათლის ცნობიერებაში ერთდროულად მხოლოდ ერთი კი არა — რამდენიმე საგანი, რამდენიმე შინაარსი შეიძლება იყოს მოცემული. ხატოვანად ყურადღების ამ თვისებას ყურადღების ველი ეწოდება. ელემენტარისტული ფსიქოლოგიისთვის ყურადღების ველის განფენილების, ანუ ყურადღების მოცულობის პრობლემა შემდეგ საკითხად ჩამოყალიბდა: რამდენ ელემენტს იტევს ერთდროულად ყურადღება? ექსპერიმენტების თანახმად ეს მოცულობა 4-6 ელემენტით განიზომება. მაგრამ აღმოჩნდა, რომ გეშტალტში მოცემულობისას ელემენტების რაოდენობა არაჩვეულებრივად მატულობს. ეს მონაპოვარი ერთ-ერთი უძლიერესი არგუმენტია ელემენტარისტური ფსიქოლოგიის საწინააღმდეგოდ: ყურადღებას „ელემენტები“ კი არ ეძლევა, არამედ — მხოლოდ ნაქმობის მთლიანობით მიზნები: ფიგურა საცნობად, სიტყვა გასაგებად და ა. შ.; თუ რამდენად მოახერხებს პიროვნება ასეთი გეშტალტის ყურადღებას, მისი შემადგენელი, მასში მოცემული ელემენტების რაოდენობაზე სულ უმნიშვნელოდ თუა დამოკიდებული. არსებითად კი დამოკიდებულია გეშტალტის პერსონულ ღირებულებაზე ანუ პერსონისთვის მნიშვნელობაზე.

ცნობიერების საფეხურები, რომლებიც სუქცესიურად იყო დადასტურებული, სიმულტანურადაც მოცემულია ყურადღების ველში და ამიტომ უკანასკნელის (ყურადღების ველის) სტრუქტურ-

¹⁷² ცდები სენსორუმის ოპტიკურ სფეროში იყო წარმოებული (Westphal).

რა კონცენტრულია: ცენტრში მოთავსებულია მაქსიმალური ყუ-
რადღებს (კონსტატაციის) პუნქტი, მის ირგვლივ კი განლაგებუ-
ლია კლებადი ინტენსივობის წრეები. მაგრამ ყურადღების ველს
ყოველთვის არ გააჩნია მკაფიოდ განსაზღვრული წერტილი. მისი
შუაგული, ზოგჯერ, მოკლებულია კონკრეტულ ერთმნიშვნელო-
ვანობას და ერთგვარ შემოგარეს (Bereich, სფეროს) წარმოად-
გენს, რომლის ფარგლებშიც მხოლოდ შემდეგში იქნება მონახული
კონცენტრაციის ნამდვილი წერტილი. ასეთია მდგომარეობა მო-
ლოდინის, ძიებისა და სხვა ანალოგიურ შემთხვევებში. ყურადღე-
ბის ველის სტრუქტურის ასეთი განსხვავებულობა ერთი მხარეა
უფრო ძირითადი ორმაგობისა, რომელიც ყურადღებას ახასიათებს.
ცნობიერება ორმხრივადაა მიმართული ყურადღებაში: ერთი მხრივ
მოცემულზე, მოპოებულზე, მეორე მხრივ — მოსაპოებელზე;
იგი ერთსა და იმავე დროს ცნობიერების განსაკუთრებული სინა-
თლის მდგომარეობაცაა და დაძაბული მოძრაობაც
უფრო მაღალი და ცნობიერობისკენ. მიზნად დასახული ნაქმობის
შესრულებისთანავე ქრება მეორე (მოძრაობითი, დინამიკური) კომ-
პონენტი და მასთან ერთად, ან უშუალოდ მის შემდეგ ისპობა სა-
ერთოდ ყურადღების მდგომარეობაც. რადგან წმინდა სტატი-
კურ მდგომარეობაში დარჩენა მისთვის შეუძლებელია.

დავუბრუნდეთ ყურადღების ველის სტრუქტურას. კონცენ-
ტრული ველი (თუნდაც მკაფიოდ გამოუყვეთელი შუაგულით —
კონკრეტული ცენტრის ნაცვლად) ერთი მხრივ მიმართული ყუ-
რადღებისას გვაქვს. ასეთ ყურადღებას „უნიფოკალური“ შეიძ-
ლება ეწოდოს. რამდენადაც ყურადღების მიერ წარმართულია ქა-
ლები ერთ ფოკუსში იყრის თავს (ანუ, დინამიკური კომპონენტის
ქარბობისას, როდესაც ველის ცენტრი ჯერ არაა მონახული — ეს-
წრაფვის ერთ ფოკუსში მოიყაროს თავი).

უნიფოკალურობა აუცილებელი არაა ყურადღებისთვის. იგი
ერთდროულად ორი ან მეტი მიზნის ნათელყოფასა და შესრულე-
ბაზე შეიძლება იყოს მიმართული, „ბიფოკალური“ ან „მულტიფოკა-
ლური“ შეიძლება იყოს. ასეთი ყურადღება ორი სახის შეიძლება
იყოს თავის მხრივ: თუ ყურადღების ფოკუსები ერთ კომპლექსურ
ზოგად ამოცანას ეკუთვნის ყურადღების განაწილება ხდება;
თუ საქმე ორი თუ მეტი დამოუკიდებელი ამოცანისადმი ძალების
მიმართვაშია — ხდება ყურადღების გაყოფა (განწვალება).

ძველი ფსიქოლოგიისთვის, რომელიც ცნობიერების ერთიანობის პოზიციიდან იდგა, ბიფოკალური (თუ, ზოგადად, მულტიფოკალური) ყურადღება თავსამტვრევი ფაქტი იყო. პერსონალისტური ფსიქოლოგიისთვის ერთიანი პიროვნების მრავლიანობის (multiplicitas) პოზიციიდან მისი გაგება არავითარ სპეციფიკურ სიძნელეს არ წარმოადგენს: მიზანია სიმრავლის ერთდროულადიან თავისთავად უნდა გამომდინარეობდეს ყურადღების მიმართულებათა სიმრავლის შესაძლებლობა. ერთი კია, რომ ყურადღების ველის „მწვერვალები“ თანაბარი არაა: ყოველ მომენტში ხან ერთი მწვერვალია უფრო „მაღალი“, ე. ი. მეტი პერსონული მნიშვნელობის მქონე, ხან მეორე და ენერჯის მეტი რაოდენობაც ხან ერთისკენ მიიმართება, ხან მეორისკენ. ყურადღების განაწილების შემთხვევაში უპირატესად თვით საენის ბუნება განსაზღვრავს ენერჯის განაწილებას. მაგ., ფორტეპიანოზე დაკვირვებას (ცხადია, თუ ხელუბის მოძრაობები ავტომატიზაციაქმნილი არაა) მარჯვენა ხელი, ჩვეულებრივ, მეტ ყურადღებას ითხოვს და ყურადღებაც ველში სწორედ ის წარმოადგენს უმაღლეს მწვერვალს, მაგრამ აუტოლოლია დროებით მარცხენა ხელის პარტიში გადავიდა, ველის სტრუქტურაც იცვლება მარცხენა ხელის სასარგებლოდ. ველის სტრუქტურის პრინციპი, ამ შემთხვევაში, კომპლექსური ამოცანის აზრშია (Sinngelalt) მოცემული.

ყურადღების გაყოფა მამინ ხდება, როდესაც ერთდროულად რამდენიმე დისპარატული ამოცანა დგას პიროვნების წინაშე. საგნის მსრივ ცნობიერება არაა დაზღვეული სრულ განლეჩისგან, მაგრამ განლეჩა მაინც არ ხდება, რადგან გამაერთიანებელ ძალად პიროვნების ერთიანობა გამოდის. ძალთა განაწილებაც სავეგებით მასზეა დამოკიდებული. ამოცანების გადაწყვეტა პერსონის სხვადასხვა სიღრმის ფენების ძალებს ევალება. ცნობიერების ერთიანობის პრინციპიდან ამომავალი ყურადღების თეორია უარყოფდა ყურადღების მულტიფოკალურობის შესაძლებლობას, განაწილების სახით იქნებოდა იგი გამოვლენილი თუ გაყოფის — სულერთია და შესატყვის ფაქტებს ხსნიდა ყურადღების რხევით, სხვადასხვა ფოკუსებზე თანამიმდევრობით გადასვლით. ყურადღების გაყოფის (მხოლოდ გაყოფის და არა განაწილების!) შემთხვევაში ეს დებულება ნაწილობრივ მართლდება: ერთ-ერთ ნაქმობისკან დროებით მონარჩენ ზედმეტ ენერჯიას პიროვნება მეორე ნაქმო-

ბისთვის გამოიყენებს ხოლმე და ცდილობს ისე მოაწესრიგოს თავისი მოქმედება, რომ შესაძლებელი იყოს ამგვარი სესხება.

ყურადღების ცენტრის განსაზღვრება არაფერს ამბობს მისი ერთი მნიშვნელოვანი მხარის—მიმდინარეობის ხასიათის შესახებ. ამ განსაზღვრების (იხ. გვ. 171) მიხედვით ყურადღება, თუ შეიძლება ასე ითქვას, პრინციპულად წარმავალი პერსონული მდგომარეობა უნდა იყოს, რამდენადაც იგი მხოლოდ მოსაშხადებელი საფუძურია ნაქმობისა, მიზნის ცნობიერად ნათელიყოფისა, და მის განსასორციელებლად საჭირო ძალების გამოყენებისა, სასეულდობრ — ძალების მხოლოდ და მხოლოდ კონცენტრაციის ეტაპია.

მიუხედავად ამისა, ხანჩერობის თვალსაზრისით მაინც შესაძლებელია ყურადღების ორ სახეობად განჯგუფება: მომენტანურ და ხანგრძლივ (длительное) ყურადღებად. ობიექტური ზუსტი განსაზღვრა თითოეული მოგანის ხანიერებისა, ცხადია, არ ხერხდება. მაგრამ მათ შორის განსხვავება, მით უმეტეს ტიპიურ შემთხვევებში, თვალსაჩინოა. საქმე ისაა, რომ ყურადღების აქტში ენერჯიის დინამიკა ტალღისებურია. მომენტალური, ანუ აკუტური ყურადღებისას ენერჯიის მხოლოდ ერთი ტალღაა, ხანგრძლივი ყურადღებისას კი ტალღების მთელი რიგი. ხანგრძლივი ყურადღების მიმდინარეობის ტალღისებური ხასიათი საფუძვლად უდევს რიტმის მოკლენებს. რიტმის თითოეული ტაქტი ყურადღების თითოეული ტალღის შესატყვისია. აქცენტი თითოეულ ტაქტში ტალღის მწკვრვალს შეესატყვისება. რიტმის ხანგრძლიობის თანახმად შეიძლება დავასკვნათ, რომ ყურადღების ტალღის სიგრძე სეკუნდებს არ აღემატება სწრაფად ცვალებადი შთაბეჭდილებების ყურადღებისას შესაძლებელია ერთ ტალღას მეორე მოსდევდეს, მაგრამ ყურადღება ამიტომ არ იქნება ხანგრძლივი ყურადღება. უ.იანასიწლის არსებითი ნიშანია ყველა ამ თანამიმდევარი ტალღის ერთი მიმართულებით დინება. ოპტიმალურია ხანგრძლივი ყურადღებისთვის ისეთი ამოცანა, რომელიც პერსონულად ღირებულ აზრითს მოქლიანობას წარმოადგენს, მაგრამ ცალკეული საფეხურები მიზნისკენ მიმავალი კიბისა ურთიერთისგან განსხვავებულია. პესიმალურია პირიქით, მონოტონური მუშაობა, მით უმეტეს თუ მისი საბოლოო შედეგი პერსონისთვის ღირებულებას მოკლებულია. პირველ შემთხვევაში საკუთრივ ყურადღების მუშაობას დაერთვის აზროვნება,

განსაკუთრებით კი გრძნობა ინტერესის სახით, რაც ხელს უწყობს ენერჯის კონცენტრაციის გახანგრძლივებას.

მაგრამ ყურადღების კონსტანტურობა თუ ცვალებადობა: ერთ საგანზე დიდი ხნის განმავლობაში მიმართულობა, თუ ეოთი საკნიდან მეორეზე ხშირი გადასვლა — საკუთრივ პერსონული ფაქტორითაც შეიძლება იყოს პირობადებული, სიტუაციას შეიძლება არ შეესატყვისებოდეს. აქ ტიპოლოგიურ თავისებურებათა საკითხი დგება. არსებობს კონცენტრაციის (იგივე ფიქსაციის) ტიპი; არსებობს გაფანტული ყურადღების ტიპი; ბოლოს არსებობს მათი საშუალო, დისტრიბუციული (განაწილებული) ყურადღების ტიპიც. ტიპოლოგიურ განსხვავებებს ვხედავთ ყურადღების მიმართების საგნის თვალსაზრისითაც: გრძნობადი შინაარსებისკენ მიმართული და საკუთარი სულიერი შინაარსებისკენ, ან აზროვნებით პრობლემებისკენ მიმართული ყურადღება. მათი რაობის დაწვრთვებით განხილვა ზოგადი ფსიქოლოგიის საგანს არ შეადგენს.

ზოგადი ფსიქოლოგიისთვის მნიშვნელოვანია ყურადღების ერთი მხარე, რომლის შესახებაც ჯერ არაფერი გვითქვამს: იგი ფსიქოფიზიკურად ნეიტრალურია იმდენად, რამდენადაც ენერჯის დაძაბულობა, რომელიც ყოველთვისაა ყურადღებასთან დაკავშირებული, ფსიქოფიზიკურად ნეიტრალურია: არა მარტო ცნობიერებაა „დაძაბული“ იმის მიმართ, რაც ახლა უნდა აზრდეს, აქმედ დაძაბულია სხეულის ის კუნთებიც, რომლებმაც მონაწილეობა უნდა მიიღონ ახლა შესასრულებელ ნაქმობაში. ამ დაძაბვის შეგრძნება ყურადღების განცდის თანმხლები მოვლენებია ცნობიერებაში. ყურადღების ნაქმობასთან ურთიერთობის ხასიათი სავსებით გასაგებად ხდის ყურადღების ფსიქოფიზიკურად ნეიტრალურობას.

ვარჯიში და დაღლა

ტერმინი „ნაქმობა“ (გერმანული *Leistung*) მიღწეულ წარმატებასაც ნიშნავს და წარმატების მისაღწევად წარმოებულ ქმედობასაც. როგორც ქმედობისთვის, როგორც პროცესისთვის მისთვის დამახასიათებელია თანდათანობითი გაუმჯობესება, თანდათანობითი ნატება მოქმედების შედეგისა (წარმატება). წარმატების შინაგანი პერსონული ფაქტორი და პირობაა სათანადო ქმედობის შესატყვისი ფუნქციების მომწოდება. მაგრამ იგი არაა სამყოფი და

არც მთავარი მნიშვნელობის მქონე პირობა. გარეგანი ფაქტორები -- სახელდობრ ვარჯიში და დაღლა — თამაშობენ მთავარ როლს წარმატების პროცესის მიმდინარეობაში. ვარჯიში არის ნაქმობათა ნებისმიერი განმეორების საშუალებით წარმატების მიღწევა, ანუ — მიზნის თვალსაზრისით თუ დავასასიათებთ, — წარმატების ძირსაა შესატყვისი ნაქმობის ნებისმიერი განმეორება. ამგვარი განმეორების მეოხებით ნაქმობის რეზულტატი თანდათან მატულობს, ხდება ნაქმობის გაუმჯობესება. ვარჯიშის ორი სახეობა უნდა განვასხვავოთ: აკუტური და ხანგრძლივი. აკუტური ვარჯიშთან საქმე გვაქვს ნაქმობათა თანმიყოლებით, უხარვეზოდ, თუ შეიძლება ასე ითქვას, „ერთ იჯრაზე“ განმეორებისას. ხანგრძლივ ვარჯიშთან კი მაშინ, როდესაც ნაქმობათა ციკლები დაშორებულა ერთმანეთს გარკვეული დროით (ჩვეულებრივ — თითო დღით) აკუტური ვარჯიშის შედეგად ვღებულობთ გავარჯიშებულობას¹⁷¹, რაც იმაში გამოიხატება, რომ ციკლის უკანასკნელი ნაქმობა პირველებზე უკეთესია, ე. ი. ნაკლები ენერგიით მეტ ეფექტს აღწევს. ასევეა. საქმე ხანგრძლივი ვარჯიშის შემთხვევაშიც: ყოველ მომდევნო დღეს (თუ ერთი დღის ხარვეზით მეორდება ქმედობა) წარმატება სულ უფრო მეტი და მეტია. მაგრამ წარმატების (ანუ გავარჯიშებულობის) შესაძლებლობა განსაზღვრულია და ამიტომ გარკვეული დონის მიღწევის შემდეგ წარმატება აღარ მატულობს. თუნდაც ნაქმობა აუარებელჯერ იქნეს განმეორებული ვარჯიშის დამახასიათებელია წარმატების არათანაბარი მატება; ვარჯიშის დასაწყისში წარმატების მატება უფრო მნიშვნელოვანია, მერე და მერე კი თანდათან ნაკლები. ეს აკუტურ ვარჯიშშიც ასეა და ხანგრძლივშიც. უკანასკნელის შემთხვევაში მომდევნო ნაქმობის უპირატესობა წინამორბედთან შედარებით ბოლოს — როგორც ვთქვით კიდევ — სრულიადაც ისპობა. ხანგრძლივ ვარჯიშში გავარჯიშების მეორე თავისებურობაც იქნეს თავს, რომელსაც „განვარჯიშება“ (Pflanzungsverlust) ეწოდება. იგი განსაკუთრებით მაშინაა შესამჩნევი, როდესაც ხანგრძლივი ვარჯიშის შემადგენელი აკუტური ვარჯიშები დროის

¹⁷¹ ავტორი აღნიშნავს, რომ „უმჯობესი იქნებოდა მხოლოდ მოქმედებისთვის კვეწოდებია „ვარჯიში“, მდგომარეობისთვის კი „გავარჯიშებულობა“-ო (Übung - Gesundheit), მაგრამ თითონ ორივე შემთხვევაში „ვარჯიშს“ ხმარობს. იბ. 1,678.

დიდი ხარვეზითაა დაშორებული ერთმანეთს. მაგრამ სრული განვარჯიშება მაშინაც კი არ უნდა ხდებოდეს, როდესაც ხარვეზები წელიწადებით განიზომება: მნემური შემდეგმოქმედება ალბათ სიცოცხლის დასასრულამდე გრძელდება. მიუხედავად ამისა, ყოველი მომდევნო დღის (ანუ ყოველი მომდევნო ციკლის) დასაწყისში წარმატება საყოველთაოდ ნაკლებია ხოლმე, ვიდრე წინა დღის (ანუ ციკლის) დასასრულს. საქმის ასეთი ვითარება განვარჯიშებას ვერ მიეწერება. აქ განწყობის¹⁷⁴ ფაქტორთან გვაქვს საქმე. „როდესაც ადამიანი იწყებს რაიმე მოქმედებას, რომელსაც აქამდე არ ასრულებდა, იგი ჭერ არაა მისდამი „განწყობილი“; იგი სხვა საქმიან იყო გართული. ამის გამო მისი სხეულის ნომარტულობა (körperliche Haltung), მისი ყურადღება, მისი ინტერესი, მისი ძალების ეკონომიკა, მოკლედ — მთლიანად პერსონა სხვა მიზნისადმი იყო მიმართული. საქიროა ყოველგვარი ამისი გადართვა (Umschalten). პერსონა-სამყაროს მთელმა ურთიერთობამ უნდა გადაინაცვლოს, რომ პერსონული მოქმედების ცენტრში ახალი მიზანდასახულება მოაქციოს. ეს ერთბაშად არ ხდება; ახალი ტოტალური განწყობა მხოლოდ თანდათანობით ვლინდება. ამ პროცესს ძალიან უწყობს ხელს განმეორება; მაგრამ იგი მაინც არაა „ვარჯიში“ ნამდვილი მნიშვნელობით, მიუხედავად იმისა, რომ მისი მიმდინარეობის დროს წარმატება იზრდება“¹⁷⁵. მით უმეტეს მნიშვნელოვანია განწყობის მოქმედება სრულიად ახალი საქმიანობის დასაწყისში.

ვარჯიში ერთი რომელიმე ორგანოსი ან ფუნქციისა ხდება, მაგრამ იგი თავს იჩენს სხვა ორგანოების ან ფუნქციების მოქმედებაშიც. მარცხენა ხელით წერის წარმოება — მარჯვენა ხელის გავარჯიშებულობით აიხსნება. ეს რომ არ ყოფილიყო — მარცხენა ხელის წარმატება შეუდარებლად უფრო დაბალ დონეზე იდგებოდა. გავარჯიშება ხდება არა მარტო ორგანოსი თუ ფუნქციისა, არამედ ნაქმობისა, თუმცა ერთგვაროვან მასალაზეა მიმართული ამ ორგანოსი თუ ფუნქციის მოქმედება ვარჯიშის პროცესში, მაგრამ გავარჯიშებულობა თავს იჩენს სხვა მასალის მიმართაც. მათემატიკაში გავარჯიშებულობა ამალღებს ლოგიკის სილოგისტიკის უიგურობის გაგების წარმატებას. უაზრო მარცვლების დასწავლაში გავარ-

¹⁷⁴ Einstellung.

¹⁷⁵ 1,678.

ჯიშება წარმატებას ანიჭებს ლექსიბის დასწავლასაც. „თანაეარჯიშის“ ეს მოვლენები არ უნდა იქნეს გაგაცულო როგორც გაეარჯიშებულობის გადახტომა ერთი პერსონული სფეროდან მეორეზე; არამედ „მთელ პერსონას მოიცავს ვარჯიშის მოქმედება, იმგვარად, რომ მას ყოველ შესაფერის სფეროში შეუძლია გამოიყენოს ახლად შეძენილი უნარი. ამრიგად თანაეარჯიშის ცნებას მივეყვართ „ფორმალური ზოგადი ვარჯიშის“ და „ფორმალური აღზრდის“ (Bildung) ცნებასთან. ყოველი სპეციფიკური ვარჯიში იწვევს ზოგად მატებას მზაობისა და უნარისას იმ ნაქმობათა და ქცევათათვის, რომლებიც ენათესავეებიან გაეარჯიშების სფეროს“¹⁷⁶.

ვარჯიში ორი მხრივ მოქმედებს ნაქმობაზე: ერთი მხრივ აუქობებს ეფექტს, მეორე მხრივ ამცირებს ენერჯის ხარჯს. ეფექტის გაუმჯობესება ნაქმობის პერსონულ მთლიანობაში მაქსიმალურად გამოყოფას მოითხოვს, ცნობიერების მისკენ მიმართვას, ყურადღების კონცენტრაციას. ენერჯის ხარჯის შემცირებისთვის კი, პირიქით, აუცილებელია ნაქმობის მაქსიმალურად ჩანერგვა პიროვნების მთლიანობაში, ქვეცნობიერების სიღრმეებში ჩატანა. ერთდროულად ორივე ამოცანის განხორციელება ვერ ხერხდება და ამიტომ უპირატესობა ხან ერთს ენიჭება, ხან მეორეს. საყოველღეო ამოცანების შესრულებისას მთავარი გულისყური ენერჯის მომჭირნობას ექცევა და წარმატება მოქმედებათა ავტომატიზაციის გზით მიიღწევა. წმინდა სპორტული ხასიათის ნაქმობაში კი ქმედობის შესრულების ხარისხის გაუმჯობესებაა წამყვანი და წარმატებაც სწორედ ეფექტის გაუმჯობესებაში გამოიხატება, თუმც იგი შეიძლება ენერჯის დაუზოგავად ხარჯვის საშუალებით იყოს მიღწეული. ნაქმობის შემადგენელი ცალკეული მოძრაობებისა აქაც ხდება ავტომატიზაცია, თუკი ეს შესაძლებელია. მაგრამ პირველი სახის ნაქმობისგან პრინციპულ განსხვავებას ის ქმნის, რომ წარმატება აქ თვითმიზანია, იქ კი — საშუალება სხვა მიზნისთვის, სხვა ამოცანისთვის.

ვარჯიშის გავლენას პერსონის მოქმედების ყოველი სფერო განიცდის. პრინციპულად ყოველი ფუნქცია ვარჯიშდება, მაგრამ გაეარჯიშება ყველა ფუნქციისა ერთნაირად ძლიერი არაა. ყველაზე ნაკლებად ვარჯიშდება ვიტალური ფუნქციები. სუნთქვა, კამა და სხვა ამდაგვარი იმთავითვე იმდენად კარგადაა დაუფლებული

მემკვიდრეობის ინსტიტუტურ საფუძველზე, რომ არ საჭიროებს ვარჯიშს. საკუთრივ ნამდვილი ვარჯიში იმ ფუნქციებს ესაჭიროება, რომლებიც ადამიანის სიცოცხლის კულტურულ ზედნაშენს ქმნიან, მაგრამ გამონაკლის შემთხვევებში ვიტალური ფუნქციების გავარჯიშებაც ხდება საჭირო და მაშინ მათი წარმატება განსაკუთრებით ძლიერია. ეს ხდება დეფექტების შემთხვევაში, როდესაც დაზიანებული ფუნქციის ან ორგანოს საქმე სხვა ფუნქციას ანუ ორგანოს ეკისრება. წარმატება იმითი აიხსნება, რომ „შემნაცვლებელი ფუნქცია“ სასაიცოცხლო მოთხოვნილების დაკმაყოფილების ერთადერთ საშუალებად რჩება, შესატყვისი ფუნქციის თუ ორგანოს მოქმედების გამორიცხვის გამო. ამას უნდა მიეწეროს, მაგალითად, დაბრმავებულების სმენის თუ შეხების გრძობის არაჩვეულებრივი გავარჯიშება. ვარჯიში შეიძლება დიაბეტრალურად საწინააღმდეგო მიმართულებისა იყოს: არა ვიტალური მოთხოვნილების დაკმაყოფილების საშუალებათა წარმატება, არამედ მათი დათრგუნვა იყოს მისი მიზანი. ასკეტიზმის ძირითადი და ნაშდვილი აზრი სწორედ ესაა: ვიტალური მოთხოვნილების დამორჩილება უფრო მაღალი კატეგორიის მოთხოვნილებისთვის, „სპირიტუალური ნებელობის გაბატონება ვიტალურ ინსტიტუტურ სიცოცხლეზე ზოგადად“¹⁷⁷.

ამრიგად, ვიტალური ფუნქციების თვალსაჩინო გავარჯიშება მხოლოდ არანორმალურ შემთხვევაში ხდება: დეფექტის, ასკეტიზმის, სპორტული მონომანიის შეთხვევებში. უკვე ეს გარემოება მიგვიბრუნებს, რომ ნორმალურად სხვადასხვა — მაგალითად, ვიტალური და „კულტურული“, — ფუნქცია სხვადასხვაგვარად, მეტ-ნაკლები ხარისხით ვარჯიშდება: ფუნქციას აქვს მეტი თუ ნაკლები „გავარჯიშებადობა“ (Übbarkeit), თითოეული ცალკეული ფუნქციის ამ მხრივ შესწავლას უდიდესი პრაქტიკული მნიშვნელობა აქვს, განსაკუთრებით ფსიქოტექნიკური პროგნოსტიკისთვის.

არანაკლები პრაქტიკული მნიშვნელობა აქვს პროცენებათა განსხვავებულობის დადგენას „გავარჯიშების უნარის“ მიხედვით. განსხვავებას ქმნის, ერთი მხრივ, ამ უნარის რაოდენობითი მხარე: ზოგს მეტად აქვს წარმატების უნარი, ზოგს ნაკლებად; მეორე მხრივ კი—

მისი რომელიმე მხარე: ზოგის წარმატება ნაქმობის სრულყოფას შეეხება, ზოგისა კი — მის ავტომატიზაციას.

ვარჯიშის კვლევას აძნელებს ნაქმობის მეორე კომპონენტი, რომელიც მუდამ ახლავს ქმედობის განმეორებას — დაღლა. იგი ვარჯიშის საწინააღმდეგოდ მოქმედებს და აკუთრურ ნაქმობაში თანდათანობით აუარესებს ქმედობის შედეგს. ეს მისი უარყოფითი გავლენა წარმატებაზე თავს იჩენს აკუთრურ ნაქმობის შეტად თუ ნაკლებად დიდი ხნის განმავლობაში წარმოებისას. ნაქმობის ფაქტიური მიმდინარეობის ხასიათის ინტერპრეტაცია, როგორც ვარჯიშის, ისე დაღლის ფაქტორის გათვალისწინებით უნდა ხდებოდეს. ხანგრძლივი აკუთრური ნაქმობისას ვარჯიშს უნდა მიეწეროს ნაქმობის ფორმალური წარმატება; სახელობრ: აჩქარება და ავტომატიზაცია; დაღლას კი — ნაქმობის ხარისხის გაუარესება. ვარჯიში აუმჯობესებს, აჩქარებს, ამქანაიკურებს ნაქმობას, ამცირებს ენერჯის ხარჯვას; დაღლა კი, ენერჯის ხარჯვის შედეგად, ამცირებს მის მარაგს. აძნელებს და აუარესებს ნაქმობას. ენერჯის ხარჯვა აუცილებელია ნაქმობაში და ესაა დაღლის გამომწვევი მიზეზი. მაგრამ გარდა ისეთი „ნაქმობის დაღლისა“ (LEISTUNGSERMÜDUNG) ენობილია დაღლის გამომწვევი გარეშე მიზეზებიც: გარემოს ფიზიკო-ქიმიური პირობების მანვნ გავლენა და ენერჯის გადაჭარბებული დაძაბვა ცხოვრების ცუდი რეჟიმის გამო. ამათ გარდა დაღლას იწვევს გამღიზიანებლების მონოტონურობა, რაც აძნელებს დინამიკური კონცენტრაციისთვის აუცილებელ გამოყოფას საგნისას მის დროითსა და სივრცითს გარემოდან. ყველა დროებისა და ხალხების დედებმა იციან, რომ ბავშვის დაღლის და დაძინების ყველაზე უბარი საშუალებაა მონოტონური სიმღერა და რწევა¹⁷⁸.

დაღლა შეიძლება ლოკალური იყოს და შეიძლება — ტოტალური. უწინარეს ყოვლისა იღლება მოქმედი ორგანო თუ ფუნქცია. მაგრამ დაღლა ყოველთვის არ შემოიფარგლება ამ ვიწრო სფეროთი და მთელ პიროვნებაზეც ვრცელდება ხოლმე ვარჯიშის ანალოგიურად აქაც შეიძლება თანადაღლაზე ვილაპარაკოთ. დაღლის ირადიაცია ვარჯიშისაზე უფრო ფართოც კია. იმდენად ფართოა, რომ ჩვეულებრივად მიღებული განსხვავება ფიზიკური და გონებრივი დაღლისა არსებითად უმართებულოა. ნამდვილად მხოლოდ დაღლის გამომწვევი მიზეზის თვალსაზრისით შეიძლება

¹⁷⁸ 1,693.

ასეთი განსხვავების დადგენა და არა დაღლის გამოვლენის ავალსაზრისით. ირადიაციის საწინააღმდეგო მოვლენას წარმოადგენს დაღლის შეცვლა (Абзаг ჩაааа): ერთი სფეროს დაღლა მეორე სფეროში ნაქმობის უნარიანობის მატებას იწვევს. ეს მოვლენა თავს იჩენს განსაკუთრებით შინაარსობლივად ურთიერთ დაშორებულ სფეროებში: გონებრივ დაღლას ფიზიკური შრომისუნარიანობას მატება მოაღვეს ხოლმე ხშირად. ირადიაციისა და შეცვლას ურთიერთდამოკიდებულება ფრიად რთულია. პირველი თითქოს დაღლის მაღალ ხარისხს უნდა ახასიათებდეს, მეორე კი -- დაბალს, მაგრამ ყოველთვის ასე არაა სინამდვილეში. თვით გადაქარბებული დაღლა, ე.წ. დაქანცვის დროსაც კი შესაძლებელია აქტივობის მატება: აღმინი ერთ აღვილას ვერ ჩერდება, აუარებელს ლაპარაკობს, „ჯარასავით უტრიალებს თავში აზრები“, ნაცვლად იმისა, რომ წყნარად იყოს.

დაღლა აღკუთრვილობის დისპოზიციის შემცირებაა. მისგან უნდა განვასხვავოთ ნაქმობაზე აგრეთვე უარყოფითად მოქმედი მრყირქება, რომელიც მიმართებულობის დისპოზიციის შემცირებას ნიშნავს. პიროვნებას შესაძლოა სრულიად სამყოფი ენერგია გააჩნდეს ნაქმობისთვის, მაგრამ „მეტო აღარ შეეძლოს“ მოქმედება. მოყირქება თავს იჩენს ყველაზე უფრო მეტად მონოტონური მუშაობის შემთხვევაში. მოყირქების მიმდინარეობა განსხვავებულია დაღლის მიმდინარეობისგან: უფრო ერთბაშად გამომყლავნდება და უფრო გიჟ და ძნელად გაივლის, ეადრე დაღლა.

დაღლის საწინააღმდეგო მოვლენა არის დასვენება. იგი ისეთივე მიმართებაშია დაღლასთან, როგორშიც განვარჯიშებაა გაყოფიშებასთან. დასვენებისას ხდება ენერგიის მარაგის აღდგენა თუ შევსება. ამიტომ დასვენებას უმოქმედობა ეწყობს ხელს. მაგრამ იგი აუცილებელი არაა ყოველთვის. ზოგჯერ დასვენება ნაქმობის შეცვლისას უკეთ ხდება, ვიდრე სრული უმოქმედობისას. ახალი საქაათის ნაქმობისთვის სხვა წყაროდან მომდინარე ენერგია საჭირო და ამიტომ მის დროს შეცვლილი ნაქმობის მკვებავე ენერგია შეუფერხებლად ახერხებს დაგროვებას. დასვენება მით უფრო ნაყოფიერი, რაც უფრო ნაკლებია დაღლა. დაქანცვისას ძალიან ხანვ. რძლივი პაუზაც აღარაა სამყოფი დასასვენებლად. დაქანცვის პროფი. ლაქტიკა ფსიქოტექნიკის დიდმნიშვნელოვანი ამოცანაა, რამდენადაც post factum მასთან ბრძოლა ხშირად ნამდვილ მკურნალობასაც კი მოითხოვს ხოლმე.

დალა განცდაში დალილობის გრძობად აისახება. იგი პროსპექციული გრძობაა და გაცნობიერებულ გამაფრთხილებელ სიგნალს წარმოადგენს ენერგიის სახიფათო ხარჯვისას. ამდენად იგი უსიამოვნების იერით უნდა ყოფილიყო აღბეჭდილი და ჩვეულებრივ ასეც არის ხოლმე. მაგრამ, ზოგჯერ, მცირე ხარისხის დალა სიამოვნების ელფერის მქონე დალილობის გრძობასაც იწვევს. ორივე შემთხვევაში დალილობის არსებითი ნიშნებია აქტივობისა და იმპულსების სისუსტის და, აგრეთვე, მოდუნებულობის ცნობიერება. რამდენადაც დალილობა დალის ცნობიერ ასახვას წარმოადგენს, ლოკალური და საერთო დალის შესატყვისად არსებობს ადგილობრივი და საერთო დალილობის გრძობები. საგულისხმოა დალილობის პარადოქსული მოვლენები: ზოგჯერ ადამიანი მაქსიმალურად ამოსწურავს ენერგიის მარაგს, ე. ი. ობიექტურად არამცთუ დალილი — დაქანცულია, მაგრამ ეს მდგომარეობა არაა გაცნობიერებული: ადამიანი სრულიად არ გრძობს დალილობას. თითქოს დალილობამ უარი სთქვაო სიგნალური ფუნქციის შესრულებაზე. ასეთი რამ ისეთი ამოცანის შესრულებისას ხდება, რომელსაც „სამკვდრო-სასიცოცხლო“ მნიშვნელობა აქვს პიროვნებისთვის და ენერგიის მომჭირნეობას ამ დროს ბევრად მეტი ზიანი შეიძლებოდა მოეტანა მისთვის, ვიდრე დაქანცვა მოუტანს: მაგ., ადამიანისთვის, რომელიც გაურბის ბოროტის მზრასველ მღვეარს, ან სტუდენტისთვის, რომელიც მოკლე ვადაში ჩასაბარებელი გამოცდისთვის ემზადება პირიქით, ზოგჯერ (მაგალითად, ნეკრასთენის შემთხვევაში) დალილობა წინ უსწრებს დალას. აქ იგი ცრუ სიგნალის როლში გამოდის და აფრთხილებს პიროვნებას ენერგიის ხარჯვისგან, თუმც ნამდვილი მისი საფუძველი ენერგიის ნაკლებობა და მომჭირნეობა კი არაა, არამედ მოქმედების არნდომა, მისდამი ზიზლი.

გრძობა

გრძობების ფსიქოლოგია ვ. შტერნის ფსიქოლოგიის კურსის უკანასკნელ თავს შეადგენს. ფსიქიკური სინამდვილის განხილვის დასრულება გრძობების განხილვით განმტკიცებული ტრადიციაა ფსიქოლოგიაში, და ამ ტრადიციას არც ვ. შტერნი დალატობს. როგორც თავის დროს აღვნიშნე, ფსიქოლოგიური მასალის განლაგების

პრინციპად ავტორის მიერ მიღებულია პერსონის სამკაროზე დამოკიდებულების თუ მისგან დამოუკიდებულობის ხარისხი და ამ პრინციპიდან გამომდინარეობს ფსიქიკის მოვლენების განხილვის ალკმების განხილვით დაწყება და გრძნობების განხილვით დამთავრება. ფსიქოლოგიის კურსის ამა თუ იმ ადგილას მოთავსებით, რა თქმა უნდა, არ გამოისატება ამა თუ იმ მოვლენის ადგილი ფსიქიკაში თუ პერსონის მთლიან სიცოცხლეში. ეს განსაკუთრებით გრძნობის შესახებ ითქმის. საკითხი, თუ რა ადგილი უჭირავს გრძნობებს პერსონის ყოფიერების მთლიან სტრუქტურაში — გრძნობათა პერსონალისტური ფსიქოლოგიის ამოსავალი საკითხია. ამ საკითხის გადაჭრა უაღრესად პასუსსაგები ამოცანაა პერსონალისტური ფსიქოლოგიისა. სიცოცხლის სამ სახეობას, სამ მოდულს ადასტურებს პერსონალისტიკა: ვიტალურს, განცდისას და ინტროცეფციულს. განცდისა ზოგადად, და ჰაშ გრძნობისაც ადგილი მხოლოდ მეორე მოდულშია. ვიტალური მოდული სიცოცხლის იმ რაგვარობას ნიშნავს, როდესაც პერსონა ჯერ კიდევ არაა გამოყოფილი სამყაროს, როდესაც ჯერ კიდევ არაა კონფლიქტური ურთიერთობა მე-სა და არა-მეს შორის, როდესაც სიცოცხლე „თავისთავად გასაგებია“ და ამიტომ საჭირო არაა ცნობიერების მონაწილეობა მის „გასაგებად“. ხოლო როდესაც პერსონის და სამყაროს შორის ურთიერთობის გართულების გამო სიცოცხლის მდინარება შეფერხდება, როდესაც ხდება „შეჩახება“ პიროვნებისა და სამყაროს შორის, საჭირო ხდება ცნობიერების მონაწილეობა პიროვნების სასარგებლოდ კონფლიქტის გადასაწყვეტად. ასეთია ცნობიერების მომსახურებითი მნიშვნელობა პერსონის სიცოცხლისათვის პერსონალისტური თვალსაზრისით, მაგრამ ამავე თვალსაზრისით პერსონულ ყოველ მომენტს გამოსხივებითი მნიშვნელობაც (Strahlbedeutung) აქვს. ცნობიერებაში გამოსხივდება პერსონის სიცოცხლის კონფლიქტური მხარე, განცდა კონფლიქტის „შინაგანი ასახვა“, პერსონის შინაგულანა. ცნობიერების თვალსაზრისით პიროვნების სიცოცხლეში ორი სფერო შეიძლება განვასხვაოთ: განცდისგან თავისუფალი სიცოცხლე (ე. წ. „არაცნობიერის“ სფერო) და განცდილი სიცოცხლე (ცნობიერების სფერო). პირველ სფეროს შეადგენს ავტომატიზმები, ინსტინქტურა მოქმედებანი, მნემე, დისპოზიციები. მეორე სფეროს კი ცნობიერებას უვლავს მოვლენა სიტყვის ფართო მნიშვნელობით: შემეცნება, ნებელო-

ლობა, გრძნობა. ამრიგად, გრძნობა ცნობიერების სფეროს ეკუთვნის. მაგრამ ამის დადასტურება სამყაროში არაა ფსიქიკაში მისი ადგილმდებარეობის ზუსტად გამოსარკვევად. ამისთვის საჭიროა მეორე თვალსაზრისი, კოორდინატთა მეორე ღერძი, სახელდობრ, ჩანერგვა-გამოყოფის ღერძი. პერსონის ყოველი მომენტი (რამდენადაც იგი პერსონის მომენტია) ჩანერგილია პერსონის მთლიანობაში და ამავე დროს (რამდენადაც იგი პერსონის მომენტია) — გამოყოფილია მას. ჩანერგვა-გამოყოფის ორალექტიკა განცდებზეც ვრცელდება. ყოველი ცალკეული მომენტი შეიძლება მეტად თუ ნაკლებად იყოს ჩანერგილი (ანუ გამოყოფილი) პერსონის მთლიანობაში. რაც უფრო მეტადაა იგი ჩანერგილი, მით მეტად გამოხატავს პერსონის მთლიანობას, მათ უფრო ახლო დგას იგი ამ მთლიანობასთან, როგორც მთლიანობასთან. და, პირიქით: რაც უფრო მეტადაა გამოყოფილი. მით ნაკლებადაა მასში გამოვლენილი პერსონის მთლიანობითი ბუნება. მაქსიმალური გამოყოფის შემთხვევებზე წარმოადგენს შემეცნებებსა და, უმთავრესად, ნებელობის მოვლენები. ნებითი ქმედობა საუქეთესოდ ჩამოყალიბებული, სტრუქტურაქმნილი, გეშტალტქმნილი მოვლენაა ადამიანის სიცოცხლის მიმდინარეობაში. გეშტალტურობის ხარისხი კი, როგორც ცნობილია, გამოყოფის ხარისხს შეესატყვისება. აბსოლუტური გამოყოფა პერსონული რაგინდარა მომენტისა, ცხადია, განუხორციელებელია სინამდვილეში; გამოყოფასთან ერთდროულად მოქმედებს ჩანერგვა, რომელიც უზრუნველყოფს ამ „გამონაყოფის“ პერსონისთვის კუთვნილებას. „ცნობიერების ცალკეული გამოყოფილი გეშტალტები და სტრუქტურები უპაერო სივრცეში კი არაა დაკიდული არამედ მათ გარს არტყავს და გამსჭვალავს ატმოსფერო; მათ ფესვი აქვთ გადგმული ნიადაგში, რომლის მეოხებთანაც განუყრელად უკავშირდებიან პერსონას. ჩანერგვის-განცდები არის გრძნობები“¹⁷⁹. გრძნობის აღწერა კიდევ უფრო მეტადაა ძნელი, ვიდრე სხვა რომელიმე განცდისა სწორედ მი-

¹⁷⁹ „Die einzelnen abgehobenen Bewusstseinsgestalten und — Strukturen schweben nicht im Leeren, sondern haben eine Atmosphäre, die sie umspielt und durchdringt; sie ruhen auf einem Untergrund, vermittels dessen sie unlösbar dem Mutterboden der Person verwurzelt sind. Diese Einbettungs—Erlebnisse sind die Gefühle.“, 1. 730.

სი მინიმალური გამოყოფილობის გამო. მაგრამ მისი ზოგიერთი თვალსაზრისით დადასტურება მაინც შესაძლებელია და ნაყოფიერია მისი გაგებისათვის. უწინარეს ყოვლისა მისი „ატმოსფერული ხასიათი“. რომლის წყალობითაც იგი გარს ერტყმის და გამსჭვალავს ცნობიერების გამოყოფილ გეშტალტებს. გრძნობა ცნობიერებაში ასახეა იმ ვითარებისა, რომ პერსონა ჩაინერგავს, თავისკენ მიიზიდავს მისთვის საწვდომ, მისდამი კუთვნილ ყველა შინაარსს. გრძნობა ცნობიერი ასახეა ცნობიერების შინაარსის პერსონულობისა, პიროვნების მიერობისა. ვიტალური სიცოცხლე, რა რომ მასში განხორციელებულია პერსონისა და სამყაროს იმთავითი ერთიანობა, სრულიად მოკლებულია ცნობიერებას. მაგრამ, როდესაც კონვერგენციის ნაცვლად პერსონისა და სამყაროს შორის კონფლიქტი ჩნდება, მუშაობას იწყებს ცნობიერებაც. მისი ბიოლოგიური მნიშვნელობა პერსონის ბიოლოგიურ მიზანთა განსორციელებისთვის ხელისშეწყობაა. მას, უწინარეს ყოვლისა, ევალება „ანიშნოს“ პერსონას საფრთხის არსებობა, ან კეთილდღეობისათვის ხელის შემწყობი მდგომარეობის მიღწევა. ბიოლოგისტური ორიენტაციის მქონე ფსიქოლოგისთვის ცნობიერების ეს „სიგნალური“ მნიშვნელობა განსაკუთრებული ყურადღების საგნად იქცა. პირველი სიგნალი სიამოვნების, ან უსიამოვნების დიფერენციული განცდაა უსიამოვნების გრძნობას პერსონა იმ შემთხვევაში განიცდის, როდესაც ირღვევა მისი იმთავითი შეგუებულობა სამყაროსთან. სიამოვნების გრძნობა შეგუებულობას ახლავს, მაგრამ არა ყოველთვის. უკვე თქმულია, რომ შეგუებულობა დამახასიათებელია სიცოცხლის ვიტალური მოღუსისთვის, რომლისთვისაც უცხოა საერთოდ განცდა. ამით ახსნება, რომ რაოდენობითად უსიამოვნებას განცდა უფრო ხშირია ვიდრე სიამოვნებისა. ეს ვითარება საფუძვლად დაედო შორსმწვდომ პესიმიზმს. პესიმიზტურმა მსოფლმხედველობამ უკუქცევიითი გავლენა იქონია სიამოვნების განცდის კვალიფიკაციაზე და იგი (აქვე გაკვრით ვიტყვი: სიტყვის ეტიმოლოგიის საწინააღმდეგოდ) უსიამოვნების არყოფნად აღიარა ესე იგი პოზიტიური მნიშვნელობა და შინაარსი ჩამოართვა სიამოვნების გრძნობას და მხოლოდ უსიამოვნებას მიაკუთვნა იგი.

თუმცე პესიმიზმ-ოპტიმიზმის საკითხი ფსიქოლოგიურ პრობლემატიკაში არ შედის, მაგრამ მისი თავისთავადი დიდი მნიშვნელობისა და მისდამი საყოველთაო ინტერესის გამო დანაშვებად მიჰაჩნია წიალსვლა ე. შტერნის შეხედულების გასათვალისწინებლად.

უსიამოვნებინს განცდის რაოდენობითს ჰპარბობას იგიც აღიარებს. მაგრამ პესიმისტურია დასკვნების გამოსატანად ეს სრულიად არ მიაჩნია საკმაო საფუძველად. სიამოვნება-უსიამოვნების რაოდენობითი ურთიერთობის საფუძველზე პესიმისტური დასკვნების გაქოტანა მხოლოდ იმ შემთხვევაში იქნებოდა შესაძლებელი და დასაშვები, ცნობიერება მთლიანად რომ ასახავდეს ყოფიერებას. მაგრამ ეს ხომ ასე არაა პერსონალისტიკისთვის! ცნობიერება მისთვის მხოლოდ სიცოცხლის კონფლიქტური მხარის ამსახველია და, ამიტომაც, ბუნებრივია, რომ უსიამოვნება სქარბობდეს მასში. პესიმისტიკის ოპტიმიზმის საგანი ცნობიერება კი არაა, არამედ ყოფიერება. ყოფიერება კი უპირატესად კონფლიქტის გარეშე მიმდინარეობს და ამიტომ სიცოცხლის სიძველეს შეფასებისას სასწორის ერთ თვალზე — პესიმისტიკის მხარეს — უსიამოვნებას თუ დავდებთ, მეორე თვალზე სიამოვნების განცდებთან ერთად სიცოცხლის უკონფლიქტო გამოვლენა იც უნდა დავდოთ და მაშინ უეჭველად ოპტიმიზმის თვალს გადასძლევს.

გრძნობათა ფსიქოლოგიური ანალიზის დასაწყისიდანვე შემჩნეული იქნა გრძნობათა პოლარულობა: ს ი ა მ ო ვ ხ ე ბ ა - უ ს ი ა მ ო ვ ე ბ ა. და დიდი ხნის განმავლობაში მეცნიერული ფსიქოლოგია ფიქრობდა, რომ შესაძლებელი იყო გრძნობათა ერთგანზომილებიანი სისტემის აგება გრძნობის მოვლენათა განლაგებით სიამოვნებისა და უსიამოვნების პოლუსებს შორის. ასეთმა სქემამ ვერ გაუძლო სინამდვილეს. აღმოჩნდა ისეთი გრძნობები, რომლებიც სიამოვნება-უსიამოვნების განზომილებას სცილდება. ამან გამოიწვია გრძნობათა სამგანზომილებიანი კვალთფიკაციის ცდა სიამოვნება-უსიამოვნება, აგზნება-გაუყურება და დაძაბვა-შვების კოორდინატებით. ასეთ სისტემას სრულიად უდავო უპირატესობა აქვს ერთგანზომილებიან სისტემასთან შედარებით. იგი შესაძლებელყოფს ცალკეული გრძნობის უფრო მრავალმხრივ დახასიათებას. მაგრამ არც იგია უნაკლო და საბოლოოდ სამყოფი გრძნობათა მრავალფეროვნების მოსაგვარებლად, რადგან გრძნობის, როგორც ერთიანი მოვლენის, რომელიც სხვაა, ვიდრე სიამოვნება-აგზნება-დაძაბვის თუ სხვა ამდაგვარების ხარისხების უბრალო კომბინაცია. როგორც ერთგანზომილებიანი, ისე სამგანზომილებიანი სისტემები ელემენტარისტული სისტემებია. ასეთი კი, ელემენტარული რაოდენობისა და მიუხედავად, პრინციპულად უკმარია გრძნობის რაობის გასაგებად.

ცნობიერების ყოველ მოვლენაში პრინციპულად უსათუოდ წარმოდგენილია სუბიექტიც, რომელსაც ეკუთვნის ეს განცდა, და ობიექტიც, რომელთანაც ურთიერთობა არის ასახული განცდაში. ობიექტისგან დაცლილი განცდის არსებობა ისევე შეუძლებელია, როგორც სუბიექტს მოკლებული განცდისა. სუბიექტური და ობიექტური მომენტის მონაწილეობის თვალსაზრისით განცდათა შორის მხოლოდ რაოდენობითი განსხვავებაა (— „მეტად თუ ნაკლებად“) და არა ალტერნატიული („კი თუ არა“). ამდენად, გრძნობაშიც მოცემულია ობიექტი, თუმც მისი მონაწილეობა აქ ხშირად კიდევ უფრო შენიღბულია, ვიდრე, პირიქით, სუბიექტის მონაწილეობაა შენიღბული შემეცნების განცდებში. ამიტომ მრავალი მეცლევარი სხვა განცდებისგან გრძნობის განსხვავებას მის სუბიექტურობაში ჰკვრეტს. შემეცნების მოვლენებშიც მონაწილეობს გრძნობა. და სუბიექტის პირველი ტენდენციაა ობიექტივაცია მოახდინოს თავისი გრძნობისა. რაიმეს აღქმისას ჩვენი განცდა ასე შეიძლებოდა გამოგვეთქვა: „ესა და ეს სასიამოვნოა“, ნაცვლად გამოთქმისა: „ესა და ეს მსიამოვნებს მე“. პირველ გამოთქმაში გამოსატულია გრძნობის ობიექტივაციის ტენდენცია: „სასიამოვნო“ — საგნის ნიშანთვისებაა და დადასტურებული, და არა ჩემს მდგომარეობად. ამ გარემოებამ ბიძგი მისცა მეცნიერებას, უარეყო გრძნობის თავისთავადობა და აღქმის თვისებად, მის „გრძნობითს ტონად“ მიეჩნია იგი. ფსიქოლოგიაში ელემენტარისტული თვალსაზრისის დაძლევის შემდეგ გრძნობის თავისთავადობისა თუ არა-თავისთავადობის საკითხმა დაკარგა სიმწევე: პერსონაში არც ერთი მომენტი არაა თავისთავადი, დამოუკიდებელი. ასეთი მხოლოდ თვით პერსონაა.

გრძნობათა სუბიექტურობაზე გულისყურის გამახვილებამ მცდარი დასკვნები მიაღებინა მეცნიერებას, თითქოს გრძნობა სუბიექტის ასახვას წარმოადგენდეს ცნობიერებაში. ასეთი რამ მართლაც სჩვევია გრძნობას, მაგრამ არა საერთოდ და ყოველთვის, არამედ გრძნობების მხოლოდ გარკვეულ ჯგუფს, რომელსაც თვითგრძნობის განცდები შეიძლება ეწოდოს. მათ გარდა კი არსებობს სხვაგვარი გრძნობები, რომლების შესახებ ვილაპარაკეთ: გრძნობები, რომლებიც იმდენად ესწრაფვიან ობიექტივაციას, რომ საგნის თვისებებად განიცდებიან („ლამაზი“, „კარგი“ და სხვ.). განმცდელი სუბიექტის თვალსაზრისით, საკუთრად ცნობიერების საზღვრებში, გრძნობის „სუბიექტურ განცდად“ კვალიფიკაცია არაა გამართლებული. გრძნო-

ბის სუბიექტურობაზე ლაპარაკი მხოლოდ „გარედან“, ობიექტურად მისი შეფასებისას შეიძლება. და ეს სუბიექტურობა გაგებულ უნდა იქნეს, როგორც არა-საკმარისი ობიექტურობა; გრძნობის ასე შეფასების საფუძველია მისი ინტერინდივიდუურიც და ინტრაინდივიდუურიც შეუთანხმებლობა; ცნობილია, რომ *quæstio non est disputandum* [წორედ იმიტომ, რომ იგი არაა ობიექტური. ცნობილია ისიც, რომ რაც დღეს სასიამოვნოდ მიმართა, ის ხველ უსიამოვნოდ შეიძლება მეჩვენოს, თუმცა ობიექტურად საგანი უცვლელად დარჩა. ამაში მდგომარეობს გრძნობათა ინტერ და ინტრაინდივიდუური შეუთანხმებლობა. მაშასადამე: გრძნობათა სუბიექტური ხასიათი განცდაში კი არაა მოცემული, არამედ „გარედან“ დაიხვეწება და ამიტომ დამკვირვებლისათვის უფრო ადრე ხდება შესამჩნევი, ვიდრე განმცდელისთვის.

ზემოთ თქმული იყო, რომ გრძნობების ამომწურავი და დამაკმაყოფილებელი კლასიფიკაცია ვერც ერთგანსომილებიანი და ვერც სამგანზოშილებიანი სქემის შემწყობით ვერ მოხერხდება. მაგრამ უწინარეს ყოველივე მეცნიერული კლასიფიკაციისა, ყოველგვარი ძალდატანების გარეშე ისინი ორად ჭგუფდება. ერთ ჭგუფს შეადგენს ე. წ. „ემოციები“ (*Gemütsbewegungen*, სულიერი მოძრაობანი) ე. ი. ისეთი სულიერი მდგომარეობანი, რომლებიც დროდადრო სრულიად ავსებენ განცდას და მთელ დანარჩენ სულიერ ცხოვრებას იმორჩილებენ; მეორე ჭგუფს შეადგენს ისეთი სულიერი მოვლენები, რომლებსაც სხვაგვარი სულიერი მოვლენებისა და შინაარსებისთვის მომსახურებითი მნიშვნელობა აქვთ და ამიტომ უფრო ვიწრო ხასიათისანი არიან. ამ ჭგუფის მოვლენებს საკუთრივ „გრძნობები“ ეწოდება.

გრძნობის ის ორმაგი ბუნება, რომლის შესახებაც ზემოთ მქონდა ლაპარაკი დროშედიც იმაში მდგომარეობს, რომ მისი მეოხებით შესაძლებელი ხდება გამოყოფილი შინაარსების პერსონის მთლიანობაში „უუჩანერგვა“ — გრძნობების ამ ორ ჭგუფად განაწილებაში თვალსაჩინოდაა გამოვლენილი: საკუთრივ გრძნობები გამოყოფის მომენტის, ობიექტივაციის ჰარბობას გვაძლევს; ემოციები — ჩანერგვის. პერსონიფიკაციის მომენტის ჰარბობას.

გრძნობა ჩანერგვის განცდაა. ასე თუ გავიგებთ: მას, ბევრი რამ გასაგები გახდება გრძნობის მოვლენებისა ისეთი, რაც აქამდე არაპერსონალისტური თვალსაზრისისთვის გაუგებელი რჩებოდა.

მაგ, ამბივალენტობა, გრძნობის პოლუსთა ასიმეტრია, ორმაგი პოლარულობა.

გასაგები ხდება, უწინარეს ყოვლისა, პერსონისადმი გრძნობის სიახლოვე. ცნობიერების სხვა მოვლენებთან, განსაკუთრებით აზროვნებისა და ნებელობის მოვლენებთან დაპირისპირებით ცხადი ხდება, თუ რად უნდა იყოს გრძნობები „ახლობელი“ პერსონისთვის. აზროვნების, ნებელობის მოვლენების ძირითადი ტენდენციაა ამა თუ იმ პერსონული მომენტის ობიექტივაცია, გან-პერსონულობა, განშორება პიროვნების დაუნაწევრებელი მთლიანობიდან, რადგან, ერთი მხრივ, ამ მოვლენებით პერსონა ლამობს დაუპირისპირდეს სამყაროს, „მისეული“ სახე შიანიჭოს მას. განასხვავოს იგი საკუთარი თავისგან. მეორე მხრივ, ამავე მოვლენებით პიროვნება ესწრაფვის მაქსიმალურად ჩამოაყალიბოს, საუკეთესო გეშტალტი მიაკუთვნოს გამოყოფილ შინაარსს: იქნება ეს აზროვნების პროცესი, ნებითი ქმედობა, აღქმა თუ სხვა რამ შემეცნებითი პროცესი. მომენტის „განთავისუფლებას“ პერსონისგან მსარდამხარ მისდევს ამ მომენტის გეშტალტივაცია: რაც უფრო გამოყოფილია მომენტი, მით უფრო გეშტალტყოფილია იგი. და პირიქით: რაც უფრო გეშტალტყოფილია იგი, მით უფრო გამოყოფილია პერსონის მთლიანობიდან. ისე რომ გეშტალტურობის უმაღლესი ხარისხს შემთხვევაში პიროვნება საძებნელია ხდება: მომენტი დამოუკიდებელ არსებობას ღებულობს. ამით იგი, ცხადია, კარგავს პიროვნებისადმი კუთვნილების თვისებას და კულტურის საგნად (სიტყვის ფართო მნიშვნელობით) იქცევა. ხელოვნების რომელიმე ძეგლი -- ობიექტურად არსებულთა შემომქმედი პერსონის არსებობა შეიძლება მხოლოდ დავასკვნათ; პიროვნებასთან ასეთ ობიექტს გენეტური კავშირი თულა აქვს¹⁸⁰.

ობიექტივაციის უმაღლეს ხარისხს განცდასთან აღარ აქვს კავშირი მავრამ უმაღლესი საფეხურის მიღწევამდე, სრულ ობიექტივაციამდე განცდა გაივლის ობიექტივაციის უფრო დაბალ საფეხურებს და გარკვეული სახის განცდებისთვის (ზემოდასახელებული შემეცნებითი და ნებელობითი სფეროსადმი კუთვნილი განცდების-

¹⁸⁰ ამ აზრთაწობაში განზრახ უგულვებლყოფი იმ გარემოებას, რომ ასეთ მაქსიმალურად ობიექტივაციაქმნილ ნაწარმოებშიც მოცემულია პერსონა, რადგან შეუძლებელია ნაწარმოები გამოსხივებას არ იძლეოდეს პიროვნებას რაობისას.

თვის) ფვით უდაბლეს საფეხურზე, ასე ვთქვათ ჩასახვის წუთიდან-
 ვე, დამახასიათებელია ობიექტივაციისადმი — პერსონის მთლიანო-
 ბიდან გამოყოფისადმი — სწრაფა. დიამეტრულად საწინააღმდეგო
 მდგომარეობასთან გვაქვს საქმე მეორე სახის განცდების — სახელ-
 ლობრ, გრძნობათა სფეროსადმი კუთვნილი განცდების — შემთხვე-
 ვაში: გრძნობის განცდების ძირითადი ტენდენცია. ჩანერგვისადმი
 „პერსონიფიკაციისადმი“ სწრაფაა. ცალკეული გრძნობები სხე-
 ლსხვა ხარისხითაა ჩანერგილი პიროვნების მთლიანობაში, არსე-
 ბობს. გრძნობები, რომლებიც იმდენად მკიდროდაა დაკავშირებული
 ობიექტთან, რომ მის თვისებად განიცდება. ასეთი გრძნობები ფსი-
 ქოლოგიაში შეგრძნების გრძნობითს ტონად იქნა აღიარებული. კონ-
 სონანსი სასიამოვნოა. ეს ნიშნავს, რომ სიამოვნება, ან უფრო სწო-
 რად: სასიამოვნოება — ობიექტის (კონსონანსის) თვისებაა; ისევე
 როგორც მისი ტონალობა, ხანიერება თუ ინტენსივობა. ასეთი
 გრძნობა მაქსიმალურად გამოყოფილი გრძნობაა. არის თუ არა იგი
 აბსოლუტურად თავისუფალი სუბიექტისგან, — ცხადია, არა! ჯერ
 ერთი აბსოლუტურად თავისუფალი, აბსოლუტურად გამოყოფილი
 პიროვნების მთლიანობას იმიტომ ვერ იქნება იგი, რატომაც ასეთი
 არაა კონსონანსის არც სხვა თვისებები: იმიტომ, რომ განცდა, რო-
 გორც არ ზნდა იყოს იგი, სუბიექტური ასახვაა სიციცხლისა. მაგ-
 რა, აღქმის შემეცნებითი შინაარსისგან განსხვავებით, ამ განცდა-
 ში გამოსკვივის სუბიექტივაციის, პიროვნებაში ჩანერგვის ტენდე-
 ცია. განცდიდან, რომელიც გამოითქმის: „ეს კონსონანსი სასიამო-
 ნოა“, განცდამდე, რომელიც გამოითქმის: „ეს კონსონანსი მესიამო-
 ნება“ — ერთი ნაბიჯია მხოლოდ. ეს ნაბიჯი სულ ადვილი გადასად-
 გმელია, მაგრამ მიუხედავად ამისა — ძალიან დიდმნიშვნელოვანია,
 შეტიც: გადამწყვეტი მნიშვნელობისა. აქ უკვე ნათლადაა მოცემუ-
 ლი მე-ს, სუბიექტის, პიროვნების მონაწილეობა. ნათლადაა მოცე-
 მული განცდის პიროვნებაში ჩანერგვის ტენდენცია; არა მარტო
 ტენდენცია, არამედ უკვე თვით ფაქტიც: ჩანერგვისა: სიამოვნება
 პიროვნების კუთვნილებად განიცდება, კონსონანსის ინტენსივობის,
 ხანიერების და სხვა თვისებათაგან განსხვავებით, რომლებიც ობი-
 ექტს მიეწერება, გრძნობა „გარედან“ — „შიგნით“ მიემართება. შემ-
 დგეი სასიამოვნო პიროვნების სიღრმისკენ ისეთი გრძნობითაა წარმო-
 დგენილი, რომელიც შემდეგნაირად შეიძლება გამოითქვას: „სასიამო-
 ნოა რაღაცა“. ამ საფეხურზე ობიექტი მხოლოდ „რაღაცა“-ის სახით-
 ლაა წარმოდგენილი. ბოლოს იკარგება ობიექტის თვით ეს სუსტი კვა-

ლიც, და რჩება მხოლოდ სიამოვნების განცდა, რომელიც ცნობი-
 ვრების თვალსაზრისით, ცნობიერების პლანში, თავისუფალია ყო-
 ველივე ინტენციისგან. ობიექტისგან სრული განთავისუფლება
 ზრდადასრულებული ადამიანის შემთხვევაში არასოდეს არ ხდება.
 მაგრამ მეტად თუ ნაკლებად იგი უახლოვდება ასეთ განცდას თვლე-
 მის, დაძინების, გაღვიძების მდგომარეობაში. გრძნობის ამ მდგომა-
 რეობის აღწერა შეუძლებელია, მას შეიძლება ვუწოდოთ „სული-
 ერი განწყობილება“ (Zimmuteseu) და გავიგოთ იგი, როგორც ზოგადი
 სულიერი ატმოსფერო. იგი ყველაზე მეტად ჩანერგილ გრძნობას
 წარმოადგენს და, მაშასადამე, — რამდენადაც საერთოდ გრძნობა
 ყველაზე მეტად ჩანერგილი ფორმაა განცდისა — ყველაზე უფრო
 მეტად ჩანერგილს განცდათაგან. აღმოჩენილ და დადასტურებულ
 იქნა თვითგრძნობის უმკიდროესი კავშირი სისხლის მიმოქცევის,
 სასუნთქავ, ნივთიერებათა ცვლის ორგანოების ფუნქციობასთან. ეს
 გარემოება — სრულიად უმართებულად — იმის საბუთად იქნა
 აღიარებული, რომ თვითგრძნობა ორგანულ შეგრძნებებზე დაიყვა-
 ნება. ნამდვილად თვითგრძნობა არ დაიყვანება ორგანულ შეგრძნე-
 ბებზე: იგი წინ უსწრებს მათ: გარკვეული რომელიღობის თვითგრძნო-
 ბა უკვე არსებობს უწინარეს გულისფრიალის თუ სულისხუთვის
 თუ სხვა რამ ამდაგვარის განცდისა. ორგანოთა ფუნქციობა „ცნობი-
 ერების-დონის ქვევით“ ახდენს გავლენას თვითგრძნობაზე, ისევე,
 როგორც გარემოს გავლენები. „ნათელი ხალიჩებით მოფენილ,
 ფართო, მზიან ოთახში ადამიანი სხვაგვარად გრძნობს თავს, ვიდ-
 რე ბნელ, ვიწრო შენობაში — და ამისთვის საჭირო არაა რომ ამ
 შეცვლილ მთლიანი გრძნობის მიზეზები განცალკევებულად იქნეს
 გაცნობიერებული. თვითგრძნობა, როგორც პერსონისადმი უახლო-
 ესი გვარის განცდა, ამასთანავე პერსონის შინაგანი ვლინებაა (in-
 nere Darstellung) თვით პერსონისთვის, რაგვარობაა იმისა, თუ როგორ
 აქვს პიროვნებას „საკუთარი თავი“ მოცემული, სახელდობრ, მოცე-
 მული აქ და ახლა, ამ აწმყო სიტუაციაში. ამ შემთხვევაში „სული-
 ერი მდგომარეობათა“ (Gemütsverfassung) შესახებ ვლაპარაკობთ.
 „მე ვწუხვარ“ ნიშნავს არა მარტო იმას, რომ მოცემულია მწუხარე-
 ბის გრძნობა, არამედ იმას, რომ მე ვარ მწუხარე; მწუხარებაში მე
 ჩემ დაქვეითებულ მეს — ყოფიერებას (Ich- Sein) განვიცილი¹⁸¹.

¹⁸¹ 1,757.

თვითგარძნობის კავშირი ორგანულ შეგრძნებებთან ფაქტია და ამ ფაქტს ძალიან დიდი მნიშვნელობა აქვს პერსონალისტური ფსიქოლოგიისთვის. იგი გამოხატავს საქმის იმ ვითარებას, რომ გარძნობები განსაკუთრებით ახლო დგას პიროვნების მთლიან მდგომარეობასთან, რომელშიც ფიზიკა და ფსიქიკა ჯერ კიდევ არაა განწყვალებული. „ფსიქიკური და ფიზიკური არსად არაა ისე განუყრელად დაკავშირებული, როგორც სულიერი განწყობილებებისა და გამოხატველი ქცევის, სულიერი აგზნებისა და გამოხატველი მოძრაობის მიმართებაში. მხიარულება, როგორც პერსონული მდგომარეობა არა მარტო განცდისეულად გვევლინება, როგორც მხიარული, სამყაროსთვის ღია სულიერი მოძრაობა, არამედ, ამასთანავე, როგორც თავისუფალი ექსპანსიური მოძრაობა, რომელიც ვრცელად და დინამიკურად აფართოებს პერსონულ სფეროს და სამყაროსთვის ფიზიკურადაც ღიად ჰყოფს მას. ამრიგად გარედან დამკვირვებლისთვის აღქმული სხვისი გამოხატველი მოძრაობანი — შინაგანი სულიერი განწყობილების სიმპტომებად და სიმბოლოებად იქცევა. მაგრამ სიმპტომისა და განცდის ეს გათიშვა მხოლოდ გარედანაა შესაძლებელი: თვით განმცდელი პერსონისთვის ასეთი გათიშვა არ არსებობს; მისთვის სიხარულის გარძნობა და გატლხოველებული მოძრაობა უპირობოდ შერწყმულია“¹⁸².

„უოველი ადამიანის სულიერი განწყობილება მუდამ ახლავს მისი სიცოცხლის მიმდინარეობას და ასახავს როგორც სიცოცხლის უწყვეტობას, ისე ცვალებადობასა და რხევებს“¹⁸³. სულიერი განწყობილების დასახასიათებლად უნდა დავსძინოთ, რომ იგი იმდენად დიფუზურია, რომ სიამოვნება-უსიამოვნების მიმართაც კი ინდიფერენტულია¹⁸⁴.

ამ დიფუზიურ ფონზე გამოიკვეთება სულიერი მდგომარეობანი (zuständliches Zututesein), რომლებსაც უკვე ერთგვარი გეშტალტი აქვთ, რამდენადაც აქვთ გარკვეული სტაბილობა და რომელობა. ეს მდგომარეობანი — „გუნებად“ იწოდება. გუნების დახასიათება არანაკლებ ძნელია, ვიდრე სულიერი განწყობილებისა, მაგრამ აუცილებელია მისი განსხვავება უკანასკნელისგან. სულიერ ზოგად განწყობილებასთან შედარებით გუნება უფრო ჩამოყალიბებული

¹⁸² 1,757—758.

¹⁸³ 1,758.

¹⁸⁴ იხ. 1,756.

განცდაა, როგორც ვთქვი კიდევ. იგი მეტადაა განსაზღვრული დრო-
 ში, თუმცა ზუსტად დადგენა მისი დასაწყისისა და დასასრული მო-
 მენტისა არაა შესაძლებელი. იგი მეტადაა განსაზღვრული რომე-
 ლობითად: მისი რომელობითი დახასიათება დაახლოებით და ზოგა-
 დად მაინც შეიძლება, როგორც „კარგი“ ან „ცუდი“ გუნებისა. იგი
 მეტადაა დაკავშირებული ცნობიერების გამოყოფილ შინაარსებთან,
 მაგრამ ჭერ კიდევ არაა შემოფარგლული ცალკეული შინაარსებით.
 მისი დამახასიათებელია „ატმოსფერული“ ბუნება: იგი ვრცელდება
 მთელ ფსიქიკაზე, მოიცავს მთელ პიროვნებას, გარსერტყმის და
 გამსპვალავს ცნობიერების ცალკეულ მოვლენებსა და შინაარსებს.
 გუნების გავლენა ცნობიერების შინაარსზე მით მეტია, რაც მეტად
 ჩანერგილია შინაარსი პიროვნების მთლიანობაში, მით ნაკლებია
 რაც მეტადაა შინაარსი გამოყოფილი პიროვნების მთლიანობაში.
 მაგრამ არ არსებობს ცნობიერების ფაქტი, რომელიც სრულიად თა-
 ვისუფალი იყოს გუნების გავლენისგან, და ეს გასაგებიცაა იმ ზო-
 გადი დებულების საფუძველზე, რომლის თანახმად ცნობიერების
 ყოველი კერძო მოვლენა თუნდაც მინიმალურად, მაგრამ მაინც ჩანე-
 რგილია პიროვნების მთლიანობაში. „მათემატიკოსმა გუნების მიუხე-
 დავად უნდა აღიაროს გამოანგარიშების შეცდომა; მაგრამ ამ შეც-
 დომის მნიშვნელობის შეფასება და მისი გამოსწორების იმედი კვლავ
 უნებით შეიძლება იქნეს პირობადებული“¹⁸⁵. გუნება მისი ატმოსფე-
 რული ხასიათის გამო, პიროვნების ფარგლებშიც ვრცელდება, სცილ-
 დება მის საზღვრებს და ვრცელდება იმ საგნებზეც, რომლებსაც კავ-
 შირი აქვს მგრძნობელ პიროვნებასთან „მზის ჩასვლის გუნება მხო-
 ლოდ ჩე მ ი გუნება კი არაა მზის ჩასვლის ყურებისას, არამედ სამყა-
 როსი და პერსონის საერთო მდგომარეობა თუ გლოვისზარის დროს
 დარბაზი და მუსიკა „გუნებით აღსავსე“ (stimungsvoll) გეჩვენება,
 ეს მხოლოდ მიზეზობრივად არ უნდა გაეიგოთ (როგორც ადამიანში
 გუნების აღმძვრელი), არამედ ამასთანავე სიმპათეტიკურად (რო-
 გორც: ადამიანის გუნებასთან თანხმიერი, მასთან ერთიანობის წარ-
 მომქმნელი). აქ სულ სხვაგვარ ობიექტივაციასთან გვაქვს საქმე,
 ვიდრე შემეცნებისა და ქმედობის ობიექტების შემქმნელი ობიექტი-
 ვაციაა; გამოხატულობის (Ausdruckshaltigkeit) „ფიზიონომიურ“
 ობიექტივაციასთან“¹⁸⁶.

¹⁸⁵ 1,759.

¹⁸⁶ 1,760.

გუნების მიზეზი ცალკეული მოვლენა შეიძლება იყოს და არის კიდევაც ხოლმე. მაგ., რამე სასიამოვნო ამბავმა შეიძლება კარგი გუნება შეგვიქმნას, მაგრამ ეს გუნება ამ ამბის „გრძნობით ტონად“ კი არ რჩება, არამედ მთელ პიროვნებას მოეფინება. გუნების შესახებ ლაპარაკი ისე, რომ „მე“ არ ვიგულისხმობთ, არცაა შესაძლებელი. ჩვენ ვამბობთ: „კარგ გუნებაზე ვარ“, „ცუდ გუნებაზე ვარ“ და სხვა ამდაგვარი; ყოველ ამ გამოთქმაში იგულისხმება „მე“, პიროვნება, რომელიც ასეთ თუ ისეთ გუნებაზეა. გამოთქმა „კაცია და გუნებაო“ სწორედ იმას ნიშნავს, რომ გუნება განსაზღვრავს ადამიანის ყოველგვარ ქცევას, სიტყვის ფართო მნიშვნელობით. გუნება სულიერი მდგომარეობაა და ამითი განსხვავდება ერთი მხრივ სულიერ განწყობილებებისგან, რომელიც მისი დიფუზიურობის გამო არ შეიძლება მდგომარეობად იქნეს გაგებულნი, მეორე მხრივ კი აფექტისგან, რომელიც პროცესის ხასიათის მქონეა.

აფექტი სულიერი განწყობილება კი არაა, არამედ ამ განწყობილების შექმნის პროცესი (nicht „Zusuttesein“, sondern „Zusutewerden“), არის შემთხვევები, როდესაც პერსონა-სამყაროს ურთიერთობა ერთბაშად ირღვევა. სრულიად იკარგება აქამდე არსებული წონასწორობა; და ეს დარღვევა იმდენად უეცარია, რომ ვერ ხერხდება „შეკუების აპარატის“ მყისვე მომარჯვება, ხელახლა შეგუება და წონასწორობის აღდგენა. ასეთ შემთხვევებში პერსონისა და სამყაროს ურთიერთობა სიტუაციის ტოტალურ სხვაგვარობაზე პერსონის ტოტალურ ქაოტურ რეაქციაში გამოიხატება. ლაპარაკი შეიძლება მხოლოდ ფრიად ზოგადი ხასიათის მიმართებულობის შესახებ, როგორცაა აღტაცება, სასოწარკვეთილება, შიშის ზარი თუ სხვა ამდაგვარი, მთავარი მახვილი კი ტოტალურ შეძრწოლებას (Erschütterung), ხვდება. ასეთი შეძრწოლება — რეტროსპექციულად — აბათილებს, სპობს, აღკვეთს ყველა აქამომდე ფსიქიკურ მდგომარეობებს, პროცესებს თუ შინაარსებს, პროსპექციულად კი — აბრკოლებს სულიერი ცხოვრების ახალი მდინარეების დაწყებას, სულიერ მოვლენათა დაძორჩილებას აქტიური ქმედობისთვის, აზროვნებისა და ნებელობის ახალი აქტების წარმოებას. ამგვარი დაბრკოლების შედეგად ფსიქიკა ან სრულიად „ცარიელი“ რჩება, ან მისი შინაარსები „საკუთარი თავის ანაბრადაა მიტოვებული“ და მათი მიმდინარეობა აზრს მოკლებული არეუ-დარევის ხასიათის მქონეა. ასეთი მდგომარეობა. ნორმალურ შემთხვევებში — სწრაფად წარმატებულია: პიროვნება

უეცარი თავზარდაცემის შემდეგ მაინც ახერხებს შეგუებას შეცვლილ სიტუაციისადმი. ზემოთ აღწერილ „შეძრწოლებას“ აფექტი ეწოდება. აფექტის მიმდინარეობის თავისებურება ისაა, რომ იგი უეცრად, „მოსამზადებელი წინაპერიოდის“ გარეშე იწყება, ძალიან სწრაფად აღწევს ინტენსივობის უმაღლეს დონეს, მცირე ხანს რჩება ამ დონეზე, შედარებით ნელ-ნელა სუსტდება და ბოლოს ისპობა როგორც ასეთი, მაგრამ უკვალოდ არ ქრება: იგი უსათუოდ სტოვებს „კვალს“ გუნების სახით. გუნება შეიძლება აფექტის შესატყვისი იყოს. რომელიმე, მაგრამ შეიძლება მისი საწინააღმდეგოც იყოს: აფექტური აღტაცება მხიარულ გუნებად შეიძლება დაილეკოს, მაგრამ შეიძლება სევდიან გუნებადაც გარდაიქცალოს. პერსონალისტური თვალსაზრისით აფექტის მიმდინარეობის ბუნება აღვილადაა გასაგები. უწინარეს ყოვლისა, გასაგებია მისი უეცარი აღმოცენება: სიტუაციის გაუთვალისწინებელი შეცვლა ილდას სცემს ასეთი ცვლილებისთვის წინასწარ მოუმზადებელ პერსონას და დასაწყისში მით უფრო უჭირს მას შესაგუებლად საჭირო გზებისა და ღონისძიებათა მიგნება, რაც უფრო მნიშვნელოვნად განსხვავდება ახალი სიტუაცია ძველისგან. ასეთი ძლიერი კონფლიქტი სამყაროსთან შეუძლებელია ცნობიერების მონაწილეობის გარეშე გადაწყდეს. მაგრამ ვინაიდან სიტუაციის ცვლილება ზოგადი ხასიათისაა, იმთავითვე ნაგულისხმევიც ვერ იქნება, თუ აქტივობის რომელი სფერო უნდა რჩეს გამოყენებული მის დასაძლევად. მთლიანად ახალი სიტუაციის დასაძლევად, ამიტომ, მთლიანად ფსიქიკა იღებს მონაწილეობას და რამდენადაც ამ კონფლიქტის დაძლევაში მთლიანად მონაწილეობს ცნობიერება, იგი ჯერ კიდევ დაუნაწევრებელი და უნგეშტალტური სახით ვლინდება. ამიტომ არის აფექტი გრძნობის ეული რეაქცია.

გასაგებია აფექტური მდგომარეობის სწრაფი წარმავლობაც. აფექტი ხომ მიზანშეუწონელი რეაქციაა სიტუაციის ცვლილებაზე. მისი მეოხებით შეგუება შეუძლებელია და თუ დროულად არ იქნა იგი ვადალახული პერსონა განწირული იქნება სიტუაციასთან შეუგუებლობისთვის. დაბოლოს, გასაგებია ისიც, რომ პერსონულ „არარადან“ აღმოცენებული იგი „არარად აღარ იქცევა, უკვალოდ არ გაქრება. გასაგებია, რადგან იგი ერთ-ერთი ცოცხლობათაგანია (Lelnie), საესებით მკაფიოდ გამოკვეთილი პერსონული მთლიანი სიცო-

ცხლის მდინარებაში, ხოლო ყოველი ცოცხლობა შედის საბოლოოდ ამ მთლიანობაში, ჩაინერგება მასში და, ამდენად, შემდეგმოქმედების ძალის მქონეა გასაგებია ისიც, რომ მისი შემდეგმოქმედება უწინარეს ყოვლისა გუნებად გამოვლინდება, ე. ი. გამოვლინდება მის ადეკვატური გრძნობის სფეროში.

სულიერი განწყობილებანი, გუნებები და აფექტები კიდით კიდემდე მოეფინებიან მთელ ცნობიერებას და ამიტომ არ არიან საგანთან დაკავშირებული, მაშინაც კი, როდესაც მათი აღმოცენება უეჭველად რომელიმე კერძი, აკანით (ანუ მოვლენით) არის პირობადებული.

„მაგრამ არსებობს გრძნობათა სიცოცხლის მოვლენები, რომლებიც უფრო მკიდროდ დაკავშირებული რჩება პერსონული სიცოცხლის ცალკეულ შინაარსებთან. ამრიგად, აქ გრძნობა იმდენად საერთო ნიადაგს აღარ წარმოადგენს ცალკეული შინაარსებისას (Besonderung) რამდენადაც ფესვს, რომლითაც ცალკეული მომენტი ამ პერსონულ ნიადაგს უკავშირდება“¹⁸⁷. ასეთი დაკავშირება პრაქტიკული მოქმედებისაც ხდება და განცდის გამოყოფილი შინაარსებისაც. პრაქტიკული მოქმედებისას წარმართავს გრძნობა, განცდის შინაარსებს კი ელფერს აძლევს. გრძნობითი წარმართვა მოქმედებისა შედეგად გვაძლევს ისეთ ქმედობას, რომელიც რეფლექსთან შედარებით მეტად დაუფლებულია, მეტად „პერსონიფიკაციაქმნილია“. მაგრამ ამავე დროს ქეშმარიტ ნებელობით ქმედობას ამ მხრივ — ე. ი. დაუფლებულობისა და გაპიროვნებულობის მხრივ — ძალიან ჩამორჩება. ასეთი, გრძნობით წარმართული, ქმედობის ნიმუშია მოყინულ გზაზე სიარული. მხოლოდ ავტომატიზაციაქმნილი სვლა აღარაა სამყოფი გარემოპირობების გართულების გამო. მაგრამ ნამდვილი ნებითი ქმედობაც არაა აქ საჭირო. გარემოპირობები არც ისეა გართულებული, რომ საჭირო იყოს ინტელექტის ინტენსიური მუშაობა, გადაწყვეტილების მიღება, მომდევნო ქმედობის დაგეგმვა და სხვა. ამგვარ ფაქტებს „ქვეცნობიერ“ თუ „ნახევრადცნობიერ“ მოვლენებად თვლიან ხოლმე და გულისხმობენ „ქვეცნობიერი წარმოდგენების“ მონაწილეობას. პერსონალისტური თეალსაზრი-

¹⁸⁷ 1,762.

სით, საქმის ასე გაგება ორგზის მცდარია. ჯერ ერთი ქვე—თუ არა-ცნობიერი წარმოდგენები ფიქცია და მათზე რაიმესი დაყვანა — აბსურდი. მეორეც ის, რომ ზემოთ მოყვანილი მაგალითის ანალოგიურ შემთხვევებში ცნობიერება ხარისხობრივად, რაოდენობითად კი არ განსხვავდება ნებელობის ცნობიერებისგან, არამედ რომ ელობითად. „ასეთ შემთხვევებში საერთოდ არაეითარ წარმოდგენები და აზრები არაა ცნობიერებაში, არამედ მხოლოდ ფარული (hintergründige) გრძნობა, რომლისგანაც შუაწევრის გარეშე გამომდინარეობს მოძრაობა ის გარემოება, რომ მძიმე დაბრკოლებისას ეს გრძნობა აღარაა საყოფი, და რომ მას უნდა გამოეყოს წარმოდგენები. აზრები და ნებელობანი (Wollungen), რათა გზის გაგრძელება გახდეს შესაძლებელი—ეს გარემოება არაეითარ უფლებას არ გვაძლევს ვიგულისხმოთ, თითქოს ამგვარი შინაარსები ერთგვარი წარმონაქმნების სახით უკვე თვით წარმმართველ გრძნობაში იყოს ჩამარხული“¹⁰⁰.

წარმმართველ გრძნობათა პერსონული ღირებულება ფსიქიკური ენერჯის მომჭირნობაში მდგომარეობს: სადაც ვიტალურა, ან უკეთ რომ ვთქვათ: უკონფლიქტო შეგუება სამყაროსთან აღარაა შესაძლებელი, იქ ცნობიერება იწყებს მონაწილეობას. მაგრამ თუ შესაძლებელია შეგუება ცნობიერების დაბალ დონეზე, საქირო არაა ფსიქიკის უმაღლესი პროცესების წარმოებაზე ზედმეტი ენერჯის ზარჯვა: ნებელობის საქმეს წარმმართველი გრძნობა კისრულობს, სადაც კი ეს შესაძლებელია.

„ადამიანის ცხოვრებისთვის წარმმართველი გრძნობების მნიშვნელობის დაფასება არასოდეს არ შეიძლება გადაჭარბებული იყოს: რადგან ადამიანის ცხოვრების გზა, უმთავრესად, ზემოთ მოყვანილ მაგალითში ხსენებული გზის ბუნებისაა: არც ისეთი ერთგვაროვანი და თანასწორია, რომ საესებით არაცნობიერა ავტომატიზმები კმარობდეს, მაგრამ არც ისე სრულიად უცხო და დაბრკოლებებით აღსავსე, რომ მხოლოდ შემეცნებისა და ნებელობის საესებით გამოყოფილი ფუნქციებით შეიძლება მისი დაძლევა. ამიტომ არის ცხოვრების მოქმედებათა (Lebensvollzug) გრძნობით

¹⁰⁰ ... dieser Umstand gibt kein Recht, solche Inhalte gleichsam als verborgene Gebilde auch schon in das stauernde Gefühl hineinzu projizieren“, 1.763.

წარმართვა—საყოველღეო ცხოვრების მოწესრიგების ძირითადი ფორმა“¹⁸⁹.

ნათელია ისიც, რომ სულიერ განწყობილებებთან, გუნებებთან, აფექტებთან შედარებით წარმმართველი გრძნობა უფრო გამოყოფილი განკლდა პიროვნების იმთავითი მთლიანობიდან. იგა მთელ ცნობიერებას კი არ მოეფინება მათ მსგავსად, არამედ ცნობიერების მხოლოდ იმ სფეროს, რომელთანაც სიტუაციის გარკვეულ სფეროს, გარკვეულ მომენტს აქვს ურთიერთობა. ამიტომ წარმმართველ გრძნობაშიც არის საგნისეული მომენტის, საგნისადმი მიმართებულობის ჩანასახი. მაგრამ ამ შემთხვევებში, მოქმედების ცვალებადობა ისე უშუალოდ მისდევს სულიერ განწყობილებათა ცვალებადობას, რომ მონაწილე გრძნობა ცალკეულ რომელობებად არ ყალიბდება. იგი მოძრაობებში განიტვირთება იქამდე, სანამ ცნობიერებაში სიამოვნებად თუ უსიამოვნებად გამოვლინდებოდეს. ასეთი ვითარება შესაძლებელია სიცოცხლის იმ საფეხურზე, რომელზეც სამყარო ჭერ კიდევ არაა სავსებით და საბოლოოდ გაობიექტებული. გარკვეულ საფეხურზე კი ხდება სამყაროს გამოყოფა პერსონის უშუალო აწმყოდან, მისი თბიექტივაცია. პერსონა უპირისპირდება სამყაროს, როგორც არა-მეს. უ პ ი რ ი ს პ ი რ დ ე ბ ა, მაგრამ საბოლოოდ არ სწყდება, არ სწყვეტს მასთან ურთიერთობას. ამის შესახებ არა ერთხელ იყო თქმული: სამყაროს გარეშე, გარეშე მასთან ურთიერთობისა არც პერსონა არსებობს. პერსონის მთელი ყოფიერება სამყაროსთან ურთიერთობით არის განსაზღვრული და მამულად სამყაროსა და პერსონას შორის გრძნობა გვევლინება. თბიექტი სუბიექტისგან „განთავისუფლებული“ სამყაროსეული ფაქტია. მაგრამ მიუხედავად ამ განთავისუფლებისა, იგი მაინც სუბიექტურია მის განცდისეულ მოცემულობაში და ამ მის სუბიექტურობას საუკეოესოდ გამოხატავს საგნის ე. წ. „გრძნობითი ტონი“, მისი გრძნობითი ელფერი. გრძნობა, რომელსაც თბიექტი აღძრავს სუბიექტში, უკუვრცელდება ამ გრძნობის აღმძვრელ თბიექტზე. განცდა, რომელიც ასე გამოითქმის: „შოკოლადის გემო ჰესიამოვნება“, გადაღის განცდაში „შოკოლადს სასიამოვნო გემო აქვს“. პირველ გამოთქმაში სუბიექტურ მდგომარეობაზე — სიამო-

¹⁸⁹ 1,764.

ენებაზე -- არის ლაპარაკი, მეორეში კი ობიექტის თვისებაზე -- სასიამოვნოებაზე. ეს უკანასკნელი ობიექტის ისეთივე თვისებად არის მიჩნეული, როგორც მისი სიტკბო და ამიტომ შესაძლებელია რომელიმე მომენტში ადამიანს ჰქონდეს განცდა: „შოკოლადის გემო არ მესიამოვნება“, მაგრამ შეუძლებელია ითქვას: „შოკოლადს უსიამოვნო გემო აქვს“, ისევე, როგორც შეუძლებელია მისი სიტკბოს უარყოფა. პირველი თვისება ობიექტის ისეთივე ობიექტური თვისებაა შოკოლადისა, როგორც მეორე. ეს მაგალითი გამოჩაქვს არ წარმოადგენს. პირიქით: ცნობიერების ყოველგვარ გამოყოფილ შინაარსს აქვს გრძნობითი ტონი.

რაც უფრო მეტად გამოყოფილ შინაარსთანაა დაკავშირებული გრძნობა, მით მეტადაა თითონაც გამოყოფილი და გაობიექტებული. რაც მეტადაა იგი მთლიანპერსონული მდგომარეობის ასახვა, მით ნაკლებადაა იგი დაკავშირებული ცნობიერების კერძო რაიმე შინაარსთან. გრძნობის მოვლენათა ორ ჯგუფად — ემოციებად და საკუთრივ გრძნობებად — გაყოფა, რის შესახებაც ზემოთ იყო ლაპარაკი (იხ. გვ. 192) ჩანერგვა-გამოყოფის მიმართულებით ხდება. მაქსიმალურად ჩანერგილ გრძნობას წარმოადგენს სულიერი განწყობილება (Zumutesein), მაქსიმალურად გამოყოფილს — გრძნობითი ტონი. აბსოლუტური არც ერთი მათგანი არაა. ორივე შედარებითია: ჩანერგილობაც და გამოყოფილობაც. მაგრამ განსხვავება მათ შორის იმდენად მკაფიოა, რომ, როგორც ვთქვით, მათი განსხვავება „წინამეცნიერული“, ყოველდღიური ფსიქოლოგიისთვისაც შესამჩნევი გახდა. ეს არ ნიშნავს, რომ მათ შორის მკაფიო საზღვრის გავლენა იყოს შესაძლებელი და ეს თავისთავად ცხადია ჩანერგვა-გამოყოფის თვალსაზრისით: ყოველი პერსონული მომენტი ერთდროული ჩანერგვა-გამოყოფის მატარებელია. არ არსებობს არც ჩანერგვის არც გამოყოფის ხასიათს სრულიად მოკლებული პერსონული ვლენა, მხოლოდ ზოგში ჩანერგვის მომენტი სქარბობს, ზოგში კი გამოყოფის მომენტი. ემოციები — მეტად ჩანერგილი, გრძნობები — მეტად გამოყოფილი განცდებია. და, ამის შესატყვისად, პირველები პერსონასთანაა მეტად დაკავშირებული, მეორეები — გარესამყაროსთან.

გრძნობათა კლასიფიკაცია — განჯგუფება მხოლოდ ერთი თვალსაზრისით — ჩანერგილობა-გამოყოფილობის თვალსაზრისით, მიუხედავად იმისა, რომ იგი პერსონის ყოველგვარ უძირითადესი

განზომილებისმიერია, არაა საკმარისი გრძნობათა მრავალფეროვნების დასახასიათებლად და პერსონის სიცოცხლის მთლიანობაში მათი ადგილისა და მნიშვნელობის გასათვალისწინებლად.

პერსონალისტური ფსიქოლოგიისთვის სხვა თვალსაზრისით გრძნობათა მოვლენების განჯგუფება არაა იმდენად სპეციფიკური და ამიტომ მათ შესახებ სულ მოკლედ ვიტყვი; თქმა კი მათ შესახებ მაინც აუცილებელია, რადგან სწორედ პერსონალისტური ფსიქოლოგიის თვალსაზრისით მეტად, ვიდრე სხვა რომელიმე თვალსაზრისით, არსებითი მნიშვნელობა აქვს ფსიქიკური მოვლენის მრავალგანზომილებიანობისთვის ყურადღების მიქცევას.

ერთ-ერთი განზომილებათაგანია გრძნობის ქვეშეობის სიკრუე სიკრუე ანუ სიყალბე (Unechtheit) განზრახ ტყუილს, „თავის მოკატუნებას“, „ნიანგის ცრემლებს“ არ ნიშნავს. მოზარდი გოგონა თუ ალტაცებულია რომელიმე მომღერლის ხმით, მას თითონაც სჯერა, რომ მისი ალტაცების მიზეზი ხელოვნებაა და ცნობიერად თითონაც არ ეპარება ეჭვი, რომ ნამდვილი სარჩული მისი ალტაცებისა თვით მომღერლის პიროვნებით ეროტიკული გატაცება შეიძლება იყოს.

სერიოზულობა-არასერიოზულობის განზომილება გრძნობების დამახასიათებელია სიცოცხლის სხვადასხვა ასპექტში. სერიოზულია გრძნობა, რომელთანაც საქმე გვაქვს სერიოზულ ცხოვრებაში, ქვეშეობის სასიცოცხლო პრაქტიკაში, არასერიოზულია თამაში და სახიობაში მონაწილე გრძნობა: „შიში ადამიანისა, რომელიც ცდილობს გაექცეს მღვერებს, სერიოზულია. შიში ბავშვისა, რომელიც როლის თანახმად „მგელს“ გაუბრის — არასერიოზულია. ასეთივეა იქვე მსახიობისა, რომელიც ოტელოს არღვენს“¹⁰⁰.

გრძნობათა „დაბალ“¹⁰¹ და „მაღალ“ გრძნობებზე დაყოფა ჩვეულებრივი ამბავია საყოველღეო სიტყვასმარებაში, მაგრამ აქ ეს განსაზღვრება მორალური კატეგორიების დადგენას უდრის, რაც ფსიქოლოგიური მეცნიერებისთვის გარემდებარეა. ფსიქოლოგიაში ასეთი განზომილება გრძნობისა მისაღებია, მაგრამ სულ სხვა მნიშვნელობით. დაბალი იქნება გრძნობა, რომელიც ინდივი-

¹⁰⁰ 1,750.

¹⁰¹ ქართულად ამ კონტექსტში — მორალის კონტექსტში — სწორი იქნება „მაღალი“ და არა „დაბალი“.

დური განვითარების დაბალ დონეზე გვხვდება, მაღალი კი ის — რო-
მელიც განვითარების მაღალ დონეზე გვხვდება. ასეთი დონე ადვი-
ლი დასადგენია პერსონის სიცოცხლის მოდუსების მიხედვით.
უდაბლესია ვიტალური მოდუსი. დაბალი გრძნობებიც — ვიტა-
ლურ ფუნქციებთან დაკავშირებულ გრძნობებს შეიძლება ეწო-
დოს: კვების, გამრავლების, შეგუების, დაავადების, განკურნები-
სა და სხვ. გრძნობებს. უმაღლესია ინტროცეფციული სფეროსა-
დმი კუთვნილი სპეციფიკურ-ადამიანური გრძნობები: ესთეტიკუ-
რი, ეთიკური, რელიგიური და აგრეთვე კულტურის პროდუქციას-
თან და რეცეფციასთან დაკავშირებული გრძნობები. საშუალო-
ადგილი უკავია საგნობრივ სფეროსადმი კუთვნილ გრძნობებს
(რომელთა ჩანასახი ცხოველთა შორისაც შეიძლება იქნეს დადგე-
ნილიც ცნობისმოყვარეობის, ყურადღების, უცხოობის, შინაურუ-
ლობის სახით), უმთავრესად ინტელექტუალურ გრძნობებს: განკვი-
ფრებას, ცოდნისმოყვარეობას, შემეცნებით სიამოვნებას, „სვე-
დას პრობლემისთვის“ და სხვ. ამდ., — რადგან საგნობრივ მოდუს-
ში პერსონის ერთ-ერთი ძირითადი, ცენტრალური ამოცანა ობიექ-
ტური სამყაროს შემეცნებაა.

არსებითი მნიშვნელობის მქონეა გრძნობათა ფორმალური
კლასიფიკაცია ინტენსივობის, ექსტენსივობისა და ხანგრძობის (Stärke,
Breite, Dauer) მიხედვით.

ზემოჩამოთვლილი ყველა განზომილება კიდევ არ ამოსწურავს
გრძნობის დახასიათებას, კიდევ ვერ არკვევს მის ადგილს პიროვნების
სიცოცხლის მთლიანობაში, რადგან სიცოცხლის მთლიანობა
არა მარტო თანადროული მომენტების ერთიანობას ნიშნავს, არა-
მედ მომენტების თანამიმდევრობის ერთიანობასაც პერსონის სი-
ცოცხლე დროშია განფენილი და გრძნობებსაც ერთგვარი მიმარ-
თება აქვთ სიცოცხლის მდინარებასთან. სულიერი განწყობილება-
ნი, გუნებანი, საკუთრივ გრძნობები, რომლებიც შესახებაც იყო
ლაპარაკი: წარმმართველი გრძნობები და გრძნობითი ტონი — ყვე-
ლა ესენი პიროვნების აწმყოსთანაა დაკავშირებული არა მოცემუ-
ლობის მხრივ — ამ მხრივ ყოველი განცდა მხოლოდ აწმყოსთანაა
დაკავშირებული, რადგან მოცემულობა მხოლოდ აწმყოში შეიძ-
ლება იყოს — არამედ მიმართების მხრივ, მიმართების თვალსაზ-
რისით: ისინი ასახავენ პიროვნების — ვიტყვი ზოგადად: — გრძნო-
ბითს მიმართებას პიროვნულ აწმყოსადმი. მაგრამ პიროვნებას მი-

მართება აქვს საკუთარი ნამყოსა და მყობადისადმიც. პირველისად-
 მი ფსიქიკური მიმართების სპეციფიკური გამომხატველია მნემე,
 უკანასკნელისადმი — ნებელობა. მაგრამ ეს მიმართებასი მნემეთი
 და ნებელობით არ ამოიწურება და, სხვათა შორის, გრძნობაშიც
 პოულობს გამომხატულებას. ამიტომ გრძნობები დროითი მიმართუ-
 ლებულობის მხრივაც შეიძლება და უნდა იქნეს განჯგუფებული
 არსებობს აწმყოს გრძნობები: მათ შესახებ ზემოთ იყო თქმული.
 არსებობს მყობადისადმი მიმართული და, ბოლოს, ნამყოსადმი
 მიმართებული (ანუ: პროსპექტიული და რეტროსპექტიული Vor- და
 Rückgreifende) გრძნობები.

მყობადისადმი მიმართებულობა გრძნობისა იმაში მდგომარე-
 ობს, რომ იგი წინასაფეხურს წარმოადგენს ცნობიერების გამო-
 ყოფილი შინაარსებისას. ეს ითქმის ფსიქიკის განვითარების შესახებ
 ზოგადად: როგორც ფილოგენეზური, ისე ონტოგენეზური განვი-
 თარების შესახებ. გრძნობა პირველი საფეხურია ცნობიერების გა-
 მოკრთომისა, განცდის — ამ აზრით — უპრიმიტიულესი სახეობა.
 „თუკი ვიკისრებთ რამენაირად აღვნიშნოთ ახალშობილი ბავშვის
 (და შესაძლებელია თვით ემბრიონისაც) ცნობიერების სულ თავდა-
 პირველი ჩანასახი, — მხოლოდ სრულიად უგეშტალტო, ბუნდოვან-
 ნი სულიერი განწყობილება (Zumutesein) შეიძლება ვუწო-
 დოთ მას, რომლის შერყევაც ქცევის საჭირო ცვლილებათა წარ-
 მართვას ემსახურება; იმთავითვე სრულიად არაა მოცემული ცნო-
 ბიერების გამოყოფილი შინაარსები; და მხოლოდ ხანგრძლივ პრო-
 ცესში გამოეყოფა ამ ფსიქიკურ პირველად ბურუსს განცალკევებ-
 ბული სიმკვრივენი (Ballungen) და გეშტალტები, აღქმების,
 წარმოდგენების და ნებელობის სახით“¹⁰². გრძნობა, როგორც წი-
 ნასაფეხური, თავს იჩენს არა მარტო ასეთ „დიდ პლანში“, არამედ
 განვითარების ცალკეულ, სულ მცირედ მოვლენებშიც, ე. ი. ყველ-
 გან, სადაც ცალკეული ცოცხლობა დროის გარკვეულ ხანგრძლი-
 ვობას საჭიროებს საბოლოოდ გაშლისთვის“¹⁰³. მაგ., მოულოდნელ
 უცხო სიტუაციაზე პირველი პერსონული რეაქცია სრულიად გაუ-
 ფორმებელი მდგომარეობაა, რომელიც დეზორიენტაციის შოკად
 გვევლინება. აქედან გამომდინარეობს, მასზე აღმოცენდება გან-

¹⁰² 1,766.

¹⁰³ 1,767.

ცვიფრების გრძნობა, რომლის ნიადაგზე შემუშავდება საკითხა: „რა მოხდა?“ და შემდგომი პრობლემატიკა: „რა უნდა ვქნა?“ რაც თავდაპირველად გრძნობა იყო, მოსაზრებად (მოფიქრებად) და ნებელობად იქცევა. ან კიდევ მაგალითი: ავადმყოფობის სრულ ცნობიერებას ტკივილის ზუსტი კვალიფიკაციით და ლოკალიზაციით, წინ უსწრებს ხოლმე უქეიფობის ზოგადი, დიფუზიური გრძნობა.

ზემოთქმული მართებულა და მოყვანილი მაგალითები — თვალსაჩინო და დამარწმუნებელი. მაგრამ — არა ამომწურავი. გრძნობა არა მარტო ქრონოლოგიურად, ან, თუ გნებავთ გენეზურად არის პირველადი, არამედ აზრისეულადაც. გრძნობას შეიძლება აზრითი მიმართებულობაც ჰქონდეს მყობადისადმი. იგი შეიძლება „წინაგრძნობა“ იყოს მყობადი ცნობიერების შინაარსებისა. ერთი მხრივ აქ უნდა ვიგულისხმოთ ის, რაც წარმმართველი გრძნობების შესახებ ითქვა, იმ განსხვავებით და შესწორებით კი, რომ თუ წარმმართველი (steuernde) გრძნობები მოქმედებასთან ერთდროულად ერთ პერსონულ პრეზენტშია მოცემული, — „წინაგრძნობა“, კერძოდ კი მისი ის სახეობა, რომელიც „იმპულსური ხასიათის“ მქონედ (Antriebscharakter) შეიძლება მოინათლოს, დროითად წინ უსწრებს შემდგომ შინაარსებს. ამ გრძნობების არსია „აწმყო გრძნობითი წარმართვა მყობადის ტენდენციით, მყობადის ცნობიერების გარეშე (ასე შეიძლება განისაზღვროს ინსტინქტური ქმედობა გრძნობის განცდის თვალსაზრისით)“¹⁰⁴. ცხოველის ცნობიერებაში მხოლოდ ამ სახით შეიძლება წარმოდგენილი იყოს მყობადი. ადამიანის შემთხვევაში კი პროსპექციულმა გრძნობამ, რა რომ იგი უშუალოდ არ განიტვირთება მოქმედებაში, მყობადი მიზანი გამოყოფილი შინაარსის სახით შეიძლება მიაწოდოს ცნობიერებას. იმპულსურ გრძნობად შეიძლება ჩაითვალოს ყოველი მოთხოვნილება, რომელიც დროის დიდ მანძილს წვდება. იმპულსური გრძნობისთვის სიამოვნება-უსიამოვნების ნიშანი მეორეხარისხოვანია. არსებითია გარკვეული მიმართულების მქონე დინამიკა.

იმპულსური გრძნობის ნიშნებს წარმოადგენს შემდეგი შემთხვევა: წერის დროს მაგიდიდან რაღაც გადამივარდა. თავდაპირ-

¹⁰⁴ ... eine gegenwärtige Gefühlssteuerung mit Zukunftstendenz ohne Zukunftsbewusstsein, 1,769—770.

ველად ეს არ მიშლის ხელს და განუვარდობ წერას. მაგრამ წერაზე ფიქრში შეიძლება გაურკვეველი მოუსვენრობა და ასევე გაურკვეველი მიზიდულება (უკეთესი იქნებოდა „წარზიდულობა“ ზღვიმ მიმართულებით, საითაც გადავარდა საგანი. ჯერ არც საგნის რაობაა გაცნობიერებული და არც მისი გადავარდნის ადგილი. გრძნობა სრულიად დიფუზურია, მაგრამ მასში მოცემულია მოქმედებად განხორციელების ტენდენცია. ბოლოს, მისი ინტენსივობა. მატულობს იმდენად, რომ წერას ვწყვეტ, ვცდილობ გავარკვიო, თუ რა საგანი გადავარდა, ან სად გადავარდა, და ბოლოს ნებელობის აქტს განვხორციელებ და ვიღებ საგანს.

პროსპექტიული გრძნობების მეორე სახეობას წინაგრძნობებები¹⁰⁵ შეადგენს. წინაგრძნობაში საკუთარი პერსონული მოქმედება კი არაა ანტიციპაციაქმნილი, როგორც იმპულსურ გრძნობებში იყო, არამედ მყობადი ფაქტი, რომელიც პასიურად უნდა იქნეს ჩვენ მიერ მიღებული. ადამიანს უქეიფობის დიფუზიურ განცდაში უქეიფოდ-ყოფნა კი არ ეძლევა მხოლოდ, არამედ ავად-გახდომის ცოდნაც. მათემატიკოს გაუსს უთქვამს ერთ-ერთ პრობლემაზე მუშაობისას: „შედეგი უკვე მოცემული მაქვს ჯერ არ ვიცი მხოლოდ, თუ როგორ მივალწი მას“. ცნობილია შემთხვევები, როდესაც ზოგი ადამიანი წინასწარ გრძნობს ამინდის ცვლილებას. ცხოველთა შორის ასეთი წინაგრძნობა საყოველთაოდ გაკრცელებული მოვლენაა. ადამიანმა კულტურული განვითარების შედეგად, როგორც წესი, დაკარგა ასეთი უნარი. მაგრამ საინტერესოა ეს კი არაა, არამედ ის, რომ იმ გამონაკლის იშვიათ ატავისტურ შემთხვევებში, როდესაც ადამიანი კვლავ ამჟღავნებს ამ უნარს, მისი გამომჟღავნება არსებითად განსხვავებულია ცხოველთა შორის მისი გამოვლინებისგან. ამინდის მოსალოდნელი ცვლილების გავლენით ცხოველი უშუალოდ ცვლის ქცევას, ისე რომ — ცხადია — არავითარი ცოდნა ამინდის ცვლილებისა არა აქვს. ადამიანში კი, პირიქით: ქცევაში სრულიადაც შეიძლება არ ამჟღავნებდეს, მაგრამ მან იცის, რომ მისი სულიერი მდგომარეობა ამინდის მომავალი ცვლილებითაა პირობადებული და, მაშ, იცის, რომ ამინდი შეიცვლება: ყველა ეს შემთხვევები წინაგრძნობის მაგალითებია. წინაგრძნობასა და იმპულსური გრძნობის შორის მკა-

¹⁰⁵ პროსპექტიული გრძნობა—Vorgreifende, წინაგრძნობა—Ahnungsfähig.

დიო ზღვარის გავლება არ შეიძლება. გაუსის მაგალითი იმპულსური გრძნობა ისევეა, როგორც წინაგრძნობა.

წინაგრძნობის შესახებ ლაპარაკი მეცნიერებაში მხოლოდ გარკვეულ, საკმაოდ ვიწრო ფარგლებში შეიძლება. ჰერერთი, წინასწარ ნაგრძნობი მოვლენის ჩანასახი თვით პერსონის ექტელექაში უნდა იყოს მოცემული; წინასწარგრძნობა მხოლოდ იმ მყობადისა შეიძლება, რომელიც პიროვნების აწმყოში აღმოცენდება და მისგან განვითარდება. ასეთია ამინდის წინაგრძნობა, გაუსის მიერ პრობლემის გადაწყვეტის წინაგრძნობა და სხვა მისთანანი. ნაძღვილად ობიექტურის, ე. ი. ისეთი რაობის წინაგრძნობა, რასაც პერსონის აწმყოთან არავითარი გენეზური კავშირი არა აქვს (ვთქვათ: მიწისძვრის, მზის დაბნელების და სხვ.)¹⁰⁶, მეცნიერულად გაუგებარი, გაუმართლებელი და შეუძლებელი (ან სრულიად შემთხვევითი) წინასწარმეტყველება იქნებოდა. მეორე მხრივ კი ანგარიშგასაწვევია პერსონული მყობადის მრავალმნიშვნელოვანება და გაურკვევლობა. მყობადის სახვაში პიროვნება მხოლოდ ერთ-ერთი ფაქტორია მრავალ ფაქტორთა შორის და მყობადიც მხოლოდ იმდენად შეიძლება იქნეს წინასწარ ნაგრძნობი, რამდენადაც პიროვნულ ფაქტორზეა იგი დამოკიდებული. მყობადის მრავალმნიშვნელოვანობის აღქვატურია წინაგრძნობის დიფუზურობა. მაგრამ როდესაც ეს დიფუზურობა გარკვეული, კონკრეტული სახის წარმოდგენად დაიხვეწება, მაშინ მის მცდარობასთან გვაქვს საქმე. „გულუბრყვილო გაიგივება წინასწარნაგრძნობი მიმართულობისა და წარმოდგენილი ერთმნიშვნელოვანობისა — პროსპექციის უპრიმიტიულესი ფორმაა“. ობიექტივაციისადმი შემდეგ საფეხურს წარმოდგენს წინაგრძნობის დიფუზურობის ვარაუდად (vermutung) და არა ერთმნიშვნელოვან მყობადში დარწმუნებულობად ქცევა. ობიექტივაციის შემდეგ საფეხურზე მყობადის კონკრეტული რაობის ვარაუდიც კი აღარაა და რჩება მხოლოდ მისი მიგნებისადმი ტენდენცია. ეს ტენდენცია „საკითხად“ დგება პიროვნების წინაშე. „პრობლემისთვის სევდა“ (Leiden am Problem) პიროვნების გრძნობითს საფუძველს ქმნის და ამ საფეხურზე განცდის სუბიექ-

¹⁰⁶ მაგალითები ჩემია!

ტისადმი მიმართებულობა—ობიექტისადმი . მიმართებულობას უთ-
მობს ადგილს.

იმპულსური და წინა-გრძნობები, როგორც პროსპექციული
გრძნობები, ობიექტური მყობადისადმია მიმართული — საკუთარ
მყობადი მოქმედებისა თუ რაიმე მოვლენისადმი. მათ გარდა არსე-
ბობს სხვა პროსპექციული გრძნობებიც, რომლებითაც განიცდება
უკმარობა და წინასწარ იგრძნობა მომავალი კმა-ყოფა¹⁰⁷; ასეთი
გრძნობებია მოლოდინი, შიშის და იმედის.

მოლოდინის გრძნობა საკუთარი თავის დროში-გადანაცვლე-
ბის (Zeitverschiebung) განცდაა. აწმყო მხოლოდ წინასაფხურია,
დაძაბვით მომავლისაკენ (Die Gegenwart ist nichts als Vorstufe, Ge-
spanntheit nach vorn hin). პიროვნება ესწრაფვის მყობადის
გაერთმნიშვნელოვნებას და ამით — დაძაბვის გადალახვას. განცდა,
რომელსაც მომავალში ელის პიროვნება, პერსონულად მახლობელია
მისთვის, იმისდა მიუხედავად, თუ რამდენად შორეულია იგი ობიე-
ქტურად მოსალოდნელი ფაქტი მეტად თუ ნაკლებად შეიძლება
იქნეს გამოყოფილი: სულ სხვა რამეს „ელის“ ბავშვი თეატრში პირ-
ველად მისვლისას, სულ სხვა რამეს დიდი ადამიანი, რომელსაც არა
ერთხელ აქვს უკვე ნახული პიესა. პირველის მოლოდინის საგანი
ბევრად ნაკლებია გამოყოფილი დაბოლოს: მოლოდინის გრძნობა ნე-
იტრალურია სიამოვნება-უსიამოვნების განზომილების მიმართ.
„არსებობს საშიშარი, არსებობს სასიხარულო, არსებობს. აგრეთვე
ინდიფერენტული მოლოდინი, რომელიც მხოლოდ და მხოლოდ დაძა-
ბულობა და მეტრ არაფერი. როდესაც მოლოდინის გრძნობას ძლი-
ერი უსიამოვნება ახლავს, ან უკეთ: როდესაც მოლოდინის გრძნობა
უსიამოვნების ელფერის მქონეა, საქმე გვაქვს შიშთან. შიშის ობიექტი
მოლოდინის ობიექტზე კიდევ უფრო ნაკლებ გარკვეულია. საქირთა
განსხვავებულ იქნეს საგნობრივ ინტენციას მოკლებული შიში (Angst),
გარკვეული საგნისადმი მიმართული შიშისაგან (Furcht). შიშის პირ-
ველი სახეობა პირველი დანალექია. ცნობიერებაში პერსონის შეუ-
გუებლობისა. „გაუშინაურებულობისა“ გარემოსთან, იმ ვითარები-
სა. რომ პერსონული არსებობა ყოველ წუთს განსაცდელშია. იგი,
თავისი ჩაჭოუყალიბებლობის, ობიექტისგან დამოუკიდებლობისა და

¹⁰⁷ „Unerfülltheit wird erlebt; kommende Erfüllung wird vorge-
fühlt“, 1, 774.

მისდამი მიმართებას მოკლებულობის მეოხებით, მისი სუბიექტთან უმკვიდროესი კავშირის გამო — სულიერი განწყობილების ხასიათის მქონეა. ობიექტივაცია შიშისა საფეხურების მთელ წყებას გაივლის. სპეციალური მემკვიდრეობითი 'შიში' (წიწილას მემკვიდრეობით აქვს ქორის შიში), გამოცდილების შიში (-ფაფაზე დამწვარი—დოს უბერავს), ვინმეზე წუხილი და, ბოლოს, ვინმეზე მზრუნველობა. მზრუნველობა უშუალოდ ახლო დგას ვინმეზე წუხილთან, მაგრამ მასში სულაც აღარაა უსიამოვნების მომენტი და, ამიტომ, იგი შიშადაც ვედარ ჩაითვლება. მზრუნველობა აუცილებლად ფიქრსა და მოქმედებაში ვლინდება და ამით გრძნობის ფარგლებს სცილდება. შიში როგორც პროსპექციული გრძნობა, განსხვავებულია აწმყოში მოცემული საგნის შიშისგან. ამ განსხვავებას ქმნის პირველის დაურწმუნებლობა, მრავალმნიშვნელოვანება და გაურკვეველი ხანგრძლივობა. დარწმუნებისა და გაერთმნიშვნელოვანებისადმი სწრაფვას პიროვნება ფანტაზიის შემწეობათ იკმაყოფილებს: იგი უხატავს ცნობიერებას მომავალი საშინელების კონკრეტულ ხატს, რომელიც — აქვე ვიტყვი — ხშირად სინამდვილეზე ბევრად უფრო საშინელი აღმოჩნდება ხოლმე.

შიშის მოპირდაპირე გრძნობა — იმედი, გენეზურად ბევრად უფრო გვიანია. ფილოგენეზში იგი მხოლოდ ადამიანთან გვხვდება. ადამიანთანაც შიშის განცდა იმედის განცდაზე უფრო ხშირია. მძლავრია და უფრო წმინდა სახითაა მოცემული. ამ ვითარების გაგებას პიროვნების სიცოცხლის მთლიანობასთან კავშირში ცდილობდნენ და პესიმიზტურ დასკვნამდე მიდიოდნენ, რომ ადამიანს საშიშარი მეტი მოელის, ვიდრე საიმედოო. ასეთი ახსნა უმართებულოა იმდენად, რამდენადაც შიშისა და იმედის განცდები პიროვნების ყოფიერების სხვადასხვა ასპექტთანაა დაკავშირებული. „იმედის ობიექტური მიზნები მეტწილად ამასთანავე დაგეგმვისა და ნებელობის მიზნებიცაა, მაშინ როდესაც შიშის მომგვრელი ობიექტური საგნები საკუთარი აქტივობის მიმართულების წინააღმდეგნი არიან. ამიტომ ადამიანი უმაღვე საშიშროებისთვის (Tremendum) განწირულად და მიტოვებულად გრძნობს თავს, სანამ აქტიური წინააღმდეგობისთვის ძალას მოიკრებდეს; და იგი პასუხობს საშიშროებას თავზარდაცემულობის, შიშის და ზრუნვის სულიერი გან-

¹⁰⁰ Unheimlichkeit.

წყობილებით. „საიმედო“ (Sperandum) ამასთანავე მნიშვნელოვნად „სანატრელიც“ (Appetendum) არის. მომავალი მიზნებისას, რომელთა მიღწევა შესაძლებლად გვეჩვენება, არა მარტო ვიმედოვნებთ მიღწევას, არამედ გვინება კიდევ მათი მიღწევა (... werden nicht nur erhofft, sondern auch gewollt). ნებელობის აქტივობაში კი, მისდამი კუთვნილ სააზროვნო ოპერაციებთან, გადაწყვეტილებებთან და სხვ. ერთად, ძალიან მცირე ადგილია ჩვენს მსგავს მიზანთა თავისთავად და გაშლილად გრძნობითს პროსპექციისთვის ანუ იმედისთვის. მოქმედი ადამიანისთვის თავისთავად იგულისხმება, რომ მას დასახული მიზნის მიღწევის იმედი აქვს. გრძნობის გამოცალკევებულ განცდად იმედი მხოლოდ მოქმედებათა შორის პაუზებში შეიძლება გამოვლინდეს და ისიც მოვლენის იმ ფაქტორების მიმართ, რომლებიც საკუთარ მის ნებელობაზე არაა დამოკიდებული¹⁰⁰. მაგრამ ეს ფაქტორები ისევე შეიძლება აღმოჩნდეს ხელსაყრელი, როგორც სახიფათო. ამიტომ პასიური იმედოვნება შიშს ეთანაბრება. ომში წასული ქმრის კვლავ ნახვის იმედი უფრო ხშირად უიმედობად იქცევა ხოლმე. შიშისა და იმედის ურთიერთობა ორმხრივია; თუ იმედი სრული პასივობისას შიშად იქცევა, შიშიც იმედში პოვებს ხოლმე გამოსავალს. თუ ადამიანის სიცოცხლე ერთი მხრივ ტოტალური შიშითაა გამსჭვალული, მეორე მხრივ იგი ტოტალური იმედითაა გამსჭვალული: უკვდავების იმედით.

პერსონის სიცოცხლის მთლიანობის თვალსაზრისით გაგებულება გრძნობის, როგორც პრეზენტული და როგორც პროსპექციული განცდის raison d'être. როგორც ერთი, ისე მეორეგვარი მისი მნიშვნელობა იმ ასპექტში ისახება, რომ ცნობიერებას მოკლებული, „თავისთავადგასაგები“ სიცოცხლის პირობების გართულებისას საჭირო ხდება პიროვნების სამყაროსთან კონფლიქტის გაცნობიერება, და გაცნობიერების პირველა საფეხური გრძნობისეულია. მხოლოდ განცდის ამ პრინციპულად დიფუზური მდგომარეობის ნიადაგზე აღმოცენდება მეტად თუ ნაკლებად გეშტალტიზაციას მნიშვნელოვანი შინაარსები. გრძნობის „ეტაპს“, თუ შეიძლება ასე ითქვას, გაივლის ადამიანის სიცოცხლე მომენტების სრული ჩანერგილო-

¹⁰⁰ 1, 780—781.

ბიდან სრული გამოყოფილობისა, და ცნობიერებას მოკლებულობიდან სრული გაცნობიერებისკენ მიმავალ გზაზე. მაგრამ სიცოცხლის მდინარებისთვის უკუქცევაც ჩვეულია: გაცნობიერებულა და გამოყოფილი შინაარსები უკუჩანერგება პიროვნების პირველადს მთლიანობაში. მნემური ხასიათის მოვლენებში ყველაზე უფრო მკაფიოდ და თავალსაჩინოდ გვეძლევა უკუჩანერგვის ფაქტი: თავდაპირველად ცნობიერი ნებითი ქმედობანი ავტომატიზმებად იქცევა ხოლმე. გაუცნობიერებებს, არაცნობიერად ყოფის პროცესიც იმავე გზით მიდის, რა გჭიბავთ გაცნობიერების პროცესიც, მხოლოდ საწინააღმდეგო მიმართულებით; და ამიტომ ჩანერგვის გზაზე იგივე გაიყლის გრძნობის ეტაპს. ოდესღაც გამოყოფილ შინაარსთა ჩანერგვის შედეგად დარჩენილი განცდითი გარდმონაშთი ქმნის რიტროსპექციული გრძნობების სფეროს.

„პერსონის გრძნობითი კავშირი საკუთარ ნამყოსთან ბევრად უფრო ფართოა და ღრმად მწვდომი, ვიდრე ამ ნამყოს შესახებ ცოდნით დადგენილი მიმართებანი. ზრდადასრულებული ადამიანის კავშირი საკუთარ ბავშვობასთან და ყოველი ინდივიდის კავშირი მის წინაპრებთან, მის ტომთან, მის ერთან, მის საზოგადოებასთან, მის სამშობლოსთან — უზრუნველყოფილია არა მისი მოგონებებით, ისტორიის ცოდნით, საერთო იდეალებით, გარკვეული ზნე-ჩვეულებით, მოვალეობებით — ე. ი. გამოყოფილი შეშეცნებითა და ქმედობით, არამედ ბევრად უფრო ელემენტარული სახით — გრძნობების მეოხებით. რა არ უნდა მცირედი იყოს, მათი უძირითადესია ასეთ, ნამყოსადმი მიმართულ გრძნობებში შინაურულობის გრძნობა (Vertrautheitsgefühl). ადამიანთა ურთიერთობაში, ადამიანების მიმართ იგი სიყვარულში (არა „ეროსის“ აზრით)²⁰⁰, შეჩვევაში გამოიხატება. გარემოს მიმართ — „კერისადმი“, „სასიცოცხლო სფეროსადმი“, სამშობლოსადმი გრძნობაში (Heim, Lebensraum, Heimat). პროსპექციული გრძნობების ანალტიკურად, რეტროსპექციული გრძნობების საფუძველმდებელი შინაურულობის გრძნობა იმავეით სავსებით ატმოსფერული ხასიათისაა, ე. ი. მოკლებულია არა მარტო გეშტალტს, არამედ ნამყოსადმი მიმართებულობის ცნობიერებასაც. ამ სულაერი განწყობილების გაცნო-

²⁰⁰ Geborgenheitsgefühl.

ბიერების შედეგად კი ხდება მისი გეშტალტიზაცია, მიმართებულობის გარკვევა და, თუ შეიძლება ასე ითქვას, ცნობიერი დასაბუთება. გაცნობიერებული ხდება ამ გრძნობათა ისტორიულობა; დედისადმი შვილის სიყვარული მაღლიერების გრძნობის ელფერს იღებს, მამულის სიყვარულში სამშობლოს ისტორიაც მოწაწილეობს და ქმნის ეროვნული სიამაყის გრძნობას. ეს გრძნობა ისტორიის ცოდნაზე ბევრად უფრო პრიმიტიულია. იგი მითებში, თქმულებებში, გმირების კულტში, ტრადიციულ დღესასწაულებში და სიმბოლოების თაყვანისცემაში პოებს ობიექტივაციას.

შინაურულობის გრძნობაში და შისგან გამომდინარე ყველა სხვა გრძნობებში, ნამყოსადმი პოზიტიური დამოკიდებულებაა ასახული. ეს გრძნობები სასიამოვნო გრძნობებია. მაგრამ ნამყოსადმი მიმართული გრძნობა უსიამოვნოც შეიძლება იყოს. უწინარეს ყოვლისა იმიტომ, რომ ნამყო—წარსულია. ადამიანს ენანება ის, რაც წაეიდა და აღარ მობრუნდება, იგი წუხს, გლოვობს წარსულს. წარსულის „დაკარგვის“ განქრობის მიზეზი შეიძლება იყოს ან პიროვნების განვითარების შინაგანი ფაქტორი (და ამიტომ ადამიანი დასტირის „დაკარგულ ბავშვობის სამოთხეს“) ან გარემოსამყაროს ცვალებადობის გარეგანი ფაქტორი (საყვარელი ადამიანის დაკარგვა მწუხარებას ჰგვრის პიროვნებას). ნაღვლობა მწუხარების შესუსტებული სახეობაა. ნამყო მასში ძვირფას მოგონებადაა ქცეული და, ამდენადვე, აწმყოშია გადმოტანილი. მის ნიადაგზე შესაძლებელი ხდება ახალ მიზანთა დასახვა და მათდამი სწრაფვა.

ნეგატიური გრძნობის მიზეზი არა მარტო ნამყოსი წარსულობა, დაკარგვა შეიძლება იყოს, არამედ მისი აწმყოში მოქმედებაც. საზღვარგადასული მოკრძალება და თაყვანისცემა, იმთავითვე სიყვარულის. გრძნობაზე აღმოცენებული — ბორკილებად ედება პიროვნების თვითგანვითარების ტენდენციას, დამოკიდებულობის გრძნობად იქცევა. მასში არამცთუ კონსერვაციულობა აღარაა, რაც გრძნობის დამახასიათებელ ნიშნადაა აღიარებული, რითაც თითქოს აზროვნების პროგრესულობისგან უნდა განსხვავდებოდეს. გრძნობა, არამედ იგი გარკვეულად რევოლუციური გრძნობაა, რომელიც იმპულსს აძლევს პიროვნებას გაილაშქროს ნამყოს წინააღმდეგ, გაწყვიტოს წარსულთან დამაკავშირებელი ფესვები.

გრძნობები ცნობიერების მოვლენებია. განხილული მათი თვისებები ფენომენურ სიბრტყეზე იშლება. გაცნობიერების ხარისხა

შეიძლება მეტი ან ნაკლები იყოს, მაგრამ ეს არ ნიშნავს მათ არა-
ცნობიერებას. გრძნობები ყველაზე უფრო „ახლობელი“ განცდე-
ბია პიროვნებისთვის, ყველაზე უფრო მეტად ჩანერგილი მომენტე-
ბია ფსიქიკურ ფენომენებს შორის. აქედან კი ის გამომდინარეობს,
რომ გრძნობები ყველაზე ახლო დგანან პერსონის დისპოზიციურ
ბუნებასთან. დისპოზიციის ცნების შესწავლამ გვიჩვენა, რომ დის-
პოზიცია შეუძლებელია ერთმნიშვნელოვნად და ამომწურავად იქ-
ნეს დახასიათებული მისი მრავალმნიშვნელოვანობის გამო, იმის
გამო, რომ იგი მხოლოდ პოტენცია და ტენდენციაა. „უქმი კითხვაა; თუ
როგორ გამოიყურება დისპოზიციაო—ამბობს ავტორი,—რადგან პო-
ტენცია საერთოდ არცროგორ არ „გამოიყურებაო“. სიტყვის ნამდვი-
ლი მნიშვნელობით არც ფსიქიკური თუ ფიზიკური დისპოზიციის
შესახებ შეიძლება ლაპარაკი, რადგან როგორც მთლიანი პერსო-
ნის მომენტი, დისპოზიცია ფსიქოფიზიკურად ნეიტრალურია
მაგრამ პირობით მაინც შეიძლება დისპოზიციების ურთი-
ერთისგან განსხვავება ამ მხრივ, იმისდა მიხედვით, თუ პიროვნე-
ბის რა ხასიათის მოვლენებზე ინტერპრეტაციის შედეგადაა მიღე-
ბული დისპოზიციის ესა თუ ის კერძო სახე: ფიზიკურისა თუ ფსი-
ქიკურის. ეს ექსკურსია საჭიროდ მივიჩნევ იმისთვის, რომ გრძნო-
ბათა დისპოზიციების შესახებ თხრობისას გაუგებრობას არ ექნეს
ადგილი. გრძნობებისთვის ისევე აუცილებელია ვიჯულისხმოდ
დისპოზიციური საფუძველი პიროვნებაში, როგორც ყველა სხვა
განცდისთვის და, შეიძლება ითქვას, რომ მეტადაც კი.

ყოველი ადამიანი გამოუკლებლივ აღჭურვილია გრძნობების
განცდისთვის (ზმნა), და ყოველი ადამიანია, ამასთანავე მიმარ-
თულია გრძნობების განცდისკენ (ზმნა). მოკლედ ასე შეიძლება
გამოითქვას გრძნობების დისპოზიციურად პირობადებულობა. თუ
როგორც გრძნობას განაცდის ადამიანი, — რამდენადაც პერსონუ-
ლი ფაქტორითაა იგი პირობადებული, და არა ობიექტურ სამყა-
როსეულით — ეს დისპოზიციის როგორობაზეა საბოლოოდ და-
მოკიდებული. ვამბობ „საბოლოოდ“, რადგან ზემოთ თქმული იყო,
რომ კერძო გრძნობის სახეა მნიშვნელოვნადაა განსაზღვრული
გუნებით, რომელიც, თავის მხრივ, უფრო ქრონიკული ხასიათის
სულიერი განწყობილების ნიადაგზე აღმოცენდება. დისპოზიციური
საფუძველი ამ უკანასკნელსაც ესაჭიროება და ამ საფუძველის ხა-
სიათი დაღს ასვამს გრძნობის ყველა გამოვლინებას სულიერი გან-

წყობილებით დაწყებული და ობიექტთან დაკავშირებული გრძნობით გათავებული აღქურველობის თვალსაზრისით ჰერეტიკელი გრძნობის დისპოზიციას ტემპერამენტი ეწოდება, ფრიად საგულისხმოა ის გარემოება, რომ უძველეს დროიდანვე ტემპერამენტი სხეულის თავისებურობაზე დამოკიდებულად იყო მიჩნეული. თვით ტერმინიც ნარევეს²⁰¹ ნიშნავს, და გულისხმობს სხეულის ოთხგვარი სითხის ნარევეს: სისხლისა, ლორწოსი, ყვითელი ნაღვლისა და შავი ნაღვლისა. ერთისა დამეორის ჰარბობა ქმნის შესატყვისად: სანგეონიკურ, ფლეგმატიკურ, ქოლერიულ. თუ მელანქოლიურ ტემპერამენტს. აღნიშნული გარემოება იმიითა საგულისხმო, რომ მეცნიერების სულ უკანასკნელმა მონაპოვარმა კვლავ მოქალაქეობრივი უფლება აღუდგინა მეცნიერებაში ტემპერამენტის გალენისეულ თეორიას, ცხადია, სათანადო ცვლილების შეტანით მასში. სახელდობრ, ოთხი „ძირითადი სითხის“ ადგილი შინაგანმა სეკრეტებმა — ჰორმონებმა — დაიკირა. ცვლილება უძველესად დიდმნიშვნელობაშია, მაგრამ პრინციპული მოსაზრება ურყევი დარჩა: გრძნობითა დისპოზიციები უმქიდროესადაა დაკავშირებული ორგანიზმის სეკრეტორული (ყერძოდ შინაგან-სეკრეტორული) ფუნქციების როგორობასთან. პერსონალისტური ფსიქოლოგიისთვის ეს თეორია ძალიან ხელსაყრელი არგუმენტია პერსონის ფსიქოფიზიკური ერთიანობის სასარგებლოდ. ტემპერამენტების კლასიფიკაციის მრავალი ხისტემა არსებობს. თვით ეს სიმრავლე — პერსონალისტური შეხედულებების სასარგებლოდ — ლაღადებს, რომ პიროვნული მომენტების კლასიფიკაცია არსებითს დაბრკოლებას ხვდება პერსონის multiplicity-ში. განსაკუთრებით გრძნობებისა და მით უფრო მათი დისპოზიციების შესახებ ითქმის ეს, როგორც ყველაზე მეტად პერსონული ფსიქიკური რომელობების შესახებ. მიუხედავად ამისა თვით პერსონალისტური ფსიქოლოგიისთვის მისაღებია უძველესი ოთხწევროვანი კლასიფიკაცია, რადგან იგი გრძნობების განზომილების ძირითად კოორდინატებზე დაიყვანება: სიამოვნება-უსიამოვნებისა და ავზნება-გაყუჩების კოორდინატებზე (სიამოვნების თანხვედრა ავზნებასთან სანგეონიკურ დისპოზიციას ანუ ტემპერამენტს გვაძლევს, გაყუჩებასთან — ფლეგმატიკურს. ეს ორივე ტემპერამენტი ე. წ. ევკოლიური ტიპების ჩვეულებრივ შეადგენს. მოპირდაპირე, დისკოლიური ტიპი შეიძლე-

²⁰¹ temperare — შერევა, იხ. 1,791.

მა ან ქოლერიული იყოს, ან მელანქოლიური. პირველი უსიამოვნების გარდა აგზნებასაც გულისხმობს, მეორე — გაყუჩებას).

ტემპერაჰენტი ალქურვილობის დისპოზიციას, რამდენადაც დასაშვებია დისპოზიციის სპეციფიკაცია ამ მიმართულებით. მიმართებულობის გრძნობითს დისპოზიციებს კი ფსიქოლოგია მიდრეკილებისა და ინტერესის სახელით (Neigung და Interesse) იცნობს.

„მიმართებულობის ამ ორი სახის დისპოზიციათა შორის ძირითადი განსხვავება დაიყვანება შემდეგ ფორმულაზე: მიდრეკილება არის გრძნობაში „ქონება“, „ინტერესი“ არის „ძიება“ გრძნობის მონაწილეობით. მიდრეკილება მიმართულია კონკრეტულ შუა ობიექტზე, როგორც იგი არის, ინტერესი — ჯერ კიდევ გაურკვეველი მიზნისადმი მიახლოებაზე. მიდრეკილებას უფრო სტატიკურად აქვს საქმე სინამდვილესთან, ინტერესს — უფრო დინამიკურად იმ შესაძლებლობებთან, რომლებიც შემდეგში უნდა გაიშალოს“²⁰². მიდრეკილების საგანს პიროვნება თითქმის სავსებით შეერწყმის; ინტერესის საგანი კი გარკვეული მანძილითაა დაშორებული პიროვნებას, რადგან მხოლოდ იმდენად შეიძლება იყოს საგანი „საინტერესო“, რამდენადაც საბოლოოდ მაინც არაა დაძლეული და ამოცნობილი. ინტერესი შეიძლება აკუტური იყოს, შეიძლება — ქრონიკული. პირველ შემთხვევაში იგი ყურადღებისგან მხოლოდ იმით განსხვავდება, რომ გრძნობის მონაწილეობაზე გეამახვილებინებს თვალყურს გამოთქმა „ინტერესი“, მაშინ, როდესაც გამოთქმა „ყურადღება“ დინამიკურ დაძაბულობას მიუთითებს და უგულვებელყოფს ამ მოვლენის გრძნობისეულ მომენტს, გრძნობისეულ ელფერს.

გრძნობის დისპოზიციები, ისევე, როგორც ყველა სხვა დისპოზიციები ქრონიკულნი არიან ქრონიკულობა არ ნიშნავს არც მარადიულობას და არც უკუნილობას: არაა აუცილებელი არამცთუ ის, რომ გრძნობის დისპოზიცია დაბადებდნთანავე გამოვლინდეს (ასეთი რამ არც ხდება ხოლმე), არამედ, არც ის, რომ იგი თანშობილი იყოს სიტყვის სწორი მეცნიერული აზრით. კონვერგენციის პრინციპი შესაძლებელყოფს შექნილი დისპოზიციების არსებობის დაშვებას. მიდრეკილება თუ ინტერესი არამცთუ სიცოცხლის მიმდინარეობისას შეიძლება აღმოცენდეს, არამედ თავდა-

²⁰² 1,792—793.

პირველად შეიძლება გაშუალებულიც იყოს და მხოლოდ შემდეგში იქცეს უშუალოდ. ასე, მაგალითად, რომელიმე მოწათის მიდრეკილება ფიზკულტურისადმი შეიძლება თავდაპირველად იმითი იყოს დაპირობებული, რომ არც შინ გაკვეთილის მზადება საჭირო და არც გონების დაძაბვა. შემდეგში კი მიდრეკილება უშუალოდ შეიძლება დაუქავეშირდეს ფიზკულტურას. ან კადეკ: ვინმეს შეიძლება აინტერესებდეს ქიმია, როგორც პროვიზორად გახდომის საშუალება. ასეთი ინტერესი — გაშუალებული ინტერესია. მაგრამ ქიმიის სწავლის პროცესში შეიძლება თვით საგანმა გაიტაცოს და დაავიწყებინოს პროვიზორობისადმი მისწრაფება. ამ შემთხვევაში ქიმიას თავისთავადი, უშუალო ინტერესი ენიჭება.

ინტერესების შინაარსეული შედგენილობა მოტივაცია და განვითარება, მათი აღმოცენების მიზეზები და პირობები მრავალგზის იყო კვლეული და თვით ვ. შტერნს მნიშვნელოვან ღვაწლი მიუძღვის ამ დარგში. პერსონალისტური ფსიქოლოგიისთვის სპეციფიკური ამ კვლევის მონაპოვარში ისეთი არაფერია, რომ მასზე საგანგებოდ ღირდეს შეჩერება. განვითარების პლანში განხილული ეს საკითხი უფრო ფსიქოლოგიის სპეციალურ დისციპლინებისთვისაა საგულისხმო, ვიდრე ზოგადი ფსიქოლოგიისთვის. ამიტომ გრძნობის დისპოზიციების პერსონალისტური ფსიქოლოგიის თვალსაზრისით განხილვისას ნათქვამით შეიძლება დავკმაყოფილდეთ.

დასასრულ დაეუბრუნდები გრძნობების ფენომენური მოცემულობის ზოგიერთ საკითხს, რომელსაც განსაკუთრებული მნიშვნელობა აქვს პერსონალისტური ფსიქოლოგიის სიავკარგის გასარკვევად. ეს ის საკითხებია, რომლების შესახებ ამ თავის დასაწყისში უკვე ნათქვამი მაქვს ორიოდ სიტყვა, და რომლების გადაჭრაზეა დამოკიდებული, გაუძლებს თუ არა ვ. შტერნის მოძღვრება „ცეცხლით გამოცდას“, Feuerprobe, როგორადაც მიაჩნია თვით ავტორს გრძნობების ფსიქოლოგია პერსონალისტურ-ფსიქოლოგიური სისტემისთვის.

გრძნობების ფილოგენეზური პრიორიტეტი განცდათა შორის, სიამოვნება-უსიამოვნების პოლარულობა და უსიამოვნების ქარბობა ინდივიდის განცდაში — უკვე ბიოლოგისტური, თუ შეიძლება ასე ეწოდოს: „სიგნალისტური“ თეორიისთვის იყო გასაგე-

ბი. გრძნობის ეს თვისებები თავისთავად არ მოითხოვს სხვა რამ ახსნის პრინციპს, გარდა ინდივიდის თავდაცვისათვის მიზანშეწონილობისა. პერსონალისტური ფსიქოლოგია არსებითად იმასვე იმეორებს იმ ფაქტების მიმართ რომლებიც ახსნა ხერხდება სიგნალური ბიოლოგისტური, თეორიით. მაგრამ გრძნობების სამკვიდროში მრავალია ისეთი ფაქტი, რომელიც ბიოლოგისტური ტრადიციული თვალსაზრისით პარადოქსულად უნდა იქნეს მიჩნეული. ადამიანს ხშირად სიამოვნებას ანიჭებს ისეთი რამ, რაც მისი ბიოლოგიური არსებობისთვის უდავოდ ზიანის მიმყენებელია. ჰეტერისტული მიზნებისათვის ბრძოლის სიამე ბიოლოგიური ინდივიდის კეთილდღეობის თვალსაზრისით აბსურდულია. ჰეტეროტელია და ინტროცეფიცია კი პიროვნების სიცოცხლის უმნიშვნელოვანეს სფეროს წარმოადგენს. ესეც რომ არ იყოს, თვით ავტოტელიის სფეროშიც ენახავთ მაგალითებს თვითშენარჩუნებრისთვის „შეუსატყვისი“ გრძნობებისას: შხამები, რომელსაც ადამიანი ლებულობს თამბაქოს, ღვინისა და სხვა ნარკოტიკების სახით, ჩვეულებრივ სიამოვნების გრძნობას აღუძრავენ მას. ამ შემთხვევაში გრძნობის პოზიტიური სიგნალური მნიშვნელობა სრულიად მოხსნილია ბიოლოგისტური თვალსაზრისისთვის, როგორც ახსნაც არ უნდა მოენახოს ამ ფაქტებს, ისინი მაინც პარადოქსულნი იქნებიან, თუ ამ თეორიის საფუძვლებში არ იქნება შეტანილი არსებითი შესწორება. ორგანიზმის მთლიანობად (და არა ელემენტების ჭამად) აღიარება თავისთავად საკმარისი არაა ელემენტარიზმის შეცდომების გამოსასწორებლად; აღიარებულ უნდა იქნეს მთლიანი ორგანიზმის (ანუ პერსონის) მრავალი ინობაც. ჰიპოსტაზი უნდა მოხდეს პერსონისა, როგორც მრავალერთიანობისა, და მაშინ თავისთავად გასაგები ხდება ე. წ. „პარადოქსული“ გრძნობებიც, როგორც ნაწილობრივი მიზანდასახულებისმიერი, სრულიად „შესატყვისი“ განცდები. სადაც მიზანთა სიმრავლეა — შესაძლებელი უნდა იყოს მრავალი მიზნის განცდაც და თითოეული მათგანის განხორციელებასთან (ანუ ვერ-განხორციელებასთან) დაკავშირებული გრძნობის — როგორც განცდის, ცნობიერების ერთ-ერთი სახის — არსებობაც. ბიოლოგიური სიგნალური მნიშვნელობა გრძნობას მხოლოდ სამყაროსთან პერსონის ერთმნიშვნელოვანი ურთიერთობის სფეროში — ბიოსფეროში — შეიძლება ჰქონდეს.

სიამოვნება-უსიამოვნების სიგნალად გაგებიდან გამომდინარეობს ამ ორი გრძნობის პოლარულად დაპირისპირება ურთიერთისთვის. მათ პოლარულობაზე ლაპარაკი მხოლოდ პირობით შეიძლება. ზემოთ უკვე ვთქვე, რომ რაოდენობითად უსიამოვნების განცდა სჭარბობს სიამოვნებისას, განსაკუთრებით სიცოცხლის ვიტალურ მოდულში, სწორედ მისი სიგნალური დანიშნულების გამო. სიცოცხლის უფრო მაღალ სფეროებშიც არ შეიძლება მათი პოლარულად დაპირისპირება, რადგან პერსონის სიცოცხლე მთლიანად ასიმეტრიულია, რაც პერსონულ განზომილებათა განხილვისას განსაკუთრებით ნათლად გამოჩნდა. დაბალ გრძნობებში კიდევ შეიძლება პოლარულ გრძნობათა წყვილების შერჩევა, — მაგალითად, ტკბილ გემოსთან და მწარე გემოსთან დაკავშირებული სიამოვნება — უსიამოვნების წყვილისა — მაგრამ ეს იცამონაკლისის სახით მაგალითად, „სიამოვნების რომელი გრძნობა შეიძლება დაუპირისპიროთ კბილის ტკივილის უსიამოვნებას?“ და, მით უმეტეს მაგ., „უსიამოვნების რომელი გრძნობა წარმოადგენს ბეთჰოვენის სიმფონიით მოგვიღ წყნარ ხანგრძლივ სიამოვნებას?“ მიზანთა სისტემის სხვადასხვა სფეროებთან კავშირი სხვადასხვა გრძნობებისა აძნელებს მათთვის „საერთო მნიშვნელის“ მონახვას, უთანაზომოდ (inkommensurabel) ჰყოფს მათ. ეს რომ ასე არ ყოფილიყო, შესაძლებელი იქნებოდა გრძნობებით მათემატიკური ოპერაციების წარმოება; უსიამოვნება გააბათილებდა სიამოვნებას, ან შეამცირებდა მანკ მას; იმისდა მიხედვით, თუ რომელი მათგანი იქნებოდა უფრო ინტენსიური. დროის ყოველ ცალკეულ მომენტში მხოლოდ ერთ-ერთი მათგანი იქნებოდა მოცემული: ან სიამოვნება, ან უსიამოვნება. სინამდვილე კი სწორედ საწინააღმდეგოს გვიჩვენებს — გრძნობათა ცხოვრების კანონი სიამოვნებისა და უსიამოვნების თანადროულობაა და მხოლოდ ერთ-ერთი მათგანის მოცემულობა შემთხვევით გამოჩნდება წარმოადგენს. ამ ე. წ. „ამბივალენტობის“ ფაქტი გრძნობების მათემატიკური პოლარულობის პოზიტივიდან სრულიად გაუგებარია. მრავალერთიანი პიროვნების თვალსაზრისით კი იგი სავსებით ლოგიკურია. ენტელექტის ერთი ნაწილობრივი მიზნისადმი მოვლენა შეიძლება დადებით მიმართებაში იყოს, და განცდაში ეს გარემოება სიამოვნებად აისახება. მაგრამ მეორე ნაწილობრივი მიზნისადმი იგი შეიძლება უარყოფით მიმართებაში

იყოს, და ეს განცდაში უსიამოვნებად აისახება. ამ გრძნობების „მიმტეხა-გამოკლება“ კი არ ხდება. არამედ ისინი თანაარსებობენ განცდის მთლიანობაში, ისევე, როგორც მთლიან ენტელექტში თანაარსებობენ მათი შესატყვისი ნაწილობრივი მიზნები. ამბივალენტური გრძნობა ისევე არაა სიამოვნება-უსიამოვნების უბრალო ნარევი, როგორც პერსონის მთლიანი ენტელექტია არაა ნაწილობრივი მიზნების ნარევი. „ადამიანის მიზანთა სისტემის შინაგანი მრავალფეროვანობის გამო სავსებით შესაძლებელია, რომ რომელიმე პერსონული მოვლენა ერთი მიზნის მიმართ აზრიანია, მეორის მიმართ კი აზრის საწინააღმდეგო და, ამდენად, გრძნობითს ასახვაში სიამოვნების მომენტსაც იძლევა და უსიამოვნებისასაც. გამოჩაკლისი სწორედ იმ შემთხვევაში უნდა დაეინახოს, რომ მხოლოდ ერთი მიზნისადმი მიმართება იძლევა ჩრდილს ცნობიერებაში და ამით სიამოვნების თუ უსიამოვნების ელფერს შეურყეველად და ერთმნიშვნელოვნად — ჰყოფს“²⁰³.

ამბივალენტობის ასე გაგება მხოლოდ მრავალ-ერთიანი პიროვნების პრინციპითაა შესაძლებელი და ნაყოფიერი.

ვ. შტერნის პერსონალისტური ფსიქოლოგიის
კრიტიკული განხილვა

პერსონალიზმის საფუძვლები

ვ. შტერნის ფსიქოლოგიური მოძღვრება მჭიდროდაა დაკავშირებული მის ფილოსოფიურ მსოფლმხედველობასთან, რომელსაც ავტორი „კრიტიკულ პერსონალიზმს“ უწოდებს. ეს უკანასკნელი აგებულია ობიექტური სამყაროს არსებობისა და ღირებულების აპრიორულ რწმენაზე. ვ. შტერნისთვის „სამყაროს სინამდვილის აღიარება შემეცნების რაიმე პროცესის შედეგი კი არაა, არამედ შემეცნების ყოველი პროცესის წინამძღვარი, რომელიც ამიტომ, ათეორიულ მომენტში უნდა მდგომარეობდეს. ამ ათეორიულ მომენტს სხვას ვერაარას ვუწოდებთ — ამბობს იგი — თუ არ რწმენას (Glaube). აღამიანს რომ არ ჰქონოდა იმთავითი რწმენა (Ur-überzeugung), რომლისაც დამტკიცება ისევე შეუძლებელია როგორც უარყოფა — რომ მას, სუბიექტს, უპირისპირდება რეალური ობიექტი, — ვერავითარი ჯადოთი ვერ შესძლებდა იგი სუბიექტიდან თეორიის გზით ობიექტის გამოყვანას (hervorzaubern)²⁰⁴. ავტორი აღიარებს თავის მოძღვრების დოგმატრობას. მაგრამ იგი მანკად არ მიაჩნია, რადგან, მისი აზრით, ყოველი ფილოსოფია აუცილებლად დოგმატურია და სხვადასხვა სისტემები ურთიერთისგან დოგმატრობით თუ კრიტიკულობით კი არ განირჩევიან, არამედ დოგმატიზმის სიავკარგით: „კარგია“, ანუ კრიტიკულია ის დოგმატიზმი, რომელსაც შეგნებული აქვს საკუთარი დოგმატური ბუნება, და ასეთების რიცხვს ეკუთვნის, ავტორის აზრით, პერსონალიზმის მსოფლმხედველობაც. „კრიტიკული დოგმატიზმი“ contradictio in adjecto-დ მოჩანს კრიტიციზმის ტრადიციული გაგების თვალსაზრისით²⁰⁵. ავტორის აზრით კი მეტაფიზიკური რწმენა აუ-

²⁰⁴ 2,117.

²⁰⁵ იხ. M. Sztarn, 168.

ცილებლად კრიტიკულია. რელიგიური რწმენისგან იგი იმით განსხვავდება, რომ არ გულისხმობს საბოლოო ჭეშმარიტების ფლობას, არამედ ეძიებს მას. ხოლო რადგან იგი მაძიებელია, ამიტომ კრიტიკულიც უნდა იყოს, „ე. ი. ანგარიში უნდა წარმოადგინოს ყოველი ნაბიჯისა, რომლითაც იგი უახლოვდება სამყაროს ყოფიერებასა და ღირებულობას; უნდა გამოარკვიოს: შეესაბამება თუ არა, და თუ კი — რამდენად კარგად შეესაბამება მისი საკუთარი კატეგორიები, დებულებები და ჰიპოთეზები მისი რწმენის უკანასკნელ წინამძღვრებს, რომლებიც თავის მხრივ ირაციონალური იმთავითი პოსტულატებია და, მაშ, ყოველგვარი კრიტიკის უწინარესნი არიან“²⁰⁶.

მეტაფიზიკური რწმენა, მისი აზრით, აუცილებელი საფუძველია ყოველი მეცნიერებისა, ფილოსოფიისა და მთლიანად მსოფლმხედველობისა. ხოლო ვინაიდან უკანასკნელის ამოცანა ინტელექტუალური შემეცნებისა და არსებულისადმი შემფასებელი მიმართულების გაერთიანებაა, ამიტომ სამყაროს მხოლოდ და მხოლოდ არსებობის რწმენაზე მისი აგება შეუძლებელია და აპრიორული დოგმა შემდეგ სახეს ღებულობს: „მე მწამს სამყარო, რომელიც არსებულიც არის და ღირებულებაც“²⁰⁷.

სამყაროს სისტემის ასაგებად მისი მხოლოდ არსებობისა და ღირებულების წინამძღვარიც არ აღმოჩნდა სამყოფი, რადგან არც ერთი და არც მეორე არაფერს ამბობს მისი როგორც ის შესახებ. მსოფლმხედველობისთვის კი სწორედ ესაა მთავარი საკითხი. საჭირო შეიქნა მესამე აპრიორი: პერსონის არსებობა. პერსონის არსებობის აღიარების საფუძველი „ჩვენი აზროვნების აპრიორული იძულება (Zwang)“ ყოფილა, რომელიც იმაში მდგომარეობს, რომ ყოველი მოვლენა ვილაც ან რაღაც სუბიექტის, მოქმედი სუბსტანციის მოვლენად იაზრება. პერსონის არსებობის დადასტურების შესახებ შეიძლებოდა გვეთქვა, რომ იგი რწმენაზეც კი მეტია, მეტია იმით, რომ თუ რწმენა კეთილი სურვილის საქვეა და მრწამსის გაზიარება არავისთვის არაა სავალდებულო, — პერსონის არსებობის დადასტურება ადამიანური აზროვნებისთვის აუცილებელი ყოფილა. მართლაც, პრიმიტიული აზროვნების დამახასიათებელი ფორმა სწორედ ე. წ. არტიფიციალიზმია, მაგრამ მართლ

²⁰⁶ 11,368. იხ. 4,24 შვ.

²⁰⁷ 4,25.

ეს ერთი გარემოება არაა სამყოფი საბუთი მე-20 საუკუნეში პერსონალიზმის აღორძინებისთვის. ფაქტიურად ისტორია მეცნიერებისა და ზოგადად მსოფლმხედველობისა, არსებითად, „უკანასკნელი ელემენტებისკენ“ მიმავალი ანალიზის გზით ვითარდებოდა. როგორც ჩანს, პერსონალიზმის აღორძინებისთვის მხოლოდ და მხოლოდ ადამიანური აზროვნების აპრიორული აუცილებლობა უქმარია, თუკი ეს „იძულება“ კულტურის წინსვლამ დასძლია. მაგრამ, ავტორის აზრით, მისი გამართლება ისიცაა, რომ მას ისტორიული აუცილებლობაც მოითხოვს: ისტორიული აუცილებლობის თანახმად, გულუბრყვილო პერსონალიზმისა (თეზისი) და იმპერსონალიზმის (ანტითეზისი) სინთეზს კრიტიკული პერსონალიზმი წარმოადგენს. მაგრამ თუ იგი ჰეგელისეული ტრიადის დაგვირგვინებას წარმოადგენს, მაშინ გაუგებარია, თუ რატომ უთანასწორობს ავტორი საკუთარი მეტაფიზიკური სისტემის ბედ-იღბალს ყველა სხვა სისტემებისას და რად მიანიჩა, რომ იგიც „მხოლოდ და მხოლოდ შესვენების ადგილია უსასრულო გზაზე და ამიტომ თავისი არსიდან ჭერ გამოორიქსავეს პირობადებულობასა და დროში ზღვარდებულობას“²⁰⁸.

მეტაფიზიკის მთავარ საგნად სამყაროში ინდივიდურ, თვითღირებულ, მიზანმიწრაფებულ არსთა ყოფნა-არყოფნის პრობლემა ავტორის მიერ გამოცხადებული²⁰⁹. მაგრამ ეს მხოლოდ სიტყვიერი ფორმალური განცხადებაა, რადგანაც მისთვის პერსონების არსებობა სულაც არაა პრობლემა, არამედ პირველადი აპრიორული რწმენა. ასეთი აპრიორი ძალიან ბევრი რამის მთქმელია. არსებული სამყაროს როგორობის საკითხი, ნაწილობრივ მაინც, გადაჭრილია პერსონების არსებობის დაშვებით: სამყაროში მოცემულია სუბსტანციების სიმრავლე. და თუმცა პრინციპების რაოდენობის თვალსაზრისით პერსონალიზმი მონისტურია, რამდენადაც ერთადერთ სუბსტანციად პერსონას აღიარებს, — სუბსტანციების რაოდენობის თვალსაზრისით იგი პლურალისტურია, რადგან აღიარებს უსასრულოდ მრავალი პერსონა-სუბსტანციის არსებობას სამყაროში.

არც ამ აპრიორულ რწმენის დამატებამ იქმარა სამყაროს სისტემის ასაგებად. ამისთვის არ კმარა სუბსტანციის მხოლოდ რაოდენობითი განსაზღვრა, არამედ საჭიროა მისი რომელობის წვდო-

²⁰⁸ 11,369.

²⁰⁹ 2,12.

მაც. პერსონა-სუბსტანციების სიმრავლის რწმენიდან ისევე ვერ გამოიყვანება მათი როგორობა, როგორც ობიექტური სამყაროს შედგენილობა ვერ იქნა დასკვნილი მისი არსებობის რწმენიდან. და აქაც ჩვენი აზროვნების ბუნება უწევს ავტორს დახმარებას.— ჩვენ, თურმე, სუბსტანცია მხოლოდ როგორც აქტიური სუბსტანცია შეგვიძლია ვიზაროთ. პერსონის კონსტიტუციურ ხიშნებად მიჩნეული: მიზანმისწრაფებულობა, მრავალერთიანობა და თავისებურობა (ინდივიდურობა, ორიგინალურობა)— აგრეთვე აპრიორულადაა მიღებული. მთელი შემდგომი კვლევა ახალს არაფერს იძლევა, მისი შედეგი იგივეა, რაც ამოსავალი იყო; სამყაროს პერსონებისგან შედგენილობის აპრიორული დებულება¹⁰.

თუ პერსონა-სუბსტანცია ადამიანის აზროვნების აუცილებელი ნაყოფია, — შეუძლებელია ვ. შტერნმა დაიქმოს მისი აღმოჩენა. და იგიც არამცაუ არ იჩემებს, — პირიქით, მსოფლმხედველობის „პრეისტორიას“ — პრიმიტიულ აზროვნებას — უთმობს პირველობას. მაგრამ ავტორს საკუთარი პერსონალიზმი გულუბრყვილო პერსონალიზმისგან განსხვავებულად მიიჩნია და პირველის უპირატესობის საფუძველს პერსონიფიკაციის მეთოდში ხედავს. „ეს მეთოდი არ სთიშავს მოცემულობას მის ნაწილებად როგორც ანალიზური მეთოდი (რადგან პერსონა „განუთიშველია“ — „indivisibel“); იგი არც იმთავით გათიშულს აერთიანებს, როგორც სინთეზური მეთოდი (რადგან მთელი ნაწილების უწინარესია), არამედ იგი ჰიპოსტაზიზაციას: მოჩვენებითს ყოფიერებას საფუძვლად ნამდვილ ყოფიერებას უდებს (unterlegt dem uneigentlichen Sein das eigentliche Sein). ჰიპოსტაზის უფლებას პერსონალიზმი მხოლოდ იქ იტოვებს, ისადაც კაუზალობა იმანენტური მიზანმისწრაფებულობის ფორმით გამოვლინდება“, და პერსონიფიკაციას ახდენს იმ წარმონაქმნისას, რომელიც მიზანმისწრაფებული მოქმედების წყაროცაა და მიზანიც“.

პერსონის ჰიპოსტაზის კრიტერიუმიც აპრიორულია და არა მარტო აპრიორული, იგი სრულიად არაფრით არ განსხვავდება პერსონის ცნების განსაზღვრებისგან: პერსონა არის იმანენტური მიზანმისწრაფებულობით აღჭურვილი წარმონაქმნი. ასეთია პერსონის ცნების განსაზღვრება. წარმონაქმნი, რომელიც იმანენტურად

¹⁰ იხ. E. Bloch, W. Stern usw...

მიზანმისწრაფებულობითაა აღქურვილი, არის პერსონა. ასეთია ჰიპოსტაზის კრიტიკიუმი.

პერსონალისტური მსოფლგაგების პირველობას, როგორც ვთქვი, ავტორი პრიმიტიულ აზროვნებას უთმობს. მაგრამ თავისი პერსონალიზმი ჰიპოსტაზის მეთოდის წყალობით მაღალ საფეხურზე აყვანილად მიაჩნია. ამის უარყოფა უგუნურება იქნებოდა. ვ. შტერნის პერსონალიზმი შესაძლებლობისდაგვარად ჩამოყალიბებული სისტემაა მსოფლმხედველობისა. მის მიერ „გულუბრყვილოდ“ წოდებული პერსონალიზმი კი, თუ შეიძლება ასე ითქვას, მსოფლიოს ხედვის ფორმაა მხოლოდ, რომელიც მიზეზებში, ზნე-ჩვეულებებში, საყოველღეო ქცევაში გამოვლინდება. მაგრამ ვ. შტერნი ამ განსხვავების შესახებ არ ლაპარაკობს. პრინციპულ განსხვავებას ხედავს იგი გულუბრყვილოსა და კრიტიკული პერსონალიზმის ჰიპოსტაზის მეთოდში. პირველისთვის სრულიად უცხოა იმანენტური მიზანმისწრაფებულობის კრიტიკიუმი. იგი პერსონიფიკაციას ახდენს ყველაფრისას, რაც კი ადამიანზე ზოქმედობს ასეთი თუ ისეთი სახით და, ამდენად, იგი ანტროპოცენტრულია. კრიტიკული პერსონალიზმი კი დაადგენს პერსონას, როგორც თვითარსებულსა და თვითღირებულს, გარეშე მისი მიმართებისა პერსონიფიკაციამყოფელი სუბიექტისადმი.

თამამად შეიძლება დავეთანხმოთ ავტორს, რომ გულუბრყვილ პერსონალიზმი, — თუკი შეიძლება ასე ვუწოდოთ პრიმიტივის მიერ სამყაროს ხედავს, — ანტროპოცენტრულია და არა მარტო ანტროპოცენტრული, არამედ ანტროპომორფულიც: გულუბრყვილო პერსონალიზმის, როგორც ისტორიის აღრინდელი ეტაპის, ან უკეთ: პრეისტორიული მსოფლმხედველობის სამყარო — პერსონა-ღმერთების სამყაროა, ღმერთებისა, რომლებიც ადამიანმა საკუთარი თავის ხატად და მსგავსად შექმნა.

ვ. შტერნი დაუცხრომლად იბრძვის მისი პერსონალიზმისთვის ანტროპომორფულობის დაწამების წინააღმდეგ. მაგრამ მისი პერსონაც ადამიანის პიროვნების ხატი და მსგავსებაა. ამის დადგენას და დამტკიცებას, ჩემი აზრით, ძალიან დიდი მნიშვნელობა აქვს ვ. შტერნის მსოფლმხედველობის შეფასებისთვის.

რამდენად კარგად მოახერხა ავტორმა a priori არსებულად და ღირებულად მიჩნეული სამყაროს აგება სუბსტანციად მიჩნეული პერსონებისგან?

პერსონათა იერარქია, პერსონა და ნიეთი

სამყაროს არსებობის რწმენა და პერსონების იმანენტური მიზანმისწრაფებულობის დოგმაც საკმარისი არაა კოსმოსის ასაგებად. გულუბრყვილო პერსონალიზმის ნიადაგზე პანთეიზმი შეიქმნა; კრიტიკულ პერსონალიზმს კი სურს მონისტური სამყაროს აგება, რაიმელშიც რაღაცნაირად დაძლეული იქნება სუბსტანციების რაოდენობითი მრავლობა. ფილოსოფიის ისტორიას, ლაიბნიცის სახით მოეპოვება ასეთი ცდის პრეცედენტი. ვ. შტერნისთვის არაა დამაკმაყოფილებელი მონადოლოგიის კოსმოსი. სუბსტანციათა მრავლობის დაძლევას იგი ლამობს მრავლობის გადმოტანით: „აქით სუბსტანცია-პერსონაში. მისთვის პერსონა-სუბსტანცია „ისეთი. რსებულია, რომელიც, მიუხედავად ნაწილების სიმრავლისა, შეადგენს რეალურ, თავისებურსა და თვითღირებულ ერთიანობას“²¹¹, დარომელიც „სულაც არაა საჭირო, რომ მარტივი იყოს. *Unitas multiplex* უკანასკნელი საიდუმლოებაა, რომელსაც ვერც ავხსნით და ვერც უარვყოფთ, არამედ რომელიც ჩვენი ზოგადი მსოფლგაგების საფუძვლად უნდა ვალიაროთ“²¹². — აცხადებს ავტორი. უწინარეს ყოვლისა, ამით განსხვავდება პერსონა მონადისგან; უკანასკნელი არის „მარტივი სუბსტანცია, რომელიც შედის რთულ სუბსტანციებში: მარტივია ის, რასაც ნაწილები არა აქვს“²¹³. ლაიბნიცის მონადებს „სრულიად არა აქვს ფანჯრები, რომელთა საშუალებით რომელსამე საგანს შეუძლია შევიდეს იქ ან გავიდეს იქიდან“²¹⁴. ვ. შტერნის პერსონები კი „ღიაა სამყაროსთვის“. იმისთვის, რომ მონადებისგან სამყაროს აგება ყოფილიყო შესაძლებელი, ცალკეული მონადები უშუალოდ უნდა დაქვემდებარებოდნენ ერთ „აბსოლუტურ სუბსტანციას“ — ღმერთს. პერსონებისგან კი, მათი მრავალერთიანობის წყალობით, შესაძლებელი უნდა გამხდარიყო სამყაროს იერარქიული სისტემის აგება. ავტორისავე აღიარებით, „პერსონათა იერარქიის“ თეზისი კიდევ დიდხანს დარჩება მსოფლმხედველობის რწმენითს დებულებად, რომლის გამოყენება ნამდვილად სამეცნიერო მიზნებისთვის, იქნება მხოლოდ შემდეგში

²¹¹ 2, 10.

²¹² 3, 6.

²¹³ ლაიბნიცი, მონადოლოგია § 1.

²¹⁴ იქვე, § 7.

გახდეს შესაძლებელი²¹⁶. კოსმოლოგიური მიზნებისთვის კი იგი, შეძლებისდაგვარად, გამოყენებული აქვს ავტორს. ამ თეზისის დადებითი ღირებულება პერსონალიზმისთვის განსაკუთრებით „ნივთის“ პრობლემაში იჩენს თავს. ნივთი, როგორც პერსონის კომპლემენტური ცნება, ისეთ არსებულს ნიშნავს, „რომელიც შედგება რამრავალი ნაწილისგან, არ შეადგენს რეალურს, თავისებურსა და თვითღირებულ ერთიანობას და რომელიც, ფუნქციობს რა მრავალ ნაწილობრივ ფუნქციაში, არ განახორციელებს ერთიან. მიზანმიწრაფებულ აქტივობას“²¹⁶. პერსონათა იერარქიის პერსპექტივაში ყოველი საფეხური პერსონულია ქვემდებარე საფეხურების მიმართ, ანუ იერარქიის „ქვევიდან-ზევით“ განხილვისას და ნივლობრივია ზემდებარე საფეხურის მიმართ, ანუ იერარქიის „ზევიდან-ქვევით“ განხილვისას. იერარქიის ბოლო საფეხურებზე აღკვეთილია თვალსაზრისის შეცვლის შესაძლებლობა: უმაღლესი საფეხურის „ზევიდან“ დანახვა შეუძლებელია, რადგან არ არსებობს მასზე უფრო მაღალი საფეხური; ასევე შეუძლებელია უდაბლესი საფეხურის დანახვა „ქვევიდან“. ამ საფეხურებზე მოხსნილია პერსონულობა-ნივთობრიობის ერთ არსებულში მოცემულობა და, ლოგიკური აუცილებლობით, უმაღლესი საფეხური აბსოლუტურ პერსონად ისახება, ხოლო უდაბლესი საფეხური — აბსოლუტურ ნივთად. ეს დასკვნა ლახვარს სცემს პერსონათა იერარქიას და თვით პერსონის ცნებას.

რამდენად შესაძლებელია. „აბსოლუტური ნივთის“ არსებობა პერსონალიზმისთვის? — ავტორის აღიარების თანახმად „აბსოლუტურად ინდივიდუალიზაციუქმნელი და, ამიტომ აბსოლუტურად ერთგვაროვანი ნივთი, როგორც ასეთი, სინამდვილეში სრულიადაც არ არსებობს; იგი მხოლოდ და მხოლოდ ზღვარული ცნებაა“²¹⁷. იგი არ შეიძლება არსებობდეს იმიტომ, რომ. თუ შეიძლება ასეთიქვას, არსებობის უფლება მხოლოდ პერსონას აქვს მინიჭებული; იმიტომ, რომ ნივთის ცნება ნაწილების გაუერთიანებელ სიმრავლეს გულისხმობს, ასეთი სიმრავლის ერთიანობა კი შიხაგასად არაა პი-

²¹⁶ 5, გვ. 111.

²¹⁶ 2, 16.

²¹⁷ 2, 355.

რობადებული და აბსოლუტურად არათერი არ ეღობება, არც კი ნაწილებად დაშლას. შეიძლება, პირობით, ნივთი აღარ ვუწოდოთ გამხროლოებულ ნაწილს, არამედ — მხოლოდ ნაწილების აგრეგატი²¹⁸, რამდენადაც მხოლოდ ტერმინოლოგიურ სფეროში დაერჩებით, ასეთი რამ დასაშვებია, მაგრამ ყოველგვარ მეცნიერულ ღირებულებასაა მოკლებული და ავტორიტი, უეჭველია, სიტყვებით თამაშისთვის არ ხმარობს ტერმინს „ნივთი“. იგი ნივთს ზღვარულ ცნებად (Grenzbegriff) თვლის. შეუძლებელია ამაში დავეთანხმოთ მას. თუ ვიგულისხმებთ, რომ „ზღვარული ცნება“ ლოგიკის აუცილებელი პროდუქტია და საბოლოო პროდუქტიც, საბოლოო პუქტი დისკურსიული აზროვნების გზისა. პირიქით, ნივთის ასეთ ცნებაზე შეუძლებელია შეჩერება, მას ლოგიკური აუცილებლობით მივეყვართ უფრო შორს, — სახიფათოდ შორს პერსონალიზმისთვის. „I + m + n...“ გამოხატულება (ესაა სწორედ ნივთის ცნების ძალიან მარჯვე სქემა!) თავისთავად იშლება I-ად, m-ად, n-ად... მათემატიკურ ანალოგიებს რომ გავყვეთ, მათი შემთავაზებული მხოლოდ საერთო მნიშვნელი შეიძლება იყოს:
$$\frac{I + m + n}{p}$$

უკვე მთლიანობაა, რომლიდანაც მრცხველის თითოეული წევრის გამორიცხვა არამცთუ „თავისთავად“ არ ხდება — მთელი მიმართების შეცვლას მოითხოვს და იწვევს. ნივთს მხოლოდ პერსონა ანუ ანუებს მნიშვნელობას. მხოლოდ პერსონის მიმართ შეიძლება არსებობდეს ნივთი, როგორც მრავალი ნაწილები ან, უფრო სწორად რომ ვთქვათ, მრავალი წევრების აგერატი. პერსონის გარეშე კი „აბსოლუტური მასალა თავისთავად“²¹⁹ ე. წ. „ნივთის“ მდგომარეობაში ვერ დარჩება და დაიშლება ჩამში შემავალ მარტივ, დამოუკიდებელ წევრებად — ანუ ელემენტებად. მამასაღამე. გამო-

²¹⁸ ამ შემთხვევაში სიტყვა „ნაწილი“ (Teil) აღარ შეიძლება იხმარებოდეს: სადაც საქმე გაერთიანებასთან კი არა გვაქვს, არამედ უამთან, იქ ნაწილების შესახებ კი აღარ ვლაპარაკობთ, არამედ უამის დამოუკიდებელი წევრების შესახებ. როგორც ავტორი მარჯვედ გამოიყენებს სიტყვის ეტიმოლოგიას და პერსონული მთლიანობის ნაწილის შესახებ ამბობს, რომელსაც იგი მონენტს უწოდებს, — იგი არა მარტო ნაწილია პერსონის მთლიანობისა, არამედ მონაწილეობს კიდევ პერსონის მთლიანობაში (nicht nur Teil ist, sondern auch Teil hat).

²¹⁹ 2,168.

დის, რომ პერსონათა იერარქიის უდაბლესი საფეხური ლოგიკურად ელემენტი უნდა იყოს. ავტორი აღიარებს, რომ მე თოდოლოგიურად შესაძლებელია პერსონაში მოცემული ელემენტები პერსონის მიზანმიმწრაფებულობაზე დაყვანის გარეშე განვიხილოთ, მხოლოდ და მხოლოდ როგორც ელემენტები, რომლებსაც მათი ზემდგომი კანონზოვიერება განსაზღვრავს²⁰ და ასეც იქცეოდა ასოციაციონიზმი. მაგრამ აბსოლუტური ნივთის ცნება, რომლის შესახებაც გვაქვს აქ მსჯელობა, მხოლოდ მეთოდოლოგიური ხერხი ი არაა, არამედ საფუძველმდებელი ცნებაა პერსონათა იერარქიული სისტემისა. ეს ცნება თვითვე უნგრევს ძირს პერსონალიზმის სისტემას, რამდენადაც ელემენტის საფუძველზე შეუძლებელია პერსონის აგება.

როგორი მდგომარეობაა იერარქიის მწვერვალზე? უმაღლესი პერსონა, არსებითად, ისეთივეა როგორც ყველა სხვა პერსონა, მხოლოდ — იერარქიის კანონის თანახმად — იგი ყველა სხვა პერსონაზე უფრო ფართო მოცულობისაა. ყოველი ზედა საფეხური იერარქიული კიბისა უფრო ფართო მოცულობის პერსონას უქირაავს. ავგ: ინდივიდუური ადამიანი — ოჯახი — ერი — კაცობრიობა. ყოველი ზემდგომი პერსონა იქვემდებარებს წინა საფეხურზე მდგომი „თანაპერსონების“ სიმრავლეს. მაგრამ უმაღლესი პერსონა განსაკუთრებულ მდგომარეობაშია: ის მხოლოდ „უფრო მაღალი“ პერსონა კი არაა, არამედ — აბსოლუტურად „უმაღლესი“; იგი ა „ყოვლადპერსონა“²¹.

მის შესახებ ავტორი წერს: „არის თუ არა „სიკოცხლე“ (ე. ი. ყველა ცოცხალ არსებათა ერთობლიობა), არის თუ არა დედამიწა, არის თუ არა მზის სისტემა — რაიმე აზრით მეტი, ვიდრე უბრალო ჯამი? არიან თუ არა ისინი აქტიური, საკუთარი მიზნის მქონე ერთიანობანი, ანუ „პერსონები“ უფართოესი მნიშვნელობით?

ყოველი პასუხი, რომელიც კი ამ კითხვაზე შეიძლება იქნეს გაცემული, იქნება იგი დადებითი (როგორც პლატონთან და ფეხნერთან) თუ უარყოფითი — მხოლოდ ფანტასტიკური რწმენის ნაყოფი იქნება და არა რაიმეგვარად დასაბუთებული ცოდნისა. მხოლოდ ერთგან იქცევა ეს რწმენა დარწმუნებულობად (Überzeu-

²⁰ 3,12.

²¹ Allperson.

გუნგ), რომელიც თვით ცოდნასაც აღმატება, რადგან ის იძლევა ცოდნის წინამძღვარს: პერსონების მთელი სისტემის ზედა საზღვარზე რომ „ყოვლადობა“ (Das All), ბოლოს და ბოლოს, პერსონულია, თვითშენარჩუნებისა და თვითგანვითარების მიზანგანსაზღვრულობით ცხოველყოფილი და ყველა ამ მიზანმისწრაფებულობათა უმადლესი სრულყოფით შემცველი—ესაა რისი თვისი, რომელსაც ემყარება და რომელთანაც ერთად ემხოება პერსონალიზმის მთელი მსოფლმხედველობა. უაზრობა და უგუნურებაც კი იქნებოდა სამყაროს სხვადასხვა სასრულიან (endliche) საფეხურებზე მრავალერთიანობათა არსებობის დაშვება, თვით სამყარო უბრალოდ მხოლოდ მრავალგვარობა რომ ყოფილიყო. სხვადასხვა საფეხურის მიზნების ურთიერთდაქვემდებარება და ურთიერთზე აღმატება შეუძლებელი იქნებოდა, საბოლოოდ ყველაფერი უმიზნო და მქანკიური რომ ყოფილიყო. ამრიგად, ადამიანის ზემდებარე ერთიანობათა იერარქია დასრულებას პოვებს ღვთაებრივი ყოვლადობის იდეაში, რომელიც არის არა საგნობრივი, აბსტრაქტული კანონზომიერებითა წარმართული უნივერსუმი, არამედ ნამდვილი ღვთაებრივი ყოვლადობა-პერსონა, რომელიც საკუთარი თვითშენარჩუნების მიზნებს აკისრებს ყოველივე არსებულს და რომელიც თავის შემოქმედებითს თვითგანვითარებაში სრულყოფის უკუნითს ტენდენციას ანიჭებს სამყაროს“²².

უქვევლია, რომ ყოვლადპერსონასაც უნდა ჰქონდეს ყველა ის ნიშანი, რომლითაც საერთოდ ხასიათდება პერსონა-ხამდვილად კი ასე არაა. რა განასხვავებს ყოვლადპერსონას იმ პერსონისგან, რომლის „ხატად და მსგავსად“ ააგო ვ. შტერნმა პერსონიფიკაცი-ქმნილი თავისი კოსმოსი?

1. ე. წ. პირველადი, ან უკეთ: საშუალო პერსონა გარკვეულად, სახელდობრ, — ზემდგომი პერსონის, თვალსაზრისით ნივთი შეიძლება იყოს. ყოვლადპერსონას კი არ გააჩნია ზემდგომი პერსონა და, ამიტომ, არ არსებობს თვალსაზრისი, რომლითაც იგი ნივთად შეიძლება იყოს გაგებული; იგი პერსონაა აბსოლუტურად, მასში მოხსნილია პერსონა-ნივთის დიალექტიკა.

2. საშუალო პერსონის ერთ-ერთი არსებდითი ნიშანია სამყაროსთვის ღიად ყოფნა; ამითი განსხვავდება იგი უპირველესად

ყოვლისა, მონადისგან. ყოვლადპერსონას, მისი ყოვლადობის გამო, არ გააჩნია სამყარო, როგორც ტრანსპერსონული „არა-მე“ და, ამიტომ, სამყაროსთვის ღიად ყოფნა ვერ იქნება მისი თვისება. აქედან გამომდინარეობს ყველა შემდეგი განსხვავებანი.

3. საშუალო პერსონის სიცოცხლის მექანიზმი პერსონა-სამყაროს კონვერგენციაა; პერსონა კონვერგენციის ფაქტორიცაა და პროდუქტიც. ყოვლადპერსონისთვის უცხოა კონვერგენცია, რადგან მას არ გააჩნია კონვერგენციის მეორე ფაქტორი — სამყარო. ყოვლადპერსონა ვერ იქნება ცოცხალი, „სიცოცხე არის ყოფისა და ვლენის ერთიანობა სამყაროსთვის ღია მთლიანობაში“. ჩადგან „ცოცხალია ისეთი არსი, რომელიც განუწყვეტლივ განახორციელებს თავის მთლიან ყოფას თავისი მთლიანი ფუნქციონებით“ და რომელიც, გარემომცველ სამყაროსთან განუწყვეტელი გაცვლა-გამოცვლის მიუხედავად, მაინც მთლიანობად რჩება²²³ — მას კი არ გააჩნია გარემომცველი სამყარო.

4. საშუალო პერსონას, ძირითადად, ორგვარი მიზნისეულობა ახასიათებს: ავტოტელისა და პეტეროტელისა. ყოვლადპერსონას არ შეიძლება ჰქონდეს პეტეროტელისა, რადგან მასში არაა საგნობრიობის მომენტი, რომელიც აუცილებელია პეტეროტელიისთვის, მას არ გააჩნია „heteros“-ი („სხვა“).

5. ავტოტელიის სახეობათაგან ყოვლადპერსონისთვის უცხოა კონსერვაციული თვითგანვითარება, რადგან ეს უკანასკნელი გულისხმობს გვარში სადღაც ოდესღაც განხორციელებულ ნიმუშს მისწრაფებელი მიზნისას. ყოვლადპერსონას კი არ გააჩნია „გვარი“.

6. უცხოა მისთვის შეგუებაც, გარესამყაროს არქონების გამო. თავისთავად იგულისხმება, რომ ყოვლადპერსონისთვის უცხოა ინტროცეფცია, მაგრამ ეს გარემოება მისი პერსონულობის წინააღმდეგ არაფერს ამბობს, რადგან ინტროცეფცია სპეციატიკური ადამიანურია და არა ზოგადპერსონული.

7. ყველა ამ კერძობით ხასიათის განსხვავებაზე უფრო მნიშვნელოვანია გარესამყაროს არქონებიდან გამომდინარე ის თავისებურება ყოვლადპერსონისა, რომ იგი არაა რეალური, რადგან პერსონა რეალურია მხოლოდ იმდენად, „რამდენადაც ფაქტიურად გვეძლევა გამოცდილებაში, როგორც პროდუქტი საკუთარ მიზან-

²²³ 1,99 (დაყოფა ჩემია — ვრ. ა.)

დასახულებათა კონვერგენციისა გარეგან გავლენებთან; და ეს რეალური პერსონაა, ამგვარად შეძენილი ნამდვილი ყოფიერების დაცვას რომ ესწრაფვის თვითშენარჩუნებაში. იდეური კი ის პერსონაა, რომელიც შეესატყვისებოდა თვითგანვითარებას, ეს უკანასკნელი (რაც მის ცნებას ეწინააღმდეგება) წმინდა და შეურეველი რომ ყოფილიყო და რომ იგი (რაც აგრეთვე ეწინააღმდეგება მის ცნებას) დროში დასრულებადი ყოფილიყო.²⁴ რეალური და იდეური პერსონის გათიშვა მხოლოდ ცნებითს პლანში მიაჩნია შესაძლებლად ავტორს; ამ გათიშვის — ყოფიერების პლანში გადატანას, რაც გათვალსაზრისების წყურვილითაა გამოწვეული შედეგად მოჰყვა „სულის“, როგორც თავისთავადი საგნის, დადგენა. რეალური და იდეური პერსონის გათიშვის ნამდვილი პირველწყარო თვითშენარჩუნებისა და თვითგანვითარების მიზნების განსხვავებაა და ამდენად ყოვლადპერსონისთვის არაერთგვაროვანი სპეციფიკური მდგომარეობა არაა, რადგან პრინციპში მასაც აქვს როგორც პირველგვარი, ისე მეორეგვარი მიზნები.

განხორციელებული იდეური პერსონა უნდა ყოფილიყო თვითგანვითარების მიზნის სრულად განხორციელებისას. ასეთი რამ შეუძლებელია, რადგან პროდუქტიული თვითგანვითარების მიზანი არაა დასრულებული კონკრეტული სახის მქონე და პრინციპულად შეუძლებელია მისი „მიღწევა“. თვითგანვითარების მიზნისეულობა მხოლოდ შინაგანი ძრავია, რომელიც, ამასთანავე, მიმართულებასაც აძლევს პერსონის სიცოცხლის მდინარეებს. თვითგანვითარების მიზანი მხოლოდ თვითშენარჩუნების მიზანთან ერთად და სამყაროს გარემოცვაში ქმნის რეალურ პერსონას, ერთადერთ რეალურად არსებულ სუბსტანციას. ე. ი. იდეური პერსონა, როგორც ასეთი, რეალურად არ არსებულა.

ამრიგად, ყოვლადპერსონა არაა რეალური პერსონა. მაშ, იგი უნდა იყოს იდეური პერსონა (*tertius non datur.* მაგრამ იდეური პერსონა — არ არსებულა აქედან გამომდინარეობს, რომ ყოვლადპერსონა, როგორც რეალური პერსონა, არ არსებობს, როგორც იდეური პერსონა კი — იგი არ არსებულა. ეს გრამატიკული ვარჯიში წმინის — არსებით სახელად გადაქცევისა („არ არსებობს“ — „არ არსებული“), ვერაფერს შეეღის ყოვლადპერსონის არსებობას. ყოვლადპერსონა, როგორც ფაქტი, ვერ იარსებებს, რო-

გორც ცნება — იგი შინაგანი წინააღმდეგობის შემცველია: „სამ-
ყაროს არმქონე სამყაროსთვის ღია არსებას“ ნაშნავს. პერსონის
ცნებასთან ასეთი შეუთანხმებლობა ნათელპყფის, რომ ე. წ. ყოვ-
ლაღებრსონა არაა პერსონა. და თუ მართლა ემხოზა პერსონალიზ-
მის მთელი მსოფლმხედველობა ყოვლაღებრსონის პერსონულობის
თუზისთან ერთად — იგი დამზობილად უნდა ვაღიაროთ *.

ყოვლაღებრსონის საწინააღმდეგოდ ისიც შეიძლებაოდი გვეთ-
ქვ, რომ ეპითეტი „ერთხელობრივი“; რომელიც აუცილებელია
პერსონისთვის, მისთვის სრულიად შეუფერებელია. ყოველი პერ-
სონა იზადება, ცოცხლობს და კვდება. ასეთია ვ. შტირნის მოძღ-
ვება. ინდივიდური უკვდავება არ არსებობს, უკვდავია მხოლოდ
ზეინდივიდური მხარე პერსონისა. შთამომავლობის სახით მას
წვლილი შეაქვს ბიოლოგიურ გვარში, კულტურული შემოქმედე-
ბის სახით (სიტყვის ფართო მნიშვნელობით) — თუ აღამიანთან
გვაქვს საქმე, — ზეინდივიდურ პერსონაში — კაცობრიობაში-
ამით იგი განაგრძობს „პოსტ-ინდივიდურ“ არსებობას.

ყოვლაღებრსონას ეს არ ეხება, ცხადია! იგი მარადიული და
უკვდავი უნდა იყოს მისი ბუნებიდან გამომდინარე აუცილებლო-
ბით, და იგი არის კიდევ მარადიული და უკუნითი ფილოსოფიის
საყოველთაოდ სავალდებულო დებულების თანახმად, თუ იგი მარ-
თლა მსოფლიოა. ღეთაება ერთადერთი პერსონაა, რომელიც განუ-
საზღვრელია დროში.

ღავასკვნი: ყოვლაღებრსონას არ გააჩნია გარესამყარო; იგი მა-
რადიული და უკუნითია; იგი არაა რეალური პერსონა. ყოვლაღ-
პერსონის ეს თავისებურებანი გვაიძულებს სამგზის უარეყოთ იგი,
როგორც პერსონა.

ამრიგად, არც უდაბლესი და არც უმაღლესი პერსონები არ ყო-
ფილან პერსონები. ამის შემდეგ შეუძლებელიაა სერიოზულად
ლაპარაკი პერსონათა მსოფლიო იერარქიული სისტემის შესახებ.
აქა-იქ შეიძლება არსებობდეს მეტად თუ ნაკლებად მრავალსაფე-
ხურიანი სისტემები იერარქიისა, მაგრამ ავტორსაც კარგად ესმის,
რომ თუ ისინი ერთ სისტემად არ იქნება გაერთიანებული, კრიტი-
კული პერსონალიზმის კოსმოსი არაფრით არ იქნება გულუბრყვა-
ლო პერსონალიზმის პანთეისტურ კოსმოსზე უკეთესი.

* შდრ. აქვე, გვ. 230—231.

ვ. შტერნი აღიარებს თავისი მსოფლმხედველობის საფუძვლის დოგმურობას. იგი ამბობს, რომ სწამს ობიექტურად არსებული სამყარო. მე ვეცადე ნათელმეყო, რომ სამყაროს მხოლოდ არსებობის რწმენა არაა სამყოფი მსოფლიოს ასაგებად და აეტორს ამ საქმეში ეხმარება პერსონათა არსებობის რწმენა, რაც საბოლოოდ იმაზე დაიყვანება, რომ სამყაროს პერსონული ხასიათი რწმენაა აეტორისა, და არა ნაყოფი ფილოსოფიური სპეკულაციისა, თუ ემპირიული კვლევის შედეგი. „რწმენის შესახებ არ დაობენ“, მაგრამ რადგან ეს რწმენა, აეტორის აზრით, ადამიანური აზროვნების ბუნების აუცილებელი შედეგია, ინტერესს არ იქნება მოკლებული მისი აღმოცენების გამორკვევა. აეტორის ფილოსოფიისა და ფსიქოლოგიის დამოკიდებულება საუკეთესოდ სწორედ ამ რწმენის გენეზისში იჩენს თავს.

შეუძლებელია არ დაისვას საკითხი, თუ საიდან მოიტანა ვ. შტერნიმა პერსონის ცნება, თუ მას არც „უდაბლესი პერსონა“ შეესატყვისება და არც „უმადლესი“, უეპველია, რომ პირველადი პერსონა, პერსონის პროტოტიპი, ნიმუში, რომლისასაც მხოლოდ ლოგიკურ განვითარებას წარმოადგენს იერარქიის ბოლო საფეხურები, — იერარქიის რომელიდაც შუასაფეხურზე უნდა იდებარეობდეს და, მართლაც, პერსონის პროტოტიპი ვ. შტერნისთვის ადამიანია. აეტორის თქმით „ადამიანის ცალკეული ინდივიდის პერსონულობა — ე. ი. ის, რომ ადამიანი პერსონაა — არამც თუ სპეკულაციის ნაყოფი არაა არამედ ყველაზე უფრო თვალსაჩინო რამ, რაც კი არსებობს ადამიანთან დაკავშირებით“²⁵ და კიდევ მეტიც: „ადამიანი რომ პიროვნებაა, ეს არც მტრადიზიკური სპეკულაციაა და არც მეტად თუ ნაკლებად მტკიცე რწმენა, არამედ — ს ვ ე ლ ა ფ ე რ ზ ე უ ფ რ ო უ ე პ ვ ე ლ ი რ ა მ“²⁶.

ადამიანია პერსონის პროტოტიპი და, ამიტომაცაა, ასე თავგამოდებით რომ უარპყოფს ვ. შტერნი პერსონალიზმის ანტროპომორფიზმს. მისი აზრით, პერსონის ცნების გავრცელება ადამიანის გარემდებარე სფეროებზე ისევე არაა ანტროპომორფიზმი და მითოლოგიისკენ უკუქცევა, როგორც „ძალის“, „მუშაობის“ და

²⁵ 5, გვ. III.

²⁶ 3,3

„ენერჯის“ ცნებების გამოყენება, ფიზიკის მიერ არ ნიშნავს მის უკუქცევას მითოლოგიისკენ²²⁷.

როგორც თითონ აღიარებს ავტორი, მისი მოღვაწეობა თავიდანვე ორი მხრივ იყო მიმართული: ფილოსოფიისკენ და ფსიქოლოგიისკენ. მას სურდა ჯაერთიანებია შემეცნების ეს ორი სფერო, რომელთა შორის, ერთი შეხედვით, გარდაუვალი უფსკრული მდებარეობდა. მე-19 საუკუნის ფსიქოლოგიური მუშაობის მიმოხილვისას²²⁸, იგი ამბობს, რომ მომავალი მე-20 საუკუნის ძირითადი ამოცანა მსოფლმხედველობის შექმნაა და ფსიქოლოგია მოწოდებულია წელილი შეიტანოს ამ მომავალ მსოფლმხედველობაში. 1901 წელს იგი წერს „წინასწარ მოსაზრებებს მსოფლმხედველობის შესახებ“²²⁹, რომელსაც მხოლოდ 1915 აქვეყნებს, რადგან საუკუნის დამდეგი წლები ჯერ კიდევ არ იყო მომზადებული მსოფლმხედველობის შესათვისებლად.

ფსიქოლოგიური კვლევების დროს ვ. შტერნი ველარ კმაყოფილდება კლასიკური ასოციაციონისტური ახსნით. მაგრამ ასოციაციონიზმი კერძო გამონაკლისის ხასიათის მოვლენა არაა; მთელი იმდროინდელი მეცნიერება ატომისტურია, ყოველ კერძო მეცნიერებაში — და მათ შორის ფსიქოლოგიაშიც — ატომის პრინციპი ურყევად და უფიქრლად მიღებულია, როგორც ერთადერთი შესაძლო პრინციპი. საჭიროა ამ საყოველთაო პრინციპის გადალახვა. ფსიქოლოგია მარტოკა ვერ ჯაექცევა მას, იგი საყოველთაოდვე უნდა იქნეს უარყოფილი. საკმარისი არაა ფსიქოლოგიაში ატომიზმის უარყოფა; აუცილებელია ძირშივე — ფილოსოფიაშივე — მისი მოსპობა. ფსიქოლოგიის მიერ ნაკარნახევ პიროვნების იდეას ვ. შტერნი მსოფლიო ყოფიერებაზე ავრცელებს და უკანვე ღებულობს ონტოლოგიისგან, შევსებული და გაშლილი სახით. „პერსონა — ფსიქიკურის სუბიექტი“ — „პერსონა — სუბსტანციად“ იქცევა. პერსონა „ანტროპოგენურია“, თუ შეიძლება ასე ითქვას, და საგანგებო სიფრთხილვა საჭირო მისი ანტროპომორფიზაციის წინააღმდეგ. უწინარეს ყოვლისა, უნდა დამტკიცდეს პერსონის საყოველთაობა, „ტრანს-ადამიანურობა“. ფილოსოფიის სისტემის-

²²⁷ იხ. 2, 14.

²²⁸ იხ. 6.

²²⁹ იხ. 7.

თვის მიძღვნილი სამტომეულის პირველი ტომი, ძირითადად, დათმობილი აქვს პერსონებისგან კოსმოსის აგების ამოცანის გადაჭრას. ანტროპოცენტრიზმისა და, აგრძოდ, მისი უარესი სახის -- ეგოცენტრიზმის დასაძლევად. — ეგოცენტრიზმისა, რომელიც უსათუოდ შეიცავს სოლიფისზმის საფრთხეს — აუცილებელია არსებითად იქნეს ცნობილი პერსონის დამოკიდებული ბუნება (არათავისთავში დახშულობა). სუბორდინაციის სისტემა შესაძლებელყოფს თითოეულ ცალკეულ პერსონაში მოცემული იყოს მისი საკუთარი რაობაც, ზემდგომი პერსონის რაობაში მონაწილეობაც, და ქვემდგომი პერსონების წვლილიც მის საკუთარ რაობაში. პერსონები შინაგანი კავშირებით არიან გაერთიანებულნი. პერსონა — ენტელექია ქვემდგომ პერსონებს იარაღად გამოიყენებს საკუთარი მიზნების განხორციელებაში. მაგრამ ქვემდგომი პერსონები მისთვის გარემდგომნი კი არ არიან, არამედ მასშივე არიან მოცემული, მის ორგანოებს წარმოადგენენ. ასე, მაგალითად, ინდივიდური ადამიანი ოჯახის ორგანოა. ოჯახი — ინდივიდურ ადამიანების შრავლობის (multiplicitas) ერთიანობაა (unitas). ზემდგომი პერსონა ქვემდგომ პერსონებს თავისი მიზნების განხორციელებას ავალებს და ამდენად — რადგან ეს მიზნები არაა ქვემდგომი პერსონის მიზნები — ქვემდგომი პერსონა „ნიეთია“; პეტეროტელია ხომ პრინციპულად ანტიპერსონულია. პრინციპულად ნიეთისეულია.

ამგვარად, აიგება პერსონათა იერარქიის დახშული სისტემა, ღვთაებრივი ყოვლადპერსონით დასრულებული.

პერსონალიზმის ავტორი სპეციალობით ფსიქოლოგი რომ არ ყოფილიყო, ადვილად შესაძლებელია, და საფიქრებელიცაა, რომ კოსმოსის ასაგებად პერსონებისგან იგი იმყოფინებდა პერსონათა იერარქიიდან გამომდინარე (ან, იქნებ, პერსონათა იერარქიის პირობამდებელ?) ურთიერთობას პერსონებს შორის, ურთიერთობას, რომელიც სუბორდინაციით განისაზღვრება. რომ პრინციპში შესაძლებელია პერსონალისტური სისტემა დაკმაყოფილდეს პერსონებს შორის მხოლოდ ასეთი ურთიერთობის დაშვებით — ფაქტია. 1918 წლამდე, ადამიანის პიროვნების შესახებ სპეციალური გამოკვლევის გამოქვეყნებამდე, პერსონალიზმისთვის არც არსებობდა სხვაგვარი ურთიერთობა პერსონებს შორის. ამის საუკეთესო პოზიტიური საბუთი ისაა, რომ ავტორი, ემყარებოდა რა Lotze-ს დებულებას, რომ „ყველა ელემენტები, რომელთა შორის შესაძლებელი

უნდა იყოს ურთიერთზემოქმედება, ერთი საერთო კეშმარიტი არსებულის ნაწილებად უნდა იქნენ განხილული“²³⁰, — უარყოფდა სინტელიას, როგორც მიზნისეულობის დამოუკიდებელ სახეობას და ჰიპერტელიაზე დაპყავდა იგი. პერსონათა იერარქიული ურთიერთობიდან სინტელია არ გამომდინარეობს, მაგრამ იგი ემპირიული ფაქტია და მისი ახსნა იერარქიის საფუძველზე შეიძლება მხოლოდ როგორც ჰიპერტელიის სახესხვაობისა.

კონვერგენციის თეორია

ადამიანის პიროვნების სპეციალურად კვლევისას უდავო გახდა, რომ დაბნული შინაგანი ურთიერთობა პერსონებისა არ ამოწურავს მათი ყოფის მრავალფეროვნებას. პერსონას ნამდვილი გარეგანი ურთიერთობაც აქვს ტრანსპერსონულ სამყაროსთან. გამოიკვეთა სრული მნიშვნელობით „გარეგანი“ სამყარო, გარესამყარო, რომელთანაც პერსონას აკავშირებს არა მარტო თანაქვემდებარება რომელიმე საერთო ზემდგომი პერსონისადმი, უკიდურეს შემთხვევაში ყოვლადპერსონისადმი, არამედ უშუალო (უკეთ: ზემდგომი პერსონით გაუშუალებელი) ურთიერთობა. პერსონას უპირისპირდება გარესამყარო; ეს უკანასკნელი ნამდვილ „არა-მე“-დ ევლინება პერსონას, რაც ვერ ითქმის იერარქიულად მასთან დაკავშირებული: ზემდგომი, ქვემდგომი თუ „თანამდგომი“ — პერსონების შესახებ, რომლებიც, რაღაცნაირად, იმანენტურნი არიან პერსონისთვის. „არა-მე“ სამყაროსთან ურთიერთობაა, ნამდვილად რომ „უღებს ფანჯრებს“ პერსონას. პერსონის ცნების უფრო გვიანდელ განსაზღვრებაში არსებით ნიშნად შეტანილია „სამყაროსთვის ღიად ყოფნის“ ნიშანი. იგი გულისხმობს, რომ პერსონა არა მარტო იერარქიულადაა დაკავშირებული გარესამყაროსთან, არამედ ურთიერთობა აქვს მასთან, როგორც პრინციპულად უცხოსთან, „სხვა“-სთან. რამდენადაც ახალია იერარქიის იდეა, იმდენადვე ძველია გარესამყაროსთან ურთიერთობის იდეა. სოლიფისტიკის შეტი ყველა აღიარებს ამ ურთიერთობას. განსხვავება მხოლოდ ამ ურთიერთობის ხასიათის, როგორობის გაგებაშია. ამ საკითხზე ორი ძირითადად განსხვავებული შეხედულებაა შესაძლებელი: ან გარესამყაროს უნდა მიეკუთვნოს პირველობა „ინიციატივა“ პერსონი-

²³⁰ ციტირებულია 2,346.

სა და სამყაროს ურთიერთობაში, ან — პერსონას. მართალია ვ. შტერნამდე „პერსონის“ შესახებ არ იყოს ლაპარაკი, არამედ, საუკეთესო შემთხვევაში, ადამიანის ან პიროვნების შესახებ, მაგრამ ამ შემთხვევაში ამას არა აქვს არსებითი მნიშვნელობა. როგორადაც არ უნდა ყოფილიყო გაგებული ადამიანი — და ზოგადად ცოცხალი ორგანიზმი, — დაშვებული იყო გარესამყაროსთან მისი ურთიერთობა. ახალ ბიოლოგიაში და ფილოსოფიაში ცოცხალი ორგანიზმის ზოგადად, და კერძოდ ადამიანის სამყაროსთან ურთიერთობის ზასიათის გაგება ერთი მხრივ—ნატივიზმის, მეორე მხრივ—ემპირიზმის სახით ჩამოყალიბდა. ერთ-ერთი მათგანის სასარგებლოდ გადაჭრა საკითხისა ვერ მოხერხდა და ვ. შტერნის აზრით ვერც ეზოხერხდება, რადგან თვით საკითხია უსწოროდ დასმული. „რეალურად არ არსებობს ადამიანის არც ერთი თვისება, არც ერთი მოქმედება, არც ერთი ფენომენი, მოკლედ, — არც ერთი ნიშანი, რომლის შესახებაც შეგვეძლო გვეთქვა, რომ იგი თანშობილია ან შექცენილია. aut—aut (ან—ან) მუდამ მცდარია, et—et (ესეც—ისიც) —მუდამ სწორი“²²¹.

ნატივიზმისა და ემპირიზმის ცალმხრიობის დაძლევა ვ. შტერნმა „კონვერგიზმით“ სცადა. თუ ეპირიზმი ადამიანს სრულიად პასიურ არსებად სახავდა, რომელსაც მხოლოდ გარედან მომქმედ გამლიზიანებლის საპასუხოდ შეეძლო რაიმეგვარი მოქმედების განხორციელება, კონვერგენციის თეორიის თანახმად რაც უნდა პასიური და მექანიკური იყოს რეაქცია, შეუძლებელია იგი მხოლოდ გარეგამლიზიანებლის ერთმნიშვნელოვან პროდუქტს წარმოადგენდეს. მასში უსათუოდ მონაწილეობს საკუთრივ პერსონული „შინაგანი“ ფაქტორიც. მაგრამ, მეორე მხრივ, თუ ნატივიზმი ადამიანის ყოველგვარი მოქმედების ახსნას თანშობილი თვისებებით ლამობდა და ადამიანისა და გარესამყაროს ურთიერთობაში სამყაროს სთვლიდა სრულიად პასიურად, — კონვერგენციის თეორიის თანახმად რაც უნდა თავისუფალი და გენიალური იყოს სპონტანური აქტივობა, საბოლოოდ მისი ჩამოყალიბება და გაერთმნიშვნელოვანება მხოლოდ გარესამყაროს მეოხებით შეიძლება განხორციელდეს²²².

²²¹ 3,98—100.

²²² იხ. 9,52

კონვერგენციის თეორია ვ. შტერნის ერთ-ერთი უდიდესი მნიშვნელობის მონაპოვარია. ფსიქოლოგიაში კონვერგენციის პრინციპს საყოველთაო მნიშვნელობა აქვს, რადგან პიროვნების ყოფიერება მთლიანად მის საფუძველზეა აგებული, პერსონული ყოველი მოვლენა თუ მდგომარეობა, პერსონული ყოველი ფაქტი — კონვერგენციის შედეგია პერსონალიზმის თვალსაზრისით. მოძღვრება კონვერგენციის შესახებ პერსონალისტური მოძღვრების ორგანული ნაწილია და უმისოდ ვ. შტერნის პერსონალიზმის არსებობა იმ აზრით, რა აზრითაც ჩვენ დღეს გვესმის იგი, სრულიად წარმოუდგენელია. როგორც აღვნიშნე, კონვერგენციის თეორია ავტორის შემოქმედების გვიანი პროდუქტია. ფილოსოფიური სისტემის აგება უმისოდ იქნა დაწყებული და, შეიძლება, ნაწილობრივ მაინც, ამ გარემოებით აიხსნას ის, რომ „პერსონა და ნივთის“ პირველმა ტომმა (1906) თითქმის არავითარი გამოხმაურება არ პოვა²³². კონვერგენციის თეორია ყურადღებულად ვერ დარჩებოდა იმ დროს, როდესაც ნატივიზმისა და ემპირიზმის კამათი დღითი დღე მწვაავდებოდა საერთო ბიოლოგიურ მეცნიერებებში და არა ნაკლებ — ფსიქოლოგიაში და პედაგოგიაში.

ძნელი წარმოსადგენია ნატივისტი, რომელიც სრულიად უარყოფდა გარემოსამყაროს მნიშვნელობას ადამიანის ყოფიერების რაგვარობისთვის და თვით ადამიანის არსებობისთვის. ასევე ძნელი წარმოსადგენია ემპირისტი, რომლისთვისაც სრულიად არავითარი მნიშვნელობა არ ექნებოდა თუნდაც თვით „დაფის“ რაგვარობას, რომელზედაც ემპირიას უნდა დაეწერა სამყაროს მატრიანის სტრიქონები. მაგრამ ნატივისტის მხრივ სამყაროს როლის დაშვება კომპრომისი იყო, რომელიც თეორიის პრინციპებს არ უნდა შეხებოდა. ასეთივე კომპრომისი იყო ემპირისტისთვის *tabula rasa*-ს თვისებების მხედველობაში მიღება. პირველისთვის სამყარო პასიური სარბიელი იყო პიროვნების სამოქმედოდ, მეორისთვის ადამიანი — ნედლი თიხა იყო, რომლისგანაც გამოცდალება სძერწავდა გარკვეული სახის პიროვნებას.

კონვერგენციის თეორიისთვის პიროვნული შინაგანი ფაქტორიც და სამყაროსეული გარეგანი ფაქტორიც თანაბრად აუცილებელია პიროვნების რეალური ყოფიერების ყოველი კერძო გამოვ-

²³² მის შესახებ, მგონია, მხოლოდ ერთი რეცენზია არსებობს — Bloch-ისა.

ლენისთვის. სამყაროს გარეშე პიროვნება არ არსებობს, მაგრამ არც პიროვნების აქტიური მონაწილეობის გარეშეა შესაძლებელი მისი გამოვლენა, გამომჟღავნება სამყაროს ზემოქმედების საპასუხოდ.

ადამიანის ყოფიერებაში შინაგანი და გარეგანი ფაქტორების თანასწორუფლებიანობა ემპირიით ნაკარნახევი, მაგრამ ფილოსოფიურად გამართლებული და პერსონალიზმის სისტემის მთლიანობაში შეტანილი ვითარებაა. პიროვნება — და, ზოგადად, პერსონა, — ისეთ არსებულად არის მიჩნეული, რომელიც აუცილებლად ურთიერთობაშია სამყაროსთან „ღია“ სამყაროსთვის“.

თავდაპირველად (Person u. Sache, I) პერსონის ცნება ლოგიკურად უფრო უმწიკვლო იყო. მაგრამ, მიუხედავად იერარქიული ურთიერთობისა ყველა სხვა პერსონებთან, რაც პერსონის მრავალერთიანობითი ბუნებიდან გამომდინარეობდა, პერსონა მაინც კარჩაკეტილი იყო. სამყაროსთან კონვერგენციის დაშვებამ. რაც უნდა ვიფიქროთ, ფსიქოლოგიურმა ემპირიამ აუცილებელყო, გაართულა პერსონის ცნება. და არა მარტო გაართულა — მნიშვნელოვნად დააბნელა კიდევ იგი.

არა ნატივისტური, არც ემპირისტული ყაიდის ურთიერთობა არაა დამაკმაყოფილებელი ვ. შტერნისთვის: ორივე შემთხვევაში დადასტურებულია მხოლოდ და მხოლოდ ადამიანისა (ზოგადად — ორგანიზმის) და გარესამყაროს ფაქტიური კავშირი და არა აზრითი, შინაგანი, აუცილებელი ურთიერთზე დამოკიდებულება. მეცნიერული ღირებულება კი მხოლოდ ამ უკანასკნელის გაგებას და დასაბუთებას შეიძლება ჰქონდეს: მოძღვრება კონვერგენციის შესახებ მოწოდებულია დაამტკიცოს პერსონისა და სამყაროს ურთიერთგამსჭვალულობა.

კონვერგენციის მოძღვრებამ პერსონის ცნების პირველადი გაგების შეცვლა მოითხოვა. პერსონა, მიუხედავად იერარქიული ურთიერთობისა სხვა პერსონებთან, კარჩაკეტილი იყო იმდენად, რამდენადაც უშუალო ურთიერთობა გარესამყაროსთან არ ჰქონდა, არ ჰქონდა იმ უბრალო მიზეზის გამო, რომ გარესამყარო როგორც ნამდვილი „არა-მე“, არც არსებობდა კოსმოსის იმ გაგებაში, რომელიც ავტორის პირველ შრომებშია მოცემული. საჭირო შეიქმნა „სამ-

ყაროსთვის ღიად ყოფნის" ნიშნის პერსონის არსებით ნიშნად აღიარება იდეური და რეალური პერსონის განსხვავება სწორედ სამყაროსთან ურთიერთობის თვალსაზრისით გამოიკვეთა: იდეური პერსონა შინაგანი კანონზომიერების (მიზანმისწრაფებულობისა და მიზანდასახულობის) ერთიანობაა. რეალური პერსონა — მიზნისეულობის განხორციელების ერთიანობა. განხორციელება კი სამყაროში ზდება. მაგრამ სამყარო მხოლოდ მასალა კი არაა, რომელზეც აქვს. პერსონა თავის შინაგან ძალებს, არამედ — ფაქტორი პერსონალური ე. ვიერებისა. პერსონისა და სამყაროს კონვერგენცია, ავტორის თქმით, წარმოადგენს აპრიორულსა და აპოსტერიორულს კანტისეული კონვერგენციის გავრცელებას შექცენების სფეროდან პერსონის ყოფიერების ყველა სფეროზე.

კონვერგენციის არსის გაგება შეუძლებელია მხოლოდ და მხოლოდ იმის მიხედვით, რაც მის შესახებ აქამდე ვთქვი. გამოდის ასე: არსებობს სუბსტანციური „პერსონა თავისთავად“, ე. ი. იდეური პერსონა, ხაყუთარი მიზნისეულობის მატარებელი. ეს მიზანსეულობა არსებობს მხოლოდ როგორც პოტენცია და ტენდენცია. მისი რეალიზაცია მხოლოდ სამყაროშია შესაძლებელი. მაგრამ სამყარო მხოლოდ სარბიელი და მასალა კი არაა, არამედ ფაქტორი რეალური პერსონის ყოფისა. რანაირად შეიძლება იყოს იგი „ფაქტორი“, თუ რეალური პერსონა მხოლოდ იდეური თავისთავადი პერსონის განხორციელებაა? — ერთადერთი შესაძლებლობა იმისა, რომ სამყაროს არსობლივი კავშირი ჰქონდეს პერსონასთან ისაა, რომ იგი უკვე იდეურ პერსონაში იყოს მოცემული, ანუ იდეური პერსონის სახეაში მონაწილეობდეს. და, მართლაც, ავტორს დაშვებული აქვს პერსონის სახვისუნარიანობა (პლასტიკურობა, *Bildsamkeit*) ვნახოთ. რაში მდგომარეობს იგი ავტორის თქმით „წინასამყარო, — ე. ი. მემკვიდრეობით მიღებული რაობა პერსონისა — და გარემოსამყარო არის ორი სამყაროსეული პირობა, ორი „არა-მე“, რომლებსგანაც ლებულობს მე თავის სახეს სინამდვილეში“²³⁴. კონვერგენციას სწორედ ეს ორი არა-მე: წინასამყარო და გარემოსამყარო აწყარებს. წინასამყაროს — კონვერგენციის შინაგან ფაქტორს — პერსონის იმანენტური მიზეზობრიობა, ენტელექტია წარმოადგენს. მაგრამ იგი არაა, თურმე, „წმინდა მემკვიდრეობა, არამედ პერსონის

²³⁴ 3, 15.

მთლიანი სიცოცხლის მეშვეობით უკვე გაელენთილია კონვერგენციით (konvergenz getrunkt)²¹³. ასეთი „გაელენთვა“ იმის წყალობითაა შესაძლებელი, რომ პერსონას სახვის უნარი -- პლასტიკურობა — გააჩნია. გარემოსამყაროს ზეგავლენით იცვლება პიროვნების დისპოზიციური რომელობა, ენტელექტია. ისე, რომ კონვერგენციის ნაყოფი მხოლოდ ცალკეული კონკრეტული ვლენა კი არაა, არამედ თვით პერსონაც, რომელიც კონვერგენციის ყოველ მომდევნო კონკრეტულ აკუტურ აქტში მისი (კონვერგენციის) შინაგანი ფაქტორის როლში გამოდის. ამ აზრთამსვლელობას ლოგიკურ დასრულებამდე თუ მივიყვანთ, უნდა დავასკვნათ, რომ პერსონა თვითონაც გარემოსამყაროს პროდუქტია. ამითი, რა თქმა უნდა, გაბათილება პერსონის ორიგინალურობა, თავისთავადობა, აქტიურობა და მივიღებთ „ველის ძალთა“ თეორიას, რომელსაც ავტორი არავითარ შემთხვევაში არ დაეთანხმება: პერსონის სუბსტანციურობა და პერსონალიზმის მთელი აზრი მოცსობა, გაქარწყლდება ასეთი დამშეებით. ამიტომ, ავტორი ცდილობს დაუტოვოს პიროვნებას ადგილი და როლი კონვერგენციაში. და კონვერგენციის „შინაგან ფაქტორად“ აღიარებს პიროვნების თანშობილ მომენტს, თანშობილ მსარესა თუ რაობას — „წინასამყაროს“ (Vorwelt) სახით. ამის დაშვებას ერთი დასკვნა მოსდევს: პიროვნება რეალურ ყოფაში არასოდეს არაა მხოლოდ „შინაგანის“, მხოლოდ მემკვიდრეობის განხორციელება, რადგან დაბადებისთანავე იგი კონვერგენციაში მოდის გარემოსამყაროსთან და, კიდევ მეტიც, პრე-ნატალურ მდგომარეობაშივე იგი უკვე კონვერგენციის პროდუქტია. კონვერგენციის პირველი ფაქტი ქრონოლოგიურად თანხვდება ინდივიდუური პერსონის არსებობის პირველ მომენტს და არა მარტო ქრონოლოგიურ გარეგნულ თანხვდრას აქვს ადგილი, არამედ ლოგიკურ ერთიანობას, რადგან პერსონის არსებობა მის სამყაროში არსებობას ნიშნავს. მართალია, პერსონა გაჩენისას არაა *tabula rasa*, არამედ, თუ შეიძლება ასე ითქვას, „აპრიორული“ ენტელექციის მატარებელია, მაგრამ კონვერგენციის ესოდენ შორს გატანით ინდივიდის ისტორიის დასაბამისკენ, პიროვნება-ენტელექტია ფაქტიურად გარემოსამყაროისეულ ძალთა მიყენების, საკუთარ შინაარსს მოკლე-

ბულ პუნქტად ისახება. ამით არაჩვეულებრივ იზრდება გარეგანი ფაქტორის როლი კონვერგენციაში, შინაგანისა კი — მინიმუმზე დაიყვანება, სახელდობრ, პერსონის მხოლოდ და მხოლოდ არსებობაზე. თითქოს შეიძლებოდა გვეთქვა: „პერსონაში არაფერია ისეთი, რაც წინასწარ არ ყოფილა კონვერგენციაში“-ო და ამით ემპირიზმისათვის ხელსაყრელ გაშუქებას მიიღებდა საკითხი (თუმცა კონვერგენცია სხვაა, ვიდრე გარემოსამყარო!); მაგრამ ამ ფორმულას უნდა დაემატოს ფილოსოფიის ისტორიაში ასევე კარგად ცნობილი „გარდა“: „გარდა თვით პერსონისა“: და ამ დამატების ძეობებით საკითხი კვლავ ნატივიზმის სასარგებლოდ გადაწყდება, რადგან პერსონა, რომელიც აქ არის ნაგულისხმევი, არ შეიძლება მხოლოდ და მხოლოდ გარემოსამყაროს ნაყოფი იყოს, არამედ—ნისთვის დაპირისპირებული არსება. რეილურ პიროვნებას, ავტორის თანახმად, წინასამყაროს და გარემოსამყაროს კონვერგენცია ქმნის. მაგრამ კონვერგენციის პირველ აქტში შინაგან ფაქტორად წმინდა სახიო უნდა იყოს მოცემული წინასამყარო. სხვაგვარად შეუძლებელია საქმის ვითარების გააზრება. ასე რომ არ იყოს და კონვერგენციაში მონაწილე პერსონა. პრინციპულად მხოლოდ გარესამყაროს ძალთა გადაკვეთის წერტილი რომ ყოფილიყო, მაშინ არავითარ კონვერგენციაზე აღარ იქნებოდა ლაპარაკი, რადგან კონვერგენციისთვის უსათუოდ ორი ფაქტორია საჭირო.

ნამდვილად ასე რომ იაზრებოდეს საქმის ვითარება ვ. შტერნის მიერ (ქვემოთ ვნახავთ, რომ ბოლომდე თუ გაეიზრებოთ კონვერგენციის ჰეგმარიტ რაობას პერსონალიზმის საერთო ფონზე, სხვაგვარ დასკვნას მივიღებთ) კონვერგენციის მოძღვრების მდგომარეობა ძალიან უნუგეშო იქნებოდა. პერსონისა და სამყაროს დაპირისპირებისას დუალიზმთან გვაქვს საქმე. ამ შემთხვევაში არსებითი მნიშვნელობა არა აქვს სულისა და სხეულის დუალიზმი იქნება ეს, თუ პერსონისა და ნივთის დუალიზმი — კაცობრიობის აზროვნების ისტორიას საკმაო გამოცდილება აქვს გათიშული სუბსტანციების ურთიერთზემოქმედების ახსნის უნაყოფო ცდებისა, რომ ღირდეს ასეთი ცდის გააყოლება. შემდეგში საგანგებოდ მექნება მსჯელობა იმის შესახებ, თუ როგორ სცადა ვ. შტერნმა სულისა და სხეულის დუალიზმის მოხსნა პერსონის ფსიქოფიზიკური ნეიტრალობით. აქ საქმე ეხება პერსონისა და სამყაროს (ანუ ნივთის) დუალიზმს, ანუ „დიალექტიკურ ერთიანობას“, როგორც ავტორს.

პკონია. თუ კონვერგენციის თეორიის შესახებ მსჯელობას იმ დებულებით დავიწყებთ, რომ პერსონას უპირისპირდება სამყარო, როგორც ობიექტი, როგორც „არა-მე“, — ამ თეორიის შესახებ მხოლოდ ის დასკვნა შეიძლება გამოვიტანოთ²⁶⁶, რომ ამ ორი ფაქტორის თანსევედრა შემთხვევითია, პრინციპულად ვერ იქნება პერსონის ტელეოლოგიით წარმართული, და პერსონული გამოვლენანი, რამდენადაც ისინი გარემოსამყაროსიეული ფაქტორითაც არიან პირობადებულნი, სრულიად მოუწესრიგებელნი, არაკანონზომიერნი და მიზანშეუწონელნი არიან. ამ პირობებში რაიმე განვითარების შესახებ ფიქრიც კი არ შეიძლება. კონვერგენციის ნამდვილ ამოცანას კი სწორედ პერსონის განვითარების მექანიზმის გაგება შეადგენს, რადგან კონვერგენცია პერსონის სამყაროსთან ურთიერთობის, სამყაროს გარემოცვაში ყოფის, ე. ი. პერსონის რეალური არსებობის ფორმაა; ხოლო არსებობა ნიშნავს სიცოცხლეს, ანუ თვითგანვითარების მიზნების უწყვეტ განხორციელებას; იმ მიზნებისა, რომელთა ბისთვისაც განხორციელების პირობების შექმნა ერთადერთი აზრია პერსონის მთელი დანარჩენი ავტორტელიისა.

არ ღირდა სულისა და სხეულის დუალიზმის გადაღახვა; თუ მის ნაცვლად პერსონისა და ნიუთის (სამყაროსი) დუალიზმი შეგვჩიბოდა ხელთ! აზროვნების განვითარების ისტორიაში ჩვეული და გასაგებიცაა ერთი უკიდურესობის წინააღმდეგ ბრძოლისას მეორე უკიდურესობაში ჩაყარდნა, ერთი აზრის მცდარობის დასაბუთება მეორე, შეიძლება, არანაკლებ მცდარი აზრით, ვ. შტერნსაც შეიძლებოდა დამართოდა ასეთი რამ. პერსონის ცნება მან წამოაყენა, როგორც ფსიქიკურისა და ფიზიკურის გათიშულობის მიღმა მდგომი, ფსიქოფიზიკურად ნეიტრალური „მეტაფსიქოფიზიკური“ არსების ცნება. ძირითადი შეცდომა ვ. შტერნისა სწორედ ესაა: მან სათანადოდ ვერ ისარგებლა, მართალია, მეთოდოლოგურად უმართებულად მიღებული, მაგრამ არსებითად სწორი წინამძღვრით, რომ არსებობს ობიექტური სამყარო. ამ დებულებაზე შეიძლება ისეთი ფილოსოფიის. აგება, რომლის ნიადაგზე თავისუფლად მოიხსნებოდა სულისა და სხეულის დუალიზმი, რამდენადაც სული სხეულის თვისებად იქნებოდა გაგებული. ამ საქმის ახლად გაკეთება არც კი დასპირდებოდა ვ. შტერნს; ეს საქმე უკვე გაკეთებულა

²⁶⁶ რომელიც დ. უზნაძემ გამოიტანა 1933 წ. (მოხსენება საფსიქოლ. საზ-ში).

იყო, საჭირო იყო მხოლოდ მისი გააზრება და ფსიქოლოგიური მე-
ცნიერების სპეციალურ სფეროში გამოყენება.

ვ. შტერნი, სრულიად უეჭველად, დიალექტიკოსია თავისი
აზროვნების ყაიდით. წინააღმდეგობათა ერთიანობა (მთლიანობა),
გამსჭვალავს მის ფილოსოფიასაც და ფსიქოლოგიასაც. ყოველ
თეზისს მოეპოვება ანტითეზისი და, ბოლოს, ორივე მოიხსნება
უმაღლეს სინთეზით: თვით კრიტიკული პერსონალიზმიც, როგორც
მსოფლმხედველობა, გულუბრყვილო-პერსონალისტურისა და
იმპერსონალისტური მსოფლმხედველობათა სინთეზად მიაჩნია
ავტორს. პერსონის მაზნისეულობაში ავტოტელიისა და პეტერო-
ტელიის სინთეზს ინტროცეფცია წარმოადგენს. პიროვნების საკუ-
თარი განზომილება — ჩანერგილობა — გამოყოფილობის, სიღრმე-
ზედაპირის დიალექტიკაზეა აგებული; დიალექტიკური აზროვ-
ნებითაა ნაკარნახევი თანამედროვე ფსიქოლოგიის უპოპულარუ-
ლესი ცნების — გეშტალტის — ანტითეზისის, „უნგეშტალტის“
პოზიტიურ რომელობად აღიარება; პერსონის სტრუქტურა, რო-
გორც მრავლიანობის ერთიანობა, აგრეთვე დიალექტიკურია და სხვ.

ძირითადი წინააღმდეგობა კი უნდა იყოს პერსონისა და ნივ-
თის წინააღმდეგობა. არის კი ნამდვილად მოცემული ვ. შტერნის
სისტემაში პერსონისა და ნივთის დიალექტიკური წინააღმდეგო-
ბა? — მე ვფიქრობ, რომ არა.

წინააღმდეგობათა დიალექტიკური ერთიანობის (მთლიანობის)
შესახებ მხოლოდ იქ შეიძლება ლაპარაკი, სადაც ანტითეზისიც ისე-
ვე, როგორც თეზისი პოზიტიურად შეიძლება იქნეს დახასიათებუ-
ლი. ეს ვ. შტერნმაც იცის (და ამიტომაც, რომ, მაგალითად, უნგეშ-
ტალტის ცნების დადგენისას, საგანგებოდ ამხევილებს ყურადღებას
იმ გარემოებაზე, რომ უნგეშტალტი არ უნდა გვესმოდეს როგორც
ცუდი გეშტალტი ან გეშტალტურობის არ-ქონება, არამედ — რო-
გორც პოზიტიური როგორობა). ნივთის ცნება კი, ამ თვალსაზრი-
სით, სრულიად არადამაკმაყოფილებელია ამ ცნების განსაზღვრე-
ბა, არსებითად, ნეგატიურია. ეს გარემოება სამყოფია ცნების ლი-
რებულებაში შესაეკვებლად. მაგრამ მას მეორე მანკიც აქვს: ის,
რაც პოზიტიურ დახასიათებას უნდა წარმოადგენდეს ნივთისას,
მხოლოდ — თუ შეიძლება ასე ითქვას — გრამატიკულადაა პოზი-
ტიური დახასიათება, ლოგიკურად კი — აბსურდია: ზემოთ დაწვრი-
ლებით განვიხილე (იხ. გვ. 228—229) აბსოლუტური ნივთის რეა-

ლურად არსებობის შეუძლებლობაც და აბსოლუტური ნივთის ცნების გაუმართლებლობაც. პერსონისთვის დიალექტიკურად მისი დაპირისპირების თვალსაზრისით კი ამის გარეშეც უფარგისა იგი. რომ არსებულყო აბსოლუტური ნივთი, იგი თუმც უმდაბლესი, მაგრამ მაინც პერსონა უნდა ყოფილიყო და, ამდენად, არავითარი წინააღმდეგობა პერსონისა და ნივთის შორის მაინც აღარ იქნებოდა. და კიდევ: ავტორის თანახმად ყოველ არსებულ ადამიანს მხოლოდ პერსონის სახით შეუძლია იაზროს, ისე რომ ნივთი, რომც არსებობდეს, ჩვენი შემეცნებისთვის იგი მიუწვდომელი იქნებოდა. მაგრამ ვ. შტერნის ნივთი არაა კანტის თავისთავადი საგანი. ერთ-ერთი მიზეზი ნივთის „ნივთად“ სახელდებისა შეიძლება სწორედ იმის შიშიც იყოს, რომ შეუცნობელი საგნის არსებობის აღიარება არავის დაეწამებია ავტორისთვის, თორემ ტერმინი „საგანი“ (Ding) საკმაოდ პოპულარულია გერმანულ ფილოსოფიაში იმისთვის, რომ ახალი ტერმინების ძებნა აღარ გამხდარიყო საჭირო.

გაუგებრობის შთაბეჭდილება რომ არ შეიქმნას, უნდა ვთქვა, რომ „გარესამყარო“ და „ნივთს“ სავსებით შეგნებულად ვაიგივებ. კონვერგენციის პრობლემის პლანში ისინი, შეიძლება ითქვას, სინონიმებია.

ფრიად ნიშანდობლივია ავტორის აღსარება: ადამიანს იმთავითი რწმენა, რომ არ ჰქონოდა ობიექტური სამყაროს არსებობისა—ვერავითარი დისკურსია ვერ შექმნიდა, ვერ „გამოიყვანდა“ სუბიექტიდან ობიექტს (იხ. გვ. 44). ავტორს სწამს ობიექტური სამყაროს არსებობა და მისი არსებითი, აზრითი კავშირი პერსონასთან. ობიექტური სამყაროს არსებობის დასაბუთებაზე ავტორი, როგორც ვიცით, უარს აცხადებს და რწმენის საგნად აღიარებს მას. პერსონასთან მისი კავშირის კვლევა კი პერსონალისტიკის ერთ-ერთ ძირითად ამოცანად მიაჩნია.

ზევით (გვ. 44) ჩვენ ვნახეთ, რომ პერსონას კავშირი აქვს არა სამყაროსთან საერთოდ, არამედ ე. წ. პერსონულ სამყაროსთან. ამ სამყაროს შედგენილობაში მხოლოდ ის შედის ობიექტური სამყაროდან, რასაც მნიშვნელობა აქვს პერსონის სიცოცხლისთვის. მაგრამ ობიექტური სამყაროს ვერც ერთი შოვლენა თავისით ვერ შევა პერსონულ სამყაროში. „ყოველი ინდივიდის გარემოსამყაროს შერჩევა და შემოფარგვლა თვით ინდივიდის მონაწილეობით ხდება. არ არსებობს გარემოსამყარო, როგორც სრულიად უცხო, არაპერსონული,

ერთმნიშვნელოვნად გარედან მომქმედი ძალა²²⁷. მოკლედ პერსონა თითონ ქმნის თავის სამყაროს. „გაველენები, რომლებიც პერსონაზე გარედან (სამყაროდან) მოქმედებენ, წმინდა სახის უცხო მოვლენები კი აღარაა, მარტო და მხოლოდ გარემოს ელემენტები კი აღარაა — არამედ პერსონის მიერაა უკვე შერჩეული და ჩამოყალიბებული“²²⁸. ე. ი. კონვერგენციის გარეგანი ფაქტორი, კონვერგენციის ყოველ კერძო შემთხვევაში, უკვე კონვერგენციის პროდუქტი ა!

კონვერგენციის შინაგანი ფაქტორის — პერსონის — მდგობარეობაც ანალოგიურია. მაგრამ მე ვცადე (იხ. გვ. 244) ნათელშეყო, რომ ინდივიდის ისტორიაში არის ერთი მომენტი, როდესაც პერსონა კონვერგენციაში მონაწილეობს, თუ შეიძლება ასე ითქვას, წმინდა, აღრინდელი კონვერგენციების მიერ შეურყვინელი რაობით. ეს უნდა იყოს პერსონის ისტორიის დასაწყისში, პერსონის გაჩენის მომენტში. პერსონული სამყაროსთვის აზრი არა აქვს ასეთი მომენტის ძიებას „ისტორიის სათავეებში“, რადგან პერსონულ სამყაროს არ გააჩნია ისტორია: ცალკეულ სიტუაციებს შორის არ არსებობს შინაგანი მიმდებლობა, მათი თანამიმდევრობა „გარედან“, ტრანსცენდენტურადაა, განსაზღვრული პერსონის სიცოცხლის მიმდინარეობის უწყვეტობით. ყოველი სიტუაცია ერთხელობრივია, წარმავალია და განუმეორებელია, სიტყვის ნამდვილი მნიშვნელობით. ამიტომ მისი გენეზისის შესწავლაში ვერც ერთ კერძო შემთხვევას ვერ მივანიჭებთ უპირატესობას: კონვერგენციის ყოველ კერძო შემთხვევაში სამყარო უკვე პერსონული ზემოქმედების შედეგია, უკვე „პერსონული სამყაროა“. იგი არაა ობიექტური სამყაროს ობიექტური მონაკვეთი (Slice), რადგან მისი ბუნება არსებითად განსხვავებულია ობიექტური სამყაროს ბუნებისაგან; იგი არის სუბიექტურად²²⁹ ასახული ობიექტური სამყარო. ასახვის პროცესში ხდება ობიექტური სამყაროს არსებობის ძირითადი ფორმების: დროისა და სივრცის ძირიან-ფესვიანი გადახალისება; პერსონას ურთიერთობა აქვს ამგვარად ასახულ სამყაროსთან, მხოლოდ ამ-

²²⁷ 5,87.

²²⁸ 3,102.

²²⁹ გ. შტერნი ამბობს, რომ „პერსონული“ სამყაროს ნაცვლად შეიძლება ობიექტური სამყაროს შესახებ გველაპარაკა, ცნობიერების ელფერი რომ არ ქქონოდა ტერმინს: „სუბიექტური“-ო. იხ. 1,123.

გვარად ასახული სამყარო არსებობს მისთვის²⁴⁰. კონვერგენციას წინ უსწრებს ასახვა! მაგრამ ასახვა ხომ ურთიერთობაა? ამრიგად, კონვერგენცია შეიძლება იყოს მხოლოდ მეორადი (ლოგიკურად) ურთიერთობა, დაფუძნებული პირველადს ურთიერთობაზე. რომლითაც ხდება ობიექტური სამყაროს გასუბიექტურება. ამ პირველადი ურთიერთობის შესახებ ავტორი არაფერს ამბობს. ჩანს, მას არც უგრძენია მისი აუცილებლობა.

ზემოთ (გვ. 244—245) ენახეთ, რომ კონვერგენციის თეორიას დუალიზმში ჩავარდნის საფრთხე მოელოდა; პერსონისა და სამყაროს კავშირი მხოლოდ უბრალო შემთხვევის საქმე უნდა ყოფილიყო, თუ სამყარო გააზრებულ იქნებოდა, როგორც ჰეგელის „არა-მე“. თეორიის შემდგომმა განვითარებამ ააყენა მას დუალიზმის საფრთხე. პერსონული სამყაროს პრობლემის დაბეჭითებით დამუშავებამ²⁴¹ ნათელყო პერსონისა და პერსონული სამყაროს კონტაქტის შესაძლებლობა და მეტიც — კანონზომიერება. მაგრამ ეს კონტაქტი ძალიან ძვირად დაუჯდა პერსონალიზმს. ამისთვის აუცილებელი გახდა სრულიად თავისებური — „პერსონული“ — სამყაროს აგება. პერსონას კონტაქტის შესაძლებლობა მიეცა სამყაროსთან, მაგრამ ეს სამყარო. თუ შეიძლება ასე ითქვას. „მის-შიერი“, სუბიექტური სამყაროა; ობიექტური, ე. ი. პერსონისგან დამოუკიდებლად არსებული სამყარო კი, რომლის არსებობა პერსონალისტურია მსოფლმხედველობის პირველ პოსტულატად იყო გამოცხადებული, სრულიად შეუვალი დარჩა პერსონისთვის. პერსონა იქცა „ერთადერთად“, სამყარო — „მის საკუთრებად“, რისაც ასე ეწინოდა ავტორს²⁴².

ასეთი დასკვნის გამოტანას გვაიძულებს ლოგიკური აუცილებლობა. ვ. შტერნი, შეგნებულად, უსათუოდ წინაღუდგებოდა ასეთ დასკვნას. მაგრამ ენახოთ, მართლა არსებითად შეუთანხმებელია იგი პერსონალიზმის ძირითად მოსაზრებებთან?

პერსონალიზმის სისტემაში მნიშვნელოვან როლს ასრულებს ყოველადპერსონა. ჩემი აზრით, იგი მიუღებელია ამ სისტემისთვის, მრავალი საბუთით (იხ. გვ. 231—232), რომელთა შორის ძირითადია

²⁴⁰ თითქმის: „esse est percipi“!

²⁴¹ Personalistik als Wissenschaft, 1930.

²⁴² იხ. 3,95.

გარესამყაროს-მოკლებულობა. მაგრამ ავტორს უდავოდ დაშვებუ-
ლი აქვს მისი არსებობა. რა შეეძლო ეთქვა მას მოტანილი კონტრარ-
გუმენტის წინააღმდეგ? ილბათ მხოლოდ ის, რომ, საყოველთაოდ,
პერსონისა და გარესამყაროს შორის საზღვარი მკაფიო ხაზს კი არ
წარმოადგენს, არამედ შემოგარეს, სფეროს (Bereich), ისე რომ
ზუსტად არ შეიძლება დადგენილ იქნეს პუნქტი, თუ ხაზი, სადაც
თავდება პერსონა და იწყება სამყარო; ეს, განსაკუთრებით, სიცო-
ცხლის ვიტალურ მოდუსშია თვალსაჩინო. მეორე მხრივ, პერსო-
ნული განზომილების შუაგულს, ე. წ. „ცენტრალურ პერსონას“,
გააჩნია საკუთარი შინაარსი, რომელიც განვითარებისდაკვალად,
თანდათან გამოეყოფა გარესამყაროს, როგორც შედაჩებით დამო-
უკიდებელი წარმონაქმნი — შინა-პერსონა²⁴⁸. პერსონისა და სამყა-
როს დიფერენციული განუთიშველობისგან, რომელიც სიცოცხლის ვი-
ტალურ მოდუსს ახასიათებს, შესაძლებელი გახდა შინა-პერსონის
გამოკვეთა იმის წყალობით, რომ შემოგარეს ფართო, დიფერენციული
განფენილობა შევიწროვდა და „საზღვრად“ იქცა. პრინციპულად
დასაშვებია უნდა იყოს შემოგარეს იმდენად შევიწროვება, რომ იგი
(თვალსაჩინო ანალოგიები რომ მოვიშველიოთ) მკაფიო წრეხაზად
იქცეს, რომლის „შიგ“ მხოლოდ შინა-პერსონა მოექცევა თავისა
საკუთარი შინაარსით, მთელი დანარჩენი სამყარო კი ამ წრეხაზის
„გარეთ“ დარჩება. ასეთ შემთხვევაში პერსონას საკუთარი შინა-
არსისგან მოუხდება საკუთარი „სამყაროს“ აგება. მხოლოდ ასე
შეიძლება ვიაზროთ ყოვლადპერსონის შემთხვევა: იგი ხომ საკუ-
თარი შინაარსის მასალით აგებს საკუთარ პერსონულ სამ-
ყაროს, რომელიც, ამ კერძო შემთხვევაში, ერთადერთი ობი-
ექტური სამყაროცაა. მაგრამ ანალოგიურად აგებული ინდი-
ვიდუური პერსონული სამყარო არ იქნებოდა ობიექტური სამყა-
რო, არამედ პირიქით, — სავსებით „სუბიექტური“ სამყარო.
პერსონული სამყაროს განსხვავება ყოვლადპერსონული სამყაროს-
გან კვანტიტეტურიდან კვალიტეტურად იქცევა: ყოვლადპერსონას
კავშირი აქვს ყოველივე არსებულთან, რამდენადაც იგი თვითაა
ყოველივე არსებულის ერთობლიობა. ინდივიდუურ პერსონას კი, ამ
შემთხვევაში, აღარაფერთან აღარ ექნებოდა კავშირი, იგი სრუ-
ლიად განცალკევებული და თავისთავში დახშული იქნებოდა.

²⁴⁸ იხ. 5, 117.

მაშასადამე, თუ ყოვლადპერსონა გამართლებულია პერსონა-ლიზმის თვალსაზრისით, მისთვის მისაღები უნდა იყოს ჩვენ მიერ მიღებული დასკვნა პერსონისა და ობიექტური სამყაროს ურთიერთშეუვებლობისა, პერსონული სამყაროს „პერსონოგენურობისა“.

პერსონულმა სამყარომ გააბათილა ობიექტური სამყაროს მნიშვნელობა პერსონისთვის და პერსონა უსაშველოდ კარჩაკეტილ აბსოლუტურ „მე“-დ აქცია. ჰემმარიტად შეიძლება ითქვას ამ შემთხვევაში ვ. შტერნის შესახებ:

„თვით ამზობენ მას, რის აღდგენაც ჰსურთ,
თვით კშველიან მას, რასაც ებრძვიან“.

საბოლოოდ ასე უნდა შევაფასოთ კონვერგენციის თეორია: უდავოდ დადებითი, პროგრესული მნიშვნელობა აქვს ნატივიზმისა და ემპირიზმის ცალმხრივობათა დაძლევის განზრახვას; კონვერგენციის თეორია — პირველი ასეთი ცდაა ფსიქოლოგიის ისტორიაში²⁴. მაგრამ მარტო განზრახვა არაა სამყოფი თეორიის შესაქმნელებლად. ამისთვის, უწინარეს ყოვლისა, საჭიროა მტკიცე საფუძველი; ასეთ საფუძველს უნდა შეადგეცდეს, ერთი მხრივ — ობიექტური სამყარო, მეორე მხრივ — პერსონა. ერთიც და მეორეც რწმენის საგანია ვ. შტერნისთვის. მაგრამ რწმენის ეს ორი საგანი ფორმალურ ლოგოკურ (და არა დიალექტიკურ, როგორც ავტორს ჰგონია!) წინააღმდეგობაშია ურთიერთთან, და ამიტომ მწყობრი თეორიის აგება ვერ ხერხდება მათ ნიადაგზე.

ფსიქოლოგიური საფუძველი ასეთი უქმარობისა ისაა, რომ ვ. შტერნის მოძღვრებას ორი წყარო აქვს: ფილოსოფიური სპეკულაცია და ფსიქოლოგიური ემპირია. თითონ ავტორი აღიარებს, რომ ფილოსოფიის სისტემის როგორცაა ზოგადადამიანურისა და კულტურის ფაქტორის გარდა, აგრეთვე შემოქმედის ინდივიდურობითაცაა განსაზღვრული. და თუ ასეა, — მის საკუთარ ფილოსოფიაზე იმან იქონია გავლენა, რომ ავტორი პროფესიით (და არა მარტო პროფესიით, არამედ მოწოდებითაც) ფსიქოლოგი იყო. ვცდი ამ ჩემი მოსაზრების დასაბუთებას.

ვ. შტერნის მეთოდის ერთი დიდი ნაკლია რწმენის ლეგალიზაცია.

²⁴ Düring: „Gegenüber diesen einseitigen Anschauungen (ნატივიზმი და ემპირიზმი) ... vertritt nun Stern eine ganz neuartige, in solcher Allgemeinheit noch niemals aufgestellte Theorie“. გვ. 408.

შინაარსობლივად არ შეიძლება დავეთანხმოთ ზოგიერთ მის მრწამსს, მაგალითად, ობიექტური სამყაროს არსებობისას, რაც მისი ფილოსოფიის ძირითად პოსტულატს შეადგენს. მაგრამ თვით მეთოდური პოსტულაციისა სრულიად მიუღებელია. აშკარად (explicite) — მხოლოდ ერთხელ მიმართავს იგი ამ მეთოდს, — აღნიშნული არქიპოსტულატის (Urpostulat) დასადგენად. მაგრამ ფაქტიურად ჩუქუნა არა მარტო სისტემის საფუძვლად სჭირდება ავტორს სისტემის შინაარსშიც საკმაო რაოდენობითაა იგი შეტანილი. ზემოთ დავრწმუნდით, რომ პერსონის ცნებაც რწმენაზე აგებულია და არა დისკურსით გამოყვანილი ობიექტური სამყაროს არსებობიდან. უკეთ რომ ვთქვა: პერსონის ცნება პეტროგენულია (სიტყვის ნამდვილი, ეტიმოლოგიური მნიშვნელობით) ფილოსოფიის სისტემისთვის. „პერსონა და ნივთის“ პირველივე ტომის პირველივე გვერდებზე²⁴⁵ ავტორი ამბობს, რომ პერსონის ცნების გამოყენება ადამიანის გარემდებარე სფეროების მიმართ ისევე არაა ანტროპომორფიზმი და მითოლოგიისკენ უქუქვევა, როგორც არ აქცევს მითოლოგიად ფიზიკას „ძალის“, „მუშაობის“ და „ენერჯის“ ცნებების ხმარებათ.

საკირო არაა ამონაწერების მოტანა იმის დასადასტურებლად, რომ ავტორი დაუცხრომლად, მაგრამ ამაოდ, იბრძვის პერსონის ანტროპომორფულობის შთაბეჭდილების გასაქარებლად. მაგრამ qui s'excuse—s'accuse!²⁴⁶.

ადამიანის პიროვნების კვლევისთვის მიძღვნილ ოხზულებას იგი იმის აღნიშვნით იწყებს, რომ პერსონის ცნება წარმოშობით და საყოველღეო სიტყვახმარების მნიშვნელობით ადამიანთანაა მხოლოდ დაკავშირებული: „ადამიანი რომ პიროვნებაა, ეს არც მეტაფიზიკური სპეკულაციაა, არც მეტად თუ ნაკლებად მტკიცე რწმენა, არამედ ყველაზე უფრო უეჭველი რამ, რაც კი შეიძლება არსებობდეს (das Gewisseste, das es gibt)“²⁴⁷. ფრიად საგულისხმოა ამ დებულების ფორმა. აზრი ადამიანის პიროვნულობის შესახებ რწმენაზეც კი უფრო უეჭველი რამ ყოფილა. გასაგებია, რომ იგი ძალიან ძლიერ ცთუნებას წარმოადგენს — მთელი სინამდვი-

²⁴⁵ „Person und Sache“, B. 1, S. 14.

²⁴⁶ ვინც ბოდიშს იხდის—ბრალს იღებს.

²⁴⁷ ვ.ვ.

ლევ ისეთივე თავისთავად გასაგები გაჰხადო, როგორც ადამიანის პიროვნულობაა. ვ. შტერნი ამ ცნებას, სათანადო ცვლილებებით. მთელ სინამდვილეზე განავრცობს. იცვლება ტერმინიც: „პიროვნება“ ადამიანს შეეხება, „პერსონა“ („პირი“) — ადამიანის ანალოგიურ სხვა წარმონაქმნებს. პერსონის ცნება უფრო ზოგადია, ვიდრე პიროვნებისა; ეს უკანასკნელი პირველის სახეობაა, მისგან განცდისუნარიანობის სპეციფიკური ნიშნით განსხვავებულად. ეს ორი ცნება ურთიერთზე მოქმედებს და ურთიერთს აყალიბებს. პერსონის ცნება იქმნება პიროვნების ცნებისთვის სპეციფიკური ადამიანური ნიშნების ჩამოცილებით, პიროვნების ცნება — პერსონის ცნებას სპეციფიკაციით. პირველწყაროდ, ნიმუშად, პროტოტიპად პერსონისა კი, უდავოდ, ადამიანის პიროვნება რჩება.

ზემოთ უნდა დავრწმუნებულყოფით, რომ პერსონის ცნება დამაკმაყოფილებელი არ აღმოჩნდა კოსმოსის ასაგებად. რადგან თვით არ ყოფილა შინაგანად გამართული და შინაგან წინააღმდეგობამდე მივიდა იერარქიის უკიდურეს საფეხურებზე. ყოველივე აქამდე ნათქვამი საკმარისად მიმანიჩა იმის ცხადსაყოფად, რომ პერსონა, როგორც სუბსტანცია, მიუღებელია. საჭიროდ არ მიმაჩნია სხვა საბუთების მოტანა იმის დასამტკიცებლად, რომ თანამედროვე ფილოსოფიისთვის სრულიად გაუმართლებელია სამყაროს პერსონული სახით არსებობის აღიარება.

პიროვნების ცნების გაზოგადების, მისი საყოველთაოდ გავრცელების მართებულება არაა ავტორის მიერ დასაბუთებული იგი მხოლოდ იმას ემყარება, რომ არსებულის გააზრება მხოლოდ პერსონის სახით ძალუძს ადამიანს. ავტორი სრულიად გარკვეულად ამბობს, რომ პერსონის ცნება წარმოადგენს პიროვნების ცნების გავრცელებას სინამდვილის გარეადამიანურ სფეროებზე²⁴⁸. და ეს გავრცელება, შეიძლება ითქვას, პირდაპირ უსაზღვროა. როგორც აღნიშნავენ, ვ. შტერნმა პერსონის ცნება ბევრად უფრო ფართოდ გაშალა, ვიდრე აქამდე იყო მიღებული წინამეცნიერულსა და მეცნიერულ სიტყვა-ხმარებაში. „ყოველი მთლიანობა, რომელიც მეტია, ვიდრე ავრეგატი, ვიდრე ნაწილების ჯამი, მისთვის პერსონა არის“²⁴⁹. ვ. შტერნს ნაჩვენები არა აქვს გზა, რომლითაც გავრცელდა პიროვნების ცნება ყოველივე არსებულზე. იგი მხოლოდ ფაქტს აღნიშნავს

²⁴⁸ 3,3.

²⁴⁹ Konstamm, Über Typen usw., 160.

ამ გავრცელებისას. ადამიანის „პიროვნულობიდან“ სამყაროს „პერსონულობის“ დასკვნის მექანიზმი. — ვ. შტერნისავე ტერმინი რომ ვიხმარო — მხოლოდ „ტრანსდუქციული“ მსჯელობის ნაყოფი შეიძლება იყოს. მაშასადამე, პიროვნების ცნების განზოგადება მეცნიერულად არაა გამართლებული და აბსოლუტურად არავითარ გარანტიას არ იძლევა დასკვნის მართებულობისას, წინამძღვრისადმი მისი შესატყვისობისას. თუ „ადამიანი — პიროვნებაა“, ეს არ ნიშნავს, რომ „ყოველი არსებული — პიროვნებაა“.

ადამიანის პიროვნება

(ინტროდუქცია. პროდუქციული თვითგანვითარება)

ვ. შტერნის ფსიქოლოგიის ამოსავალი დებულება ადამიანის პიროვნულობაა. ადამიანი ჩვენთვისაც ერთიანი პიროვნებაა, მაგრამ პიროვნების ვ. შტერნისეული გაგება არ ეთანხმება ჩვენ გაგებას.

ვ. შტერნის პიროვნების ცნების პირველი ნაკლია ბიოლოგიურობა. თავდაპირველად ავტორისთვის ადამიანის პიროვნება ყველა სხვა ბიოლოგიური პერსონებისგან მხოლოდ ცნობიერებით განსხვავდებოდა. პირდაპირ კარტეზიანული განსხვავებაა! მაგრამ თუ დეკარტისთვის ეს არსებითი, პრინციპული განსხვავება იყო ორი სუბსტანციისა, პერსონალიზმისთვის იგი არა ასევე მკაფიო და შეურიგებელი. ცნობიერებას აქ არა აქვს სუბსტანციური მნიშვნელობა, იგი მხოლოდ პერსონული სიცოცხლის შინაგანი ასახვაა და ადგილი აქვს იქ, სადაც გარესამყაროსთან კონვერგენცია დაპრობებებს ხვდება და კონფლიქტად იქცევა. იგი სიცოცხლის კონფლიქტური მხარის ამსახველი სარკეცაა და მისი დაძლევის საშუალებაც. და როგორც საშუალება, იგი სხვადასხვა როლს თამაშობს სიცოცხლის სირთულის სხვადასხვა საფეხურზე. განსხვავებული მიზნები მეტ-ნაკლებად მოითხოვს ცნობიერების დახმარებას და ეს მოთხოვნილება მატულობს „ქვე-ადამიანურიდან“ სპეციფიკურად-ადამიანურამდე. თვალნათლივ ჩანს, რომ აქ ავტორი მხოლოდ რაოდენობით განსხვავებას ხედავს. ამ პრინციპით ადამიანის სპეციფიკურობის დადგენას ცხოველის ცნობიერების საკითხის გაურკვევლობაც ართულებს. რამდენადაც ცხოველის სიცოცხლე ბიოსფერულ მოდუსში იშლება, ცნობიერებისთვის მასში ადგილი არ

მოიპოვება. მაგრამ რამდენადაც ბიოსფერული მოდუსი საგნობრი-
ვისაგან უფსკრულით არაა გამოყოფილი, არამედ გარდამავალ სა-
ფეხურების დადგენაა შესაძლებელი მათ შორის, ამდენად ცნობიე-
რების ჩანასახები ცხოველებშიც შეიძლება ვიგულისხმოთ.

1915 წელს ვ. შტერნმა ინტროცეფციის ცნება შეიმუ-
შავა. ავტორი ფიქრობს, რომ ამ ცნებით, რომელიც პეტეროტე-
ლიის ავტოტელიად მიღებას, ანუ სხვისი მიზნების „შინაგნად შეთვი-
სებას“ ნიშნავს, მონახულია ადამიანის სპეციფიკა. მის მიხედვით,
ინტროცეფციის შემწეობით ყველა მიზნების საკუთარ მიზნებამდე
შევიწროება კი არ ხდება, არამედ—მე-ს გამლა, გაფართოება მიკრო-
კოსმოსად. ინტროცეფციის ასეთ შეფასებას იზიარებს სხვა მხრე
შკაცრი კრიტიკოსი M. Sztern.

მე ვფიქრობ, რომ ინტროცეფციის ახალი ცნების შემოტანა
პერსონალიზმის სისტემაში არაა გამართლებული, რადგან ამ ცნე-
ბის აზრი უკვე პეტეროტელიაშია ნაგულისხმევი. ინტროცეფციის
ცნების დამუშავებით ავტორმა გაამახვილა ყურადღება იმ გარემო-
ებაზე, რომ სხვათა მიზნები „განსხვსებულად“ კი არაა მოცემული,
არამედ „შეთვისებულია“ ინდივიდის მიერ. ამის გააზრება სრული-
ად აუცილებელია. მართლაც: პერსონა, მისი არსის თანახმად, შე-
უძლებელია ესწრაფოდეს ისეთ რამეს, რაც აბსოლუტურად უცხოა
მისთვის. აბსოლუტურად უცხო, აბსოლუტურად გარემდებარე თუა
რამე, იგი არც არსებობს პერსონისთვის. ხოლო რაც არ არსებობს,
— ცხადია, ვერც იქნება მისი ყოფიერების წარმმართველი. შეიძ-
ლებოდა გვეფიქრა, რომ სადაც პეტერისტული მიზანი გაცნობიე-
რებით არის გაშუალებული, იქ ინტროცეფციასთან გვაქვს საქმე.
წინააღმდეგ შემთხვევაში კი — პეტეროტელიასთან. მით უმეტეს,
რომ ავტოტელიისა და პეტეროტელიის მორიგება „მარადიული
ჰარმონიის სამოთხე“ კი არაა, ავტორის თქმით, არამედ ბრძოლის
ნაყოფი²⁶⁰, იმ ბრძოლისა, რომელიც წარმოშობს ცნობიერებას. მაგ-
რამ ავტორი კატეგორიულად უარყოფს ცნობიერების მონაწილეო-
ბის არსებობას მნიშვნელობას ინტროცეფციისთვის. სულ ბევ-
რი, რა შეიძლება ითქვას ავტორის სიტყვებით ცნობიერების
როლის შესახებ ინტროცეფციაში, ეს ის, რომ: „ინტროცეფციის
წინასწარი პირობაა, რომ თავდაპირველად მე-ღირებულებასა და

არა-მე-ღირებულების მკაფიოდ იხოლაცია და დაპირისპირება მოხ-
დეს, რათა ამ ანტიეთიკიდან შესაძლებელი გახდეს „ინტროცეფ-
ციის სინთეზური აქტის აღმოცენება“, და კიდევ ის, რომ „ცნობიე-
რებაში ინტროცეფციის შ ე დ ე გ ი ც აისახება“²⁶¹.

ვ. შტერნი ამბობს: „ინტროცეფცია ერთი იმ უკანასკნელ მის-
ტერიათაგანია, რომლისაც არც ახსნა ძალგვიძს და არც დასაბუთება
ableiten), არამედ — მხოლოდ და მხოლოდ აღწერა“-ო²⁶². და
მრავალი მაგალითი მოჰყავს ინტროცეფციისა და ჰეტეროტელიის
სამივე სფეროდან (ჰიპერტელიისა, სინტელისა და იდეოტელიისა).
ინტროცეფციისადმი მიძღვნილი გვერდები ყველაზე უფრო პათეტ-
კური გვერდებია ვ. შტერნის თხზულებებისა. პათოსი გასაგებია
„Introzipiere!“ პერსონალისტური ეთიკის დევიზია, ინტროცეფცია—
ფორმალური საფუძველია მორალისა, მაგრამ ყველაფერი ეს ოდ-
ნაეც არაფერს მატებს ინტროცეფციის ცნების ჰეტეროტელიის
ცნებისაგან განსხვავების საქმეს. გულდასმითი შესწავლის შედეგად
პირველი შთაბეჭდილება ქრება და განმტკიცდება აზრი, რომ,
არსებითად, ჰ ე ტ ე რ ო ტ ე ლ ი ა და ი ნ ტ რ ო ც ე ფ ც ი ა ე რ თ ი
და ი გ ი ვ ე ბ

საქმე შემდეგშია: პერსონის კონსტიტუციური ნიშანი არის
თ ვ ი თ მიზნისეულობა და არა მიზნისეულობა ს ო გ ა ჯ ა დ: მიზა-
ნი ნივთსაც აქვს, მაგრამ ნივთს საკუთარი არსით ნაკარნახევი მიზა-
ნი კი არა აქვს, არამედ — გარედან ნაკარნახევი. რაკი ეგზისტენ-
ციალურად პერსონა და ნივთი ერთ ინდივიდში, ერთ წარმონაქმნ-
შია მოცემული, ამიტომ პერსონული (აუტისტური) და ნივთობრი-
ვი (ჰეტერისტული) მიზნისეულობის რეალური სუბიექტი ერთი და
იგივეა. რამდენადაც მასში ნივთობრიობის მომენტია განხორციელებ-
ული, ამდენად მიზანი შეიძლება უცხო (ჰეტერისტული) იყოს
მისთვის. ხოლო რამდენადაც პერსონული მომენტი, პერსონული
მხარეა მოცემული, ამდენად მიზანი იმანენტური უნდა იყოს. ავტო-
ტელიისა და ჰეტეროტელიის განსხვავება მხოლოდ ობიექტური
თვალსაზრისით, ე. ი. „გარედან“ შეიძლება. პერსონის, როგორც
ასეთის, თვალსაზრისით ჰეტეროტელია, სიტყვის ნამდვილი მნიშე-
ნელობით, არ არსებობს, რადგან ყოველი მიზანი, რომელიც პერ-

²⁶¹ 4,354.

²⁶² 3,58.

სონას აქვს, — მას აქვს, ანუ მისია. ავტოტელიისგან ჰეტეროტელიის მკაფიოდ გამოჩენა ობიექტურადაც შეუძლებელია, რადგან პერსონა მკაფიოდ არაა გამოჩენილი გარემოსგან. საზღვარი მათ შორის დიფუზურია. მაგრამ პრინციპულ სიძნელეს ასეთი გამოჩენა არ შეიცავს. სუბიექტური თვალსაზრისით კი გამოჩენის საკითხის დასმაც არ შეიძლება. მაგალითად: შთამომავლობაზე ზრუნვა, ობიექტურად, ჰეტერისტულია. სუბიექტურად? ... მგონი. შეუძლებელია იმისავე თქმა! განა მშობელი რომელიც შეიღზე ზრუნავს, მხოლოდ ნიეთობრიობის ხასიათით ვლინდება? ნამდვილად ნიეთობრივი ხასიათისაა კალამი, რომლითაც, ვთქვათ, მე ახლა ვწერ. ის ემსახურება ჩემ (ე. ი. მისთვის ჰეტერისტულ) მიზნებს. მაგრამ ამ შემთხვევაში კალამის მიზნისეულობაზეც არ შეიძლება ლაპარაკი. მიზანი, იმ აზრით გაგებული, რა აზრითაც შეიძლება ლაპარაკი სხვადასხვა მხრივ მიმართული მიზნების არსებობის შესახებ, მხოლოდ აქტიურ არსებას შეიძლება ჰქონდეს. ადამიანაც შეიძლება ჩაეარდეს წმინდა ნიეთის მდგომარეობაში. მაგალითად, თუ იგი უბედური შემთხვევის მსხვერპლი გახდა; ამ შემთხვევაში იქნებ კიდევ შეიძლებოდეს თქმა, რომ ამით იგი მოემსახურა ჩვენთვის მიუწვდომელ მიზნებს ყოვლადპერსონისას. მაგრამ ყოვლად შეუძლებელია ამ უბედური შემთხვევის რაგინდა რაგვარად დაკავშირება პერსონულ ტელეოლოგიასთან. ვიმეორებ: ტელეოლოგიური თვალსაზრისი, სახელდობრ-- იმანენტურ-ტელეოლოგიური თვალსაზრისი მხოლოდ და მხოლოდ აქტიური სუბსტანციის მიმართაა შესაძლებელი. საგნის ჰეტეროტელია და პერსონის ჰეტეროტელია მხოლოდ ომონიმებია. პირველის დადგენა მხოლოდ ობიექტურად, „გარედან“ შეიძლება, იგი სავსებით ტრანსცენდენტულია საგნისთვის. დადგენა — მეორისაც ობიექტურად ხდება, მაგრამ იგი „შთაიაზრება“ პერსონაში; პერსონის ჰეტეროტელია იმანენტურია. გამოთქმაში: „იმანენტური ჰეტეროტელია“ არაა აზრის წინააღმდეგობა. ჰეტეროტელიის მოპირდაპირე ცნება ავტოტელიაა და არა იმანენტურობა.

პერსონას, განსაკუთრებით — ინდივიდურ პერსონას, შეუძლია საკუთარი სპონტანური აქტიურობა მისი ინდივიდური თვითშენარჩუნებისა და თვითგანვითარების გარემოებარე მიზნებისკენ წარმართოს. ეს შესაძლებელია მხოლოდ იმიტომ, რომ უცხო მიზანი საკუთარ მიზანთა სისტემაში შეაქვს პერსონას, შეითვისებს სხვის მიზანს. სხვა საკითხია, თუ რა გზებით და რა ხერხებით

მოხდება ასეთი შეთვისება: იქნება იგი უმაღლესი პერსონისადმი იერარქიული დაქვემდებარებით პირობადებული. სიმპათიის (რაპორტის) „დაუყვანადი საიდუმლოების“ ნიადაგზე აგებული, თუ შემეცნებითი ოპერაციებით მომზადებული. პერსონული პეტეროტელია შეიძლება არსებობდეს მხოლოდ როგორც პერსონის მიზანთა მრავალერთიანობის წევრი, მხოლოდ როგორც შინაგანად შეთვისებული და, მაშ, „საკუთარქმნილი“ მიზანი. მიზანი შეიძლება თვით პერსონისადმი მიმართული აქტივობის წყარო იყოს, შეიძლება — ინდივიდუური პერსონის გარემდებარე სფეროებისადმი მიმართულისა. ეს ქმნის განსხვავებას ავტოტელიასა და პეტეროტელიას შორის. მაგრამ „შიგნით“ და „გარეთ“ მიმართულების გარდა სხვა მიმართულება არ არსებობს. ამიტომ მესამეგვარი მიზნისეულობა მიმართულების მხრივ შეუძლებელია ორიგინალური იყოს. ავტორის მიხედვით ინტროცეფცია ავტოტელიისგან იმითი განსხვავდება, რომ გარემდებარე მიზნებს შეეხება, ხოლო პეტეროტელიისგან—იმითი რომ პერსონის „შიგნით“ შემოაქვს ეს მიზნები. იგი ავტოტელიისა და პეტეროტელიის სინთეზია. ინტროცეფცია მდგომარეობა კი არაა, არამედ პროცესი. ამას ტერმინიც მიუთითებს. მას არ გააჩნია საკუთარი შინაარსი და სხვას რომ ყველაფერს თავი დაუვანებოთ, ეს გარემოება გვაფიქრებინებს, რომ იგი ავტოტელიისგან და პეტეროტელიისგან განსხვავებული კატეგორიის ფაქტია.

უკანასკნელად (1935 წ.) ინტროცეფციის შესახებ ვ. შტერნი წერს: „ადამიანური სიცოცხლის მიზანი ისაა, რომ ადამიანმა თავის მოქმედებაში და ყოფიერებაში თავისი საკუთარი მნიშვნელობაც დაადასტუროს და სამყაროს ობიექტური მნიშვნელობანიც, რომ მან, საკუთარ შინაარსში სამყაროს ობიექტური შინაარსების შედუღებით, განახორციელოს თავისი თავი, როგორც პერსონამ. ამ შედუღებას ანუ შესისხლბორცებას პერსონალისტური თეორია „ინტროცეფციას“ უწოდებს. ... ინტროცეფციის ცნება ფსიქოფიზიკურად ნეიტრალურია: იგი სასიცოცხლო ფუნქციების მიზანდასახულობას აღნიშნავს და არა მარტო განცდის რაგვარობას: ეს ითქმის ინტროცეფციის ყველა სპეციფიკური სახეობის შესახებ: სიყვარულის, გაგების, წვდომის, თავყანისცემის (Heiligen) და სხვა. მართალია, მათი გააზრება, ცნობიერების ფენომენების გარეშე შეუძლებელია (დაყოფა ჩემია—ირ. ა.). მაგრამ სა-

კუთარ მათ არსს შეადგენს პერსონული ქცევის რაგვარობა (Verhaltensweise), აზრის განხორციელება (Sinnverwirklichung), რომლების საბოლოო მიზანი შორის სცალდება ყოველივე „ცნობიერებას“²²².

ცნობიერებას ინტროცეფციისთვის მხოლოდ იმდენად არააქვს არსებითი მნიშვნელობა, რამდენადაც ინტროცეფცია არსებითად არ განსხვავდება პეტეროტელიისგან; ის, რასაც ავტორი ინტროცეფციას უწოდებს, პეტეროტელიის სახეობაა. ამიტომაც, სხვათა შორის, შესაძლებელია ლაპარაკი ჰიპერ-სინ- და იდეო-ტელიური ინტროცეფციის სახეობათა შესახებ. ინტროცეფცია ცნობიერებით გაშუალებული პეტეროტელიაა. მისი „ადამიანისეულობაც“ ამაში მდგომარეობს და ამით ამოიწურება. იმ ფაქტებს შორის, რომლებსაც ავტორი პეტეროტელიით და ინტროცეფციით აღნიშნავს. ძალიან დიდი განსხვავებაა. მაგრამ ეს ხომ არ ნიშნავს, რომ ამ განსხვავებების საფუძველი მიზნის ცნობიერყოფა ვერ იქნება? მათ შორის განსხვავება ინსტინქტური და ნე-ზისმიერი მოქმედების შორის განსხვავების ანალოგიურია.

ცნობიერების მომენტი რომ დიდმნიშვნელოვანია ვ. შტერნისთვის მიზანთა სისტემის ასაგებად, ამის ილუსტრირება იდეოტელიის მაგალითითაც შეიძლება. პერსონალისტური აზრთაწყობისთვის იდეოტელია *von Seins-*ია: იდეას არ შეიძლება ჰქონდეს მიზანი, რადგან იდეა არაა პერსონა; ამიტომ არც შეიძლება მან მიაკუთვნოს, დააკისროს იგი ინდივიდურ პერსონას. ფაქტიურად იდეოტელია გაცნობიერებული ჰიპერტელიაა.

ინტროცეფციის შესახებ ყოველივე ზემოთქმულიდან გამომდინარეობს დასკვნა, რომ ინტროცეფცია, როგორც მიზნისეულობის დამოუკიდებელი სახეობა, არ შეიძლება ჰქონდეს ადამიანის სპეციფიკას და ეს, უბრალოდ, იმ მიზეზის გამო, რომ ინტროცეფცია არაა მიზნისეულობის დამოუკიდებელი სახე. ის იმედები, რომლებსაც ინტროცეფციის ცნებაზე ამჟამებდნენ, ვფიქრობ, გადაჭარბებული უნდა იყოს. ვ. შტერნის თქმის ყაიდას რომ მივბაძო, ასე ვიტყოდი ინტროცეფციის შესახებ: თუ ავტორი ადამიანის არსს ინტროცეფციაში ხედავს, ჩვენ, პირიქით. ინტროცეფციის არსს ვხედავთ ადამიანისადმი მის კუთვნილებასში²²⁴.

²²² 1, 101.

²²⁴ იბ. გვ. 265.

ინტროცეფციის ცნება ღირებულების სფეროდანაა მოტანი-
ლო და თუმცა ავტორისთვის არსებობა და ღირებულება მჭიდრო-
დაა-დაკავშირებული (თანახმად ძირითადი პოსტულატისა: „მე
მწამს სამყარო, რომელიც არსებულიცაა და ღირებულების მქონეც“);
ღირებულების კატეგორიებით არსებობის საკითხების გადაჭრა
არაა გამართლებული.

თუ ადამიანის სპეციფიკა მაინცდამაინც პერსონულ მიზნსეუ-
ლობაშია საძებარი, ერთადერთი რაც რჩება, ესაა პროდუქციული-
თვითგანვითარების მიზანი, რომელიც შეიძლება ქმნიდეს არსებით
განსხვავებას ადამიანის პიროვნებისას ზოგადად ბიოლოგიურ არ-
სებათაგან.

პროდუქციული თვითგანვითარების მიზანი
მხოლოდ ადამიანს აქვს. იგი უუპველად განსხვავებულია.
თვითგანვითარების სხვა მიზნებისგან; ამასთანავე იგი არსებითა
მომენტია ადამიანის მიზნისეულობისა და, ამდენად. შეიძლება ადა-
მიანის *differentia specifica*-ს წარმოადგენდეს.

თუ პროდუქციული თვითგანვითარების მიზანი მდგომარეობს
საკუთარი პიროვნების იმ სახით განხორციელებაში, რა სახითა:
სხვა დროს და სხვაგან არც ერთი პიროვნება არ ყოფილა გან-
ცილებული, თუ იგი ამსოლუტურად ახლის წარმოქმნაში მდგო-
მარეობს, — იგი, მართლაც მხოლოდ ადამიანს შეიძლება მივაწე-
როთ ნამდვილი მნიშვნელობით. სხვა მიზნების არსებობა პერსონის
ცნებიდან გამოიყვანება ავტორისთვის. განსაკუთრებით ნათელია
ეს თვითშენარჩუნების მიზნების შემთხვევაში. პროდუქციული
თვითგანვითარების მიზნის არსებობის აღიარებას კი, ავტორის
თქმით, ფაქტები გვაძლეებს. ისეთი ფაქტები, რომლებიც ვერ აი-
ხსნება ვერც ერთი ზოგადპერსონული მიზანისწრაფებულობით ეს
ფაქტები კულტურული პროგრესის ფაქტებია. ფაქტიური განსხვა-
ვება, ამ მხრივ, ადამიანისა უბრალოდ ბიოლოგიური ორგანიზმები-
საგან, უუპველია და პერსონალიზმიც ვალდებულია მიზნისეულად
ახსნას საქმის ასეთი ვითარება. ამისთვის შემოაქვს მას პროდუქ-
ციული თვითგანვითარების მიზნის ცნება.

მაგრამ საკითხი ისაა, თუ რამდენად გამართლებულია ეს ცნება
ე. წ. კრიტიკული პერსონალიზმის სისტემაში.

რამდენადაც კრიტიკული პერსონალიზმი კონკრეტულ იდეა-
ლიზმად ესმის ავტორს, რამდენადაც სუბსტანცია კონკრეტული
პერსონაა, — პროდუქციული თვითგანვითარების მიზნის შესახებ
260

პროგრესის მნიშვნელობით არ შეიძლება ლაპარაკი. პროგრესი ნიშნავს წინსვლას გარკვეული მიზნის მიმართულებით. ამ აზრით მიზანი ტრანსცენდენტური უნდა იყოს იმისთვის, რაც ვითარდება. როდესაც ობიექტური იდეალიზმი განვითარების შესახებ ლაპარაკობს პროგრესის მნიშვნელობით, იგი გულისხმობს გარკვეული პოზიტიური მიზნისადმი, — მაგალითად აბსოლუტური გონის მიერ საკუთარი თავის შემეცნების მიზნისადმი — მიახლოებას. პროგრესი აქ გასაგებია. როგორც გაუმჯობესების პროცესი. განვითარების ყოველი მომდევნო საფეხური უფრო ახლო დგას ამ მიზანთან და ამით არაა იგი წინასაფეხურზე „უკეთესი“. რა მიზანი შეუძლია დაუსახოს პერსონას ე. შტერნმა? ერთი — თვითშენარჩუნება, მეორე თვითგანვითარება. პერსონა თვითმიზანია და სხვაგვარად არც შეიძლება იყოს, თუ იგი სუბსტანციაა. თვითშენარჩუნების მიზნების არსებობა არაა სადავო, მაგრამ განვითარებასთან მათ ხელი არა აქვთ. ე. წ. კონსერვაციული თვითგანვითარების შესაძლებლობა პერსონალისტური თვალსაზრისით უკვე სადავოა. სადავოა ის, რომ კონსერვაციული თვითგანვითარების მიზანი ინდივიდური პერსონის მიზნად იქნეს მიჩნეული. მართალია, ამ მიზნისადმი ინდივიდის სწრაფვის შედეგად ინდივიდი განახორციელებს იმას, რაც მის გვარში უკვე მოცემულია. მაგრამ ის, რაც მის გვარშია მოცემული, ინდივიდისთვის ახალია, ისევე „აბსოლუტურად ახალი“. როგორც პროდუქციული თვითგანვითარების მიზნისადმი სწრაფვის შედეგად განხორციელებული მდგომარეობა. კონსერვაციულისა და პროდუქციული თვითგანვითარების შორის მხოლოდ „გარედანაა“ შესაძლებელი განსხვავების დადგენა.

ობიექტური თვალსაზრისით კონსერვაციული თვითგანვითარება ზეინდივიდური პერსონის თვითშენარჩუნების მიზნად შეიძლება გავიგოთ; თვითშენარჩუნების მიზნების იმ ჯგუფს შეიძლება მივაკუთვნოთ იგი, რომელიც სამყაროსთან მიმართების შენარჩუნებისადმი სწრაფვას უდევს საფუძვლად. თავისებურება ამ მიზნისა მაინც რჩება: თუ სამყაროსთან მიმართების შენარჩუნებისადმი სწრაფვით, ანუ შეგუებით გამოწვეული პერსონული ცვლილებები პრინციპულად სამყაროს ცვლილებებით არის პირობადებული — ე. წ. კონსერვაციული თვითგანვითარებით გამოწვეული ცვლილებები ინდივიდური პერსონის სპონტანური აქტივობითაა პირობადებული. ამ ე. წ. კონსერვაციული თვითგანვითარების მიზანია სამყაროსთან მიმართების არა შენარჩუნება, არამედ გაუმჯობესება. ამდენად

მასში არის რაღაც პროგრესული მომენტი. მაგრამ ვინაიდან იგი ძირითადად მაინც შენარჩუნება პერსონა-გვარისა, ამიტომ უკეთესი იქნებოდა ავტორს მისთვის „პროლუქციული თვითშენარჩუნება“ ეწოდებინა. ტერმინი ისევეა გამართლებული და ლა(უ)ლი შინაგანი წინააღმდეგობაში (contradictio in adjecto) ბრალის დადებისგან, როგორც „კონსერვაციული თვითგანვითარება“. ხოლო პირველი ცნების უპირატესობაზე ახლა ვილაპარაკე: იგი სწორად გამოხატავს ვითარებას. ეს მიზანი მდგომარეობს პერსონა-გვარის გარემოსადმი შეგუებულობის შენარჩუნებაში, შეგუებულობის იმ სახისა. რომელიც გვარის სრულყოფილი წევრების შემთხვევაშია განხორციელებული. ასე უნდა გაგვეგო პერსონალისტური თვალსაზრისით ე. წ. „კონსერვაციული თვითგანვითარება“.

ინდივიდუური პერსონის თვალსაზრისით როგორც ვთქვი, იგი არ განსხვავდება პროლუქციული თვითგანვითარებისაგან. ორივე შემთხვევაში პერსონა განიცდის რომელიმე ცვლილებებს. ეს — ფაქტია. მაგრამ ყოველი ცვლილება არაა განვითარება პროგრესის მნიშვნელობით. პროგრესის შესახებ ლაპარაკი მხოლოდ გარკვეული თვალსაზრისით შეიძლება, სახელდობრ — გარკვეული მიზნის თვალსაზრისით. ამასთან ეს მიზანი პოზიტიურ რაობას უნდა წარმოადგენდეს. ფსიქოლოგიაში მუდამ ლაპარაკობენ განვითარების შესახებ და მუდამ ვაუმჯობესებას გულისხმობენ განვითარებაში. მაგალითად, აზროვნების განვითარება იმაში მდგომარეობს, რომ აზროვნება უფრო და უფრო კარგად წყვეტს თავის ამოცანას, უფრო და უფრო უახლოვდება მიზანს — ქეშმარიტ შემეცნებას. ასევეა სხვა ფუნქციების განვითარების შემთხვევაშიც. როდესაც ვლაპარაკობთ ადამიანის განვითარებაზე, ვგულისხმობთ რაღაც იდეალს, რომელსაც ადამიანი თანდათან უახლოვდება.

ვ. შტერნი, კონსერვაციული თვითგანვითარების საკითხის განხილვისას, განვითარების ორ ქვესახეს განასხვავებს. პირველია „ზრდა“: რაოდენობითი დიფერენციაცია და ინტეგრაცია. ვ. შტერნის მიერ ამ ქვესახის რაობის გაგებაში არსებითად არაფერია სადავო: ავტორს თითონაც კარგად ესმის, რომ ნამდვილად განვითარება არ შეიძლება ამოიწურებოდეს კვალიტეტური ცვლილებებით. ამიტომაც, მისთვისაც მთავარია განვითარების მეორე ქვესახე — „მომწიფება“. საგულისხმოა, რომ მომწიფების საკითხს იგი ცალკეული ფუნქციის მასალაზე განიხილავს. მომწიფების სტადიების განხილვისას ნათელი ხდება; რომ ფუნქცია მწიფდება იმისთვის,

რომ უკეთ მოემსახუროს პერსონის მიზნებს. საბოლოო სტადია მომწიფებლსა დადგომარეობს ფუნქციის სხვა ფუნქციათა ერთობლიობაში განწესებასა და პერსონის მიზნებისთვის მის გამოყენებაში. ფუნქციის განვითარება შეგვიძლია დავდასტუროთ იმით. რომ იგი უფრო და უფრო შესატყვისი ხდება პერსონის მიზნებისა. რა აზრით, რა თვალსაზრისით შეიძლება მთლიანი პიროვნების პროდუქციული განვითარების შესახებ ლაპარაკი? უკვევლია, აქაც რაღაც მიზნის თვალსაზრისია საჭირო. „თვითგანვითარება თავისთავად“ არ შეიძლება იყოს მიზანი, რადგან მას არა აქვს პოზიტიური შენაარსი. სპონტანური ცვალებადობა, თუ ასეთი არსებობს, სრულიადაც არაა პროგრესის საწინდარი და თავისთავად, როგორც თვითმიზანის, მისი არსებობა არ გამომდინარეობს პერსონალიზმის პრინციპებიდან, და არცაა გასაგები მათ საფუძველზე.

პროდუქციული თვითგანვითარების მიზნის შესახებ არაფრის თქმა არ შეიძლება. არამცთუ რაიმეგვარად დახასიათება, არამედ თვით გაცნობიერებაც კი შეუძლებელი ყოფილა მისი, ავტორის თანახმად. ერთადერთი, რისი თქმაც შეიძლება მის შესახებ ეს ისაა, რომ იგი რომელიმეხდ აღა ხალია მთლიანპერსონულია და ინდივიდურია. სწორედ ამიტომაც არ შეიძლება მისი არც გაცნობიერება და მით უმეტეს, არც დახასიათება²²⁵. თუ ტელეოლოგიური ახსნა საერთოდ არაა მეცნიერულად დამაკმაყოფილებელი, — პროდუქციული თვითგანვითარების შემთხვევაში იგი იმ მოთხოვნილებებსაც კი ვერ აკმაყოფილებს, რომლებსაც ტელეოლოგიური ახსნა აყენებს. ავტორის სიტყვებით: „პროდუქციული თვითგანვითარებერს მიზნის შესახებ ლაპარაკის უფლებას მხოლოდ მისი მოქმედიანობა გვაძლევს. აღამიანის პიროვნებაში მიმდინარეობს პროცესები. რომლებიც ვერც გარესამყაროს გავლენით აიხსნება და ვერც ავტოტელისი აქამდე ხსენებული მომენტებით, სახელდობრ თვითშენარჩუნებითა და კონსერვაციული თვითგანვითარებით, და რომლებიც, მაშასადამე, მოქმედების ახალ ფაქტორს საჭიროებენ ასახსნელად. თუკი საერთოდ უნდა იქნან ახსნილი“²²⁶. სხვანაირად რომ ვთქვათ: თუ გაუგებარი რამ მოხდა პერსონის განვითარებაში უფლება გვეძლევა ვთქვათ, რომ პერსონას მიზნად ქქონია ასეთი რამის გან-

²²⁵ იხ. გვ. 34—35.

²²⁶ იხ. იქვე აგრეთვე 3,35.

ხორციელება. ზედმეტია იმის დასაბუთება, რომ ასე გაგებული პროდუქციული თვითგანვითარება არაა მეცნიერული ცნება. ყველაზე უფრო ლოგიკური იქნებოდა პროდუქციული თვითგანვითარების მიზნად ყოვლადპერსონისადმი დაახლოება დაესახა ავტორს და ეთქვა, რომ ეს დაახლოება ყოველი კერძო ინდივიდის შემთხვევაში ორიგინალური სახით ხორციელდება, რომლის წინასწარ გათვალისწინება შეუძლებელია. ასეთი რამის დაჭერება, გარკვეული პირობით, კიდევ შესაძლებელი იქნებოდა; მაგრამ ავტორი ამას არ ამბობს და არც აქვს უფლება, რომ თქვას, რადგან პერსონის ცნების ერთ-ერთი მთავარი აზრი სწორედ ისაა, რომ პერსონა საკუთარი იმანენტური მიზნის მატარებელია; და ამდენად, მისი მიზანი არ შეიძლება იყოს სხვა რამ (თუნდაც ყოვლადპერსონა) გარდა საკუთარი თავისა. კონკრეტული ინდივიდური პერსონა სუბსტანციაა და მისი განვითარება შეიძლება გავიზაროთ მხოლოდ როგორც შინაგანი მონაცემების გაშლა. მისი მიზანი; მაქსიმუმ, შეიძლება იყოს საკუთარი პოტენციურობის რეალიზაცია. ავტორისთვის იგი „შიკნიდან“ განხილული, „ნიშნავს საკუთარი თავის გადალახვას არსებობის ახალი ფორმებისთვის, რომლებითაც წინამორბედი ფორმები უბრალოდ კი არ გაუქმდება, არამედ რომლებშიც მოიხსნება ისინი“¹⁸⁷. *Post factum* აღვილია განვითარების ფაქტის დადგენა. მაგრამ შეუძლებელია „არსებობის ახალი ფორმებით წინამორბედი ფორმების მოხსნა“ სუბსტანციის თვითმიზნად იქნეს აღიარებული. პერსონა სუბსტანციაა იმ სახით, რა სახითაც არსებობს და საკუთარი რომელიმე მოხსნა არ შეიძლება იყოს მისი არსებობის მიზანი. სხვა რომ არა იყოს რა, იგი დიამეტრულად ეწინააღმდეგება თვითშენარჩუნების (არსის შენარჩუნების) მიზანს.

პროდუქციული თვითგანვითარების მიზანი ემპირიისა და ფილოსოფიური სპეკულაციის კონფლიქტის ერთ-ერთ პუნქტს წარმოადგენს.

აქ პროდუქციული თვითგანვითარების განხილვა პერსონის ბიოლოგიურად გაგების საკითხის განხილვამ გამოიწვია. მგონი შეიძლება ვაღიაროთ, რომ იგი უძლური აღმოჩნდა ადამიანის სპეციფიკის დასადგენად პერსონალისტური ფილოსოფიის თვალსაზრის-

¹⁸⁷ იხ. 3,20.

სით, რადგან სწორედ ამ თვალსაზრისით არ შეიძლება გაგებულ იქნეს პროდუქციული თვითგანვითარების მიზნის არსებობა.

ის, რასაც ავტორი პროდუქციულ თვითგანვითარებას უწოდებს, ნამდვილად არსებობს ადამიანის ცხოვრებაში, მართლაც სპეციფიკური ადამიანურია და განსაკუთრებით თვალსაჩინოდ შემოქმედების მაღალ ფორმებში გამოვლინდება. შემოქმედებითი მომენტი ყოველ ადამიანურ მოქმედებაშია, ანუ უკეთ, ადამიანური ის მოქმედებაა, რომელშიც შემოქმედება ვლინდება. ვ. შტერნს ეს კარგად ესმის და კარგადაც ხსნის ადამიანურ მოქმედებას. იგი ადამიანობის საფუძველს მიზნისეულობაში ეძებს, მაგრამ მიზანთა სისტემის სქემატიზმი ხელს უშლის ნამდვილი არსის დანახვას.

მას სრული უფლება და საკმაო საფუძველი ჰქონდა ადამიანის სპეციფიკა ცნობიერებაში დაენახა. მისი სისტემის პრინციპები, განსაკუთრებით სიციცხლის მოდუსების შესახებ მოძღვრება, აძლევს მას ამის საშუალებას. და თუ ავტორი ასე არ იქცევა. ამისი ორი მიზეზი არსებობს, მიზეზი, შეიძლება ითქვას, სავსებით პირადი ხასიათისა. ერთია ეთიკური საკითხით გატაცება, პრაქტიკული მსოფლმხედველობის (თუ შეიძლება ასე ითარგმნოს *Lebensanschauung*) აგების წუურელი. ის „სევედა მსოფლმხედველობისთვის“, რომელიც მოიცავს მას, მის მიერ „მსოფლმხედველობის უქონლობის“ ნიშნით განცდილ თანამედროვე ეპოქაში. ეთიკისთვის იქმნება ინტროცეფციის ცნება, რომელიც ეგოტიზმისგან (სიტყვის უფარსიონის მნიშვნელობით: ეგოიზმისგან, ინდივიდუალიზმისგან, სუბიექტივიზმისგან) გამოსავალს წარმოადგენს და მისი სიდიადით გატაცებული ავტორი მასში უკვე არა მარტო ეთიკურ იდეალს ხედავს (*„Introzipiere!“*) არამედ ზოგადად ადამიანურობას სპეციფიკასაც. მას მერე, რაც მონახულია ინტროცეფცია, ავტორს აღარ სჭირდება ახალი სპეციფიკის ძიება და ცნობიერებასაც, ამიტომ. სათანადო ყურადღებას აღარ უთმობს.

ვ. შტერნის მიერ ცნობიერების მნიშვნელობის დაკინების პერორე მიზეზი ცნობიერების როლის განდიდების წინააღმდეგ შეგნებული ბრძოლაა, „თუ უწინო — ამბობს ავტორი — პიროვნების არსს მის ფსიქიკურობაში (*in ihrer psychischen Beschaffenheit*) ხედავდნენ, ჩვენ ფსიქიკურის არსს ვხედავთ მის პერსონულ მნიშვნელობაში. პერსონა არის პირველი (*prius*); საკუთარი თავის

ასახვის — ცნობიერების სახით მოცემულობა — არის მეორე (posterioris) — არა ქრონოლოგიურად, არამედ მნიშვნელობათა ლოგიკურ სისტემაში“²⁵⁸. პერსონის, როგორც ფსიქოფიზიკურად ნეიტრალური მრავალეროიანობის ჰეგემონიის მტკიცებაში გადაჭარბებით იქნება დაჭაბნილი ფსიქიკის როლი და მას უკვე ვეღარ დააკისრა ამის შემდეგ ავტორმა ისეთი დიდი ამოცანა. როგორცაა ადამიანის სპეციფიკის საფუძველდება.

თუ ე. წ. „ანტროპოფიიაში“ მოცემულია ადამიანის „მიკროკოსმიურობა“ (სოციალურობა, ვიტყოდით ჩვენ) — მხოლოდ და მხოლოდ ცნობიერების წყალობით. ცნობიერი ჰეტეროტელია აქცევს ჯოგს საზოგადოებად; მხოლოდ ცნობიერება ჰყოფს შესაძლებლად ადამიანის ისტორიულობას; კულტურის მიმღებლობა ცნობიერების გარეშე შეუძლებელია და, ამასთან, ცნობიერება მისი ზედნადები კი არაა. არამედ ძირითადი ფაქტორი; ცნობიერება ქმნის ადამიანურ მოთხოვნილებებს, ადამიანურ ქცევებს; ცნობიერება განასხვავებს ხუროთმოძღვარს ფუტკრისგან. ცნობიერების გენეზისი ვ. შტერნს ძალიან კარგად აქვს გაგებული და ძალიან კარგად აქვს გამოთქმული: „jede Reibung entzündet den Funke des Bewusstseins“. სამყაროსთან პერსონის შეჯახებისგან გამოიკვეთება ცნობიერების ნაპერწკალი. შეჯახება კი ხდება იქ, სადაც პერსონის ვიტალურ მოთხოვნილებათა დაკმაყოფილება ვეღარ ხერხდება გარემოს გართულებული პირობების გამო; სადაც სამყარო დაუპირისპირდება პერსონას, როგორც ობიექტი. ეს ხდება მაშინ, როდესაც შემკვიდრებით მიღებული შეგუების მექანიზმი ვეღარ აკმაყოფილებს სუბიექტის მოთხოვნილებას, რომელიც ცვალებადობს ისევე, როგორც შეგუების მექანიზმი: თაობიდან თაობაში. ბიოლოგიური ევოლუციის განმავლობაში ორგანიზმი რთულდება, იცვლება. იძენს ახალ ორგანოებს, ახალ ფუნქციებს და ბოლოს, უმაღლეს საფეხურზე, — ნერვული სისტემის უმაღლესი ორგანიზაციის საფუძველზე — ცნობიერებას. ცნობიერებით აღჭურვილ ცოცხალ არსებას აქვს ისტორია, და ისტორიის მქონე არსების ცნობიერება, როგორც იარაღი სიცოცხლის ახალ, რთულ პირობებისადმი შეგუებისა, ვითარდება ისტორიის განმავლობაში. „ადამიან-

²⁵⁸ 3, 223.

ნის სპეციფიკურ თავისებურებას, რითაც იგი შვეთრად განსხვავდება ცხოველისგან, ის გარემოება შეადგენს, რომ წამყვან როლს მის ცხოვრებაში ცნობიერება ასრულებს²⁹⁹.

ფსიქოფიზიკური ნეიტრალურობა

ჩინბ.ლია, რომ ფსიქოლოგიის ისტორიის მთელ მანძილზე ფსიქოლოგიის ერთი ძირითადი პრობლემათაგანი იყო ფსიქიკურისა და ფიზიკურის ურთიერთობის პრობლემა დეკარტმა თავისი უკიდურესი სუბსტანციური დუალიზმით ძალიან მწვავე ფორმით დასვა ეს საკითხი და გადაუჭრელად უანდერძა იგი მომდევნო მეცნიერებას. ფსიქოლოგიის თეორიული პრობლემებიდან ეს პრობლემა, მგონი, ყველა სხვაზე უფრო მეტად აწუხებდა ფსიქოლოგიურ აზროვნებას, დაუცხრომელი ინტერესის საგანი იყო და შეიძლება ითქვას, რომ დღესაც არის. ძირითადად ორგვარი პასუხი არსებობს ამ საკითხზე. ერთია ფსიქიკურისა და ფიზიკურის ურთიერთზემოქმედება, მეორეა მათი პარალელური მიმდინარეობა, მიზეზობრივად ურთიერთთან დაკავშირების გარეშე. არც ერთი და არც მეორე არაა დამაკმაყოფილებელი. პირველი — იმიტომ, რომ ეწინააღმდეგება ბუნებისმეტყველების მიერ დადგენილ მიზეზობრივ კანონზომიერებას. მეორე — იმიტომ, რომ გულსხმობს მისტიკური ელფერიით მოსილ თანხმობას, რომელიც მხოლოდ „მესამის“ მიერ შეიძლება იყოს დადგენილი. ეს „მესამე“, თავდაპირველად, ღვთაებად იყო ხოლმე კლასიფიკაციაქმნილი (დეკარტის შემდგომი ფილოსოფია). მეცხრამეტე საუკუნეში, ზუსტ მეცნიერებაში, როგორადაც მიაჩნდა თავი ემპირისტულ ფსიქოლოგიას, ღვთაებრივი ძალისადმი აპელაცია ვედარ ხერხდება და ფსიქიკა ეპიფენომენად ცხადდება, ე. ი. ისპობა ყოველგვარი შესაძლებლობა ფსიქიკას რაიმე აზრი, რაიმე მნიშვნელობა მიეკუთვნოს ყოფიერების მთლიანობაში. ცნობიერება. განცდა, ფსიქიკური — რაც არ უნდა ვუწოდოთ მას — არსებობს მხოლოდ როგორც სუბიექტური მოვლენა, სიტყვას ვაწრო მნიშვნელობით. იგი შეიძლება არ არსებობდეს და ამით აბსოლუტურად არაფერი არ შეიცვლება ობიექტურ სინამდვილეში. ასეოი რაიმეს დაშვება ფილოსოფიისათვის არც ისე ადვილ-

²⁹⁹ დ. უზნაძე, ზოგადი ფსიქოლოგია, 72.

ლი საქმეა. მეორე მხარე, თვით ემპირიაც ვერ ურიგდება სპეკულაციის ამ ნაყოფს. ერთი გამოსავალი რჩება მხოლოდ — ფსიქოფიზიკური დუალიზმის დაძლევა მონისტური თვალსაზრისით: ან ფსიქიკა უნდა იყოს ფიზიკურა, ან ფიზიკა უნდა იყოს ფსიქიკური. მოკლედ: ან იდეალიზმი, ან მატერიალიზმი. ფსიქიკურის და ფიზიკურის დუალიზმი არ შეიძლება არსებითი საფუძველმდებელი, სუბსტანციური ხასიათის იყოს. საკითხის იდეალისტური გადაწყვეტის ნიმუშად შეიძლება ბერკლისეული გადაწყვეტა მოვიტანოთ: ყველაფერი ქვეყნიური არსებობს იმდენად, რამდენადაც განიცდება. აქედან მისი აგნოსტიციზმი და, ბოლოს, სოლოფისიზმი. მატერიალისტური გადაჭრა საკითხისა მეთვრამეტე საუკუნეში, ცხადია, მხოლოდ მექანიკური შეიძლებოდა ყოფილიყო. მისი ყველაზე მეტად ფორმა საკითხის ფობტისეული გადაწყვეტაა, რომლის მიხედვით ფსიქიკა ისეთივე სეკრეტია ტეინისა, როგორიც ნაღველა — ღვიძლისა. მეცნარამეტე, მით უფრო, მეოცე საუკუნეში ეს უკანასკნელი პასუხი სრულიად მიუღებელია. ბერკლისეული გადაჭრა საკითხისა აღორძინებას პოულობს ე. მაჩის ფსიქოლოგიურ მოძღვრებაში.

ვ. შტერნს არ აკმაყოფილებს არც ერთი და არც მეორე. ერთი რამაა მისთვის უდავო: საკითხი მხოლოდ მონისტურად შეიძლება გადაიჭრას. ე. ი. ორი სუბსტანციის არსებობა, სუბსტანციური განსხვავების დადგენა ფიზიკურსა და ფსიქიკურს შორის, და ამის შემდეგ მათი შეთანხმება, მორიგება, ურთიერთთან დაკავშირება — შეუძლებელია. საქმე მისთვის გათიშული სხეულისა და ხელის შეერთება კი არაა, არამედ მათი იმთავითი ერთიანობის გაგება. ეს ერთიანობა მოცემულია სუბსტანციაში — პერსონაში. რომელიც იმთავით ფსიქოფიზიკურად ნეიტრალურია: არც ფიზიკურაა, არც ფსიქიკური. თუ იგი ნეიტრალურია, ვ. შტერნისთვის ეს ნიშნავს, რომ მას ერთნაირი წარმატებით, ერთნაირად ადვილად შეუძლია გამოვლინდეს ხან ფსიქიკურის, ხან ფიზიკურის სახით.

ე. წ. ფსიქოფიზიკური პრობლემის სიძნელე იმაში მდგომარეობდა, რომ ფიზიკური და ფსიქიკური სხვადასხვა სინამდვილედ იყო მიჩნეული და საკითხი მათ დაკავშირებას ეხებოდა. დღეს სადავოდ აღარ შეიძლება ჩაითვალოს, რომ ორი გათიშული, იმთავითვე განსხვავებული სუბსტანციის ურთიერთობა შეუძლებელია. და, მაშ, ფსიქოფიზიკური პრობლემის გადაჭრა მხოლოდ მონიზმის საფუძველზეა შესაძლებელი.

რამდენადაც მე თოდურად სულერთია, თუ როგორი იქნება მონიზმი, ამდენად ვ. შტერნი მართალია მაგრამ მას არ აკმაყოფილებს არც იდეალისტური, არც მატერიალისტური მონიზმი. ამ პრობლემის გადაწყვეტას იგი პერსონალისტური მონიზმის ნიადაგზე ცდილობს. პერსონა ფსიქოფიზიკურად ნეიტრალურია. ფსიქიკური და ფიზიკური მისი ვლენის ფორმებია მხოლოდ.

არის თუ არა ეს ნამდვილად საკითხის გადაჭრა? რას ნიშნავს ფსიქოფიზიკური ნეიტრალურობა? როგორ უნდა ვიაზროთ ფსიქოფიზიკურად ნეიტრალური პიროვნება? ნეიტრალურობა მხოლოდ ნეგაციურად ასახითებს პერსონას. იგი ნიშნავს, რომ პერსონა არაა ფიზიკური და არაა ფსიქიკური. ზემოთ კიდევ ვთქვე, რომ ასეთი რამეს გააზრება ჩვენთვის სრულიად შეუძლებელია. დღევანდელ მეცნიერებას არ მოეპოვება კატეგორია არა-ფიზიკურისა და არა-ფსიქიკური ყოფიერების განსასაზღვრავად. მაგრამ ამას თავი დავანებოთ! ვთქვათ, რომ ასეთი რამის არსებობა შესაძლებელია. შევლის იგი რამეს ფსიქოფიზიკური პრობლემის გადაწყვეტას? დუალიზმის ნიადაგზე პრობლემის გადაწყვეტა იმიტომ ვერ მოხერხდება, რომ გაუგებელი და აუხსნელი დარჩა სწორედ არა-ფსიქიკურის მოქმედება ფსიქიკურზე და არა-ფიზიკურისა — ფიზიკურზე. ფიზიკური ვერ მოქმედებდა ფსიქიკურზე იმიტომ, რომ იგი (ფიზიკური) იყო არა-ფსიქიკური. ასევე ფსიქიკური იმიტომ ვერ მოქმედებდა ფიზიკურზე, რომ იგი არა-ფიზიკური იყო. ამითი შემდეგის თქმა მინდა: ორი სუბსტანციის ურთიერთზე მოქმედება შეუძლებელია იმიტომ კი არა, რომ პოზიტიურად ასეთია თუ ისეთი თითოეული მათგანი, არამედ იმიტომ, რომ თითოეული მათგანი არაა ის, რაცაა მეორე. სრულიად არაა აქვს მნიშვნელობა, როგორად იქნება გააზრებული თითოეული მათგანი. მათი ურთიერთობა შეუძლებელია რადგან ისინი არა ერთნაირები არიან. კლასიკური მაგალითი რომ ავიღოთ: სულის და სხეულის ურთიერთობა დეკარტთან შეუძლებელია არა იმიტომ, რომ ერთი სუბსტანციაა განფენილია და მეორე მოაზროვნე არამედ იმიტომ, რომ ერთი განფენილია, მეორე კი — განუფენელი. რაკი იგი განუფენელია სრულიად სულერთია, როგორი იქნება მისი თვისებები: მოაზროვნე იქნება, თუ არ იქნება მოაზროვნე — განუფენელ სუბსტანციასთან ურთიერთობა მას ვერავითარ შემთხვევაში ვერ იქნება.

ვ. შტერნისეული პერსონა არაა ფიზიკური და ამიტომ სხეულთან მისი ურთიერთობა შეუძლებელია, ისევე, როგორც შეუძლებელია მისი ურთიერთობა ფსიქიკურთან. რადგან იგი არაა ფსიქიკური. ფსიქოფიზიკურად ნეიტრალური პერსონის ფიზიკურთან თუ ფსიქიკურთან „ურთიერთობის“ შესახებ ლაპარაკი, შეუძლებელია, საქმის ნამდვილი ვითარების დამახინჯებად მოჩანდეს: ფიზიკური და ფსიქიკური დამოუკიდებელი რომელობანი არაა ვ. შტერნისთვის. იგი საგანგებოდაც აღნიშნავს, რომ ფსიქიკურის შესახებ ადიექტიური ფორმით (ფსიქიკური) სწორედ იმიტომ ვლაპარაკობთ, რომ იგი მხოლოდ და მხოლოდ თვისებაა პერსონისაო. რა თქმა უნდა, აქ მდგომარეობა სხვაა, ვიდრე დეკარტთან იყო: როგორც ფიზიკურის, ისე ფსიქიკურის სუბსტანციურობა უარყოფილია და სუბსტანციად მხოლოდ ფსიქოფიზიკურად ნეიტრალური პერსონაა აღიარებული. ამასთანაა დაკავშირებული სწორედ ის გარემოება, რომ ფიზიკურის და ფსიქიკურის ურთიერთობის მექანიზმი სამწვეროკანი ურთიერთობის სახითაა გაგებულნი და უარყოფილია მთი უშუალო ურთიერთობა: ფიზიკური პერსონაზე მოქმედებს და მხოლოდ მის საშუალებით — ფსიქიკურზე. ასევე პირუტყუ: ფსიქიკური — პერსონის საშუალებით მოქმედებს ფიზიკურზე. ამ საკითხს შემდეგ დაეუბრუნდები. აქ საკითხი დგას პერსონის ურთიერთობის შესახებ ფიზიკურთან და ფსიქიკურთან. კანტის „საგანს თავისთავად“ ამ მხრივ ის უპირატესობა აქვს პერსონის წინაშე, რომ იგი იმავე კატეგორიის სინამდვილედ იაზრება, როგორადაც ფეხოქენი, მხოლოდ რომ შეუცნობელია ჩვენთვის. თავისთავად იგი არსებობს, როგორც საგანი. პერსონა იაზრება როგორც რეალურად არსებულნი. თავისთავადი საგნისაგან იგი იმით განსხვავდება, რომ მისი შეუცნობადობა პრინციპული ხასიათის არაა. შეუცნობადი კი არაა იგი, არამედ შეუცნობელი და ისიც მხოლოდ იქამდე და იმდენად, სანამ პოტენციურ მდგომარეობაშია და არ გამოვლენილი. მაგრამ მისი გამოვლენა მის არსს შეადგენს. იგი არ შეიძლება არსებობდეს გამოუვლენლად. გამოვლენა მისი ყოფიერების შემთხვევითი გარემოება კი არაა, არამედ არსებითი რაობა: პერსონა კონვერგენციის პროდუქტია ე. ი. არსებობს იმდენად. რამდენადაც ურთიერთობაშია გარესამყაროსთან, ანუ — რამდენადაც გამოვლენილია. ეს იმას კი არ ნიშნავს, რომ იგი ამოიწურება თავის გამოვლენაში. არამედ იმას, რომ ურთიერთობა სამყაროსთან (ე. ი. გამოვლენა) აუცილებ-

ბელია მისი არსებობისთვის. „ფიზიკური“ მისი გარეგანოვლენის ფორმაა, „ფსიქიკური“ (უკეთ: „ცნობიერება“) შინაგანოვლენის ფორმა. ფსიქოფიზიკური ნეიტრალურობა მას მხოლოდ პოტენციურ მდგომარეობაში შეიძლება ჰქონდეს. პოტენციურობის ცნება საკმაოდ დამუშავებული ცნებაა დღევანდელ მეცნიერებაში იმისთვის, რომ მისტიკის იერი არ ჰქონდეს მას. ფიზიკის პოტენციურ ენერგია ფიზიკური ენერგიაა. მისგან შეიძლება აღმოცენდეს მხოლოდ გარკვეული ინტენსივობის და გარკვეული სხვადასხვა სახის ფიზიკური ენერგია და არა აბსოლუტურად სხვა რამ. პოტენცია ახსნითი ცნებაა, ემპირიაში რგი არაა მოკეშული. მისი არსებობის დასკვნა შეიძლება მხოლოდ post factum; როდესაც ფიზიკურ ენერგიის გამოვლენას ვხედავთ, ჩვენ შეგვიძლია დაეასკვნათ, რომ იგი პოტენციურად არსებობდა გამოვლენამდეც. არაცნობიერის ცნების წარმატების ერთი მთავარი მიზეზი ისიცაა, რომ მან შესაძლებლყო ფსიქიკურის პოტენციურის სახით გააზრება. პერსონული პოტენციურიც მხოლოდ იმ კატეგორიის შეიძლება იყოს, რა სახითაც იგი გამოვლინდება: ან ფიზიკური, ან ფსიქიკური — შესაძვე შესაძლებლობა გაშორიციხულია.

პერსონის ფსიქოფიზიკური ნეიტრალურობის განხილვით შემდეგ დასკვნამდე მივდივართ: მისი გააზრება შეუძლებელია, ჩვენ არ მოგვეპოვება არაფიზიკურის და არაფსიქიკურის გააზრების შესაძლებლობა. შეიძლებოდა დაგვეშვა იგი როგორც არაკონსულტურა „ $\sqrt{-1}$ “, მაგრამ ასეთ დაშვებას მხოლოდ მაშინ ექნებოდა აზრი, თუ ხელს შეგვიწყობდა სინამდვილის გაგებაში. ფსიქოფიზიკური ნეიტრალურობა კი არაფერს მატებს ჩვენს შემეცნებას. ფიზიკურისა და ფსიქიკურის ურთიერთობის ნაცვლად ახლა, ერთი მხრივ, არაფიზიკურისა და ფიზიკურის, მეორე მხრივ კი, არაფსიქიკურისა და ფსიქიკურის ურთიერთობის ახსნა გვიხდება. ამოცანა გაორმაგებულია და, ვარდა ამისა, ვართულებულია იმით, რომ ურთიერთობათა ერთი კომპონენტი სრულიად უცხოა ჩვენთვის.

ამ პრობლემის გადაჭრის ერთი ხერხი კიდევ რჩება პერსონალიზმს. პერსონის ფსიქოფიზიკური ნეიტრალურობა შეიძლება ისე კი არ იქნეს გაგებული, რომ პერსონა არც ფიზიკურია და არც ფსიქიკური, არამედ ისე, რომ იგი ფიზიკურიცაა და ფსიქიკურიც ერთსა და იმავე დროს. მაგრამ ავტორი ამ გზას არ მიშართავს. ნეიტრალურობა მას სატყვის ნამდვილი მნიშვნელობით: ესმის. ასეთი გა-

გების ერთ-ერთი მანქა ისიცაა, რომ იგი პერსონის რაობის მხოლოდ ნეგატიურ დახასიათებას წარმოადგენს, რაც, ცხადია, არაა მეცნიერული მოთხოვნების დამაკმაყოფილებელი. მაგრამ საწინააღმდეგო, პოზიტიური, დახასიათება აგრეთვე მიუღებელია. ვინც ეცდება ფსიქოფიზიკური პრობლემა გადაჭრას სუბსტანციად ისეთი პერსონის აღიარებით, რომელიც ფიზიკურიცაა და ფსიქიკურიც. ის მხოლოდ ადგილს გადაუნაცვლებს პრობლემას და თვით სუბსტანციაში გადაიტანს მას. „ფიზიკურიც და ფსიქიკურიც პერსონა“ ისევე ვერ გაიაზრება, როგორც ვერ გაიაზრება „არც ფიზიკური და არც ფსიქიკური პერსონა“.

პერსონის ფსიქოფიზიკური ნეიტრალურობის საკითხთან დაკავშირებით მოკლედ უკვე შევხებ დისპოზიციის საკითხს. აქ უფრო გულდასმით უნდა გავარკვეოთ დისპოზიციის რაობა ამ თვალსაზრისით. დისპოზიცია ერთმთლიანი პერსონული ენტელექტის ნაწილობრივი გამოსხივებაა მოვიყვან ავტორის სიტყვებს.

„უწინ სულიერი და სხეულებრივი თვისებების განსხვავება თავისთავად გასაგებ და რთულ განსხვავებად იყო მიჩნეული; ახლა საკმე სხვაგვარადა.“

ბუნებრივია, რომ გარკვეული აზრით პერსონალიზმშიც სცნობს ამ წინააღმდეგობას. თუ მიზანი, რომელსაც დისპოზიცია ემსახურება, ცნობიერების გარკვეული შინაარსების გამოწვევაში მდგომარეობს, გადატანითი აზრით თვით დისპოზიციებსაც ფსიქიკური შეიძლება ვუწოდოთ: ფანტაზია. ინტელიგენტობა, მეხსიერება. თუ, პირიქით, დისპოზიცია სხეულებრივი პროცესებისა და მდგომარეობების მიზეზს წარმოადგენს, მას ფიზიკური ეწოდება. მოტილიტეტი, სუნთქვის უნარი, სახის აღნაგობა (Gesichtsbildung), მაგრამ ჩვენ ზემოთ უკვე მივუთითეთ, თუ რამდენად სელოვნურია ასეთი იზოლაციები პიროვნებაში. ისეთი თვისებაც კი, რომელიც თითქოს მკაფიოდ „ფსიქიკურია“, როგორიცაა ფანტაზია, მხოლოდ ფანტაზიის წარმოდგენების გამოწვევის მიზანს კი არ ემსახურება, არამედ აგრეთვე ფანტაზიის გამოვლენის, ე. ი. სხეულებრივი გარემოვლენების მიზანსაც; ძალიან თვითნებური იქნებოდა ამ უკანასკნელების: ხელოვანის შემოქმედებითი აქტის. სახიობის (Reproduction), ბავშვის თამაშის და სხვ.—მკაფიოდ გამოყოფა ცნობიერების თანმხლები მოვლენებისაგან და მათი მიზეზობრივად გამოყვანა სხვა თვისებიდან, ვინაიდან მთლიანი პროცესის

ძიზნის ერთიანობა უეჭველია. პირუტუც, არ შეიძლება ადამიანის ტენდენციები სხეულებრივი გამომხატველი მოძრაობებისადმი (მიშკა უესტები, სისხლის მიმოქცევის ცვლილება და სხვ.) მხოლოდ და მხოლოდ „ფიზიკურ“ დისპოზიციებად განვიხილოთ, ვიხიდან სხეულის ეს მოქმედებანი სულიერ განცდებთან განუთიშველ გამოხატულებითს — ე. ი. მიზნობრივ — ერთიანობაში იმყოფებიან. ამრიგად, ე. წ. „ფსიქიკური“ და „ფიზიკური“ თვისებები ნაძღვილად ფსიქოფიზიკურად ნეიტრალურები არიან და მათი სახელწოდება მხოლოდ საფუძვლად მდებარე ნაწილობრივი მიზნის მიხედვით აქვთ.

ამ, მაინც უპირატესად ერთი მხრივ მიმართული, დისპოზიციების მიღმა არსებობს უპირობოდ (unbedingt) ნეიტრალური დისპოზიციები. რომლებშიც, ამიტომ, ბევრად უფრო უშუალოდ ვლინდება პიროვნების ენტელექტუალური ნებელობისა და ტემპერამენტის თვისებები: დინამიკური თვისებები, რომლებიც დაკავშირებულია ინდივიდში ძალის განწყობათა (Einstellung) განაწილებასთან, რიტმიზაციასთან. მომჭირნობისთან (კონცენტრაციის უნარი, გადახარის, დაღლისა და დასვენების, ყურადღების რიტმიკის უნარიანობა); ვარჯიშისა და შეჩვევის, სიცოცხლის წარსული შინაარსების — სიცოცხლის მომავალი მიზნებისათვის გამოყენების მნემური დისპოზიციები ისინი განუწყვერბელ ერთიანობაში მოქმედებენ ინდივიდის ფსიქიკურსა და ფიზიკურ ნაქმობაზე (Leistung) და, ამიტომ, გადაულახავ დაბრკოლებას უყენებენ ინდივიდის უნაშთოდ „ფსიქიკურ“ „ფიზიკურად“ ორად გაყოფის ყოველგვარ ცდას. მხოლოდ პერსონალიზმმა მოუწინა მათ სათანადო ადგილი (rechte Ort der Zuordnung); ეს არაა არც სულიერი, არც სხეულებრივი, არამედ განუწყველებლად პერსონული თვისებები: ¹⁶⁶

აქედან ნათელია, თუ რას ემსახურება დისპოზიციის ცნება განსხვავება (და მეტიც: წინააღმდეგობა) სულიერსა და სხეულებრივს შორის ფენომენურ სფეროში. პერსონალიზმისთვისაც არსებობს, მაგრამ იგი ისე არ უნდა იქნეს გაგებული, როგორც აქამდე იყო — იმთავითს ძირითად წინააღმდეგობად, — არამედ ფსიქოფიზიკურად ნეიტრალური (თუ გნებავთ — ერთიანი) პიროვნების გამოვლენის სახეობათა შორის განსხვავებად. ფენომენები პიროვნების გამოვ-

¹⁶⁶ 3,75 შშ.

ლენებია, რომელიც (პიროვნება) რომელობითად განსხვავდება თითოეული მათგანისაგან: როგორც ფიზიკურისგან, ისე ფსიქიკურისგან. დისპოზიცია ფსიქოფიზიკურად ნეიტრალური პიროვნებისა და ფსიქიკური და ფიზიკური მოვლენების უშუალო, დამაკავშირებელია, იგი ხილია მათ შორის. რამდენადაც დისპოზიცია ფსიქოფიზიკურად ნეიტრალური პიროვნების ნაწილობრივი გამოსხივებაა, ისიც ფსიქოფიზიკურად ნეიტრალური უნდა იყოს; მაგრამ რამდენადაც იგი გამოვლენის უშუალო მიზეზია, იგი ისეთივე რომელობის უნდა იყოს, როგორცაა გამოვლენა, ე. ი. ან ფიზიკური, ან ფსიქიკური. ფსიქოფიზიკური პრობლემის (თუნდაც არა მისი ტრადიციული სახით, არამედ „პერსონალისტური ვარიანტის“ სახით) მთელი სიმძიმე დისპოზიციას აწევება ტვირთად. მთლიანი, ფსიქოფიზიკურად ნეიტრალური პიროვნების თვალსაზრისით განხილული. დისპოზიცია არის ენტელექციის ნაწილობრივი²¹¹ გამოსხივება და თავადაც ფსიქოფიზიკურად ნეიტრალური უნდა იყოს. მაგრამ საქმე ისაა, რომ დისპოზიცია, ვ. შტერნის ტერმინებით რომ ვილაპარაკოთ, ინტერპრეტაციამწილი (erdeutete) სინამდვილეა.

მართალია, იგი არაა რეალურად არსებული რ. მოუკიდებელი ყოფიერება, არამედ აბსტრაქციის ნაყოფი, მაგრამ ეს არ ნიშნავს თითქოს შეიძლებოდეს როგორობის გარეშე მისი გააზრება როგორც ავტორი ამბობს, იგი, როგორც პოტენცია, „არავითარნაირად არ გამოიყურება“ და ამიტომ უმართებულოა კითხვა, თუ როგორ „გამოიყურება“ იგი (wie sieht sie aus), მაგრამ მისი კვალიფიკაცია მაინც შესაძლებელი უნდა იყოს. იგი უშუალოდ არ გვეძლევა, არამედ დაისკვნება, გამოიყვანება ფერომენტურად მოცემულიდან, როგორც მისი საფუძველი. ცალკეული, ფრაგმენტული მოკლენისათვის — განცდისთვის — ნაგულისხმევია პოტენციური საფუძველი. ეს საფუძველია დისპოზიცია, ანუ „პოტენციური განცდა“²¹². ამ უკანასკნელ გამოთქმას ავტორი მხოლოდ ერთხელ თითქოს შემთხვევით (თუმც კი კურსივით!) ხმარობს, მაგრამ იგი კარგად გამოხატავს დისპოზიციების ერთი ჯგუფის ბუნებას. ისინი ფაქტიურად ფსიქიკურის დისპოზიციები კი არაა მხოლოდ, არა-

²¹¹ ნაწილობრიობის შესახებ — ქვემოთ!

²¹² 1,111

შედ ფსიქიკური დისპოზიციები. ისინი, ცხადია, არ არიან ფსიქიკური ცნობიერების მნიშვნელობით, მაგრამ, ცხადია ისიც, რომ აღარც ფსიქოფიზიკურად ნეიტრალურები არიან იმავე აზრით, რა აზრითაც პერსონაა ფსიქოფიზიკურად ნეიტრალური. და შეუძლებელიცაა რომ იყვნენ. შეუძლებელია იმიტომ, რომ ასეთი თუ ისეთი დისპოზიციის არსებობა დასკვნილია ფენომენებიდან: ეინაიდან არსებობს ფენომენი, მას უნდა გააჩნდეს პოტენციური ნიადაგი. რამდენადაც იგი პოტენციურია. ანუ ჭერ განუბორციელებელია, იგი არაა ისევე ერთმნიშვნელოვანი, როგორც განხორციელებული ფაქტი; მაგრამ რამდენადაც იგი ერთმნიშვნელოვანად განხორციელებული ფაქტებისაგანაა გამოყვანილი, მას რაღაც გარკვეულობა მაინც უნდა ჰქონდეს. რაღაც მიმართებულობა. სახელდობრ: აი ამ სახის ფენომენებში განხორციელებისადმი მიმართებულობა. მეხსიერების დისპოზიციის არსებობის დადასტურებას, მაგალითად, მეხსიერების ფენომენების არსებობა აიძულებს პერსონალიზმს. მაგრამ, რაღაც აღიარებულია მეხსიერების დისპოზიციის არსებობა. ამით განსაზღვრულია მისი რაობაც: იგი მხოლოდ მეხსიერების ფენომენებში შეიძლება განხორციელდეს და სხვა არაფერში.

იმისგან, რასაც პირობაუდებლად შეიძლება ფსიქიკური ეუწოდოთ, სახელდობრ — განცდისაგან, დისპოზიცია უეჭველად განსხვავდება. განცდა — განიცდება, ე. ი. უშუალოდაა მოცემული; დისპოზიცია არ განიცდება. განცდა აქტუალურია, დისპოზიცია — პოტენციური. განცდა — კონკრეტულია, ერთმნიშვნელოვანია; დისპოზიცია — მრავალმნიშვნელოვანია იმ აზრით, რომ, გარკვეულ ფარგლებში. ს. ვადასხვაგვარ განცდად შეიძლება განხორციელდეს, გარკვეული „გასაქანი“ აქვს: ყველა ეს განსხვავება არაფერს ანიჭებს დისპოზიციის ისეთს. რაც ფსიქოფიზიკური პრობლემის „პერსონალისტური ვარიანტი“ გადაწყვეტისთვის გამოდგებოდა. დისპოზიციის ცნება მალავს, ჩქმალავს საკითხს იმის შესახებ, თუ სად ჩნდება განსხვავება ფსიქიკურსა და ფიზიკურს შორის.

ვ. შტერნის აზრთაწყობა, არსებითად, შემდეგნაირია: მოვლენების, ფენომენების სიბრტყეში ეს განსხვავება ფაქტადაა მოცემული. მაგრამ პრობლემა ამ სიბრტყეში არ დგება, რადგან გამოვლენ-

ნების უშუალო საფუძველი დისპოზიციებია და გამოვლენა ისეთია. როგორცაა მის საფუძველად მდებარე დისპოზიცია: ფიზიკური დისპოზიცია ფიზიკურ ფენომენებში გამოვლინდება, ფსიქიკური — ფსიქიკურში. აქ აზრთა მსვლელობის ერთი ძაფი წყდება: ფენომენების პოზიციიდან ქვერეტიას, დისპოზიციის შესახებ მეტის არაფრის თქმა არ შეიძლება. ფენომენის ასახსნელად მეტი არცაა საჭირო: იგი (ფენომენი) შესაძლებელია იმიტომ, რომ არსებობს პოტენციური მიმართებულობა და აღქურვილობა გარკვეული სახით გამოვლენისადმი გარკვეული დისპოზიცია.

ახლა უკვე დისპოზიციის ახსნის საკითხი დგება. დაშვებულია, რომ არსებობს დისპოზიცია როგორც პოტენცია და ტენდენცია გარკვეული სახით გამომჟღავნებისადმი. როგორაა იგი შესაძლებელი? რას ემყარება იგი? — მის საფუძველს პიროვნება წარმოადგენს. პიროვნება მრავალერთიანობაა მის მიჯნაზე მრავლობა სისტემადაა ჩამოყალიბებული. ამ სისტემის თითოეული წევრი მეტად თუ ნაკლებად მკაფიოდაა გარკვეული. მიზანი მოითხოვს განსორციელებას, და განხორციელების შესაძლებლობა მასშივეა მოცემული. ამიტომ პიროვნება, მიზნისეულობის თვალსაზრისით იგი განვიხილავთ მას, ერთიანი ენტელექტიაა, ხოლო ნაწილობრივი მიზნები - დისპოზიციები. დისპოზიცია თავისთავადი და დამოუკიდებელი „ნიჭიერება კი არაა, არამედ მთლიანპერსონული ენტელექტის ნაწილობრივი გამოსხივება. რამდენადაც იგი ნაწილობრივი გამოსხივებაა, იგი მეტად „სპეციფიკაციაქმნილია“, თუ შეიძლება ასე ითქვას, ვიდრე მთლიანი პიროვნების ერთიანი ენტელექტია, მაგრამ, რამდენადაც იგი მთლიანპიროვნული ენტელექტის გამოსხივებაა არსებითად იგი მხოლოდ და მხოლოდ იმავე ბუნების შეიძლება იყოს, რა ბუნებისააა მისი საფუძველი — პიროვნება, სახელობრ — ფსიქოფიზიკურად ნეიტრალურისა.

ასეთი აზრთაწყობის შედეგად დისპოზიციის ცნება გაურკვეველი რჩება; მრავალი სხვა საკითხის გასარკვევად იგი შეიძლება ძალიან მარჯვე პიპოთეზს წარმოადგენდეს, მაგრამ ფსიქოფიზიკური პრობლემის გადაჭრა, რაც მას დააკისრა პერსონალიზმმა, ოდნავადაც არაფერს იგებს ამ ცნებით.

პიროვნების მრავლიანობა

მეორე ამოცანა, რომელიც დისპოზიციის ცნების საშუალებით უნდა გადაიჭრას, მრავალერთიანი პიროვნების ცალკეულ კონკრეტულ ფენომენებად გამოვლენის მექანიზმის ახსნაა.

პიროვნება მრავლიანია, ერთმთლიანია, პოტენციურია, დიფუზუ-რიი. ვისი გამოვლენა ერთმნიშვნელოვანია, აქტუალურია. მეტად თუ ნაკლებად გეშტალტურია. ფენომენურ სიბრტყეში მოცემულია კერძობითი ხასიათის გამოვლენები — ამჟამად სულერთია ჩვეუ-თვის: ფსიქიკური, ფიზიკური, თუ „ფსიქოფიზიკურად ნეიტრალუ-რი“ ხასიათის იქნებიან ისინი. ყოველი გამოვლენა უსათუოდ ნაწი-ლობრივია. პიროვნების მრავალერთიანობა მთელი სისრულით არა-სოდეს არ გამოვლინდება, მაგრამ ყოველი გამოვლენა პიროვნებს, როგორც მრავალერთიანობის, ნაწილობრივი გამოვლენაა. მაშასა-დამე, სადღაც უნდა ხდებოდეს მთლიანი პიროვნების „დანაწილე-ბა“. ცალკეული მოვლენის უშუალო საფუძველი — დისპოზიცია ერთმნიშვნელოვნად მოქმედი ძალა კი არაა, არამედ ერთგვარი „გა-საქანის მქონე შესაძლებლობა“. სრულ გარკვევას, კონკრეტიზაციას დისპოზიცია მხოლოდ რეალურ განხორციელებისას განიცდის; მაგ-რამ აქ უკვე საქმე გვაქვს ფენომენთან, რომელიც ცხადია, სავსე-ბით ერთმნიშვნელოვანი და კონკრეტულია. დისპოზიცია მხოლოდ შესაძლებლობაა ფენომენის აღმოცენებისა, ან უკეთ: ერთ-ერთი ფაქტორი, რომელიც შესაძლებელს ჰყოფს ფენომენს. მეორე ფაქ-ტორი გარესამყაროა, ხოლო დისპოზიციის მასთან კონვერგენ-ცია—მექანიზმია ფენომენის აღმოცენებისა. დისპოზიციის დაზუს-ტება, ჩამოყალიბება, გარკვევა სიტუაციის მიერ ხდება. მაგრამ უაზ-რობა იქნებოდა დისპოზიციის ცნების შემუშავება, არაფრით რომ არ განსხვავდებოდეს იგი მთლიანპიროვნული ენტელექტის ცნების-გან. ენტელექტია, ასე ვთქვათ, თავისუფალია ყოველივე შინაარსისა-გან. ენტელექტია მხოლოდ იმას ნიშნავს, რომ პიროვნებას აქვს მი-ზანი და ეს მიზანი მოქმედებს, როგორც *causa finalis*. ენტე-ლექტის ცნება მხოლოდ ფორმალურად განსაზღვრავს პერსონის მიზნისეულობას. თუ როგორია ეს მიზნისეულობა, ენტელექტის ცნებაში არაა ნაგულისხმევი. შეიძლება ითქვას, რომ დისპოზიციაც ფორმალურია ცნებაა. ეს სწორი იქნება იმდენად, რამდენადაც დისპო-ზიცია ენტელექტის ნაწილია. მაგრამ დისპოზიცია, ამასთანავე ნიშ-

ნავს რალაცა მიზნისკენ მიმართებულობას და მის განხორციელებისთვის აღჭურვილობას პერსონისას. ე. ი. დისპოზიციაში იგულისხმება მიზანი, როგორც შინაარსის მქონე რამ. ამიტომ დისპოზიციასაც ენიჭება შინაარსი. ამიტომაც შესაძლებელი ითქვას: „აზროვნების დისპოზიცია“, „მეხსიერების დისპოზიცია“ და სხვა. მაშინ, როდესაც „ენტელექია“ ამდაგვარ მსაზღვრელს ვერ ეგუება. ერთადერთი მსაზღვრელი, რომელიც შეიძლება დაერთოს „ენტელექიას“, ესაა — „პერსონის“. „პერსონის ენტელექია“. მაგრამ ამითი სრულიად არაფერი ითქმის ახალი, რადგან ცნება „ენტელექიაში“ თავისთავად ნაგულისხმევია მისი მთლიანი პერსონისადმი კუთვნილება და შეტიც — ენტელექია თვითაა პერსონა, მიზნისეულობის თვალსაზრისით დანახული.

დისპოზიცია პერსონის მიზნისეულობის ნაწილია და თითოეულ დისპოზიციას პერსონის ყოფიერების მხოლოდ ერთ სფეროსთან აქვს კავშირი. ასეთმა განმარტებამ გაუგებრობა არ უნდა გამოიწვიოს, თითქოს პერსონის სიცოცხლის კონკრეტულ გამოვლენას მხოლოდ ერთი დისპოზიცია უდევს საფუძვლად. ასე, მაგ. ავტორის თანახმად, აზროვნების მოვლენები, უწინარეს ყოვლისა, აზროვნების დისპოზიციას ემყარება, მაგრამ მათ აღმოცენებაში მნემურისა და ნებელობის დისპოზიციებსაც უდევთ წილი. სოლო თუ ასეა, — ეს იმასაც ნიშნავს, რომ თითოეული დისპოზიცია მრავალ სფეროში მოქმედებს. მაგ., მნემური დისპოზიცია, თურმე, აზროვნების მოვლენებში მონაწილეობს; მაგრამ ცხადია, რომ იგი, უწინარეს ყოვლისა, მნემური მოვლენების საფუძველია და სწორედ ამიტომაც პქვია მას მნემური დისპოზიცია. იქმნება ზემოთქმულის საწინააღმდეგო შთაბეჭდილება, თითქოს ყოველ კონკრეტულ გამოვლენაში სხვადასხვა (იქნებ, ყველა?) დისპოზიცია მოქმედებს, და თითოეული დისპოზიცია სხვადასხვა (იქნება, ყველა?) კონკრეტულ გამოვლენაში მოქმედებს. ასეთი შთაბეჭდილება არ შეესატყვისება საქმის ნამდვილ ვითარებას. პერსონის სიცოცხლის გამოვლენები მთლიანია პერსონის გამოვლენებია და, ამიტომ, თითოეულ კონკრეტულ ფაქტში პერსონის სხვადასხვა ასპექტი მედავნიდება. მეცნიერული ანალიზი მოითხოვს თითოეული მათგანის იზოლაციას, პერსონის თითოეული მხარის ცალკე დანახვას. ამიტომ, როდესაც ავტორი ამბობს, რომ მაგ.: აზროვნების პროცესების აღმოცენებაში მნემური და ნებელობის დისპოზიციებიც მონაწილეობს,

ეს მართალია მხოლოდ იმდენად, რამდენადაც ის მოვლენა, რომელსაც მან აზროვნების პროცესი უწოდა, არაა წმინდა სახის აზროვნების პროცესი, არამედ, თვალსაზრისისდა მიხედვით, შეიძლება მნემურ, ან ნებელობის მოვლენად წარმოვიღვეს. რამდენადაც იგი აზროვნების პროცესია, ამდენად იგი აზროვნების დისპოზიციას ემყარება; რამდენადაც მნემური პროცესია — მნემურს და ა. შ. ამრიგად, თუ ანალიზის შედეგად რაიმე მოვლენის კვალიფიკაციას მოვახდენთ, მის საფუძვლად მხოლოდ შესატყვისი დისპოზიცია შეიძლება ვიგულოთ. მოვლენის „აზროვნებისეულობა“, თუ შეიძლება ასე ითქვას, აზროვნების დისპოზიციითაა პირობადებული, „მნემისეულობა“ — მნემურით, „ნებისეულობა“ — ნებელობის დისპოზიციით და ა. შ. მხოლოდ ასე გაგებისას აქვს მნიშვნელობა დისპოზიციის არსებობის დაშვებას. ერთ-ერთი ამოცანა, რომელიც დისპოზიციის ცნებას აქვს დაკისრებული, ეს იმის გაგებაა, თუ როგორ ხდება, რომ პერსონის ერთიანობა სიმრავლედ გამოვლინდება, როგორც ღდება მრავალმნიშვნელოვანი ერთიანი პერსონის კონკრეტულობა. ამ ამოცანის თვალსაზრისით დისპოზიციის ადგილი პერსონაში შემდეგნაირად ჩასათვლება:

პერსონა მრავალ მიზანთა სისტემაა. თითოეული მიზანი ერთმთლიანი სისტემის დამოკიდებული წევრია. ვინაიდან მიზანი პერსონის მამოძრავებელი ძალაა, ამიტომ პერსონის მთლიანი მზნისეულობა ენტელექტუალურად უნდა ვიზაროთ, ხოლო ნაწილობრივი მიზნები — დისპოზიციებად. დისპოზიციაში მოცემულია პერსონის ერთი მხრივ მიმართებულობა და ამ მიმართულებით მოქმედების უნარი. დისპოზიციების სიმრავლე პერსონის მრავალმხრივ მიმართებულობის გამომხატველია. პერსონის ურთიერთობა სამყაროსთან (მისი რეალური ყოფიერების აუცილებელი პირობა) რადიალურივით, იტყვოდა ავტორი, და არა ერთმხრივი. თითოეული დისპოზიცია ამ რადიალური მიმართებულობის ცალკეული „გამოსხივებაა“. იგი, როგორც სხვის შეპყვების. თანდათან ფართოვდება და სამყაროს მეტად თუ ნაკლებად ფართო სფეროს ეფინება. მთლიანპერსონულად ენტელექტუალურიდან განსხვავებით იგი ერთი მიმართულების მქონეა; ფენომენისაგან განსხვავებით მას ჯერ კიდევ არა აქვს ზუსტად გარკვეული ერთმნიშვნელოვანი შინაარსი.

ახსნის პლანში პერსონალისტური ფსიქოლოგიის ამოცანაა გარკვეულობას მოკლებული მთლიანი პიროვნებიდან ერთმნიშვნე-

ლოვანი გარკვეულობის მქონე განცდის გამოყვანა. ფსიქოლოგიის იმთავითი მასალა (Urmaterial) მხოლოდ განცდებია. პიროვნებას აქვს განცდები და პიროვნება გამომჟღავნდება განცდებში, ანუ — განიცდის. აქტიურობის და პასიურობის მომენტი სხვადასხვა პროპორციით ერთდროულად მოცემულია ყოველ განცდაში. აქტიურობის მომენტი ზოგჯერ განცდისეულადაც ე. ი. ცნობიერად აისახება ხოლმე დაძაბვის შეგრძნებების, აქტიურობის გრძნობის და სხვა სახით. ეს გარემოება განამტკიცებს ფსიქოლოგიის უფლებას, — განცდების გამომწვევი აქტების არსებობა იგულისხმოს. ფსიქიკური შინაარსი ფსიქიკური აქტითაა გამოწვეული, უპირატესად პასიური ფენომენების შემთხვევაში მათ საფუძველს და გომარეობა (Zustand, — და არა აქტი!) შეიძლება ეუწოდოთ. როგორც აქტი, ისე მდგომარეობა აკუტური კონკრეტული განცდის საფუძველია და თვითონაც ერთხელობრივი და გარკვეულია. ახსნის პრინციპად იგი უკმარია, აუცილებლად უნდა იქნეს ნაგულისხმევი რაღაც საფუძველი, რომელიც ამ აკუტურ მდგომარეობების, აქტებისა და განცდების მონაცვლეობის მიერ ხელშეუხებლად მუდმივად განაგრძობს არსებობას. ასეთი საბოლოო საფუძველი პიროვნებაა, მაგრამ იგი შორეული საფუძველია. უახლოესი საფუძველი კი არის დისპოზიცია. იგი, პრინციპულად, ქრონიკული ბუნებისაა. ფაქტიურად სხვადასხვა დისპოზიციის ხანგრძლივობა სხვადასხვაა და ამიტომ, შესაძლებელია ქრონიკული დისპოზიციებისგან განვასხვავოთ ნახევრადქრონიკული დისპოზიციები (ასეთია: Lage, Haltung, Einstellung). უკანასკნელები ერთხელობრივ სიტუაციასთან არიან დაკავშირებული და სწრაფად წარმავალნი არიან. პიროვნელები მუდმივად არსებობენ და პერსონის სიცოცხლის გააზრება უიმათოდ შეუძლებელია. მაგრამ ისინი მუდამ ერთგვაროვანი არ არიან, არამედ ცვალებადობენ სიცოცხლის განმავლობაში. „სრული ლატენტურობიდან, ადრე თუ გვიან, ნამდვილ მზაობად იქცევიან; ამასთან მათი პოტენცია ძალას იმატებს, მათი ტენდენცია — გარკვეულობას. რაც თავდაპირველად მხოლოდ და მხოლოდ დიფუზური, ძალიან მრავალმნიშვნელოვანი „განწყობილობა“ (Anlage) იყო, თანდათან „თვისებად“ (Eigenschaft) ჩამოყალიბდება“²⁶³. პიროვნების გამოვლენათა კონკრეტულობის საკითხის ვა-

²⁶³ 1,114.

სარკვევად ამას უდიდესი მნიშვნელობა აქვს. სრული კონკრეტიზაცია დისპოზიციისა და გარესამყაროს კონვერგენციის შედეგად პიროვნების პოტენციურობის რეალურობად ქცევისას ხდება, მაგრამ გაერთმნიშვნელოვანების დასაბამი დისპოზიციანივეა მოცემული. გარკვეული აი ამ სახის ფენომენის აღმოცენება მხოლოდ იმიტომაა შესაძლებელი. რომ სამყაროსთან კონვერგენციას, ფაქტიურად, აი ეს გარკვეული დისპოზიციის ამყარებს და არა განუწყვეტელი ერთმთლიანი პიროვნება. ასეთი მდგომარეობა უეპეელ საფრთხეს ქმნის კონვერგენციის მოძღვრების მიერ დასახული ვითარებასთვის, და ავტორი იძულებულია საგანგებოდ აღნიშნოს, რომ დისპოზიციის მხოლოდ და მხოლოდ წინასწარ განწყობაა (Prädisposition) პიროვნებისა და არა ბედისწერა (Prädestination). დისპოზიციის არა მარტო ფაქტორია კონვერგენციისა. არამედ მისი პროდუქტიცაა ამასთანავე. ამის აღიარებით. რა თქმა უნდა. მაქსიმალურად იზრდება სამყაროსეული ფაქტორის როლი კონვერგენციისაში. რაც უეპეელ უპირატესობას ანიჭებს დისპოზიციის ცნებას „ნიჭიერების“ ცნების წინაშე. დისპოზიციის აღარ წარმოვდივება იმთავითვე სრულიად გარკვეული შინაარსით აღჭურვილ გაქვეყნულ რომელობად, არამედ ცვალებადობისუნარიან პოტენციად თუ ტენდენციად. ერთი მხრივ, აღიარებულია, რომ დისპოზიციის აქვს სახვის უნარი. ანუ პლასტიკურობა: ეს იმას ნიშნავს, რომ დისპოზიციის არაა გაქვეყნებული, გარკვეული უცვლელი რომელობის მქონე ნიჭიერება, არამედ ცვალებადობის უნარით აღჭურვილი შესაძლებლობა. მაგრამ, მეორე მხრივ, პლასტიკურობისავე წყალობით შესაძლებელი ხდება დისპოზიციის გარკვევა, მის მიერ ერთმნიშვნელოვანი შინაარსის შექმნა, დიფუზური განწყობილობიდან (Aulage) გარკვეულ თვისებად (Eigenschaft) ჩამოყალიბება. როგორც ჩამოყალიბებული თვისება, დისპოზიციის, არსებითად. არ განსხვავდება ნიჭიერებისგან, რომლის ერთი დიდი ნაკლი. სწორედ, ერთმნიშვნელოვნად მოქმედებაა, მისი გარკვეულობით პირობადებული. ყოველ ნიჭიერებას მხოლოდ გარკვეული ერთი სახის მოქმედების გამოწვევა შეეძლო ნიჭიერებათა თეორიის თანახმად. ამიტომ დაშვებული უნდა ყოფილიყო იმდენნაირი ნიჭიერება, რამდენნაირი სახის მოქმედებაც არსებობდა. დისპოზიციის შემთხვევაშიც ანალოგიურ მდგომარეობას ვხედავთ: პერსონის ყოველ მოქმედებას. ყოველ გამოვლენას უშუალო საფუძვლად გარკვეულად სპეციფი-

კაციაქმნილი დისპოზიცია უდევს. შთაბეჭდილება რომ არ შეიქმნეს, თითქოს, დისპოზიციის ცნება არაფრით არ განსხვავდება ნიქიერების ძველი ცნებისგან, განმეორებით უნდა აღვნიშნო, რომ დისპოზიცია, როგორც არ უნდა იყოს იგი, ვ. შტერნსთვის არსებობს მხოლოდ როგორც პიროვნების მთლიანობის ნაწილი და არა როგორც დამოუკიდებელი ძალა, როგორადაც იყო გაგებული ნიქიერება.

ამრიგად დადგენილად შეიძლება ჩაითვალოს, რომ არსებიააღ პიროვნების მრავალმნიშვნელოვანობის გაერთმნიშვნელოვანება დისპოზიციის სფეროში ხდება. თითქოს აღარაფერია გაუგებარი იმაში, რომ მრავალერთიანი პიროვნება კონკრეტულ მოქმედებაში გამოვლინდება: ეს შესაძლებელი უნდა იყოს იმიტომ, რომ დისპოზიცია ერთმნიშვნელოვანია ხოლო ამასთანავე იგი მთლიან პიროვნების გამოსხივებაა.

ასეთი ახსნა არაა დამაკმაყოფილებელი. დისპოზიციას მიეწერება ორი, ურთიერთის გამომრიცხველი ძეისება: კონკრეტულობა და ზოგადობა. ერთი მხრივ, იგი წარმოდგენილია პოტენციად იმისა, რომ განხორციელებული სახით ფენომენად გვევლინება და ფენომენისგან მხოლოდ იმით განსხვავდება, რომ ჭერ არაა განხორციელებული ჭერ მხოლოდ პოტენციაა „არაცნობიერი განცდისაგან“ იგი უსათუოდ განსხვავებულია: არაცნობიერი განცდა გულისხმობს განცდას, რომელიც არაა ცნობიერი და მხოლოდ ამით განსხვავდება ცნობიერი განცდისაგან. ვ. შტერნს იგი აბსურდად მიაჩნდა. დისპოზიცია (კერძოდ, ფსიქიკურ დისპოზიციასზე რომ ვილაპარაკოთ) არაა განცდა, არამედ არის განცდის (არამარტო Erleben-ის, არამედ აგრეთვე Erlebuiss-ის მნიშვნელობით) შესაძლებლობა. განცდა კონკრეტულია და დისპოზიცია, როგორც სწორედ ა ი ამ განცდის დისპოზიცია, აგრეთვე კონკრეტულია. ფენომენი მხოლოდ იმდენადაა შესაძლებელი, რამდენადაც სიტუაციას კონკრეტული დისპოზიცია უპირისპირდება. მართალია, დისპოზიციის კონკრეტულობა განსხვავებულია ფენომენის კონკრეტულობისაგან, მაგრამ ეს განსხვავება დაიყვანება პოტენციურობისა და რეალურობის განსხვავებაზე. ავტორის სიტყვებით, პოტენციას არა აქვს სახე. ამიტომ არც კონკრეტული შეიძლება იყოს იგი იმ აზრით, რა აზრითაც კონკრეტულია „სახის მქონე“ ფენომენი. მაგრამ—მხოლოდ ამდენად! როგორც პოტენცია, იგი რელიზაციის წინასაფხურზე

უკვე აღწევს მაქსიმალურ გავრცელებას და კონვერგენციის მთავარი შედეგი დისპოზიციის კონკრეტიზაცია კი არაა, არამედ მისი რეალიზაცია.

ფენომენი — ფიზიკური იქნება იგი, ფსიქიკური თუ „ფსიქო-ფიზიკურად ნეიტრალური“ — პერსონის გამოვლენაა. ამიტომ იგი მხოლოდ და მხოლოდ მისი რეალურობაში პროექცია შეიძლება იყოს და, მაშ, არ შეიძლება შეიცავდეს რაიმე აბსოლუტურად ახალს, ისეთს, რაც პერსონაში პოტენციის სახით მზამზარეულად არაა მოცემული. ნამდვილად, ასე უნდა გავიგოთ კონვერგენციაში მონაწილე დისპოზიციის ბუნება: ეს კი იმას ნიშნავს, რომ დისპოზიციაში უკვე გარკვეულია, თუ როგორი სახით განხორციელდება იგი აი ამ კერძო შემთხვევაში, და კონვერგენციის ცალკეულ კერძო შემთხვევაში სიტუაცია ფაქტიურად მხოლოდ საბიძგელია დისპოზიციის მოქმედებისა. პლასტიკურობის უნარის წყალობით დისპოზიცია შეიცვლება მხოლოდ კონვერგენციის განხორციელების შემდეგ. მაგრამ კონვერგენციის ყოველ კერძო აქტში იგი მონაწილეობს მზამზარეული სახით. დისპოზიციაზე სიტუაცია კი არ მოქმედებს, არამედ ცოცხლობა (Lebens). თუ გავიხსენებთ იმას, რომ ბოლოს და ბოლოს თვით სიტუაციაც პერსონის შემოქმედებაა, დისპოზიციის სახვისუნარზნობასაც, არსებითად, თვით-სახვად წარმოგვიდგება. მაგრამ, აშკარად პიროვნების გამოვლენის მხოლოდ თითოეული კერძო შემთხვევა მაინტერესებს. ნაწარმოები მსჯელობის თანახმად, მისი როგორობა დისპოზიციის როგორობითაა სავსებით განსაზღვრული. დისპოზიციის როგორობა კი ორ ფაქტორზეა დამოკიდებული: გარესამყაროს ზემოქმედებაზე და შინაპერსონულ მიზანმისწრაფებაზე. გარესამყაროსთან ურთიერთობისას განხორციელდება დისპოზიცია და განხორციელების შედეგად ჩნდება, თუ — მატულობს. მისი მზაობა ამგვარად განხორციელებისადმი. შინაპერსონული ზემოქმედება სულ სხვა ბუნებისაა აქ არც შეიძლება ნამდვილი აზრით ზემოქმედებაზე ლაპარაკი, რადგან პერსონის მიზანმისწრაფება დისპოზიციისთვის გარემდებარე კი არაა. არამედ დისპოზიცია თვითაა მიზანმისწრაფების ნაწილობრივი გამოსხივება.

ჩანერგვა-გამოყოფის თეორიის თანახმად, მომენტო მით მეტადაა გეშტალტური, რაც უფრო მეტადაა გამოყოფილი პერსონის მთლიანობას და შებრუნებითაც. რაც უფრო გეშტალტურია, მით

უფრო მეტადაა გამოყოფილი. დისპოზიცია იმ სახით, რა სახითაც იგი უშუალოდ უპირისპირდება სამყაროს,—რეალიზაციისაკენ მი-
 ჯავალი გზის უკანასკნელ პოტენციურ ეტაპზე—მაქსიმალურადაა
 გეშტალტური, რამდენადაც კი შეიძლება გეშტალტური იყოს პოტენ-
 ციურობა. ამდენად იგი მაქსიმალურად გამოყოფილიცაა პერსონის
 მთლიანობას. თვისება (Eigenschaft) ბევრად უფრო გეშტალტუ-
 რია, ვიდრე განწყობილობა (Aulage) და, ამიტომ, იგი ბევრად
 უფრო თვითმყოფია, ბევრად უფრო დამოუკიდებელია პერსონის
 მთლიანობისგან. სამყაროსთან ურთიერთობა ამ, მაქსიმალურად
 დამოუკიდებელ, დისპოზიციას აქვს. რეალიზაცია სწორედ ამ მაქ-
 სიმალურად დამოუკიდებელი, მომენტისა ხდება. გამოვლენაში
 უშუალოდ პერსონა კი არ გამოვლინდება, როგორც მთლიანობა,
 არამედ — მისი მხოლოდ ნაწილი, მისგან განთავისუფლებული მო-
 მენტი.

პირბრუნების ერთიანობა

ვ. შტერნის თანახმად, „დღეს საყოველთაოდ გავრცელებულ
 „მთლიანობის“ — ცნებათა შორის, მტკიცედ უნდა გამოიყოს „პერ-
 სონული მთლიანობა“: იგი სხვებისგან განსხვავდება თვითგანსაზ-
 ღვრების ნიშნით და მომენტების: გეშტალტისა და უნგეშტალტის.
 მოცემულობისა და პოტენციურობის, გამოყოფისა და ჩანერგი-
 ლობის — დიალექტიკური დაკავშირებით“²⁸⁴. „პერსონა იმთავითვე
 მთლიანობაა, მაშინ, როდესაც მასში მოცემულ ორგანოებს, სტრუქ-
 ტურებს, გეშტალტებს, ცნობიერებებს, ფუნქციებს, დისპოზიცი-
 ეებს და ა. შ. მხოლოდ „პერსონის წყალობით“ აქვთ მთლიანობა-
 თა ხასიათი“²⁸⁵.

მაგრამ პერსონის სიცოცხლეში მრავალია ისეთი შემთხვევა,
 რომლის გაგება და ახსნა მთლიანობითი თვალსაზრისით მნიშვნე-
 ლოვან სიძნელეს წარმოადგენს, თუ მთლიანობა გაგებულია, რო-
 გორც გაუნაწევრებელი „ერთი“. ასეთი სიძნელის ნიმუშია, მაგ.,
 ყურადღების განაწილების სახელით ცნობილი მოვლენა. როდესაც
 ფსიქიკა (როგორადაც არ უნდა იყოს იგი გაგებული, სულ ერთია)

²⁸⁴ 5, გვ. V.

²⁸⁵ 14, 158

ერთდროულად სხვადასხვამხრივია მიმართული²⁶⁰, მთლიანობის პოზიციიდან უეჭველად ძნელია ამგვარი მოვლენის ახსნა. „პერსონალისტური ფსიქოლოგიისათვის, - „ამბობს ავტორი, ეს სიძნელე არ არსებობს. ვინაიდან პერსონის მთლიანობა ყველგან და ყოველთვის სიმრავლის ერთიანობაა, ამიტომ არაერთიანი წინააღმდეგობა არაა, ერთი მხრივ, განწყობის მიმართებულებათა (Einstellungsgesichtung), ანუ ენერგიის ფოკუსების (Energiebrennpunkt) სიმრავლესა, მეორე მხრივ კი, პერსონულ ერთიანობას შიორის. ჩვენი თვალსაზრისით, პირიქით, საკითხი ისაა, თუ როგორ ხდება მრავლობის განწყობის ტოტალიზაში²⁶¹, საბოლოოდ, ვ. შტერნი ვერ ახერხებს მრავლობის გაერთიანებას. იგი მოიშველიებს პიროვნების სიღრმის სხვადასხვა ფენებს და ამბობს. რომ მრავალი ამოცანის ერთდროულად შესრულებისას ერთი ამოცანა ცენტრალურ ძალებს გამოიყენებს. მეორე უფრო ზედაპირულ ძალებსო. ეს ახსნა არაა დამაკმაყოფილებელი: ყურადღება. როგორც აქტი, მთლიანად ერთ ფენაში თავსდება მისი საგანი, როგორც ფენომენი — აგრეთვე ერთ ფენაში; ისე, რომ სხვადასხვა ფენებს შორის მისი განაწილება სრულიად შეუძლებელია. მრავალმაგი მოქმედებისას ენერგიის განაწილების ორგანიზაციაც პერსონული ერთიანობის საფუძველზე ხდება მხოლოდ გასაგებია. და ამ მოვლენას ისე ხსნის, რომ ერთი მიმართულებით ენერგიის დაძაბვის შესუსტებისას მისი მეორე მიმართულებით გაძლიერება ხდება. ასეთი ახსნა, ფაქტიურად, ნიშნავს ყურადღების განაწილების უარყოფას, მის დაყვანას ყურადღების მიმართულების მონაცვლეობაზე. მთლიანობითი თვალსაზრისი ვერაა გამოყენებული და ყურადღების განაწილება, რომელიც ფაქტადაა მიჩნეული, არსებითად უარყოფილია. მრავლობის მომენტმა სძლია აქ ერთიანობის მომენტს საკითხის დაყენებისას. უწინდელ „მოფილოსოფოსე“²⁶² თეორეტიკოსებს უსაყვედურებს ავტორი: თავსამტვრევ საკითხად გაუხდათ ყურადღების განაწილება, რადგან იგი ვერ ეგუება მარტივი სულის და ერთიანი ცნობიერების თეზისს, და იძუ-

²⁶⁰ დღეს ეკვია მიტანილი თვით ასეთი ფაქტის არსებობაზე. მაგრამ ტრადიციული გაგების თანახმად ნამდვილად არსებობს ყურადღების განაწილება მოვლენები. აქ თავისთავად ეს პრობლემა არ მინტერესებს და ვლენულობ განაწილებას, როგორც ფაქტს.

²⁶¹ № 1, 664.

* philosophierende.

ლებული იყვნენ უარეყოთ ერთდროულად სხვადასხვაგვარი მოქმედების შესაძლებლობაო. მაგრამ თითონაც, ბოლოს და ბოლოს, იძულებულია ასე მოიქცეს, როდესაც ერთიანობაზე სურს ყურადღების განაწილების დაყვანა.

ე. წ. „ყურადღების განაწილებაში“ ყველაზე უფრო მკაფიოდ იჩენს თავს „unitas multiplex“-ის მანკიერება. ფაქტიურად ყოველი წევრი, ყოველი მომენტი ერთიანი პერსონის დამოუკიდებლად, თავისთავად მოქმედებს; მათი მრავლობის ერთიანობა კი, როგორც ასეთი, უშუალოდ არ მონაწილეობს რეალურ ყოფიერებაში. რამდენადაც ემპირიის ახსნა-გაგება მისი ღრმა ფენებზე დაყვანის ძიმართულებით მიდის, — იგი გამართლებულია ხოლმე მაგრამ დასაბუთების მეორე გზაც არსებობს პერსონალისტურ სისტემაში — პიროვნებიდან გამოყვანის გზა, და უმართებულობანი ამ შეთოდით მონაპოვარში გვხვდება ხოლმე. დისპოზიციების საკითხის განხილვისას ამაში საკმაოდ დაკრწმუნდია: რამდენადაც დისპოზიცია პიროვნების ფენომენური ზედაპირის თვალსაზრისითა დადგენილი და დახასიათებული, რამდენადაც იგი მოვლენათა საფუძვლად მდებარე სინამდვილედაა მიჩნეული, — მისი დახასიათება დამაჭერებელია და დამაკმაყოფილებელი. მართლაც, ფსიქოლოგიის იმ მიმართულებისთვის, რომლებიც განცდების ახსნას ისახვენ მიზნად, იმთავითვე ცნობილია, რომ არაფრიდან არაფერი არ შეიძლება აღმოცენდეს და რომ ფენომენს რაღაც საფუძველი უნდა ჰქონდეს. ვ. შტერნი მართებულად ახასიათებს ამ საფუძველს. იგი პოტენციურია, მაგრამ ეს პოტენცია არაა ინდიფერენტული; იგი მიმართულიცაა. მიმართულობა არაა მტკიცედ და ურყევად გარკვეული, არამედ მეტი თუ ნაკლები გასაქანის. მეტი თუ ნაკლება ვარიაციის უნარის მქონეა. სრულ გარკვეულობას იგი მხოლოდ განხორციელების მომენტში ღებულობს. განხორციელება კი მხოლოდ გარესამყაროსთან შეხვედრის — კონვერგენციის — შედეგადაა შესაძლებელი. ერთხელ განხორციელების შედეგად დისპოზიცია კვლავ პოტენციად რჩება, მაგრამ მისი პოტენციურობის როგორობა იცვლება, იცვლება მისი გასაქანი და, შეიძლება, მიმართულების ძირითადი გეზიც. ნიჭიერების თეორიისგან განსხვავებით აქ გაგებულია გარესამყაროს მნიშვნელობა პიროვნების სოციალისტის გამოვლენებისათვის; პირველად, მართლაც, სამყაროს ყოფიერების მონაწილე ხდება.

მაგრამ პერსონალისტურმა ფსიქოლოგმა დისპოზიციის მთლიანი პიროვნების მომენტად უნდა გაიგოს. როგორ უნდა მოთავსდეს იგი პიროვნების მთლიანობაში, რა ადგილზე უნდა დაიქიროს მასში? პიროვნება მიზანმიმსწრაფებელი ერთიანობაა. იგი არაა მარტივი, არამედ—სიმრავლის შემცველია. როგორც სიმრავლის ერთიანობას, მას მიზანთა სიმრავლე ახასიათებს. ამის გამომხატველად დისპოზიციას: ერთი რაიმე მიმართულებით მოქმედების ტენდენცია და პოტენცია. ძირითადად, მოქმედების მიმართულებანი პიროვნების ცნებითაა ნაგულისხმევი. ესაა თვითშენარჩუნების, თვითგანვითარების, პეტერისტული მიზნების და ინტროცეფციის მიმართულებანი. უფრო კონკრეტულად დახასიათება მიზანმიმსწრაფებულობის მიმართულებისა მხოლოდ post factum-ის შესაძლებელი მას შემდეგ, რაც პიროვნება განახორციელებს მოქმედებას. აქტიური უარყოფს ნიჭიერებათა მსგავსად დისპოზიციების ინვენტარიზაციის შესაძლებლობას. რადგან დისპოზიციები არა მარტო მელავნდებიან, არამედ ყალიბდებიან კიდევ მოქმედებაში. ყოველი მოქმედება პიროვნების მოქმედებაა; ქეშმარიტი სუბიექტი მთლიანი პიროვნებაა. ესაა პერსონალისტური ფსიქოლოგიის ძირითადი ამოსავალი მრწამსი. პიროვნება მრავალ სხვადასხვაგვარ მოქმედებას განახორციელებს. ესაა ძირითადი ამოსავალი ემპირიული ფაქტი ყოველგვარი ფსიქოლოგიისა და, მათ შორის, პერსონალისტურისაც. ამ ფაქტის ასახსნელად იყო შექმნილი „ნიჭიერებათა თეორია“. რომელიც ყველაზე უფრო უშუალოდ, გულუბრყვილოდ ცდილობდა ფაქტის ასხნას. „ადამიანი აზროვნებს იმიტომ, რომ მას აქვს აზროვნების უნარი“. არსებითად ასეთია ამ თეორიის მსჯელობის ყალიბი. უეჭველია, რომ ადამიანი აზროვნებს იმიტომ, რომ მას აქვს აზროვნების შესაძლებლობა, უნარი (ამ სიტყვის ყოველდღიური, არასპეციალური მნიშვნელობით). ვ. შტერნის სისტემაში ეს უნარი დისპოზიციის სახითაა წარმოდგენილი. დისპოზიციის ცნება გულისხმობს მთლიან პერსონაზე მის დამოკიდებულობას, არათავისთავადობას. მაგრამ ფაქტიურად მისი, როგორც პერსონული მომენტის, მეტნაყოფი გამოყოფილობა პერსონული მთლიანობიდან სრულ გამოცალკევებად იქცევა, ისე რომ შეუძლებელია ხდება მრავალი დისპოზიციის ქეშმარიტად გაერთიანება. ვ. შტერნის მრავალერთიანი პერსონა ქრისტეანული სამერთიანი ღმერთის მდგომარეობაში ვარდება, რომლის ბუნება საუკუნეების განმავლობაში ვერ იქნა გაგებელი.

უდიდესი ნაკლი ვ. შტერნის პიროვნებრივ ცნებისა ისაა, რომ რეალურ ყოფიერებაში თვით იგი კი არ მონაწილეობს, როგორც ერთიანობა, არამედ მხოლოდ მისი დისპოზიციები. ფსიქიკურის (და, ზოგადად, სიცოცხლესაც) სუბიექტად დისპოზიციის გვევლინება და არა პერსონა. დისპოზიციის არადამოუკიდებლობა ენტელექტისგან ანალოგიურია ინდივიდუალური პერსონის არა-დამოუკიდებლობისა ზეინდივიდუალური ერთიანობისგან.

ფაქტი ფაქტად რჩება: პიროვნების გამოვლენები ნაწილობრივი, პარციალური ხასიათისაა. ეს ერთი მხრივ, მეორე მხრივ, ფსიქოლოგიის უდავო მონაპოვარია ფსიქიკურის სუბიექტის მთლიანობა. საკითხი ამ ორი ვითარების ურთიერთთან შეგუება, ურთიერთთან შეთანხმებაა. ვ. შტერნმა ყველა სხვაზე უფრო მკაფიოდ დასვა ეს საკითხი, მაგრამ მისი გადაწყვეტა ვერ შესძლო.

ფსიქოლოგიას მოეპოვება ამ საკითხის გადაწყვეტის ერთი ცდა რომელზედაც მოკლედ შევჩერდები. ეს ცდა აკად. დიმიტრი უზნაძეს ეკუთვნის.

მისთვისაც პიროვნება მთლიანობაა მისთვისაც პიროვნების გამოვლენები ნაწილობრივი ხასიათისანი არიან. მაგრამ ყოველ კერძო გამოვლენაში, მის თანახმად, პიროვნება მონაწილეობს. ეს დებულება მისაღებია ყველასათვის, ვინც პიროვნებას სთვლის ნაშთილ სუბიექტად. საქმე მისი დამტკიცებაა. ამისათვის ვ. შტერნის დებულებების ძირიან-ფესვიანი გადატრიალებაა საჭირო.

თავისთავადი პერსონების ერთიანობა კი არ ქმნის ობიექტურ ყოფიერებას, არამედ. პირიქით თვით პიროვნებაა ობიექტური ერთიანი ყოფიერების ნაწილი. როგორც ასეთი, იგი მუდამ ურთიერთობაშია მის გარეთმყოფი ობიექტური ყოფიერების მთლიანობასთან. ამ ურთიერთობის აუცილებლობა, პიროვნების თვალსაზრისით განხილული. მოთხოვნილებად და ასახული პიროვნებაში ანუ, უფრო ზოგადად, — ორგანიზმში არა მიზანი — ენტელექტა არამედ მოთხოვნილება განსაზღვრავს რეალურ ყოფას. მოთხოვნილების ცნება არსებითად განსხვავდება ვ. შტერნის მიზნის ცნებისაგან. უკანასკნელი, — ე. ი. მიზანი — პირველადია. გარემოსამყაროსაგან პირობაუღებელი, ქვეშეპარტად იმთავით საკუთრივ — პერსონული. მიზანს არსებობისათვის კი არ ესაჭიროება სამყარო, არამედ მხოლოდ განხორციელებისათვის. გენეზურად მიზანი თავისუფალია, დამოუკიდებელია სამყაროსაგან. მოთხოვნილება — „სამყა-

როს მოთხოვნილებაა“, არსებობს მხოლოდ იმიტომ, რომ ორგანიზმში სამყაროში არსებობს და მასთან ურთიერთობას საჭიროებს. ამის გარეშე მოთხოვნილება არ იარსებებდა, მაშინ, როდესაც მიზნის (ე. შტერნისეული მნიშვნელობით) გააზრება შესაძლებელია სამყაროსთან დამოკიდებულების გარეშე. თუმცა მიზნის განხორციელება სამყაროსთან ურთიერთობაში ხდება მაგრამ ეს მხოლოდ იმდენად, რამდენადაც განხორციელება მხოლოდ რეალური ყოფიერების სფეროშია შესაძლებელი.

ვ. შტერნის თანახმად, პიროვნების (ანუ პერსონის) გამოვლენათა „მოტორი“ დისპოზიციაა. ვინაიდან პერსონას ერთდროულად მრავალი მიზანი შეიძლება ჰქონდეს, ამიტომ ერთდროულად მრავალი დისპოზიცია შეიძლება იყოს აქტიურ მდგომარეობაში და სხვადასხვა მიმართულებით ლაშობდეს პერსონის ამოძრავებას. მათა მოქმედების მოგვარება, ავტორის მიხედვით იმის წყალობითა უნდა ხერხდებოდეს, რომ ეს დისპოზიციები მხოლოდ ნაწილობრივი მიზნებითა მთლიანი პერსონისა.

დ. უზნაძის თანახმად პიროვნების (ორგანიზმის) გამოვლენათა პირველწყარო მოთხოვნილებაა. გამოვლენათა მრავალგვარობა იმიტომაც შესაძლებელი, რომ ორგანიზმს მრავალგვარი მოთხოვნილება შეიძლება ჰქონდეს. მათი ერთდროულობა იმიტომ არ იწვევს პიროვნების „გახლეჩას“, რომ ფაქტიურად პიროვნება ერთი მოთხოვნილების თანახმად ამოქმედდება. პიროვნების მოქმედების მექანიზმი მოთხოვნილებით არ ამოიწურება. მოთხოვნილება თავისთავად ჯერ კიდევ ვერ განსაზღვრავს მოქმედების როგორობას. პიროვნება იმგვარად სამოქმედოდ განეწყობა, რაგვარად მოქმედებაც შესატყვისი იქნება ამ მომენტში არსებულ გარემოპირობებში მოთხოვნილების დაკმაყოფილებისა. ნომენტანურად მოცემული ობიექტური გარემოება სიტუაციად ეძლევა ორგანიზმს. ეს ნიშნავს, რომ იგი გარკვეული მოთხოვნილების თვალთაა დანახული და დანახულია როგორც გარკვეული სტრუქტურა. ამ სტრუქტურის გარემოში ამ მოთხოვნილების დაკმაყოფილება მხოლოდ ამ გზით შეიძლება ორგანიზმიც განეწყობა სწორედ აი ამ გარკვეული სახით მოქმედებისთვის. ეს ნიშნავს, რომ ორგანიზმის ამოქმედების უშუალო საფუძველი მოთხოვნილება კი არა ყოფილა, არამედ მის ნიადაგზე აღმოცენებული განწყობა განწყობა კი არა მარტო მოთხოვნილებითაა განსაზღვრული, არამედ გარემოპირობებითაც.

განსხვავება დისპოზიციასა და განწყობას შორის არაა მხოლოდ და მხოლოდ ტერმინოლოგიური. კონკრეტულ გამოვლენაში ზონაწილე დისპოზიციის-კონვერგენციის შინაგანი ფაქტორი—პერსონის შინაგანი მიზნისეულობიდან გამოაყვანება და კონვერგენციის კონკრეტული აქტის განხორციელებამდე სრულიად თავისუფალია კონკრეტულ გარემოსგან. განწყობა ქცევის აქტის განხორციელების უწინარეს უკვე პროდუქტია მოთხოვნილების და სიტუაციის ერთიანობისა, განწყობა მხოლოდ კონკრეტულ სიტუაციაში ჩნდება და თითონაც კონკრეტულია. გამოვლენაში მისი მხოლოდ და მხოლოდ გაშლა, რეალიზაცია ხდება. მაგრამ ამასვე იტყვას ე. შტერნი დისპოზიციის შესახებ. ის ამბობს, რომ მოქმედებაში სდება დისპოზიციის გამკაფიოება, დაზუსტება მისი რეალიზაციის მეოხებით. ე. შტერნის მიერ წარმოდგენილი საქმის ნამდვილი ვითარება ასეთია: არსებობს დისპოზიცია, რომელიც სავსებით გარკვეული შინაარსის ჯერ კიდევ არაა მისი შინაარსი გაირკვევა სიტუაციის მიერ, რომელშიც მოხდება მისი განხორციელება. დ. უზნაძის მიერ წარმოდგენილი საქმის ვითარება შემდეგია: პიროვნებას აქვს მოთხოვნილება. მოთხოვნილება ის მდგომარეობაა რომელშიც სუბიექტურად ასახულია გარემოსთან ურთიერთობის მანკი. ე. ი. ორგანიზმს რაღაც აკლია და იგი საჭიროებს ამ ნაკლის შევსებას. თუ გარემო ამის შესაძლებლობას შეიცავს, იგი გარკვეული სტრუქტურის სახით წარუდგება სუბიექტს, ისეთი სტრუქტურისა, რომლის რაგვარობა ამ მოთხოვნილებითაა განსაზღვრული. ასეთ სუბიექტურად გასტრუქტურებულ გარემოში პიროვნება მოემართება. განწყობა თავისი მოთხოვნილების დაკმაყოფილების შესატყვისი მოქმედებისთვის. ეს მისი მომართვა, მისი გადასტრუქტურება, მისი ე. წ. „განწყობა“ სრულიად კონკრეტული შინაარსის მქონეა. რეალიზაციისას მხოლოდ განხორციელება ხდება განწყობისა და არა მისი დაზუსტება, რადგან იგი არავითარ დაზუსტებას აღარ საჭიროებს.

მაშასადამე, მოქმედების უშუალო მიზეზი დ. უზნაძისათვის არის რაიმე მოთხოვნილების მატარებელი პიროვნების (ორგანიზმის) მოწყობა, „მთლიანი მოდიფიკაცია“ კონკრეტულ გარემოში ამ მოთხოვნილების დაკმაყოფილების შესატყვისად, როგორც თითონ აკად. დ. უზნაძე ამბობს *, განწყობა შეიძლება შევადაროთ სა-

* მოხსენება 1943 წ. განსახკომის პედაგოგიის სამ. საკულ. ინსტ-ში.

მუსიკო ინსტრუმენტის აწყობას: ინსტრუმენტი — გარკვეულ შესაძლებლობათ. აქონება. გარემო ააწყობს მას ისე, რომ ჰანგები, რომელსაც ინსტრუმენტი გამოსცემს, ჯერ ერთი, იმაზე დაბოი-დებული, თუ როგორია თვით ინსტრუმენტი, და მერე იმაზე, თუ როგორია იგი აწყობილი. ცხადია, რომ აუწყობლად ინსტრუმენტა ათეითარ ჰანგს არ გამოსცემს. და ცხადია ისიც, რომ იგი სწორედ და მხოლოდ ისეთ ჰანგს ვამოსცემს, სარომლისოდაცაა აწყობილი.

განწყობა პიროვნების მთლიანი მოდიფიკაციაა და ეს დეკლარაცია კი არაა მხოლოდ, არამედ არსებითად სწორი, აუცილებელი და ექსპერიმენტულადაც დამტკიცებული გაგება განწყობის ცნებისა. ვ. შტერნის დისპოზიკია კი დეკლარაციაჰქმნილია მთლიანი პიროვნების ნაწილობრივ გამოსხივებად. არსებითი მნიშვნელობის მქონე კი მასში ნაწილობრიობის მომენტი. *Unitas multiplex*-ის „უქანასენელი საიდუმლოება“ ვერ იქნა გამოყენებული ავტორის მიერ და *multiplicitas*-ის მომენტმა გარკვეულად დასჯაბნა და შეტიც: გააბათილა *unitas*-ი. პერსონის მრავალერთიანობის აღიარება ვ. შტერნს დასჭირდა მარტივი სულის ჰიპოთეზას საწინააღმდეგოდ. მაგრამ „მარტივის“ საწინააღმდეგო „რთულა“ და არა „მრავალი“. სირთულეშიც არის მრავლობის მომენტი, რადგან რთული ნიშნავს ისეთ რაიმეს, რასაც აქვს ნაწილები, რომლებსაც აბსტრაქციაა შესაძლებელი. მაგრამ რთულში, სტრუქტურაში ნაწილების გამოყოფა, მათი რეალურად დამოუკიდებელყოფის აზრით, შეუძლებელია. სტრუქტურის ანალიზი მის დაშლას კი არ ნიშნავს ნაწილებად, არამედ სხვადასხვა პერსპექტივაში, სხვადასხვა მხრიდან მის დანახვას. ვ. შტერნმა პიროვნება ამგვარად კი არ გაიგო არამედ, უწინარეს ყოვლისა—როგორც მრავლობის ერთიანობა მრავლობა დისპოზიციების სახითაა მოცემული. დისპოზიკია საკმაოდ კარგადაა შესწავლილი ავტორის მიერ. მათი ერთიანობა კი საბოლოოდაც „საიდუმლოებად“ დარჩა: ვერც გაგებული იქნა და ვერც გამოყენებული ფსიქოლოგიის ამოცანების გადასაჭრელად. ესაა სწორედ ვ. შტერნის ფსიქოლოგიის სისტემის უდიდესი ნაკლი და, ამასთანავე, ისეთი ნაკლი, რომლის გამოსწორება ამავე სისტემის ფარგლებში შეუძლებელია. იგი აბათოლებს სისტემის აზრსა და მნიშვნელობას, რადგან იგი იმას ნიშნავს, რომ ფსიქიკა მთლიანი პიროვნების თვისებად ვერ იქნა გაგებული. ფსიქიკური მოვლენები პიროვნების მთლიანობის პრინციპით ვერ იქნა ახსნილი. კიდევ მეტი თქმაც შეიძლება: პიროვნების მთლიანობის რწმენა ვერ იქნა გა-

ნართლებული. მას არავითარი საქმე არა აქვს ფსიქოლოგიურ მეცნიერებასთან. მართალია, ავტორს საერთოდ არც მიაჩნია საჭიროდ რწმენის მართებულობის მტკიცება, ხოლო ფსიქოლოგიური მეცნიერების ვალდებულებას ეს მით უმეტეს არ შეადგენს. მაგრამ კრიტიკული პერსონალიზმი ვალდებულია თავისი კვლევის შედეგების მართებულობა ამ პოსტულატით შეამოწმოს. სინამდვილეში კი მათ შორის არავითარი შესატყვისობა არაა, და თუ ასეა, — ავტორის თანახმად, შეცდომა დასკვნებში უნდა იყოს, რადგან რწმენა არ შეიძლება მცდარი იყოს. იგი კეშმარიტება-მცდარობის განზომილების გარეშე დგას. ასე უნდა შევაფასოთ ვ. შტერნის შეცდომა, თუ მისივე პოზიციასზე დაედგებით. მაგრამ მის პოზიციასზე დგომა ჩვენთვის საუაღებულო არაა. ამიტომ ჩვენ ორმაგი შეცდომა შეგვიძლია დავადასტუროთ პერსონალისტური ფსიქოლოგიისა: ერთი — საფუძვლის მცდარობა და მეორე — დასკვნების მცდარობა. საფუძველის — პერსონის ცნების — მცდარობის შესახებ უკვე გვქონდა ლაპარაკი. დასკვნების მცდარობა კი იმაში მდგომარეობს, რომ ემპირიის ასსნა არ შეესატყვისება საფუძვლებს. პერსონის ყოველი გამოვლენა ცალკე დისპოზიციით შეიძლება აიხსნას ისე, რომ მთლიანობის საკითხი სრულად არ დადგეს. დისპოზიციასზე დაყვანით თავდება ფენომენის ასსნა, და თუ შემდეგ კიდევ განვაგრძობთ ძიებას, სახელდობრ — დისპოზიციის ბნოშენელობისას, მხოლოდ მაშინ მივადგებით პიროვნების ცნებას. უშუალოდ კი იგი არ მონაწილეობს მოვლენაში.

რითი შეიძლება აიხსნას საქმის ასეთი უცნაური ვითარება, რომ სისტემა, რომელიც საგანგებოდ იყო შექმნილი ელემენტარიზმის საწინააღმდეგოდ და რომლის წამყვანი იდეა იყო ფსიქიკის ვაგება მთლიანი პერსონის თვალსაზრისით, საბოლოოდ სეპარატიული დისპოზიციების დადგენამდე მივიდა და ფაქტიურად უარყო პიროვნების მთლიანობა, ან, ყოველ შემთხვევაში, ამ მთლიანობის მნიშვნელობა ფსიქიკისათვის?

უდავოდ შეიძლება გავიზიაროთ პერსონალისტური ფსიქოლოგიისა და ფილოსოფიის ფაქტიური ამოსავალი რწმენა. რომ ადამიანი — პიროვნებაა. მაგრამ, რადგორც უკვე აღვნიშნე, მეთოდი პრინციპის დადგენისა ჩვენთვის სრულიად მიუღებელია, რადგან რწმენასზე არ შეიძლება მეცნიერების აგება. ამ „რწმენითი მეთოდის“ გააზრებას იმ დასკვნამდე მიყვევართ, რომ ადამიანის პიროვნ-

ჩებისეული ბუნების დაღვენა ფსიქოლოგიური კვლევა-ძიების ნაყოფი არაა ადამიანი რომ პიროვნებაა, ვ. შტერნისთვის ამისა კვლევა და მტკიცება არც საჭიროა და არც შესაძლებელი: ეს არის ყველაფერზე უფრო უეჭველი რამ, რაც კი არსებობს. ფსიქოლოგიაში ფილოსოფიიდან შემოქმედს ავტორს მრავალერთიანი პიროვნების ცნება.

თანამედროვე ფსიქოლოგია გამსჭვალულია მთლიანობის იდეით, ისე რომ თითქოს ადვილი უნდა იყოს მისი გადანერგვა მზამზარეულო-ერსონალისტურ ნიადაგზე, ვ. შტერნი ვერ ახერხებს ამას. იგი მხოლოდ გრძნობს, რომ ფსიქიკის სუბიექტი მთლიანი პიროვნებაა, მაგრამ ვერ ამტკიცებს ამას. მისთვის გაუგებარია ღარჩა პიროვნების, როგორც მთლიანობის, მოქმედების მექანიზმი და ყოფიერების როგორობა. ავტორი მთელ გულსყურს იმის ახსნას უთმობს, თუ როგორაა შესაძლებელი, რომ ერთიანი პიროვნება სიორავლედ გამოვლინდება, თითქოს პიროვნების ერთიანობა იმდენად უეჭველი, თვალსაჩინო და თავისთავად ცხადი რამ იყოს, რომ ახსნას აღარ საჭიროებდეს. ნაწილობრივ, მართალია, ეს ასეცაა ვ. შტერნისთვის. პიროვნება რომ მთლიანობაა — ეს ეჭვმიუტანელია მისთვის, ისე რომ ფსიქოლოგიის მხრივ დასტურსა და დასაბუთებას არ საჭიროებს. მაგრამ განა ფსიქოლოგიისთვის ამ გარემოებას სიერთოდ არავითარი მნიშვნელობა არა აქვს? განა სულ ერთია ფსიქოლოგიისთვის, როგორი იქნება მისი სუბიექტი: „სული“ იქნება იგი „მე“, თუ „პიროვნება“? — ცხადია რომ არაა სულერთი! პირველ, მეორე და მესამე შემთხვევაში ფსიქიკური ერთიანი ვერ იქნება. მართალია, ვ. შტერნის ფსიქოლოგია განთავისუფლებულია სუბიექტის პიროვნულობის მტკიცების ვალდებულებებისაგან, ისევე, როგორც პიროვნების როგორობის კვლევის ვალდებულებისაგან, რადგან ამ საქმეს მეტაფიზიკა აკეთებს მის ნაცვლად, მაგრამ ფსიქოლოგია ვალდებულია ახსნას და გაიგოს ფსიქიკური მოვლენები მიღებული პრინციპით, მიუხედავად იმისა, თუ საიდან და როგორაა მიღებული ეს პრინციპი. ფსიქიკურის სუბიექტის მთლიანობის იდეის გენეზისი ორგვარი შეიძლება იყოს: ერთ შემთხვევაში იგი ფსიქოლოგიური ემპირიის ახსნის მოთხოვნისგან ნაკარნახევი და თავდაპირველად მხოლოდ ჰიპოთეზის სახით შეიძლება იყოს მოკეძული. ამ შემთხვევაში ფსიქოლოგიური კვლევა ვალდებულია დაამტკიცოს მისი მართებულობა და ჰიპოთეზი თეორიად აქციოს. მე-

ორე შემთხვევაში ეს იდეა გარედანაა მოტანილი ფსიქოლოგიაში, როგორც საფუძველი ფსიქოლოგიური ემპირიის ასახსნელად. ამ შემთხვევაში ფსიქოლოგიას არ ეკისრება მისი შემოწმება, პირიქით: ფსიქოლოგია ვალდებულია საკუთარი ემპირიული მონაცემები მისი შემწობით ახსნას. სწორედ ასეთია მდგომარეობა ვ. შტერნის შემთხვევაში, და ამიტომ ავტორი ვალდებულია დაამტკიცოს, რომ ემპირიაში მოკუმული გამოვლენები სუბიექტისა ამ უკანასკნელის ბუნების შესატყვისნი არიან. ვ. შტერნი კი მუდამ ამტკიცებს, რომ ემპირიაში გამოვლინდება პიროვნება თავისი მრავლიანობის მხრივ და იძლევა ამგვარად გამოვლენის მექანიზმს. მის შესახებ დისპოზიციებთან დაკავშირებით ვილაპარაკე. მთლიანობის მხრივ გამოვლენის მექანიზმს კი ავტორი არ ხსნის და არამცაუ მექანიზმს არ ხსნის—გარკვევით და მეაფიოდ არც კი ამბობს ყოველთვის, რომ აი ამ შემთხვევაში პიროვნების მთლიანობის გამოვლენასთან გვაქვს საქმე. ავტორის ფსიქოლოგიაურ ალღოს უნდა ეფუძლეთ, რომ მან შენიშნა ამ კატეგორიის მოვლენების არსებობა; მაგრამ თეორიულად მათი გამართლება ვერ შესძლო, რადგან პიროვნების, როგორც მთლიანობის მოქმედების ბუნება მისთვის სრულიად უცნობი მეოფრიად ნიშანდობლივია პიროვნების მთლიანობის ვერგაგების თვალსაზრისით ვ. შტერნის მოღვაწეობა გამოყენებითი ფსიქოლოგიის სფეროში. უამრავ ექსპერიმენტებსა და ტესტებს შორის, რომლებსაც მიმართავდა იგი ცდისპირების გამოსარკვევად სხვადასხვა პრაქტიკული მიზნებისათვის, არ მოიპოვება არც ერთი, რომელიც მიზნად პიროვნების, როგორც მთლიანობის, კვლევას ისახავდეს.

ვ. შტერნს უფლება აქვს იამაყოს ინტელიგენტობას ცნების განსაზღვრებით. მის თანახმად „ინტელიგენტობა არის ინდივიდის ზოგადი უნარი — ცნობიერად განაწყოს თავისი აზროვნება ახალ მოთხოვნილებათა მიმართ; იგი არის სიცოცხლის ახალი ამოცანებისადმი და პირობებისადმი გონებით შეგუების ზოგადი უნარი“¹². ასეთი განსაზღვრება სავსებით. ეთანნშება პერსონალისტურ პრინციპებს: ინტელიგენტობა ზოგად პიროვნული, ტელეოლოგიური მომენტია პიროვნებისა. მაგრამ ეს მხოლოდ ცნების განსაზღვრებაა ასეთი. მის ნიადაგზე შედგენილი მეთოდისა ინტელიგენტობის გამოსარკვევად არაფერს მთლიანპიროვნულს არ შეიცავს. გამოკვლევის შედეგად მექანიკურ JQ-ს ვლბებულობთ და არა პიროვნების

მთლიანობას. ამას უსაყვედურებდა მაშინვე რ. ზომბერი: მეთოდისა შევსებას საჭიროებს პიროვნების მთლიანობის წვდომის მიმართულებითო⁶⁹. რა თქმა უნდა, ნამდვილად, შევსება მეთოდისა არც არაფერს უშველის და არც ხელმისაწვდომია ვ. შტერნისთვის. ფუნქციების შევსებით მთლიანობას მაინც ვერ მიიღებდა ავტორი, მაგრამ მან არც იცის რაა პიროვნების მთლიანობა. ერთადერთი რამ რაც იცის მის შესახებ, ეს ისაა, რომ იგი მრავალი ნაწილის და ფუნქციის შემცველია და მაინც მთლიანია. რატომ? როგორ?—ასეთი კითხვები ფუქია: *unitas multiplex* „უკანასკნელი საიდუმლოებაა“, რომელიც უნდა ვაღიაროთ როგორც ასეთი, მაგრამ მის გაგებაზე უარი უნდა ვთქვათ. რატომაა ავტორი იძულებული უარი სთქვას მრავალერთიანობის გაგებაზე? — იმიტომ, რომ „მეტაფიზიკური სპეკულაციით“ აქვს იგი მიღებული, — რეალურ ყოფიერებაში კი ვერ ხედავს მის გამართლებას. იგი ხედავს „მომენტებს“, ხედავს, რომ ზოგი მათგანი უფრო დამოუკიდებელია ზოგი კი დამოკიდებული ბუნებისაა. ესმის, რომ დამოკიდებული შეიძლება იყოს მომენტი რაღაცზე. მაგრამ ფსიქოლოგიის თვალთ ვერ ხედავს ამ რაღაცას და გულისხმობს, რომ იგი არის სწორედ ის მრავალერთიანი პერსონა, რომელზეც, მისი ფილოსოფიის თანახმად, დამოკიდებულია საერთოდ მთელი სამყაროს ყოფიერება.

ადამიანის პიროვნულობა ყველაფერზე უფრო უქველ რამედ მიიჩნია ავტორმა. ასეთი რამის დადგენა გულუბრყვილო შთაბეჭდილებებითაა მხოლოდ და მხოლოდ დასაბუთებული და სხვა საბუთო მას არც ესაჭიროება ავტორის თანახმად პიროვნულობა ნიშნავს, სხვათა შორის, მრავალერთიანობას. გამოდის, რომ „ყველაზე უფრო უქველი რამ“ ის ყოფილა რომ ადამიანი ამოუცნობი საიდუმლოებაა! ასეთი მრწამსი ეპატიებოდა რომანტიკოს პოეტს, მაგრამ არა რეალისტური მსოფლმხედველობისა და მეცნიერული სისკრემის ავტორს.

გემეტალტფსიქოლოგიის შეხედულების საწინააღმდეგოდ — ან იქნებ უფრო სწორი იქნება ითქვას: მის შესავსებად — ვ. შტერნმა უნგემეტალტის ცნება წარმოაყენა. გემეტალტ-უნგემეტალტის განსხვავება მან პიროვნების სიღრმისა და ზედაპირის განსხვავებას დაუკავშირა, ჩანერგვა-გამოყოფის კანონზომიერებას დაუმორჩილა

⁶⁹ იხ. 17, 109.

აბსოლუტური ჩანერგილობაც და გამოყოფილობაც ზღვარული ცნებებია. კონკრეტულ რეალურ შემთხვევაში მხოლოდ მათი მეტ-ნაკლებობის შესახებ შეიძლება ლაპარაკი და რაც მეტადაა ჩანერგილი მომენტი, მით უფრო ახლოა იგი პერსონასთან. ამასთანავე მით ნაკლებაა იგი გეშტალტური, ანუ — მით მეტადაა უნგეშტალტურა. პერსონული მთლიანობის დამახასიათებელია „გეშტალტისა და უნგეშტალტის, მოცემულობისა და პოტენციურობის, მომენტების ჩანერგილობისა და გამოყოფილობის დიალექტიკური დაკავშირება“²⁷⁰. სანამ საქმე ისეთი მომენტების შესწავლას შეეხება, რომელშიც გამოყოფილობა სჭარბობს ჩანერგილობას, ვ. შტერნს სპეციფიკური სინდრელები არ ეღობება წინ. აქ თვით მასალა გაიძულებს კაცს განსდგე პიროვნების მთლიანობისაგან და ნაწილობრიობაში, ნაწილობრიობის ასპექტით იკვლიო იგი. გეშტალტთეორიის შეცდომა, ვ. შტერნის თვალსაზრისით იმაში მდგომარეობდა, რომ მან ერთადერთ მასალად კვლევისა აღქმის გეშტალტები, ე. ი. პიროვნების მაქსიმალურად გამოყოფილი მომენტები, აიღო და მათი შესწავლის შედეგები ფსიქიკის ზოგადკანონზომიერებად გამოაცხადა. გეშტალტურობაზე ყურადღების გამახვილება მომენტის პიროვნულობის მიმართ ყურადღების შესუსტებას მოასწავებს. გეშტალტფსიქოლოგიას ხელში შერჩა მხოლოდ და მხოლოდ გამოცალკევებული მომენტები და ამის მეოხებით ყურადღების გარეშე დარჩა პიროვნების მთლიანობა. გეშტალტის შედარებითი დამოუკიდებლობა პერსონისაგან — აბსოლუტურ თავისთავადობამდე იქნა აყვანილი. ხოლო რადგან გეშტალტი ვახდა ამოსავალ პუნქტად, უნგეშტალტი მხოლოდ და მხოლოდ „ცუდ“ გეშტალტად იქნა გაგებული. ცუდი გეშტალტი — მაინც გეშტალტია. ყოველი გეშტალტი კი — შედარებით დამოუკიდებელი წარმონაქმნია, ისე რომ იგი თავისთავად არასოდეს არ მიგითითებს პერსონისადმი მის კუთვნილებაზე. ლაპარაკი გეშტალტის შედარებითს დამოუკიდებლობის შესახებ მხოლოდ იმ შემთხვევაში შეიძლება, როდესაც მისი რალაციისადმი კუთვნილება წინასწარაა აღიარებული. ხოლო თუ წინასწარი აზრისგან თავისუფალი ხარ, მაშინ გეშტალტი აბსოლუტურად დამოუკიდებლად იქცევა. ამის შემდეგ იგი აღარ საქირებს პიროვნებას, როგორც გეშტალტმყოფელს. ფსიქოლოგიური

ემპირიიდან ვ. შტერნისეულ პიროვნების ცნებადღე მისასვლელად აუცილებელია ემპირიაში უნგეშტალტის დადასტურება. გეშტალტ-ფსიქოლოგიამ ეს ვერ მოახერხა. პრინციპულად კი მისი დადასტურება მსოლოდ „გეშტალტური ორიენტაციით“ შეიძლება. სხვა თვალსაზრისით უნგეშტალტი მხოლოდ და მხოლოდ დიფუზიურობად შეიძლება იქნეს დანახული; ხოლო დიფუზიურობა ჭერ კიდევ არ ნიშნავს უნგეშტალტს, როგორც გეშტალტთან დიალექტიკურ ურთიერთობაში მყოფ მის ანტიპოდს. თითონ ვ. შტერნი საწინააღმდეგო გზით მიდიოდა: მან ჭერ პიროვნება დადასტურა და, მისგან გამოსულმა, გაუწია რა ანგარიში გეშტალტს, როგორც ფაქტს, მისი შემავსებელი უნგეშტალტიც მონახა. როგორც გეშტალტის წინააღმდეგობა, უნგეშტალტი არც შინაგანადაა ჩამოყალიბებული და არც გარედანაა შემოსაზღვრული. პერსონული უნგეშტალტური მომენტი არაა მკაფიოდ გამოყოფილი პერსონის მთლიანობას, ანუ უღრმესად ჩანერგილია მასში. ამ აზრით იგი ახლოა პერსონასთან, როგორც მთლიანობასთან და მასში მძლავრად გამოსჭვივის პერსონის მთლიანობითი ხასიათი. განცდის სფეროში საუკეთესო უნგეშტალტს გრძნობები წარმოადგენს და ამიტომ მიაჩნია ვ. შტერნს გრძნობები პერსონალისტური ფსიქოლოგიის ყველაზე უფრო პასუხსაგებ სფეროდ²⁷¹. გრძნობა, რამდენადაც კი ეს შესაძლებელია განცდისთვის, ჩანერგილია პიროვნების სიღრმეში და პიროვნების მთლიანობა ყველაზე უკეთ გრძნობაში უნდა განიცდებოდეს, პერსონალისტური ფსიქოლოგიის თანახმად. ჩანერგილობის მხრივ ყველა გრძნობა ერთნაირი არაა. ცხადია ყველაზე მეტად უნგეშტალტურ, ყველაზე მეტად ჩანერგილ გრძნობებს შორის ე. წ. სულიერი განწყობილებაა (Zunmutesein). ავტორი მას ახასიათებს, როგორც „ზოგად სულერ (Gesamtseelische) ატმოსფეროს, რომლისაც უფრო ახლო აღწერა ვერ ხერხდება“²⁷². ეს გრძნობა იმდენად გაურკვეველია, რომ საამოვნება უსიამოვნების ალტერნატივა არ შეიძლება ერთმნიშვნელოვნად გამოყენებულ იქნეს მის მიმართ. სულიერი ცხოვრების მხოლოდ

²⁷¹ „Die Lehre von den Gefühlen stellt gleichsam die Feuerprobe für die personalistische Orientierung der Psychologie dar.“ 1, 705.

²⁷² 1, 757.

პრიმიტიულ საფეხურებზეა იგი მეტად თუ ნაკლებად გარკვეულად მოცემული განვითარებული სულიერი ცხოვრებისთვის კი იგი ნბოლოდ ზღვარულ ცნებას წარმოადგენს. სულიერი განწყობილების პრობლემა უეჭველად ძნელი პრობლემაა პერსონალისტური ფსიქოლოგიისთვის. სულიერი განწყობილება, სხვათა შორის, დაკავშირებულია ე. წ. წარმმართველ გრძნობებთან (steinernde Gefühle). ამ უკანასკნელზეა დამოკიდებული მოქმედების იმგვარი რეგულაცია, რომელსაც რეფლექსურ (არაცნობიერი) რეგულაციისა და გამოყოფილი ცნობიერ ნების ქმედობას შორის საშუალო მდგომარეობა უჭირავს. ასეთი მოქმედების ნიმუშად ავტორს მოჰყავს მოყინულ გზაზე სიარული: იგი ვეღარც ავტომატურად ხდება, როგორც სწორ გზაზე სიარული, მაგრამ არც ცნობიერი ნებითი წარმათვანა სიარულისა საჭირო.

სულიერი განწყობილებისა და წარმმართველი გრძნობების დასახასიათებლად ე. შტერნის სიტყვებს მოვიყვან.

„აქ (ე. ი. წარმართველი გრძნობების შემთხვევაში) ჩვენ საქმე გვაქვს ისეთ ვითარებასთან, რომლისთვისაც ხშირად ხმარობენ ხოლმე გამოთქმას „ნახევრადცნობიერი“ ან „ქვეცნობიერი“. ეს გამოთქმები იმითია სახიფათო, რომ შთაბეჭდილებას ქმნიან, თითქოს ცნობიერების ხარისხია მხოლოდ შეცვლილი და არა განცდის შინაარსის რომელია. ამიტომაც ლაპარაკობენ ხოლმე ქვეცნობიერ „წარმოდგენებზე“, ნახევრადცნობიერ „აზრებზე“ და ა. შ. ნამდვილად კი საერთოდ არაა მოცემული არავითარი წარმოდგენები (გზის დაბრკოლებებისა) ან აზრები (შესატყვისი ნაბიჯების შესახებ). არამედ მხოლოდ და მხოლოდ „ფუნური გრძნობა“ (hintergründiges Gefühl), რომელდახაც შუაწევრის გარეშე გამომდინარეობს მოძრაობის რეგულაცია. ის გარემოება, რომ ეს გრძნობა საყოფი აღარ არის, და რომ მას უნდა გამოეყოს წარმოდგენები, აზრები და ნებელობანი (Wollungen) სანამ იგი მოძრაობაში გადავიდოდეს (ehe es zur Weiterbildung kommt). — ეს გარემოება უფლებას არ გვაძლევს ამგვარი შინაარსები წარმართველ გრძნობებშივე ვიგულისხმოთ ფარულად მოცემული წარმოქმნების სახით“²⁷.

ამ ამონაწერში ნათლად გამოსკვივის პერსონალისტური ფსიქოლოგიისთვის გრძნობების გავების სიძნელე. ტექსტის გაყო-

ლებით რომ ვაწარმოოთ კრიტიკა, უწინარეს ყოვლისა, უნდა შევჩერდეთ გამოთქმაზე: „ფონური გრძნობა“ (lin ergründiges Gefühl). იგი არაა კანონიერი მას შემდეგ, რაც გეშტალტფსიქოლოგების „ფონის“ ცნების საწინააღმდეგოდ ავტორმა აღნიშნა, რომ იმ შეფასებებებში, როდესაც ფონის შესახებ ვლაპარაკობთ, სინამდვილეში უნგეშტალტის პოზიციურ რომელობასთან გვაქვს საქმეო, თავისთავად ცხადია, რომ ემოცია არსებითად უნგეშტალტურია და, ამიტომ, წარმართველი გრძნობების განსასხვავებლად სხვა ემოციებისაგან, ავტორს დასჭირდა მისი ფონისებური ხასიათის შესახებ ლაპარაკი. ეს რომ მხოლოდ და მხოლოდ თქმის ყაიდა ყოფილიყო. შესაძლებელი იქნებოდა მისი შეწყენარება, მაგრამ ავტორს წარმართველი გრძნობების ფონური ბუნებიდან ფრიად შორსმდგომი და სახიფათო დასკვნა გამოჰყავს. თითქოს მათგან „შუაწიეკრის გარეშე გამომდინარეობდეს მოძრაობის რეკულაცია“²⁷⁴. მოძრაობის რეკულაციის გაცნობიერებაც ისეა წარმოდგენილი, თითქოს ამ გრძნობას გამოეყოფა წარმოდგენები, აზრები და ნებელობანი. წარმართველ გრძნობებსა და სულიერ განწყობილებებს შორის განსხვავება არა აქვს ავტორს მკაფიოდ დადგენილი და ხშირად ერთსა და იმავე ფაქტს გულისხმობს ორივე ტერმინით. ასე, მაგალითად, წარმართველი გრძნობების განსილვისას წერს: „ხშირად სულიერი განწყობილების (დაყოფა ჩემია—ერ. ა.) რხევებს ისე უშუალოდ მისდევს ქცევის რხევები, რომ მასში მონაწილე ცალკეული გრძნობა კვალატეტურად ვერც კი ჩამოყალიბდება. მას დაასწრებს და დაასრულებს მოტორული რეკულაცია, ჭერ კიდევ მანამ, სანამ იგი ცნობიერებაში მკაფიოდ სასიამოვნო ან უსიამოვნო განცდად შეიქრებოდესო“²⁷⁵. ან კიდევ ახასიათებს მათ როგორც „გრძნობის სიფხიზლეს (Wachheit) რომელიც ქცევას—სიტუაციათა ცვლას შეუგუებს“²⁷⁶.

²⁷⁴ 1, 154 შ.

²⁷⁵ 1, 764.

²⁷⁶ 1, 764.

სულიერი განწყობილების ამგვარი დახასიათებიდან გამომდინარეობს ჭერ ერთი ის, რომ იგი სიამოვნება-უსიამოვნების განზომილების გარეშე იაზრება (იხ. წემოთ), მეორე ის, რომ უშუალოდ მისგან აღმოცენდება, მას გამოეყოფა ცნობიერების სხვა შინაარსები (წარმოდგენები, აზრები და სხვა) და მოტორული ქცევები. და მესამე ის, რომ ამისთვის არაა საჭირო სულიერი განწყობილება წინასწარ გარკვეული კვალიტეტის მქონე გრძნობის სახით იყოს მოცემული განცდაში.

პირველიც, მეორეც და მესამე დასკვნაც სრულიად შეუსატყვისია პერსონალისტური ფსიქოლოგიის პრინციპებისა. პირველი — იმდენად, რამდენადაც გრძნობის ძირითადი და აუცილებელი განზომილება სიამოვნება-უსიამოვნების განზომილებაა. შეიძლება არსებობდეს გრძნობა, რომელიც სასიამოვნოცაა და უსიამოვნოც. ეს ე. წ. ამბივალენტურობა პერსონალისტური ფსიქოლოგიისთვის გასაგებია, როგორც პერსონის მრწანთა სიმრავლის გრძნობისეული ასახვა. მაგრამ არ შეიძლება არსებობდეს გრძნობა, რომელიც არც სასიამოვნო იქნება და არც უსიამოვნო.

მეორე დასკვნა მიუღებელია, იმიტომ რომ ვ. შტერნი უარყოფს პერსონული მომენტების უშუალო ურთიერთობას, და მის მაგიერ აყენებს მათი ურთიერთობის პერსონით გაშუალებულობის მოსაზრებას (იხ. ქვემოთ). ამ შემთხვევაში კი სწორედ მათი უშუალო კავშირი ვუძღვევა.

მესამე დებულებიდან გამომდინარეობს, თითქოს. შეიძლება არსებობდეს გაუცნობიერებელი გრძნობა. ამას ნიშნავს სწორედ იმის დაშვება, რომ სულიერი განწყობილების მიერ წარმოებული მოტორული რეგულაცია წინ უსწრებს ამ სულიერი განწყობილების გარკვეულ კვალიტეტად ჩამოყალიბებასა და სასიამოვნო თუ უსიამოვნო გრძნობის სახით ცნობიერებაში შექრას. ე. ი. თითქოს შეიძლება არსებობდეს, თუნდაც, წარმავალი, „არაცნობიერი განცდა“, რაც პერსონალისტური ფსიქოლოგიის არსის თანახმად იონ-სენი-ია. საჭიროა უფრო დაწვრილებითი განხილვა პერსონული მომენტების სამწევროვანი ურთიერთობის (ე. ი. პერსონით გაშუალების) დებულებისა²⁷⁷.

²⁷⁷ ცნობიერების შიშართება სამყაროსადმი „ორწევროვანი კი არაა (ობიექტური სამყარო, — სამყაროს სუბიექტური განცდა)“ არამედ სამწევროვანი

„კონვერგენციის ყველა მოვლენებში პერსონა როგორც მთლიანი მონაწილეობს და მისი ტელეოლოგიური ერთიანობით მოქმედებს. ამრიგად, არ შეიძლება გარესამყაროს რაიმე პროცესი პერსონის რაიმე ცალკეულ მოვლენას ან ცალკეულ ელემენტს დაეკავშიროთ (მაგ.: გამღიზიანებელი — შეგარძნებას, ანდა ქმედობის შედეგი — ნებელობის აქტს), არამედ პერსონული ტოტალობა ამ ორი ფაქტორის ურთიერთობისთვის შემაკავშირებელი წევრია და ახსნის საშუალება“. ამაში მდგომარეობს კონვერგენციის პროცესის სამწვეროვანობა*.

სამწვეროვანი ურთიერთობის თეორია

პერსონალისტური თვალსაზრისისთვის (სიტყვის ზოგადი მნიშვნელობით) აუცილებელია პიროვნების ცალკეულ გამოვლენათა ურთიერთობის გაგება, როგორც პიროვნებით გაშუალებული ე. ი. „სამწყობოვანი“ ურთიერთობისა. ყველა, ვინც პიროვნებას თვლის ფსიქიკურის სუბიექტად, ვალდებულია და იძულებულია პიროვნების გამოვლენათა შორის კავშირი სამწვეროვანი სქემის შესატყვისად იაზროს. ასე ესმის ეს კავშირი დ. უზნაძეს²⁷⁸, ანალოგიურად ცდილობს ფსიქოფიზიკური პრობლემის გადაწყვეტას ს. რუბინშტეინი²⁷⁹. ვ. შტერნმაც, უწინარეს ყველა სხვისა, ამ პრინციპით

(ტრანსპერსონული სამყარო, ნაცოცხლი (gelebte) პერსონელი სამყარო, განცილილი სამყარო). ფიზიკალური გაღიზიანებლისა და აღქმას განცდის შორის დგას ერთიანი გამღიზიანებლის სიტუაცია, რომელშიც ცოცხლობს პერსონა“ 1,124.

„პერსონული მთლიანობაში არ არსებობს არც ფიზიკური და არც ფსიქიკური ხასიათის არავითარი ცალკეული ფაქტი, რომლებსაც შესაძლებელი იყოს იმდენად იზოლაცია, რომლებიც იმდენად სტაბილური იყვნენ, რომ მათ შეეძლოთ ერთმანეთთან უშუალო — თითქოს პერსონისგან დამოუკიდებელი — ურთიერთობის დამყარება. ფიზიკურისა და ფსიქიკურის ყოველგვარი კავშირი მუდამ პერსონის მეოხებით მჯარდება (geht immer durch die Person hindurch), საერთოდ, მსოფლიო მისი ტოტალური ფუნქციებითა და ტოტალური მიზნებით შეიქმნება და მუდამ წაჩივრდება“. 1,118.

„პერსონა აქ ფსიქო-ფიზიკური მოვლენების უბრალო „შეაწევრალ“, ან პასიურ სარბიელად კი არ იგულისხმება, არამედ მათ ნამდვილ შემოქმედად და მატარებლად, უფლად და რეგულატორად“. 1,119.

²⁷⁸ იხ. დ. უზნაძე, ზოგადი ფსიქოლოგია, 36 შუ.

²⁷⁹ იხ. С. Рубинштейн, Основы общей психологии, გვ. 14.

* 3,102.

უნდა ახსნას პერსონული მომენტების ურთიერთკავშირი. პერსონალისტური თვალსაზრისისთვის მიუღებელია ე. წ. უშუალობის პიპოთეზა და სავალდებულოა პერსონით გაშუალებულიობის თეორია რადგან მისთვის ფსიქიკურს გააჩნია ტრანსფსიქიკური სუბიექტი, რომლისაც მხოლოდ თვისებას წარმოადგენს ფსიქიკა გარესამყაროსთან ურთიერთობა სწორედ ამ სუბიექტს აქვს და არა „ფსიქიკურს“. ამიტომ გარემოს მხოლოდ პიროვნებაზე შეუძლია ზემოქმედება და არა ფსიქიკურზე. მით უმეტეს ვერ იმოქმედებს უშუალოდ ფსიქიკურზე სხვა რამ ფსიქიკური: ერთ წარმოდგენაზე მეორე წარმოდგენა და სხვა. სამწევროვანი ურთიერთობის აუცალებლობის მტკიცება ჩემ მხრივ არაა საჭირო,—თითონ ვ. შტერნს ძალიან კარგად აქვს იგი დასაბუთებული. საკითხი აქ ისაა, თუ რატომ ვერ იცავს ავტორი ბოლომდე ამ პრინციპს. რომ ვერ იცავს, ეს უდავოა. ამას მოწმობს ზემოთ მოყვანილი მაგალითი წარმართეული გრძნობებისა, რომლისგანაც უშუალოდ გამოძღინარეობს (sic!) მოძრაობის რეგულაცია

გრძნობები ყველაზე უფრო „ახლოა“ პიროვნებასთან და ბუნებრივია, რომ გრძნობების აღრევა პიროვნებასთან ყველაზე უფრო ადვილია. როდესაც ავტორი, მაგალითად, მოლოდინის გრძნობას განიხილავს, ძალაუნებურად ეპვი გვეპარება: მართლა გრძნობასთან კი გვაქვს აქ საქმე? მაგიერად სრულიად უეპველია, რომ თუ ეს ნამდვილად გრძნობაა და მეტი არაფერი— განცდების უშუალო ურთიერთზემოქმედება ფაქტად ყოფილა აღიარებული. მოლოდინის გრძნობა, ვ. შტერნის თანახმად, ყოფილა ნაკულოვანობის განცდა და ნაკლის შევსების წინაგრძნობა. სიამოვნება-უსიამოვნების განზომილების მიმართ ნეიტრალურია იგი. რაც ნიშნავს, რომ გარდა სასიამოვნო მოლოდინისა და უსიამოვნო მოლოდინისა არსებობს „ინდიფერენტული მოლოდინიც, რომელიც მხოლოდ და მხოლოდ დაძაბულება და მეტი არაფერი“ (nichts als Spannung ist). ეს დაძაბვა, სულ ადვილად, უმართებულოდ განიტვირთება ე. წ. მოლოდინის შთაგონებებში (Erwartungsgestaltung)²⁸⁸.

გრძნობის ასე გაგება დაუშვებელია პერსონალისტური თვალსაზრისით. დაუშვებელია მისი ინდიფერენტულობა სიამოვნება-

²⁸⁸ იხ. 1,75.

უსიამოვნების მიმართ, დაუშვებელია მისი უშუალოდ განტვირთვა
შთაგონებაში.

ვ. შტერნი თითქოს იციწყებს, რომ ვრძნობა — განცდაა, და
ამიტომ — რაც არ უნდა „ახლომდგომი“ იყოს იგი პერსონის
მთლიანობასთან — იგი მაინც არ შეიძლება იყოს მთლიანი პირო-
ვნება, არამედ მხოლოდ ნაწილობრივი და ცალმხრივი მისი გამოვ-
ლენა. ამიტომვე, თანახმად პერსონალისტური სამწეკროვანობის
თეორიისა, მან არ შეიძლება უშუალოდ გამოიწვიოს რაიმე ნაწი-
ლობრივი მოვლენა.

რით აიხსნება ასეთი შეცდომა? იქნებ შემთხვევითია იგი? —
ცხადია, არა! ავტორი, როგორც ფსიქოლოგი, ხედავს ფაქტებს,
რომლებშიც პიროვნება მართლაც როგორც მთლიანობა მკლავდევ-
ბა. მაგრამ ეს ფაქტები მაინც მხოლოდ გამოვლენაა პიროვნებისა,
მაო უნდა მოენახოს მიზეზი, საფუძველი ნიდაგი. მხოლოდ იმის
თქმა, რომ მათი მიზეზი და გამომწვევი — პიროვნებაა არ იქნებო-
და დამაკმაყოფილებელი მეტისმეტი ზოვადობის გამო. მართლაც-
და, ვის დააკმაყოფილებდა, ვთქვათ, თუნდაც მოლოდინის ილუზი-
ციის (Erwartungssuggestion) ახსნა ამით, რომ ისინი პიროვნების კუ-
თვნილებას შეადგენენ! საჭირო ხდება ამ მოვლენათა კონკრეტული
წყაროსი, კონკრეტული მიზეზის მონახვა და ავტორიც მოლოდინის
განცდაში ნახულობს მას. „მელას რაც ენატრებოდა — ის ეზმანე-
ბოდაო — ეს სწორად აღნიშნული ფაქტია. მაგრამ მხოლოდ
ფაქტი და მეტი არაფერი. მეცნიერება კი ვალდებულია ანსწას ეს
ფაქტი. რატომ ვერ ხსნის მას ვ. შტერნი? რითაა გამოწვეული ეს
უძღურება—ამაში დამნაშავეა მისი ცნება პიროვნებისა. პირო-
ვნება, როგორც მრავალერითიანობა, მთელი მისი მსოფლმხედველო-
ბის საფუძველს წარმოადგენს. როდესაც პიროვნების ნაწილობრივი
გამოვლენებს ეხება საქმე, მაშინ უშუალოდ მოქმედი მთლიანი პი-
როვნება კი არ არის, არამედ მისი ნაწილობრივი გამოსხივება—დის-
პოზიცია. დისპოზიციის ცნება ისეა აგებული, რომ მისი—თუ შეიძ-
ლება ასე ითქვას—„გარედ“ მოქმედება, გარკვეული თვალსაზრისით
წაინც, მისაღები და დამაჩერებელია. დისპოზიცია არის მიზანმისწ-
რაფებულობის პოტენცია. მასში მოცემულია ერთი მხრივ მისწრა-
ფების მიმართებულობა, მეტად თუ ნაკლებად ფართო სარბიელიო.
ბეორე მხრივ მასში მოცემულია აღქურვილობა, შესაძლებლობა
დასახული მიზნის მიღწევისა. ამ ასპექტში, ე. ი. მოვლენის მხრიდან.

განხილული, იგი არსებითად არ განსხვავდება ძველი ფსიქოლოგიის „ნიკიერებისაგან“, მაგრამ ეს მისთვის ნაკლი არაა. „ნიკიერების“ ცნების მანკიერება იმაში მდგომარეობდა, რომ იგი დამოუკიდებელ ძალად იყო გააზრებული. დისპოზიცია კი ერთმთლიანი პიროვნების მომენტად იგულისხმება და ამდენად იგი ნიკიერების ცნების მანკისაგან თავისუფალი უნდა იყოს. მაგრამ სინამდვილეში დისპოზიცია ისევე დამოუკიდებელია როგორც ნიკიერება იყო დამოუკიდებელი, რადგან პიროვნებას, რომლის ნაწილობრივ გამოსხივებას უნდა წარმოადგენდეს დისპოზიციები არ ძალუძს მათი გაერთიანება. ამის მიზეზია პიროვნების აღნაგობის ვაგება. რა მოთხოვნილებას უნდა აკმაყოფილებდეს ამ მხრივ პიროვნება? უწინარეს ყოვლისა იგი უნდა იყოს ერთიანი. შემდეგ — იგი არ უნდა იყოს მარტივი, რათა შესაძლებელი იყოს მისი მრავალფეროვანად გამოვლენის ვაგება. პიროვნება ერთული ერთიანობაა და არა სიმრავლის ერთობლიობა. ვ. შტერნი კი სწორედ ასე ახასიათებს მას: მისი პიროვნება არის *unitas multiplex*, „უკანასკნელი საიდუმლოება, რომლისადაც არც ახსნა ძალგვიძს და არც უარყოფა“. სიმრავლის (*multiplicitas*) მომენტი დისპოზიციებშია მოცემული. მათი ერთიანობა (*unitas*) კი ვერაა ვერც ვაგებული და ვერც გამოყენებული. იგი მხოლოდ ნაგრძნობია, თუ შეიძლება ასე ითქვას, და უკანონოდ გათანასწორებულია გრძნობასთან, რომელიც ვერაერთად შემთხვევაში ვერ იქნება პიროვნება. თუნდაც იმიტომ, რომ გრძნობა ფსიქიკურია, პიროვნება კი — ფსიქოფიზიკურად ნეიტრალური.

იმეამად, როდესაც ვ. შტერნი პერსონის (პიროვნების) ცნება შეიმუშავა მთლიანობის იდეა ჯერ სულ ახალი იყო მეცნიერებისთვის. არ არსებობდა გეშტალტის ის ცნება, რომელიც გეშტალტ-ფსიქოლოგებმა შეიმუშავეს შემდეგში, და შეიძლებოდა გვეფიქრა, რომ *unitas multiplex* შემთხვევითი ტერმინია, რომელიც შეიძლებოდა შეცვლილიყო გეშტალტის ტერმინით და პიროვნების მთლიანობაც ამ ტერმინის შესატყვისად ყოფილიყო ვაგებული. ნამდვილად — ასე არაა. ჯერ ერთი, „გეშტალტი“ უვარგისია პიროვნების დასახასიათებლად, რადგან ვ. შტერნისეული პიროვნება არაა მარტო გეშტალტური. „პერსონული მთლიანობა ერთსა და იმავე დროს სტრუქტურაცაა და დიფუზიურობაც (*Vag-*

heit) გეშტალტიც და უნგეშტალტიც“²⁸¹. მაგრამ ცნების შეუცვლელობის მიზეზი საერთოდაც ის კი არაა, რომ უკეთესი ცნება ვერ იქნა შემუშავებული. საქმე ისე კი არაა, თითქოს unitas multiplex უვარგისი იყოს და ავტორი მხოლოდ ითმენდეს მას უკეთესი ცნების უქონლობის გამო. არა! მრავლობის მომენტისათვის საკანკებო ყურადღების მიქცევა სისტემის ინტერესებითაა ნაკარნახევი. პერსონათა იერარქიის ასაგებად აუცილებელია რომ მისი ნაწილები მაქსიმალურად თავისუფალნი იყვნენ მთლიანისაგან, მაგრამ მხოლოდ იმდენად, რომ არ გასწყვიტონ მასთან კავშირი. პერსონის unitas multiplex-ად გავება შესაძლებელყოფს ნაწილებისაც, თავის მხრივ, პერსონულობას, რაც განსაკუთრებით პერსონალისტური კოსმონისთვის არის აუცილებელი. პერსონის ცნება ფსიქოლოგიური პიპოთეზა რომ ყოფილიყო, ავტორს არ დასქირდებოდა ინდივიდის ნაწილობრივი მომენტებისთვის ამდენი თავისუფლების მინიჭება. მაგრამ, როგორც ვიცით, პერსონის ცნება, მიუხედავად მისი „ანტროპოგენურობისა“, საბოლოოდ ფილოსოფიური სპეკულაციის ნაყოფია და პირველ რიგში მსოფლმხედველობის მოთხოვნისას უნდა აკმაყოფილებდეს. სიმრავლის გავრთიანება არსებით სიჭნეღეებს ხვდება და ამიტომ იგი საიდუმლოებად რჩება ავტორისთვის. Unitas multiplex საიდუმლოებაა არა მარტო ადამიანის, ან ინდივიდური პერსონის მიმართ, არამედ ზეინდივიდური პერსონების მიმართაც, რომლებისთვისაც იგი შეიქმნა. თვით ყოვლადპერსონის მრავალერთიანობითი ბუნებაც, ბოლოს და ბოლოს, რწმენის და არა ცოდნის საკითხია²⁸². ინდივიდური პერსონის შემთხვევაში მით უმეტეს ვერ სერხდება ერთიანობის აღდგენა. ვ. შტერნი ვლემენტარისტებს უსაყვედურებდა: იმთავითი მთლიანობა დაშალეს და მერე მოისურვეს მისი კვლავ აღდგენა ნაწილების შეკოწიწებითო და თითონაც ასევე მოიქცა. შედეგიც ისეთივე მიიღო: მისი პიროვნება, ბოლოს და ბოლოს „დისპოზიციათა კონა“. დ. კხადია, როგორც მთლიანობა — ავი ვერ გამომქლავნდება. ასეთი დასკვნა სასიკვდილო განახენია პიროვნებისთვის. მრავალერთიანობის ერთადერთი ღირსება ისაა, რომ იგი შესაძლებელყოფს სამყაროს გააზრებას პერსონათა იერარქიულ სისტემაში. მაგრამ ამ იერარქიულ სისტემის

²⁸¹ 5, 14.

²⁸² იხ. 3,43 შშ.

სიმტკიცე დამლუპველი აღმოჩნდა სამყაროს გაგებისთვის: ფაქტიურად, სამყარო, როგორც ქეშმარიტი „არა-მე“, როგორც ჭეშმარი-
ტი გარესამყარო, — მოისპო ინდივიდისთვის. მისი ადგილი პერ-
სონულმა სამყარომ დაიკირა. ამით სრულიად გაბათილდა ობიექ-
ტური სამყაროს არსებობის რწმენითი პოსტულატის ღირებულება.
კონვერგენციის მოძღვრებას დაეკარგა მნიშვნელობა, რადგან მისი
ორივე ფაქტორი: პერსონაც და სამყაროც პერსონული აღმოჩნდა,
პერსონა საკუთარ სამყაროში განოიკეტა. ემპირიული ალლოთი
შთაგონებული აზრი სამყაროსთვის პერსონის „ღიად ყოფნისა“
თეორიულად ვერ იქნა დასაბუთებული.

ზემოთ ვთქვი, რომ ფსიქიკის ცნება ზედმეტად მოჩანს ვ. შტერ-
ნის პერსონალისტურ ფსიქოლოგიის სისტემაში. ფსიქიკურია, ავ-
ტორის თანახმად, ყოველივე ის, რაც ან თითონაა განცდა, ან გან-
ცდასთანაა დაკავშირებული პერსონაში. ამ განსაზღვრების თანახ-
მად, ფსიქიკურის ცნება პერსონულის ცნებისგან აღარ განსხვავდე-
ბა. ამიტომ — ვამბობდი — საკმარისია ცნობიერებისა და პერსონუ-
ლის ცნებები შეთქვი, მაგრამ ფაქტიურად ავტორი მიმართავს ფსი-
ქიკურის ცნებას, თუმცა ყოველ კერძო შემთხვევაში გრძნობს მისი
ზმარების საშიშროებას. ეს უმთავრესად დისპოზიციას შეეხება. მის
შესახებ, ავტორის თანახმად, მხოლოდ პირობით შეიძლება ვთქვათ
„ფსიქიკური“ თუ „ფიზიკური“, იგი პერსონული (ანუ ფსიქოფი-
ზიკურად ნეიტრალური) ბუნების არისო. ასეთი ბუნებისაა იგი პი-
როვნების თვალსაზრისით: როგორც ფსიქოფიზიკურად ნეიტრა-
ლური პიროვნების ენტელექტის ნაწილობრივი გამოსხივება. მაგრამ
მოვლენის თვალსაზრისით ზოგიერთი დისპოზიცია მაინც — ფსი-
ქიკურია, როგორც განცდასთან დაკავშირებული პერსონული გი-
მენტი. და არა მარტო ზოგიერთი დისპოზიცია, არამედ, — თვალ-
საზრისისდა მიხედვით, პიროვნებაც — თუ იგი მართლა მთლიანო-
ბაა — ფსიქიკურია: ფსიქიკური უნდა იყოს პიროვნება, თუ ფსი-
ქიკურია დისპოზიცია, რადგან დისპოზიცია პიროვნებისგან ნაწი-
ლობრივობით განსხვავდება და არა ბუნებით. სწორედ იმდენად,
რამდენადაც იგი მთლიანი პიროვნების ნაწილობრივი გამოსხივე-
ბაა, იგი მხოლოდ ისეთი ბუნების შეიძლება იყოს, როგორისაც
მთლიანი პიროვნებაა, და პირუკუც, მთლიანი პიროვნების ბუნების
შესახებ — დისპოზიციის ბუნებიდან შეგვიძლია დავასკვნათ: თუ
დისპოზიცია ფსიქიკურია, ფსიქიკური უნდა იყოს მთლიანი პიროვ-
ნებაც. აქ სრულიად აშკარა ორჭოფობასთან გვაქვს საქმე, რომლის

უახლოესი მიზეზი ფსიქიკურის ცნების ვერგაგებაა, რაც, საბოლოოდ, ფსიქოფიზიკურად ნეიტრალური პიროვნების ცნების უმართებულობით არის პირობადებული. პერსონულისა და ფსიქიკულის ცნებათა აღრევა უეჭველია, და რამდენადაც იგი არსებობს, თუ კიდევ შესაძლებელია რაიმე დასკვნების გამოტანა — კერძოდ სამწვეროვანი ურთიერთობის შესახებ უნდა დავასკვნათ, რომ იგი შეუძლებელია არსებობდეს ამგვარი პერსონალისტური სისტემის წიაღში. ძირითადი დებულება ასეთია: გამლიზიანებელი უშუალოდ კი არ იწვევს რეაქციას (სულერთია, როგორ იქნება გაგებული გამლიზიანებელი ან რეაქცია), არამედ იგი მოქმედებს პიროვნებაზე და პიროვნება უპასუხებს მას სათანადო რეაქციით. მაგრამ მოვლენებთან ურთიერთობა ფაქტიურად პიროვნებას კი არ აქვს, როგორც მრავალერთიანობას, არამედ დისპოზიციებს დისპოზიცია, რომელიც დებულობს ფსიქიკურის კატეგორიის შთაბეჭდილებას, ზემოთქმულის თანახმად, თითონაც ფსიქიკურია. აიგივე დისპოზიცია პირობადებს რეაქციას, ისე რომ სამწვეროვანობა კაცშირისა მოჩვენებითია: ფსიქიკური ფსიქიკურზე მოქმედებს ფსიქიკურსავე მეშვეობით, ე. ი. ისე, რომ არ სცილდება ფსიქიკურის პლანს და ხელს არ შეახებს ფსიქოფიზიკურად ნეიტრალურ სუბროს მთლიანი პიროვნებისას.

დასკვნა

ავტორს სრულიად გარკვეული განზრახვა ჰქონდა პერსონალისტური ფსიქოლოგიის სისტემის შექმნისა, მაგრამ ვერ შესძლო მისი განხორციელება. დამნაშავეა ამაში ის, რომ პერსონალისტურ თეორია „თავდაპირველად განვითარებული იქნა როგორც ფილოსოფიური სისტემა (ე. წ. „პერსონალიზმი“) თანდათანობით კი აღამიანის პიროვნების შესახებ სპეციალური მეცნიერების ხასიათი მრილო („პერსონალისტიკა“) და მხოლოდ ამის შემდეგ იქნა გამოყენებული ზოგადი ფსიქოლოგიის საფუძვლად¹⁰. საფუძვლის მანკიერებას არ შეიძლება გავლენა არ მოეხდინა სისტემაზე. მან შეზღუდა ფსიქოლოგიური აზრი. მზამზარეულ ჩარჩოებში მოამწყვდია იგი. ვილიამ შტერნის ფსიქოლოგია არაა პერსონალისტური ფსიქო-

ლოგია. ფსიქოლოგიური ემპირიის გასაგებად და ასახსნელად პიროვნების ე. შტერნისეული ცნება არ იქნა გამოყენებული და არც შეიძლება გამოყენებული ყოფილიყო ამ ცნების უმართებულობის გამო. უღრმესი ფილოსოფიური საფუძველი მისი უმართებულობასა მატერიალიზმისთვისაც და იდეალიზმისთვისაც გვერდის ახვევას ცდაშია მოცემული. პერსონალიზმი, ცხადია, ვერ დადგა მათზე „მალა“.

მაგრამ ე. შტერნის მნიშვნელობა ფსიქოლოგიის ისტორიისთვის იმით არ ამოიწურება, რომ მან ვერ შესძლო პერსონალისტური ფსიქოლოგიის სისტემის აგება. მისგან მარტო იმის სწავლა კი არ შეუძლია თანამედროვე ფსიქოლოგიას, თუ როგორი არ უნდა იყოს ფსიქოლოგია, არამედ პოზიტიური ცოდნის შექმნაც. საგანგებოდ აღნიშვნის ღირსია მისი ფსიქოლოგიური ალლოკერძო პრობლემების განხილვაში, სანამ საქმე სისტემის უღრმეს საფუძვლებს არ შეეხება, მისი ანალიზი ფრიალ მაღალხარისხოვანია, ხოლო მისი მონაპოვარი — უაღრესად ძვირფასი თანამედროვე ფსიქოლოგიისთვის. მაგრამ ეს მეორეხარისხოვანი გარემოებაა მისი შეფასებისათვის.

„ჩემი აზრით: ვილიამ შტერნის გარდაუვალ დამსახურებად დარჩება ის, რომ პერსონალისტურად მიმართული აზროაწყობანი და ტენდენციები, პირველმა მან შეკრიბა, გაათართოვა და გააღრმავა“²⁴.

მისი ეს დამსახურება მკირედი არაა. თუმც მან ვერ შესძლო პერსონალისტური ფსიქოლოგიის სისტემის აგება, მაგრამ საფუძველი პერსონალისტურ ფსიქოლოგიას მან ჩაუყარა. პერსონალისტური იდეა, ასე მკაფიოდ გამოხატული, პირველმა მან შემოიტანა ფსიქოლოგიაში. იქნება ნაწილობრივ ამის ბრალიცაა, რომ ფსიქოლოგიით არ დაკმაყოფილდა ავტორი და მსოფლმხედველობაზეც გაავრცელა პერსონალისტური პრინციპი? ანალოგიური შემთხვევები უცხო არაა ფსიქოლოგიისთვის: ზ. ფროიდმა მეცნიერული „ბოიკოტის“ დასაძლევად მაქსიმალურად გამაზავილა და ამით დაამახინჯა არაენობიერის ცნება. გეშტალტფსიქოლოგია ფსიქოლოგიაში გეშტალტისათვის უფლებების მოსაპოვებლად — გეშტალტთეორიად გადაიზარდა. ბიჟევიორიზმმა და რეფლექსოლოგიამ ბიოლო-

²⁴ Konstamm. Über Typen des Personalismus, 157

გიური მომენტის სათანადო დაფასების გულისთვის სულ უარყვეს ცნობიერების როლი და სხვა ამდაგვ. იქნებ ვ. შტერნიც, სხვა ნოვატორებსავეთ²⁸⁵, „წყალს გაღმა შეედავა, რომ წყალს გამოღმა შერჩენოდა“ ფსიქიკის სუბსტრატი — მთლიანი, ცოცხალი რეალური, კონკრეტული ადამიანის სახით?

როგორც არ უნდა იყოს საქმე, — უდავოა, რომ ვ. შტერნიც შემთხვევითი პერსონაჟი არაა ფსიქოლოგიის ისტორიაში. მისი „პერსონალისტური ფსიქოლოგია“ ეპიზოდური კი არაა, არამედ გზაჯვარედინი ფსიქოლოგიის გზაზე²⁸⁶.

ქართული ფსიქოლოგია, ძირითადად, პერსონალისტური ფსიქოლოგიაა. აკად. დიმიტრი უზნაძის ფსიქოლოგიურ მოძღვრებას დასავლეთის ფსიქოლოგიურ მოძღვრებათა შორის ყველაზე მეტად ვ. შტერნიცის ფსიქოლოგიასთან აქვს საერთოც და სადავოც: მისთვისაც ფსიქიკის სუბსტრატი მთლიანი, ცოცხალი, რეალური, კონკრეტული ადამიანია; იგიც უარყოფს როგორც ნატივიზმს ისე ემპირიზმს. იგიც უარყოფს „უშუალობის პიპოთეზს“. მაგრამ ობიექტური სამყაროს არსებობას იგი არც უარყოფს და არც რწმენისა თუ კეთილი სურვილის საკითხად ხდის.

პერსონალისტური ფსიქოლოგიისთვის: არსებობს პიროვნება და არსებობს მისი პროდუქტი — პერსონული სამყარო. განწყობის ფსიქოლოგიისთვის: არსებობს ობიექტური სამყარო და არსებობს მისი პროდუქტი — პიროვნება. ფსიქოლოგიის ამ ორი სისტემის მრავალმხრივი მსგავსების მიუხედავად, საფუძვლების განსხვავებით პირობადებულია არსებითი ძირითადი უპირატესობა აკად. დიმიტრი უზნაძის მოძღვრებისა ვილიამ შტერნიცის მოძღვრების წინაშე.

ამ ორი სისტემის მსგავსებათა გამო ქართული ფსიქოლოგია ყველაზე მეტად კანონიერი მემკვიდრეა ვილიამ შტერნიცისა. განწყობის ფსიქოლოგიის უპირატესობათა გამო — ყველაზე მეტად უფლებამოსილი მისი მსაჯული.

²⁸⁵ Konstantin-ს, მაგ., რევალუციონერადაც კი შიამია იგი!

²⁸⁶ ფსიქოლოგიის პერსონალისტურად გადახალისებაში ქრონოლოგიურად პირველობა ვ. შტერნიცს ეკუთვნის!

ბამოქენებული ლიტერატურა

გილიამ შტარნის შრომები

1. *Allgemeine Psychologie auf personalistischer Grundlage.* 1935. Haag.
2. *Person und Sache. System des kritischen Personalismus.* B. I, Ableitung und Grundlehre. 1906, Lpz.
3. *Person und Sache. System usw.* B. II, Die menschliche Persönlichkeit. 1918, Lpz.
4. *Person und Sache. System usw.* . . . B. III, Wertphilosophie. 1924, Lpz.
5. *Studien zur Personwissenschaft.* T. I, Personalistik als Wissenschaft. 1930, Lpz.
6. *Die psychologische Arbeit des 19. Jahrhunderts, insbesondere in Deutschland.* (Zwei Vorträge, gehalten in der Psych. Ges. in Breslau. 1899), 1900, Berlin.
7. *Vorgedanken zur Weltanschauung* (Niedergeschrieben im Jahre, 1901), 1915, Lpz.
8. *Tatsachen und Ursachen der seelischen Entwicklung.* 1908, ZAng. Ps. B. I.
9. *Die Psychologie und der Personalismus.* 1917, ZPs. B. 78, H. 1—2.
10. პერსონალისტური ფსიქოლოგია. 1927. კრებულში: „დას. ფერ. ფსიქ. თანამედრ. შიშდინ.“, 1935, თბილისი.
11. ავტობიოგრაფია, 1927. A History of Ps. in Autobiography. 1930, London.
12. *Grundfragen der Psychogenese.* 1907, ZPdPs. IX, Jahrgang.
13. *Personalistische Psychologie.* Proceedings and Papers of VIII intern. congr. of Ps. 1926.
14. *Zur Theorie der personalen Ganzheit und Tiefe.* Bericht über den XI. Kongr. für experim. Ps. in Wien, 1929.
15. *Raum und Zeit als personale Dimensionen* (მოსხ. ფსიქ. X სავროშ. კონგრ., 1932), 1935, Acta Psychologica, VI. I. № 1.
16. (Clara Stern-თან ერთად) *Monographien über die seelische Entwicklung des Kindes.* II Erläuterung, Aussage und Lüge in der ersten Kindheit. 1909, Lpz.
17. *Die psychologischen Methoden der Intelligenzprüfung.* (მოსხ. ექსპ. ფს. V კონგრ.), 1912, Lpz.
18. *Одаренность детей и подростков и методы ее исследования* (1922). 1926, Knitrosniaka.
19. *Психология раннего детства.* Изд. 2-ое. 1922, Петроград.
20. (Otto Wiegmann-თან ერთად) *Methodensammlung zur Intelligenzprüfung von Kinder und Jugendlichen.* 1920, Lpz.

21. Allport Gordon W., The personalistic psychology of William Stern. 1937, Character and Personality, V. 5, № 3.
22. Bloch Ernst. William Stern, Person und Sache. B-I, Ableitung und Grundlehre. 1938. Ar. Gs., Ps., B. 13, H. 1—2.
23. Cassirer Ernst, William Stern. Zur Wiederkehr seines Todes-tages. 1940, Acta Psychologica, V. V, № 1.
24. G. B. William Stern, Studien zur Personwissenschaft, T. I, Personalistik als Wissenschaft. Journ. de Ps. norm. et path., 1933, №9—10.
25. Heyde John. Erich W. Stern: Studien zur Personwissenschaft usw. . . . 1931, ZPs, B. 123, H. 4—6.
26. Konstamm Philipp, Über Typon des Personalismus. ZAng Ps. 1931, Bliheft, 59.
27. MacLeod R. B., William Stern (1871—1938), 1938, Psychological Review, V. 45, №5.
28. Messer August, Deutsch Wertphilosophie der Gegenwart. 1926.
29. Stern Erich, William Stern, Die menschliche Persönlichkeit. 19.8, Arch. syst. Philos. B 24, H. 2.
30. Sziern Max, Der „kritische Personalismus“ als Weltanschauung, 1928, Kant-Studien, B. 33, H. 1—2.
31. Выготский Л. С., Проблема развития речи в учении В. Штерна. Мышление и речь. 1934, М—Л.
32. Döring W. O., Die Bedeutung des Personalismus für die Pädagogik. ZPpPs.

სსსს

33. Аристотель, О душе.
34. Boring Edwin G., A History of experimental Psychology. 1929, №. 7—1.
35. Wentscher Else, Unser Ich. ZPs. 1932, B. 125, H. 5—6.
36. Wentscher Else, Das Ich als Seeleneinheit. Ar. Gs. Ps., 1936, B. 97, H. 3—4.
37. Kafka Gustav, Versuch einer kritischen Darstellung der neueren Anschauungen über das Ichproblem. 1910, Ar. Gs. Ps., B. 19, H. 1—2.
38. Kafka Gustav., Zur Begriff des Psychischen und seiner Entwicklungsgeschichte. 1924, Ar. Gs. Ps., B. 48, H. 3—4.
39. ლაიბნიცი, მონადოლოგია.
40. Рубинштейн С. Л., Основы общей психологии. 1940, Москва.
41. უხნაძე დ., ზოგადი ფსიქოლოგია. 1940, თბილისი.
42. უხნაძე დ., განწყობის თეორიის ძირითადი დებულებები. 1941, თ. ს. უ. შრომები, ტ. 19.

ს ა რ ა მ ე ი

წინასიტყვაობა	5
შესავალი	8

ნ ა წ ი ლ ი პ ი რ ვ ე ლ ი

3. შტერნის ფსიქოლოგიური მოკლმკვამის დალაგება

ფსიქოლოგია	25
პერსონა	26
პერსონის მიზნები	28
დისპოზიცია	38
პერსონული სამყარო	43
პერსონისა და სამყაროს ურთიერთობა	57
განცდა	66
ღირებულებების ფილოსოფია	70
ფსიქიკური	72
ფსიქოლოგიის საგანი	78
ფსიქოლოგიის ამოცანები	80
მასალის დალაგება	91
აღქმა	93
მეხსიერება	102
აზროვნება	120
ფანტაზია	125
აქტივობა	137
ნებელობა	147
ნაქმობა	167
ყურადღება	171
ვარჯიში და დაღლა	179
გრძნობა	186

ნ ა წ ი ლ ი მ ე ო რ ე

3. შტერნის პარსონალისტური ფსიქოლოგიის კრიტიკული განხილვა

პერსონალიზმის საფუძვლები	222
პერსონათა იერარქია, პერსონა და ნიეთი	227
კონვერგენციის თეორია	238
ადამიანის პიროვნება	254
ფსიქოფიზიკური ნეიტრალურობა	257
პიროვნების შრავლიანობა	277
პიროვნების ერთიანობა	284
სამწვეროვანი ურთიერთობის თეორია	301
დასკვნა	307
ლიტერატურა ვ. შტერნის შესახებ	310

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

*

რედაქტორი ა. ბოტორიშვილი
გამომცემლობის რედაქტორი ნ. შაისურაძე
ტექნიკური რედაქტორი ნ. ჯაფარიძე
კორექტორი რ. ფარესიშვილი

გადაეცა წარმოებას 14.6.1961; ანაწეობის ზომა $6 \times 9^{1/2}$; ხელმოწერილია
დასაბეჭდად 2.7.1962; ქალაქის ზომა $60 \times 84^{1/16}$;
ქალაქის ფურცელი 8,75; საბეჭდი ფურცელი 19,5; საავტორო
ფურცელი 15,80; სააღრიცხვო-საგამომცემლო ფურცელი 16,05;
შეკვეთა 894; უე 02907; ტირაჟი 1000
ფასი 1 მან. 21 კაპ.

საქართველოს სსრ მეცნიერებათა აკადემიის გამომცემლობის სტამბა
თბილისი, გ. ტაბიძის ქ. № 3/5